





LE

MEDECIN

CHIRVRGIEN DES PAYVRES. - 17 A

LE

MEDECIN

DES PAVVRES,

QVI ENSEIGNE LE MOYEN de guerir les Maladies par des Remedes faciles àtrouver dans le Païs, & preparer a peu de frais par toutes perfonnes.


Oeuure tres-viile aux Familles, tant des Villes que Villages, Communautez, Hospitaux; à ceux qui voyagent, & qui suitent



Chez EDME COVTER OT, rue S. Lacques
au bon Pasteur.

M. DC. LXIX.
AVEC PRIVILEGE DV ROT.

38921





A MESSIEVRS

MEDECINS.



ESSIEVRS,

C'est auec iustice que ie vous offre ce Liure du Medecin des panures, puisque c'est vn enfant qui ne peut voir le iour sans vostre main charitable, & qui ne peut viure sans estre animé de vostre esprit, de vos soins & de vostre science. En esset s'il produit en saueur des panures des remedes faciles à trouner sans coust, & à preparer sans vn grand appareil pour le secours des pauures malades, ie peux dire que ces mesmes remedes ne seroient point administrez sans quelque danger, s vous n'en prescriuiez le temps, l'ordre & l'aconomie. C'est donc, MESSIEVRS, vostre charitable conduite que ie demande auec raison en ce sujet, & que i'espere trouver, car ie ne puis me persuader que vous soyez paruenus à ce haut point d'estime où vous estes, sans cette qualité, estant certain qu'un Medecin ne se peut rendre recommandable que par une exacte science de la Medecine & une parfaite charité enuers tous les pauures, qui dans leurs maladies attendent auec impatience l'assistance de cette profession, où toutes les autres leur sont inutiles.

Et en verité, MESSIEVRS, nous de nons par divers motifs cette iustice à ces pauvres miserables, si nous considerons qu'ils ont tous les premiers essuyez nos foibles commencemens, & que par iceux nous nous sommes ouverts le chemin aux grands emplois: Car ce sont

EPISTRE'

les pauures qui ayans publié vostre suffisance & vostre charité, ont persuadé aux personnes de condition que vous faites vos visites plutost pour combattre le mal que pour faire vostre profit, & que n'ayans point d'objets que ceux que se proposent les hommes d'honneur, vous n'auez point d'autre interest que celuy de la santé, au restablissement de la quelle vous vous appliquez auectant de succés: Tellement que s'ils vous ont procure de la reputation en publiant vostre merite aussi bien que vostre science, ne deuez-vous pas continüer dans vn age plus auance de leur rendre des visites charitables, que leur indigence vous demande si legitimement?

Que si vous croyez, MESSIEVRS, ce motif trop foible & trop au dessous de vous pour vous obliger de pratiquer enuers les pauures malades cette genereuse vertu, vous en aurez un plus puissant dans cette lumiere, & cette

EPISTRE.

connoissance si particuliere, que vostre profession vous donne des parties du corps humain. Elle vous fait remarquer qu'il y a entr'elles une si grande sympathie & vnion, qu'elles se rendent cette iustice les vnes aux autres, de s'assister mutuellement dans leurs necessitez: Celle qui a beaucoup, remplit celle qui est vuide de son abondance: l'une compatit à l'autre par l'aide qu'elle luy fournit, le cœur ennoye à tous les membres necessiteux le secours de ses esprits viuifians; le cerueau ne dénie a aucun ses influences, ny le foye l'aliment necessaire pour leur soustien. Tellement que vous qui sçauez plus exactement que tous les autres, l'oconomie & l'ordre qui se tient dans le corps humain, vous auez un plus grand engagement d'affister les miserables, par le ministere que vous faites dans le corps ciuil, puis quy estant appellez pour visiter les infirmes, vous estes specialement

Medicina non

Poten.

EPISTRE.

obligez, par l'humanité d'assister les pauures qui sont destituez de tout secours.

tiæ, non
infanis
opibus,
fed humanitati
feruit.

Mais finous nous considerons comme Medecins Chrestiens, c'est à dire animez de cet esprit de feu & d'ardeur que la charité chrestienne nous inspire, & si nous sommes fideles aux riches effusions que la grace fait continüellement sur ceux de nostre profession, il n'y aura point de moyen que nous refusions, ny d'occasion que nous ne prenions pour l'assistance des pauures malades: Carie puis dire que se les autres conditions ne nous approchent pas de la visite des panures, celle-cy nous y conduit par une heureuse necessité, & s'il est meilleur d'aller aux maisons des pleurs & des douleurs, qu'à celles des ioyes & des festins, la nostre nous separe de nous-mesmes & des divertissemens pour nous representer continuellement les douleurs des pauures, afin qu'ils esprounent aues auantage

EPISTRE!

sentiant remedes. C'est pour vous dire que se te paupeses diui- vous auez l'esprit de charité, les pauures se sentiront des auantages que vous tirez de vostre profession, es prositerent de vos visits quand vous imiterez un Medecin que l'ay connu, qui reservoit toûjours une partie de ce qu'il receuoit pour leur acheter des re-

litoit la guerison de leurs maladies.

Ie dis dauantage, que cette profession vous peut encore rendre les procureurs des pauures & leurs mediateurs enuers les riches, en vous donnant autant de credit que d'entrée dans les maisons des Puissans du siecle: Car si les riches que vous visitez sont une fois persuadez de vostre charité aussi bien que de vostre science, vous serez la main de leur cœur, ie veux dire que lorsque vous leur aurez representéla necessité d'assisterles pauures de remedes, & la facilité de

medes, & par ce double moyen faci-

EPISTRE

les trouver & de les preparer, ils vous mettront entre les mains ce qui seruira par vostre conduite à bannir les maladies & la disette de tant de pauures familles.

Si donc, MESSIEVRS, Dieu demande ce seruice de nous, & sile pauvre mortali l'attend auec iustice, ouurons-nous obstringenereusement le chemin au salut & mortaà la gloire par tant de voyes que nostre hac ad profession nons ouure à la charité; pro- gloriam curons tant que nous pourrons la consolation & les remedes aux pauures malades, que nostre Medecine nous fournit auec tant de facilité; croyons que Dieu par sa Prouidence nous a Deo paus establis en chaque Prouince comme les relicus cet. qu'il a attaché nostre salut à leurs visites, & qu'il a confie leur sante à nostre profession prinatinement à tonte autre, puisque par icelle il veut que nous conservions avec soin ce qu'il a formé par sa Bonté & par sa Puis-

EPISTRE.

sance. Souuenons-nous qu'autresfois le Prince des Medecins Hypocrate. 200 9505 a dit auec autant de verité que des égi. hardiesse, qu'vn Medecin est semblas ble à Dieu par la science de Mederc cine & de Philosophie; voulant diren que Dieu faisant une effusion de ses, bontez sur les riches & sur les pauures, le Medecin à son imitation doit ses soins à l'inconnu & au miserable, autant qu'au plus accommodé, afin, Imago que par ce ministere il soit en terre Dei in terris. l'image de la Diuinité. Et en vehomo est benerite, Messievas, nous ne pounons faciens. plus heureusement faire monter nostre, science à sa source que par ce salutaire moyen, puis qu'estant originaire du Altiffi-Ciel nous la rendrons toute celeste par mus de ce diuin employ enuers les pauures macælo creauit lades qui occupent tout ce grand Hô-Medicimam:& pital du monde : Au contraire elle vir fasera toute terrestre, si nous luy donpiens mon ab. nons simplement pour objet l'interest, horrebit cam. & elle perdra tout son éclat , si nous

monsiderons que cette nature à laquelle nn nous accuse de rendre laschement ere que nous ne deuons qu'au Dieu de 'a nature. Ce n'est pas que cette cenure ne soit un effet de la foiblesse de nos ennemis, qui en découuriroient sune tres-grande en nos esprits, si nous donnions à la copie ce que nous deuons l'original, & sinous ne connoissions point la dépendance de cette nature nferieure qui est proprement une émanation de la premiere, vin écoulement le ce principe & un rayon de ce Soleil. l'auoüe, MESSIEVRS, que nous secions inexcusables, & coupables du blus grand aueuglement du monde, Farmy tant de lumieres qui nous conduisent à Dieu par tous les degrez des thoses naturelles, & nous trabyrions toutes es connoissances que nons auons du corps humain, des vegetaux, & des nineraux, si nous ne témoignions nos reconoissances à l'Auteur de la nature: Et nous serions semblables aux enfans,

EPISTRE.

qui dans la tendresse de leur age n font aucune distinction entre leur men & leur nourrice, mais estant plu auancez en connoissance, ils se trou uent redeuables du tout à leur mere, & seulement du lait à la nourrice qu'ell leur a fourny par son ordre: Ainsi nous sommes bien éclairez, & si nou auons la vraye science de Medecine nous regarderons la nature inferieur du nom de laquelle nos Escoles reten tissent, comme celle qui nous donne di last, c'est à dire les alimens & medi camens necessaires par l'ordre de la superieure, pour nostre vsage, comm celle qui est son oconome, la fidelle thresoriere de ses richesses, le tableau de ses grandeurs, l'image de sa puis sance & le charactere imprimé sur tous les objets visibles de sa beté, de sa sagesse & de son amour. Rendon donc, MESSIEVRS, rendons ce iuste hommage de nos connoissances à cetu. premiere nature, reconnoissant que ca

EPISTRE.

que nous operons par le benefice de la Medecine est un emprunt du Ciel, & demandons à Dieu le zele & la charité pour assister les pauvres malades qu'il expose continuellement à nos yeux, afin que par sa vertu nostre Medecine soit toute divine & celeste, car il y a lieu d'esperer que par cette merneilleuse qualité elle sera la mere bien-faisante des indigens, la mediarrice du salut des riches, la consolatrice domestique des affligez, le remede universel des maladies du corps & de l'ame, & le commun port de tous les miserables,

A HA HAA A AAAA

AVIS AV LECTEVR.



On cher Lecteur, il y a presque quarante ans que ie m'estonne en pratiquant la Medecine de voir que cette noble fille du Ciel, & cette illustre produ-

Ction du sein de Dieu qui fait vne si liberale effusion d'vn bien si necessaire pour le soulagement des mortels, soit si peu connuë ou fi peu communiquée, qu'il semble qu'il y ait fort peu de personnes qui demandent son secours, & qu'elle soit exilée des lieux où elle deuroit verser plus abondamment ses influences.

Pour moy quand i'en ay serieusement con-

sideré la cause, ie n'en ay trouué qu'vne, qui est que la Medecine marche auec tant de pompe & d'ornement, que les Arabes luy ont Vt paudonné des vestemens si somptueux & des modes si recherchées, qu'en cet estat elle dénum, sic daigne les visites des pauures, & quand bien mesme elle s'abbaisseroit pour les visiter, ce seroit sans les aider, puisque le secours qu'elle promet dépend de tant d'appareil, que tous ces miserables voyent les portes fermées aux boutiques de ceux qui dispensent les remedes, n'ayant pas la clef d'or pour les ouurir, de sorte que dans cette abondance le pauure trouginis. ue sa disette & le desespoir d'estre assisté dans

les plus pressantes necessitez de ses maladies.

corum est bomipaucorum est remediorum Hypocratis disciplina Juamemor ori-

Et, ie vous prie, quelle apparence y a-t'il qu'il puisse esperer de l'aide de la Pharmacie dans l'estat ou le luxe l'a mis, qui establit presque tous ses secours dans des grandes & riches confections, des magistaires de perles, des elixirs, electuaires, potions cordiales, epithemes & toutes ces nobles compositions Ab his qui ont pour fonds les pierreries, les fragmens fumpruo. pretieux & les feuilles d'or & d'argent , puil- sis perique ce pauure qui n'a presque point de pain sulis de-pour l'arrouser de ses larmes ne peut preten- tuta inodre à l'vsage de ces precieux remedes qui pis tenuie font donnez auec autant de profusion aux ri- tas, ches, qu'ils sont deniez auec mépris aux pauures & aux miserables?

Mais quoy, faisant reflexion sur tout cet. appareil, sera-t'il dit que presque tout le monde demeurera sans le secouts de la Medecine ? sera-t'il dit que toute la Campagne desolée partant de miseres, n'en receura aucune influence dans tous ses besoins? que les pauures des Villes qui font plus de deux tiers de leurs Habitans, n'oseront appeller ceux qui les doiuent aider dans leurs maladies, & que ceux mesme qui ont du bien mediocrement, seront contraints de s'en abstenir, puis qu'ils ont sujet de craindre qu'estant gueris ils ne trouuent vne nouuelle maladie quand ils feront obligez de payer d'vn si grand prix, vn appareil de tant de magnifiques remedes?

Tellement que vaincu par tant de considerations & de desolations, que la pompe & le faste de tant de drogues estrangeres laisse à beaucoup de familles, ne voulant simplement que voir le miserable come yn puis desert qui

est toûjours laissé au mesme estat qu'on le trouue; I'ay crû que pour familiariser la Me-Doma medicus decine auec les pauures, il la faut reuestir à peter, unde domi nostre mode, en bannir tout appareil estrancures. ger, & chercher dans nos guerets, nos mon-Eò tentagnes, nos valons & aux frais de nos eaux, dat mece que nous auons infques-icy emprunté par dicina ve vne opinion assez fantasque & vn luxe inoperofa. supportable, des Pays esloignez. Et en verifumpeno té, mon cher Lecteur, si nous voulons oufaque ne fot, ut eliurir les yeuxen leuant les tayes que la coustugat de me ou la fausse opinion nous a laissées, n'as oms ribus uoilerons-nous pas auec iustice que ces Plangrod a. tes qui sont comme les estoilles de nostre que panpe-ibus terre, & les Astres qui reluisent continuelle-Locupletiment sur nostre horizon sans se coucher, ont bufque beaucoup plus de fauorables aspects pour nous, prodelt. & versent bien plus de rares qualitez sur nostre climat, que celles qui n'y leuent pas? & s'il est vray de dire que celles qui nous fournissent l'aliment & qui entretiennent nostre vie par le pain & le vin, nous ele donment plus proportionné à nostre nature que ne seroit le Maniot & le suc de Palmes ou l'Acajou, qui seruent de nourriture & de boisson aux Pays estrangers : Ne peut-on pas auoir lemesme sentiment des Plantes medicinales que des nourricieres, & croire que celles qui naissent en nostre terroir sont douées de qualitez plus necessaires pour guerir nos infirmitez, que les estrangeres à qui

Deus voi la faudroit, certes, former des plaintes hominem contre la Prouidence, si elle auoit tellement rassi vo. dépourueu nos climats des choses necessaires.

nostre foiblesse'a donné la preference?

à l'homme, qu'elle eust fait produire à nostre luit, beaterre des plantes à l'vsage seul des brutes, & qu'elle eust exposé l'homme à mendier des suit masecours que nostre Pays ne nous peut donner. Et pour vous donner vn témoignage de ce que i'auance, tiré d'vne experience iournaliere, vous sçauez que la racine & les scuilles de quams -Plantes estrangeres qui sont en vsage depuis gaci cura quelque temps en France, sont le Contrayerual qui nous vient du Perou, & les feiiilles du Tay, que deux Prouinces de la Chyne fournissent à toute l'Europe : La racine de Contrayequal a de merueilleuses proprietez dans son climat, car ils disent que c'est va alexitere puissant contre tous les venins, qu'il resiste à toutes les corruptions de l'estomach, & que mesme il dissipe les charmes des philtres & toutes fortes de fortileges: Les seuilles du Tay sont si salutaires dans la region qui leur donne naissance, qu'elles oftent la necessité du sommeil durant huit ou dix iours à ceux qui en vsent, & reparent par ce moyen les esprits animaux que les veilles dissipent : Elles déchargent les reins de toutes leurs superfluitez, guerissent toutes sortes de douleurs de teste, & donnent l'effet de leurs merueilleuses qualitez à tous ceux qui les pratiquent. Mais ne m'auoilerez-vous pas que nous ne tirons point ce secours de ces Plantes en ce Pays, ou à cause du transport par lequel s'exhale la vertu, ou à cause du peu de proportion que nous auons auec ces Plantes estrangeres, qui estant esleuées & nourries dans yn climat si esloigné du nostre, nous laissent des impressions de leurs qualitez tou-

ta appoteriamomnina commaelabora

tes dissemblables? Pour moy ie crois que si nous nous estudions à rechercher les qualitez admirables de nos racines de Valeriane, de la Carline, de l'Angelique, du Souchet & autres Plantes qui naissent en nostre terroir, nous en sentirions tous autres esfets par l'assinité que le mesme climat, & le mesme aspect du Soleil nous donne: Ainsi nostre opinion & nostre foiblesse ont rendu nostre Medecine mendiante, & en luy faisant emprunter des Pays estrangers, des drogues éuentées, sophistiquées & vermouluës, luy ont fait trouver vne tres-grande disette dans son abondance.

eupiditas
einostra,
multos à
elomestico
vsia rerum necessariarum auetauit éin
ad exotita transtulits.

Aliena

C'est donc mon dessein, cher Lecteur, que ad exori- ce Medecin des pauures ouure en leur faueur le moyen de les assister, imitant en cela cet ancien Medecin Galien, qui a fait yn traité des remedes faciles à trouuer & à preparer, afin que le pauure ait dans son Pays & dans vn. territoire commun, tout ce qui peut seruir à sa guerison. Vous ne vous estonnuerez pas si ie retranche les electuaires; magisteres, compositions si pompeuses, confections si riches, puisque i'écris pour les pauures de la Campagne qui sont estoignez des lieux où elles se distribuent, ou pour ceux à qui la disette n'en permet pas l'vsage. Ce n'est pas que ie vetille condamner cet appareil de remedes que tant de sages Medecins ont si bien inuentez, & si artistement preparez, mais comme ie pretends rendre la Medecine familiere à tous, & qu'aucun ne soit exclus de son benefice, i'essoigne auec raison les remedes que le paupire ne peut auoir que difficilement, & par vn

coust qui souvent suy en oste le goust. Ce n'est pas que ie n'employe le Sené qui est vne Plante estrangere, mais elle est si necessaire qu'on le peut appeller le remede vniuersel, la base & le fondement de toute la Medecine : Et quoy que quelques-vns luy veuillent substituer le Colutea ou Baguenaudier, qui croist en nostre climat, il faut auoiser que sa qualité vomitiue qui le rend nuifible à l'estomach, nous pretiosa doit efloigner de ce sentiment : C'est pour- sepius pequoy il est presque le seul des Pays estrangers ricula coque l'employe dans ce Traité, puis qu'outre le seramur besoin que nous en auons, il est si commun & à si bon prix que le pauure sans s'incommoder Marifs'en peut seruir dans sa necessité. L'auouë que que tras Monsieur Guibert tres-fameux Medecin de Pa- ttil remeris, Autheur du Liure du Medecin Charitable, hantur, a trauaillé heureusement pour rendre la Medecine domestique, & faire connoistre qu'elle se peut faire à peu de frais, & que Monsieur Preuost tres-digne Professeur en l'Université de Padouë, a donné au public vn fort bon Traité en faueur des pauures; mais ce Medeein charitable en se seruant des compositions de la Pharmacie, n'a pas affez familiarisé la Medecine pour les pauures de la Campagnes & Monsieur Preuost en exposant les remedes familiers, nous a seulement produit ceux qui sont communs en son climat. & qui ne se rencontrent pas si facilement au nostre; c'est ce qui m'a obligé de donner ce petit Supplement.

Ie ne doute point qu'en quittant mon interest & cherchant seulement celuy des pauures, ie ne m'expose à la censure de ceux qui producent leur gain dans la preparation &

č iii

distribution des remedes : Mais i'artends cette iustice de vous que vous ne blasmerez pas mon dessein, puisque par luy ie pretends satisfaire à tout le monde. Car le Medecin qui doit cherir les pauures estant l'intendant de la Medecine, verra auecioye la iurisdiction esteduë par la facilité des remedes, & sa charité sera Satisfaite quand les miserables qui n'ont presque iusques-icy tiré aucun secours de la Medecine, receurot ses douces influences dans leurs maladies: Le Chirurgien donnera aux pauures plus librement ses remedes quand la matiere Îny coustera si peu, & si l'Aporiquaire n'est auare, il aura vne sensible consolation de voir vne si grande commodité d'assister de remedes les pauures dans leurs besoins. Le dis mesme que les riches ne mépriseront point les moyens que ie propole, puilqu'estant souuent à la Campagne, ils auront vn secours facile, que la Pharmaciene leur peut donner dans les Villes qu'auec grand appareil: Les mediocres seront heureusement dispensez des grands frais, qui souvent leur font apprehender les remedes. C'est donc vn secours vniuersel, aux riches, aux mediocres, aux Communautez, Armées, Hospitaux, Charitez, & sur tout aux pauures de la Campagne délaissez & abandonnez. Seruons-nous si bien, vous & moy, cher Lecteur, de cette Medecine corporelle, qu'elle nous soit vne addresse pour le Ciel, vn instrument de nostre salut, vn appareil pour l'eternité, & vne semence qui par sa fecondité nous donne cette felicité qui doit estre l'objet aussi bien que le terme de routes les actions de nostre vie.

Hararararararara

TABLE

DES CHAPITRES ET TITRES CONTENVS

en ce Liure.

LIVRE PREMIER.

| A Vis generaux sur les maladies & medes des Pauures, Chap. 1. fe | |
|--|------|
| Des remedes qui purgent la Bile, ch. 2. | 7 |
| Des remedes qui purgent la Pituite, ch.3. | |
| Des remedes qui purgent la Mélancho | - |
| | 15 |
| Des remedes qui purgent les serosit chap. 5. | 20 |
| Des Clysteres ou Lauemens & Suppo | |
| toires, chap. 6. | 26 |
| | 29 |
| Des Eaux minerales artificielles pour | les |
| pauures, chap. 8. | 34 |
| Premiere Eau minerale preparée auec Ta martial ou calibé | 35 |
| Seconde Eau minerale calibée. | 37 |
| Trossième Eau minerale preparée anec le sriol. | 38 |
| | A) a |

TABLE DES CHAPITRES

| Des remedes qui purgent par les sueur | s, ap |
|--|------------|
| pellez Sudorifiques, & de ceux qui | |
| gent par les vrines appellez. Diuren | |
| chap. 9. | 71.7 |
| Des Diuretiques. | 4. |
| | چ. مناب |
| Des remedes qui appaisent la douleur, | |
| Anodins, chap. 10. | 40 |
| Des remedes purgatifs chymiques por | ur le. |
| pauures, chap. 11. | 52 |
| Le vray Saffran des métaux ou Crocus | Me- |
| tallorum. | 50 |
| Le Chrystal de Tartre Emetique. | 60 |
| Syrop Emetique febrifuge. | 1 61 |
| Du Mercure, & de la preparation du Su | blime |
| doux. | 9): |
| Methode facile pour tirer l'Esprit, l'H | |
| le Sel, la Teinture, l'extrait des Rac | |
| Bois, Bayes, Semences, feuilles & fl | eurs, |
| par Art chymique chap. 12. | 65 |
| Des Racines. | . 66 |
| Du Bois, des Bayes, & de la resine de | Ge- |
| neure. | 68 |
| Preparation des Bayes. | 70 |
| L'Extrait & le Sel des Bayes de Genéure. | 78 |
| Semences. là me | |
| Preparation des Feuilles y des Plantes & | |
| Le Sel des plantes. | 72 |
| and a second sec | 74 |

ET TITRES.

76 83

22

25

96

22

101

104

105

IOG:

108

112

113

216

117

| LIV | VRE | SEC | ON | D. |
|------------------------|-----------|-----------|-----------|-----|
|) Es ma | ladies di | e la Test | e, chap. | ī. |
| L'intend De la Stup | | | on Paraly | se. |

De la Conuulsion.

85 Du Vertige & de l'Epilepsie. 87

De l'Apoplexie.

De la Lethargie.

Du Catharre.

De la douleur de teste.

Des veilles immoderées.

De la Phrenesie.

Des maladies des Yeux, des Oreilles, du

Nez & de la Bouche, chap. 2.

De l'intemperie froide & humide des Yeux,

là mesme. De l'inflammation des Yeux.

Destaches & viceres aux Yeux, & des disposi-

tions à la Catharacte. De la douleur d'Oreille.

Du tintement d'Oreille & de la surdité.

Du flux de Sang par le nez

De la douleur des Dents.. De l'inflammation des Amygdales & de l'Ef-

quinancie.

De la relaxation & inflamation de la Luette,120

LIVRE TROISIE'ME.

DEs maladies de la Poitrine, & premierement des maladies du Poulmon, chap. I. 122

TABLE DES CHAPITRES

| De l'Asthme ou Courte-haleine. | là mesme. |
|------------------------------------|--------------|
| De la Pleuresse. | 120 |
| De la Toux. | x28 |
| Des maladies du Cœur, chap. 2. | 132 |
| LIVRE QVATRIE | ME. |
| ET premierement des maladie | s de l'Esto- |
| mach & des Intestins, chap | .I. 235 |
| De la douleur d'estomach. | 136 |
| De l'inappetence ou dégouft. | #3d |
| Du Vomssjement. | 14 |
| Du vomissement de Sang. | 143 |
| Du Colera morbus. | 144 |
| De la Colique. | 845 |
| De la Colique pituiteuse. | 140 |
| De la Colique venteuse. | 847 |
| De la Colique bilieuse. | 140 |
| De la douleur Iliaque. | 1150 |
| De la constipation du Ventre. | 252 |
| De la Diarrhée on cours de Ventre. | 153 |
| De la Dysenterie. | 154 |
| Du Tenesme. | 257 |
| Des Vers. | 158 |
| De la douleur d'Hemorrhoides. | . 162 |
| Du flux de sang des Hemorrhoïdes. | 163 |
| Des maladies du Foye, chap. 2 | . 164 |
| L'intemperie chaude du-Foye. | 265 |
| Del'obstruction du Foye. | 166 |
| Dela launisse ou leteritie. | 170 |
| De la foiblesse du Foye & du flu | |
| que. | 172 |
| De l'Hydropisie. | 174 |
| De l'Alcite. | là mesme. |
| • | _ |

ET TITRES.

| | De la Tympanite. | 175 |
|---|--|--------|
| | De la Leucophlegmatie. là m | elme- |
| | Des maladies de la Ratte, chap. 3. | 181 |
| | De l'obstruction & tumeur de la Ratte. | 182 |
| | Du Schyrre de la Ratte. | 184 |
| | De la douleur de la Ratte. | 186 |
| | De la Mélancolie hypocondriaque. | 187 |
| 4 | Des maladies des Reins & de la V | este. |
| | chap. 4. là mei | |
| | De la Colique nephretique, & de la 1 | |
| | des reins. | 188 |
| | De la pierre de la Vessie. | 191 |
| | De l'inflammation des Reins & de la V | effie. |
| | 192 | - |
| | De l'olcere des Reins & de la Vessie. | 193 |
| | De la difficulté d'Vriner. | 196 |
| | De l'incontinence de l'Vrine. | 197 |
| | | |
| | LIVRE CINQVIE'ME | |
| | ETVICE CHICKIE INE | 0 |
| Ì | DEs maladies des Femmes en gen | eral, |
| | chap. I. | 200 |
| | De l'arrest & suppression des Mois. | 201 |
| | Du Flux immoderé du sang Menstrual. | 207 |
| | Des Fleurs blanches. | 210 |
| | De l'inflammation de la Matrice. | 212 |
| | De l'vicere de la Matrice. | 214 |
| | De l'hydropisie de la Matrice. | 216 |
| | Du relaschement de la Matrice. | 218 |
| | Des maladies des Femmes durant | leur |
| | | |
| , | groffesse, chap. 2. | 220 |
| 7 | grosses, chap. 2. Des maladies des Femmes , duran | |

TABLE DES CHAP. &c. apres l'accouchement, chap. 3. 228 Du Flux de sang. 232 De la suppression des Purgations. 234 là mesme. De la douleur de la Hanche. De l'inflammation des Mammelles. 235 Des maladies des lointures. 237 De la foiblesse des Nerfs. 243 LIVRE SIXIE'ME. DEs Fiéures en general, & premierement des Fievres simples, chap.1.. 245 De la fieure Ephemere. 246 De la fiéure Synoque simple. 247 De la fieure Hectique. 249 Des Fieures putrides continues, ch. 2. 252 Des Fieures symptomatiques on accidetelles 256 Du Regime de viure. 257 Des Fieures putrides intermitentes, ch. 3.265 De la Fieure tierce. 266 De la Fiéure tierce fausse. 268 De la Fieure quotidienne. 270 De la Fiéure quarte. 278 Des Fiéures malignes & pestilentielles, chap. 4. 274 De la Rougeole & petite Verole. 275 Des Fiéures pourprées. 277 Des Fieures pestilentielles. 278 Du Bubon. 280 DH Charbon. 282



LE

MEDECIN

DES

PAVVRES.

LIVRE PREMIER.

Auis generaux sur les maladies & remedes des Pauures.

CHAPITRE PREMIER.



Ovs iugerez qu'il est raifonnable de faire quelque reslexion sur les causes qui alterent sensiblement le

temperament des pauures qui sont continuellement au trauail, pour for-

A

mer vne methode de guerir qui leur soit proportionnée, puis qu'il est asseuré que le déreglement des pauures, & l'injure des causes exterieures ausquelles ils sont exposez, meritent bien quelque observation pour seruir à la

guerison de leurs maladies.

La premiere remarque est, que la plus grande partie des maladies des pauures dépend de la mauuaise pratique des choses non-naturelles, comme de la mauuaise substance & qualité des alimens, & de l'inégalité de leur vsage, qui vient de ce qu'ils les ont quelquefois en abondance, & souvent en souffrent disette: Comme aussi de ce que par leur trauail ils sont exposez aux ardeurs du Soleil l'Esté, & l'Hyuer à la rigueur du froid & des vents, dont ils ne se peuuent deffendre par les vestemens, qui ordinairement leur manquent : De telle sorte que delà naissent des cruditez & superfluitez, qui font tant d'ordure dans le bas ventre, que i'ay remarqué plusieurs sois, que presque toutes les maladies des pauures se reduisent aux indigestions d'estomach, flux de ventre, obstruDES PAVVRES. LIV. I.

Ctions du foye, de la ratte, du mesentere, & à l'hydropisie; d'où il est facile d'inferer que si le trauail continuel n'est pas capable de consumer les matieres amassées en cette partie, ils ont souvent tres-grande necessité de remedes purgatifs, qui seuls peuuent vuider cette masse d'impureté : Ce qui est contre la maxime de la plus grande partie des Chirurgiens de Campagne, qui saignent continuellement les pauures malades sans l'auis d'vn Medecin charitable, & ne le purgent pas seulement vne fois dans le cours d'vne maladie; ce qui fait sa longueur & son opiniastreté.

La seconde observation est, que lors que la saignée est necessaire à ces pauvres, elle doit tousiours estre fort mediocre; car quoy que la maladie ait son siege dans les grands vaisseaux, comme les sièvres continuës, ardentes & autres, on doit tousiours avoir cette consideration que la plenitude estant diminüée par la saignée, toutes les cruditez & obstructions susdites restantes dans les grandes veines, cederont facilement à la purgation,

Âi

LE MEDECIN

d'où vient que presque toutes les maladies des pauures ont leurs crises par le cours de ventre; ausquelles indications il faut ioindre celles qui sont tirées du trauail continüel, qui espuise le sang, la chaleur & les esprits, & des alimens peu succulens & de mauuaise qualité, qui n'ont pas celle de soustenir vn corps desia attenüé par le trauail.

La troisiéme est, qu'estant asseuré que les maladies des pauures viennent plûtost d'inanition produite par les causes susdites, que de repletion, ils ont besoin d'vn regime de viure plus large, & moins exact que celuy que la Medecine prescrit à ceux qui prennent des alimens plus nourrissans, & qui sont moins exposez à la violence & à la longueur du trauail : de sorte que par ces considerations les Medecins penuent leur accorder l'vsage du vin hors des fiévres continuës & inflammations, dans vn temps où ils le deffendroient à d'autres, puis qu'il n'y a rien qui repare si-tost la perte des esprits, & de la chaleur que l'vsage moderé de cette liqueur si necessaire aux

DES PAVVRES. LIV. I. padures, qu'on peut auec raison l'appeller leur remede vniuersel; pourueu toutesfois que le vin ne soit fumeux, qu'il soit bien trempé d'eau, & de la nature de celuy que nous appellons ai-queux, que Galien mesme a accordé à ses malades dans les siévres. Par ces indications on peut plus librement leur ordonner l'vsage des viandes & alimens solides qu'aux autres, dont le regime de viure est plus plein dans la fanté, pourueu toutesfois que le purgatif si necessaire ait épuré le ventre inferieur de ses ordures. Mais le tout doit estre consié à la prudence du Medecin charitable, qui ne refusera point son auis aux pauures quoy qu'esloi-

Puisque les remedes purgatifs sont si vriles aux pauures, nous ne pouuons mieux commencer ce Traité que par ceux qui se rencontrent en nostre Pais, & qui sont preparez facilement & sans frais: Ce que nous ferons dans ce premier Liure en general, y mélant aussi les remedes alteratifs, & mesme quelques faciles preparations chymiques, pour donner par les Li-

gnez.

A iii

ures suivans les remedes particuliers pour la guerison des maladies qui attaquent la teste, la poitrine & le ventre inferieur, & le tout d'vn style simple & intelligible pour la commodité

des pauures.

Entre les remedes purgatifs qui emportent les humeurs, les Medecins en observent de quatre sortes: Les premiers qui purgent la bile; les autres la pituite; les troissémes l'humeur mélancolique, & les derniers qui purgent la serosité: Ce n'est pas que ces remedes emportent ces humeurs pures, mais tousiours messées, & ainsi ils ont leur nom de l'humeur qu'ils tirent auec plus de force.

Entre les susdits purgatifs, les vns purgent les humeurs contenues dans la premiere region du corps, dont l'actiuité ne passe point l'estomach, les intestins, le mesentere, & toutes les parties ausquelles se distribue la veine porte; & tels remedes s'appellent lenitifs & minoratifs, qui se confondent ordinairement auec les remedes qui servent à tenir le ventre libre, pour empescher que les execrement DES PAVVRES. LIV. I.

contenus dans les intestins ou estomach ne contractent corruption. Les seconds purgatifs tirent les humeurs de la seconde region du corps, sçauoir du soye, de la ratte & des grands vaisseaux; & les troisiémes purgent les humeurs contenuës dans la troisiéme region, qui est l'habitude du corps, & sont ordinairement leurs essets auec effort, & sont turbulens & perilleux s'ils ne sont corrigez.

Des remedes qui purgent la Bile.

CHAPITRE II.

Les remedes suiuans purgent la Bile au premier degré, c'est à dire doucement.

1. Vn bouillon d'herbes rafraischisfantes dans lequel auront legerement bouilly au Printemps vingtroses passes ou enuiron, & en Automne pareille quantité de roses blanches de Damas, ou musquées. Ou bien vous ferez infuser toute la nuit les dites sleurs dans yn peu d'eau sur les cendres chaudes, & meslerez le matin l'infusion auec les dit bouillon, qui purgera benignement la Bile.

2. Le suc des mesmes roses passes ou de Damas, depuis vne once iusqu'à deux, messé auec vn verre d'eau d'horge, sert au mesme effet. Ou vous garderez l'infusion desdites roses dans vne bouteille toute pleine, versant vn peu d'huile d'oliue dessus pour mieux la conseruer, ou vous ferez le syrop de neus insussons pour vous en seruir en tout temps, prenant vne once dudit syrop: Quelques-vns vsent auec vtilité d'vne demy once de conserue de roses passes, & sur icelle prennent vn boüillon rafraischissant.

3. Deux pincées de fleurs de cerifier ou pescher, qui auront insusé la nuit dans vn peu d'eau, & messées dans vn bouillon, ou prises auec vne salade, laschent le ventre: Vous pourrez en faire secher pour en auoir l'Hyuer, en augmentant la quantité.

4. L'écorce moyenne du Frangula, qui vient dans les bois en diuers lieux, estant sechée à l'ombre, & prise en poudre depuis vne dragme iusqu'à

DES PAVVRES. LIV. I.

vne dragme & demie, ou en decoction & infusion iusqu'à deux dragmes, en la corrigeant auec vn peu d'écorce de citron, purge doucement la Bile.

5. La poudre de fleurs ou semence de violettes seche, depuis vne dragme iusqu'à deux, prise dans vn boüillon d'herbes rafraischissantes, ou premier boüillon de pois, purge le ventre.

6. Le lait clair pris le matin au Printemps, depuis vne chopine iusqu'à trois & plus, purge la Bile aux corps dessechez. Le ius de pruneaux doux, pris auant le repas, sert au mesme effet.

7. Le syrop violat recent, fait par infusion de sleurs de violette, sans oster le vert de la sleur, purge dauantage que le commun, qui est de plus belle couleur, mais de moindre effet.

Les remedes qui emportent plus fortement la Bile au second degré,

font;

1. La racine de rheubarbe qui se cultiue dans nos Iardins, appellée par les Autheurs Hyppolapathum Rotundisolium, ou Pseudorha recentiorum, qui est yne plante ayant les seüilles plus

larges que la bete; & quoy qu'elle ne foit receuë de quelques-vns pour tenir la place de la rheubarbe que les Païs estrangers nous fournissent, neantmoins l'authorité & l'experience des plus celebres Medecins nous a fait connoistre qu'elle purge la Bile en fortifiant & resserrant, si vous la donnez aux cours de ventre & dissenteries, depuis vne dragme iusqu'à deux en infufion: & en substance sechée & puluerisée iusqu'à vne dragme. Ce que i'ay remarqué par l'vsage, c'est qu'elle est vn peu moins purgatiue, & plus adstringente que la rheubarbe des Païs esloignez; Ainsi vous pourrez en augmenter la dose.

2. Deux pincées de fleurs de petite Centaurée ou fiel de terre bouillies dans deux verres de lait clair reduits à vn verre, y adjoûtant sur la fin du reguelisse pour corriger l'amertume, ou la poudre de cette plante prise au poids d'vne dragme dans le ius de pruneaux

doux.

3. La plante toute entiere de Gratiola bouillie au poids de trois dragmes, auec les feuilles d'aigremoine ou chicorée, DES PAVVRES. LIV. I. II ou la poudre de la plante dessechée au poids d'vne dragme délayée dans vn boüillon, purge la Bile.

Les remedes qui purgent l'humeur

bilieuse au troisiéme degré, sont;

La Scammonée, qui est donnée depuis six grains iusqu'à quinze, est communement preparée à la vapeur de souffre ; mais comme l'experience fait connoistre que la Scammonée par son acrimonie blesse souvent l'estomach & les intestins, & que par sa chaleur elle excite la fiévre, elle sera mieux corrigée si vous la faites boüillir auec la racine de reguelisse, qui adoucit & tempere sa qualité: Vous la donnerez ainsi preparée auec vne cueillerée de syrop de roses passes que messerez auec vn verre d'eau de chicorée, ou vous en prendrez douze grains en poudre auec demy dragme de cresme de tartre, que donnerez auec la moüelle d'vne pomme cuitte, & sur icelle vn bouillon rafraischissant; vous vous abstiendrez de la donner aux corps eschauffez & dessechez: Elle sert particulierement à tirer les serositez bilieuses des parties esloignées.

Si vous voulez faire vne medecine composée pour purger la Bile, vous ferez vne decoction auec les racines de chicorée fauuage & feüilles d'ozeille ronde, auec vne pincée de fleurs de petite Centaurée, dans laquelle vous ferez infuser vne pincée de roses passes ou de roses musquées.

Vous pourrez preparer vn autre remede qui vous purgera dauantage auec deux dragmes de la plante de Gratiola sus fus dite, que ferez bouillir auec six pru-neaux doux, prenant apres l'ebullition les pruneaux en leur ius espaissi en confistence de syrop, & ce remede est propre à ceux-mesme qui ont auersion de toutes sortes de medecines.

Des remedes qui purgent la Pituite.

CHAPITRE III.

Lau premier degré, sont;

1. Le suc des tendrons de Couleurée ou Brionia, pris depuis vne dragme ou deux, épaissi auec vn peu de miel &

DES PAVVRES. LIV. I. 13 d'écorce d'orange; ou bien les mesmes tendrons bouillis auec la racine de Souchet quand la Couleurée com-

mence à pousser.

2. Les feuilles d'Asarum ou Cabaret depuis douze iusqu'à vingt, bouillies dans vn peu de vin auec feuilles de Minthe ou Melisse, purgent la pituite; comme aussi la racine donnée en poudre depuis vne dragme iusqu'à deux, mais l'vn & l'autre excitent souuent le vomissement.

3. La substance des feüilles ou la semence du Genest d'Espagne que nous cultiuons dans nos iardins, donnée dans le vin auec vn peu de la racine de Souchet, depuis vne dragme iusqu'à deux, & en decoction ou infusion iusqu'à demy once.

Les remedes qui purgent au second

degré la pituite, sont;

1. L'Hermodate qui se donne en poudre depuis vne dragme iusqu'à vne dragme & demie auec vn peu de sucre & écorce de citron oude canelle; il tire la pituite des iointures, & sert particulierement à la goutte. Gardezvous de tomber dans l'erreur de quel-

ques Chirurgiens de campagne, qui ne craignent point d'employer au lieu d'Hermodate la racine de cette plante qui vient dans nos prez, qu'on appelle Ephemerum ou Saffran des prez, à cause qu'il a les fleurs semblables au saffran, car celuy-cy n'a du tout les

qualitez de l'Hermodate.

2. Le suc des bayes ou graines de l'arbrisseau nommé Rhamnus catharticus, autrement l'épine aux Teinturiers, dont vous prendrez deux cueillerées auec vn peu de vin d'absynthe; ou vous en ferez le syrop auec du miel en feüilles d'absynthe, dont vous prendrez depuis vne once iusqu'à deux, ou bien au lieu de feüilles d'absynthe vous adjoûterez au syrop sur la fin, de la canelle en poudre ou de l'écorce de citron seche.

Les remedes du troisséme degré qui tirent puissamment la pituite du cer-

ueau & des iointures, sont;

1. Les feuilles de l'Aureola masse, ou de celuy que les Herboristes appellent Daphnoides, dont les feuilles sont prises en décoction depuis vne dragme insqu'à deux, & en substance depuis

DES PAVVRES. LIV. I. 15 douze grains iusqu'à vnscrupul. Vous les corrigerez auec l'écorce de citron ou la racine de Souchet.

2. La Poulpe ou chair de Coloquinte qui sert particulierement aux apoplexies & affections soporeuses, & est donnée depuis dix grains iusqu'à douze auec vn peu de canelle: Elle se prend auec les pruneaux ou le pain à chanter, à cause de son amertume.

Lorsque vous voudrez faire des medecines composées, vous ferez des décoctions de feuilles de Sauge, Melisse, Fenouil, ou Thim, dans lesquelles vous employerez les purgatifs susdits selon vostre intention.

Des remedes qui purgent la Mélancholie.

CHAPITRE IV.

Es remedes qui purgent l'humeur mélancholique au premier degré, sont;

1. Le Tartre crud au poids d'vne dragme, ou la cresme du tartre qu'on 16 LE MEDECIN

fait fondre dans vn bouillon iusqu'à

deux dragmes.

2. Le Polypode de chesne purge doudement l'humeur mélancholique, si vous en faites boüillir demy once auec les boutons d'Houblon & les pommes

de reynette.

3. Le Sené est le remede le plus commode, le plus familier & le plus vniuersel qui soit au monde, & ie peux dire qu'il profite au pauures & aux riches, aux ieunes & aux vieux, les enfans ny les femmes grosses ne sont point interesses par son vsage, qui ne peut nuire à personne; il n'allume point par la chaleur les humeurs, il ne ronge pas les intestins & ne brûle point les entrailles : Il purge doucement toutes sortes d'humeurs : Il purge la mélancholie & la bile, si vous en faites infuser demy once dans deux verres de lait clair, & si vous les donnez le matin à vne heure l'vn de l'autre; ce qui peut estre reiteré aux longues maladies qui dépendent des obstructions causées par ces humeurs : Il purge aussi la pituite & la tire du cerueau, du mesentere & de l'estomach, com-

Sena totius fana
dicenda,
quia nemini vnquam
nocuit
nec nocitura eft.

DES PAVVRES. LIV. I. 17 me la bile & la mélancholie du foye & de la ratte : Il ne se donne pas seulement en infusion, mais aussi en substance; car il purge fort bien si vous en prenez vne dragme auec demy dragme de cresme de tartre auec vn peu d'écorce de citron pour en faire vne poudre d'vne prise, ou si la dragme est meslée auec vn peu de syrop pour le

donner en forme de pillules.

Que si vous voulez auoir vn remede commode & familier pour les pauures, c'est de prendre au temps des vendanges quatre pintes de vin blanc doux mesure de Paris, & auant qu'il ait bouilly le mettre dans vne bouteille auec trois onces de bon sené & deux dragmes d'écorce ou pileure de citron, pour le reseruer pour l'vsage, bouchant la bouteille apres que le vin aura boüilly: Ce remede toûjours prest lasche le ventre si vous le donnez le matin depuis vn demy verre iufqu'à vn verre, & sert, estant reiteré, à la guerison des longues maladies. Vous pourrez faire infuser les feuilles d'absynthe pour en vser en sorme de vin d'absynthe, car il sortissera en pur-

geant doucement.

Au reste quoy que ie n'employeer ce traité presque point de remedes estrangers, il faut que i'auoue que nous ne pouvons nous passer de Sené en Medecine, que l'arbrisseau que nous auons en France, appellé Sena collutea, n'a point de qualitez approchantes de cette plante, & que par vne prouidence particuliere de Dieu, vn remede sans grands frais peut estre distribué aux pauures, puisqu'ilest rendu commun aux quatre parties del'Vniners.

Les remedes qui purgent l'humeur mélancholique au troisiéme degré,

font;

1. La racine du vray Hellebore noir, que Mathiole appelle à fleur rouge, ou que Fuschius nomme Sanicle femelle. Vous le preparerez en le faisant infuser dans le vin blanc ou de fort vinaigre tiede, & en suite vous le ferez secher pour le reduire en poudre, que vous donnerez depuis quinze grains iusqu'à demy dragme en sub-stance & en insusion; ou plûtost dans vne longue décoction auec des pommes de reynette & vn peu de canelle, en passant la décoction vous le donnerez depuis vne demy dragme iusqu'à vne dragme. Ou si vous voulez encore rendre la prise de ce remede plus sacile, vous prendrez vne pomme cruë dans laquelle vous sicherez les racines d'Hellebore preparées & dessechées comme dessus, & apres auoir laissé les racines durant vn iour dans ladite pomme, vous la mangerez cruë lorsque vous aurez osté ledis hellebore.

Si vous voulez faire vne medecine composée pour purger l'humeur mélancholique, vous ferez vne décoction auec demy once de Polipode, & sommitez d'houblon, ou pommes de reynette couppées par tranches, dans laquelle vous ferez infuser trois dragmes de Sené auec écorce de citron ou anis; & si vous voulez purger fortement, vous adjoûterez douze grains d'Helle-

bore preparé.



Des remedes qui purgent les Serositez.

CHAPITRE V.

Es remedes qui purgent les Serolitez au premier degré, sont; 1. Le suc d'Iris ou Flambe à sleur vio-

1. Le suc d'Iris ou Flambe à sleur violette qui se cultiue dans nos iardins. Estant fraischement tiré, est donné auec vn peu de canelle ou d'écorce de citron au poids de deux onces, y mélant vn peu de sucre : ou bien vous le ferez épaissir auec vn peu de miel & en donnerez vne once: La racine de la mesme plante boüillie dans l'eau, prise le matin purge aussi les serositez: quelquesvns y mélent vn peu de vin blanc.

2. La racine de la plante que nous cultiuons dans nos iardins, appellée ordinairement la merueille du Perou, oumirabilis Peruuiana, prise au poids d'vne dragme en substance, ou de deux dragmes en infusion ou décoction dans le vin blanc, tire doucement les se-

rositez.

^{1.} Les remedes du second degré qui

DES PAVVRES. LIV. I. 21 purgent plus fortement les serositez,

font;

I. L'écorce de la racine d'Esula, par laquelle nous entendons tous les Tithimales, qui ont tous la proprieté de purger les serositez; vous preparerez cette écorce en la faisant insuser durant vn iour dans le vinaigre, & la donnerez ainsi preparée en substance depuis huit grains iusqu'à quinze auec le vin d'absynthe, & en insuson depuis vn scrupul iusqu'à vne dragme: Le lait de cette plante m'est suspect pour l'v-fage, quoy qu'il soit employé à la Campagne, car i'y ay obserué vne accrimonie tres-nuisible.

2. L'écorce moyenne du Sureau, & celle d'Hyeble ont pareille vertu pour purger les eaux, si vous les faites infuser dans vn verre de vin blanc, depuis vne dragme iusqu'à deux auec vn peu de canelle: La racine a la mesme force donnée en mesme quantité: Les tendrons d'Hyeble au nombre de six, boüillis auec le vin blanc & la racine de Souchet & mangez, peuuent aussi beaucoup pour tirer les eaux: Le suc exprimé du fruit de l'vn & de l'autre,

B iij

donné depuis demy once iusqu'à six dragmes auec du vin d'absynthe, ou épaissi auec du miel & vn peu de canelle en poudre: La semence sechée & puluerisée donnée auec le vin blanc au poids d'vne dragme produit les mesmes effets.

3. Le syrop de Nerprun ou Rhamnus catharticus est vn bon remede pour purger les eaux, si vous le donnez depuis vne once iusqu'à deux dans du vin blanc. Il se prepare auec égales parties du suc du fruit de Nerprun & d'Hyeble auec du miel, adjoûtant sur vne liure de syrop deux dragmes de la poudre de la racine de Souchet ou de canelle.

4. La racine de Couleurée ou Brionia estant creusée & mise à la caue, vous fournit vne eau, de laquelle vous prendrez deux onces que ferez épaissir auec vn peu de miel: Ou prenez deux onces du suc de la mesme racine que vous coulerez & l'éuaporerez en consistance d'extraict: Ce remede vaut mieux que ce que nous appellons les fecules de Brionia.

Les remedes qui purgent les serosi-

DES PAVVRES. LIV. I. 23 tez puissamment au troisième degré, sont:

1. La racine de Concombre sauuage. qui estant dessechée est prise en substance depuis vingt grains iusqu'à demy dragme, en infusion depuis vne dragme iusqu'à vne dragme & demie, & en décoction iusqu'à trois dragmes, la corrigeant auec vn peu de canelle ou d'écorce de citron en poudre, vous la donnerez auec le vin blanc ou le vin d'absynthe. Mais le suc du fruit du concombre sauuage est plus en vsage dans la Medecine: Ce suc est épaissi & est donné comme vn des plus forts remedes pour tirer les eaux du ventre, & de l'habitude du corps depuis quatre grains iusqu'à dix en forme de pillules dans vn pruneau cuit, & à cause qu'il peut ouurir l'orifice des veines, vous le corrigerez auec vn peu de poudre de roses rouges.

2. Le grain ou la semence de Purge, dite Cataputia, depuis huit grains iusqu'à dix, est fort en vsage à la Campagne, comme aussi la semence de Palma Christi, dit Ricinus Americanus, autrement pignon d'Inde, & mesme la

24 LE MEDECIN'

semence de Palma Christi commun qui est cultiué dans nos iardins; mais toutes ces sortes de remedes ne doiuent estre mis en pratique; car l'experience fait connoistre que la semence de Palma Christi, laisse vn feu à la gorge en pasfant, & ouure les orifices des veines; & la semence de Purge est si nuisible à l'estomach, qu'on en éprouue de mauuais effets. Tellement que vous voyez que ce n'est pas assez pour les pauures que le remede se trouue facilement & sans coust, mais il faut encore qu'il soit donné par le Medecin seurement, & sans qu'il puisse interresser aucune partie, en produisant son effet.

Si vous voulez auoir vn remede composé, qui purge les serositez & guerisse les hydropisses, seruez-vous du syropmagistral suiuant, dont vous donnerez trois onces à chaque prise deux ou trois sois la semaine auec vn verre de vin blanc ou vne décoction de racines de Chien-dent, dans laquelle par sois vous ferez insuser deux dragmes de sené.

Prenez vne once de racines de flam-

be à fleur violette, demy once de moyenne écorce de fureau, & vne once de tendrons d'Hyeble, que ferez boüillir dans trois demy-septiers d'eau, iusqu'à ce que la decoction reuienne à vne chopine; & apres l'auoir passée, vous ferez écumer & boüillir vne liure de miel, adjoûtant sur la fin deux onces de suc de flambe, & deux dragmes de canelle ou de racines de Souchet en poudre pour faire vn syrop magistral, qui sera reserué pour l'vsage.

Vous pourrez au temps de vendanges faire vn rapé propre à guerir toutes les maladies des pauures qui viennent de serositez, remplissant vn petit vaisseau à demy de fruit ou bayes de Nerprun & d'Hyeble, égales parties, puis versant du vin blac nouueau, auant qu'il ait boüilly pour acheuer de le remplir, vous le boucherez en suitte, & en vserez vn verre à chaque fois, selon que le Medecin ordonnera, qui ne manquera pas de charité pour vous prescrire ce qui vous sera conuenable.

Des Clysteres ou Lauemens & Suppositoires.

CHAPITRE VI.

Lauons décrits, ne sont pas les seuls qui purgent par le ventre; car les Clysteres aident leur operation, preparent le ventre à les receuoir, & seruent particulierement à rafraischir, en éuacuant les gros excremens, dont la retenuë cause beaucoup d'incommoditez, puisque selon le sentiment d'Hypocrate, le ventre paresseux laisse vne consusion & vn desordre dans l'œconomie naturelle, & trouble mesime les autres sonctions, faisant sedition dans toutes les parties.

S'il faut simplement rafraischir dans les grandes intemperies chaudes, vous vous seruirez de Lauement fait d'vne chopine d'oxicrat, c'est à dire d'vne chopine d'eau dans laquelle vous mé-

lerez six cueillerées de vinaigre.

S'il faut lascher le ventre en rafrais-

chissant, vous ferez decoction de feüilles de mauues, violiers & mercuriale, auec le lait clair, y messant deux onces de miel commun, ou d'huile de lin. S'il y a grande constipation, vous prendrez la decoction sussition, etc. messerz, si c'est en Esté, six cueillerées de suc de mercuriale, & si c'est en Hyuer, vous ferez boüillir demy once de bon sené.

Dans les Coliques venteuses & pituiteuses, vous donnerez vn Lauement d'vne decoction de feuilles de sauge, absynthe, fenouil & sleur de camomille, y messant six onces de vin emetique, particulierement si la douleur est opiniastre:

Apres les Lauemens purgatifs, si la douleur de Colique continue, vous ferez vne decoction d'vne pinte de vin clairet auec les feuilles & sleurs susdites reduite à vne chopine, y messant quatre onces d'huile de camomille, ou au lieu d'elle quatre onces d'huile de noix seuse.

Aux Coliques nephritiques, les Lauemens seront d'vne decoction de feuilles de parietaire, seneçon, vio-

Cij

liers & fenouil, y messant deux onces de suc de mercuriale, ou six dragmes de therebentine délayée auec vn iaune d'œuf.

Au commencement du cours de ventre, vous donnerez vn Lauement detersif fait d'vne decoction d'orge, de son, & sleurs de camomille, delayant deux onces de miel écumé. Que si vous voulez que le Lauement soit adstringent, lors que le cours de ventre continuë, vous ferez vne decoction de feuilles de plantain, bouillon blanc & sleurs de roses rouges auec eau ferrée, y délayant le miel écumé auec deux iaunes d'œus.

Durant la dissenterie, pour appaiser la douleur, vous preparerez vn Lauement auec vne chopine de lait, auec lequel vous ferez bouillir deux ou trois pincées de semence de lin, y délayant deux iaunes d'œuf.

Les Suppositoires se font auec vne ence de miel que vous aurez sait épaisfir par la cuisson, auquel, estant refroidy, vous adjoûterez vn peu de sel. Vous pourrez aussi vous seruir à mesme intention de l'écume du sucre épaisDES PAVVRES. LIV. I. 29 sie par la cuisson: Que si cela n'est sufsisant pour lascher le ventre, vous y adjoûterez vingt-quatre grains de poudre de coloquinte. Aux enfans le sauon ou vne coste de poirée ointe de beurre, peut seruir.

Des Vomitoires.

CHAPITRE VII.

L'Humeur qui n'a pas cedé au remede purgatif, est souuent emportée par le vomitoire, qui aidé de
l'inclination de la nature, de la qualité
de l'humeur, & de la saison, fait vne
prompte, seure & facile éuacuation:
Car il est asseuré que l'humeur bilieuse
s'éuacue plus facilement par le vomisfement que les autres; que l'Esté entre
toutes les saisons y est plus propre, &
que ceux qui sont sujets aux maladies
de poitrine vomissent auec plus de difficulté & de peril que les autres.

Nous remarquons trois degrez aux vomitoires, comme aux purgatifs cy-

dessus.

Les vomitoires qui éuacuent douce-

ment & au premier degré, sont,

1. Vne chopine d'eau que vous ferez bouillir auec quatre refforts ou raues concaissées, & reduites à demy-septier, y messant trois ou quatre cueillerées d'huile d'oliue que donnerez tiede apres le repas. Deux onces de ius de reffort meslez auec vn verre d'eau d'orge tiede, ont le mesme effet:

2. Vn demy septier d'Oxicrattiede ou d'eau, sur laquelle vous messerez deux ou trois cueillerées de vinaigre.

Vn grand verre d'Hydromel fimple que vous preparerez auec deux pintes d'eau & quatre onces de miel, que ferez bouillir en écumant, iusqu'à ce qu'il n'écume plus.

Deux onces d'Ozymel que donnerez auec yn verre d'eau tiede. Vous preparerez l'ozymel, en faisant cuire deux liures de miel que vous écumerez, adjoûtant peu à peu vne liure de vinaigre blanc iusqu'à vne consistance liquide.

3. Les fleurs de Genest d'Espagne que nous cultiuons dans nos lardins, qui auront infusé dans vn verre d'eau au poids de deux dragmes. Les branches de la mesme plante qui auront bouilly au poids de demy once, en donnant la decoction dans vn bouillon gras, excitent le vomissement.

Les remedes qui excitent le vomis-

fement au second degré, sont,

1. Vne demie once de racine de Cabaret ou Asarum bouillie auec vne chopine d'eau d'orge, & reduite à demyseptier: Ou la decoction de douze feuilles de la mesme plante auec la mesme eau, ou le suc des mesmes seuilles auec vn verre de vin blanc tiede.

2. La racine de Gratiola ou de Cyclamen donnée en substance au poids de demy dragme dans vn bouillon gras, ou en insussion dans du vin blanc ou hydromel au poids d'vne dragme.

3. La poudre de la racine de concombre domestique ou de melon, donnée en substance dans vne liqueur conue-

nable iusqu'à vne dragme.

4. L'écorce de la racine de sureau on d'hyeble prise en substance au poids d'vne dragme dans vn bouillon gras, où vous aurez fait bouillir vn peu d'écorce de citron. Le suc des mesmes racines donné dans vne liqueur conuena-

C iiij

ble depuis deux dragmes iulqu'à trois! Les fleurs d'Hyeble & deGenest com-

mun ont la mesme proprieté.

naudier que nous cultiuons dans nos jardins, donnée en substance iusqu'à deux dragmes dans vne suffisance quantité d'Hydromel.

Les remedes qui excitent le vomis-

sement au troisième degré, sont,

1. Trois onces de vinaigre distilé auec la miette de pain de seigle, purgent puissamment par le vomissement; & ce remede est employé vtilement pour guerir les siévres intermittentes opiniastres, quand il est donné au commencement de l'accés.

2. Le Vitriol blanc donné dans vn bouillon gras, depuis vne demy dragme iusqu'à vne dragme, excite fortement le vomissement, & ne nuit point à l'estomach, si vous le corrigez auec vn peu d'écorce de citron.

3. Le suc du fruit de Concombre sauuage que vous aurez tiré en picquant le fruit, donné dans du vin blanc depuis quatre grains iusqu'à huit auec

vn peu d'écorce de citron.

DES PAVVRES. LIV. I.

4. La racine d'Hellebore blanc qui aura infusé durant vniour dans vn peu de vinaigre rosat, estant dessechée & mise au poids de douze grains dans vne pomme de Coin, excite le vomissement si vous pressez le Coin, & si vous en mettez le suc dans vn boüillon ou vn verre de vin clairet.

s. La plante de Nicotiane, autrement Petun ou Tabac, qui est maintenant cultiuée dans nos iardins, est vn puissant vomitoire, si vous en faites bouillir huit ou dix feuilles auec l'eau que vous donnerez quand elles y auront infusé apres l'ebullition. Le suc desdites feüilles donné depuis vne dragme iusqu'à deux dans vn boüillon ou vin blanc, produit le mesme effet: Ce n'est pas que cet effet ne soit different selon la diuersité des sujets; car le Tabac purge les vns par le vomissement, & les autres par les selles; Il fait dormir & veiller ; il excite aux vns l'eterniiement, & fait cracher les autres; il enyure & desenyure; tellemét que c'est vn Prothée en medecine, mais vn remede presque vniuersel, puisque de cette plante vous tirez vn esprit acide contre les maladies d'asseme & d'obstruction, vn huile contre les playes, vn sel contre les viceres opiniastres, qui est encores vn puissant, dissoluant contre toutes les humeurs rebelles aux autres remedes.

Des Eaux minerales artificielles pour les pauures.

CHAPITRE VIII.

Es Eaux minerales naturelles sont des thresors que Dieu ouure liberalement en faueur des hommes, puisqu'estant chargées des riches dépoüilles, & des merueilleuses qualitez des mineraux, elles semblent nous donner vne santéliquide, & seules nous fournir toutes sortes de remedes sans coust & sans frais pour la guerison de nos maladies. Mais ce thresor commun à tout le monde est souuent fermé aux pauures, qui en estant essoignez n'ont dequoy satisfaire aux frais d'vn long voyage; ou estant sur les lieux, n'ont moyen de soustenir leur vie sans tra-

DES PAVVRES. LIV. I. 35
uail, ou manquent de retraites pour
vser de ces precieux remedes: En quoy
les Grands du siecle trauailleroient
pour le Ciel en terre, si proche de ces
sources, ils bastissoient des Hospitaux
pour la commodité des pauures malades, qui demeurent vuides dans cette

plenitude, & indigens au temps mefme où ils deuroient receuoir vn se-

cours si fauorable.

C'est ce motif qui m'a obligé de communiquer en faueur des pauures certaines Eaux minerales artisicielles que l'experience m'a fait connoistre, estre tres-salutaires à la guerison des maladies, particulierement de celles qui sont longues & rebelles, dont les pauures se pourront vtilement seruir, sans qu'elles empeschent leur trauail, & sans que le coust ny la difficulté de les preparer, leur en puisse dissuader l'vsage.

Premiere Eau minerale preparée auec Tartre martial on calibé.

Pour préparer le Tartre martial ou calibé, prenez vne demy liure de Tar-

tre bien épuré, & le messez auec vne once de limaille d'aiguille: faites boüillir dans vn pot de terre vernissé quatre liures d'eau de pluye, versez-y doucement le messange du tartre & de l'acier, faites-les boüillir ensemble autant de temps qu'il en faut pour faire cuire vn œus molet; coulez aussi-tost au trauers du blanchet, agitez la liqueur iusqu'à ce qu'elle soit restroidie, & vous aurez vne poudre, qui estant seche, sera verdastre & estincelante, dont vous pourrez vser dans les obstructions depuis vn scrupule iusqu'à vne dragme.

Prenez vne once & demie de Tartre martial cy-dessus bien puluerisé, faites boüillir vingt pintes d'eau de riviere dans vne chaudiere, & quand l'eau boult, iettez la poudre peu à peu, laissez boüillir le tout vne heure durant, & estant restroidie, vous verserez par inclination ladite eau dans vn autre

vaisseau pour l'vsage.

Cette Eau leue les obstructions de toutes les parties du ventre inferieur, & particulierement du foye & de la ratte, en temperant l'intemperie chauDES PAVVRES. LIV. I. 37 de desdites parties. Vous en prendrez durant vingt iours quatre verres chaque matin à ieun, trois heures auant le disner, vous faisant purger au commencement, au milieu, & à la fin desdites eaux.

Seconde Eau minerale calibée.

Prenez deux onces de Tartre de Montpellier puluerisé, & vne dragme de limaille d'acier ou de fer tout pur, & non preparé, faites boüillir vingt pintes d'eau dans vne grade chaudiere, & quand l'eau boult mettez-yla poudre peu à peu, puis laissez bouillir le tout vne heure & l'osterez du feu, & quand l'eau sera froide, vous la verserez doucement par inclination dans d'autres vaisseaux, ou la mettrez dans des bouteilles de verre pour la conseruer.

Cette Eau est fort aperitiue, desopile les parties du ventre inferieur, preuient les hydropisses, qui naissent des obstructions & de la chaleur des entrailles. Vous vous en seruirez comme de la precedente.

Troisième Eau minerale préparée auec le Vitriol.

Prenez six pintes mesure de Paris d'eau de fontaine, de pluye ou de riuiere, dont vous remplirez vn vaisseau de grais ou de terre, mettez-y demy once de Couperose ou Vitriol Romain du plus verd & clair sans le piler, & si le vaisseau est plus grand, à proportion, puis vous le boucherez afin que l'air n'y entre, & le mettrez sur vn ais esleué ou sur vne table, & laisserez ainsi infuser, sans le remuer, deux fois vingt-quatre heures. Apres ledit temps vous tirerez le tiers, ou au plus la moitié de ladite eau, doucement, tant qu'elle se tirera claire, & pour ce vous la tirerez auec vne tasse ou cueilliere sans remuer, crainte de messer le fond; & quand vous aurez encores laissé rasseoir ladite eau durant vingt-quatre heures, vous tirerez le second tiers de ladite eau, & puis laisserez les fondrilles, c'est à dire l'autre tiers de l'eau qui est au fond, qui ne se boit point, mais est reserué à d'autres vsages. Vous

mettrez les deux premiers tiers de cette eau dans des bouteilles de verre,

plûtost que de terre, asin qu'elle ne s'éuapore point, & pour ce on pourra se seruir d'vn entonnoir, & mettre sur la bouche d'iceluy vn linge blanc pour passer & faire couler ladite eau plus claire & nette dans ces bouteilles.

Vous commencerez l'vsage de cette eau apres auoir esté purgé, & en prendrez chaque matin deux ou trois verres quinze iours ou trois semaines, & en pourrez continüer l'vsage iusqu'à deux ou trois mois durant les maladies lon-

gues & habituelles.

Cette eau guerit les chaleurs de foye & de reins, la grauelle & douleurs de teste causées par les vapeurs que la chaleur éleue du ventre inferieur; elle est vtile à la guerison de l'hydropisse, dépendante de la mesme intemperie & de toutes les maladies qui ont leur source de la chaleur ou de l'obstruction des visceres. On s'en sert heureusement dans les siéures intermittentes, mais iene peux taire ce que i'ay conceu par experience, que cette eau guerit merueilleusement les siéures

40 LE MEDECIN

quartes, si vous en donnez deux vers res dans le commencement du frisson; ce que vous pourrez reïterer en d'autres accés, & si vous trouuant à la Campagne vous n'auez cette eau preparée, vous prendrez douze grains de Vitriol Romain, que vous ferez insufer durant douze heures dans deux verres d'eau que vous prendrez.

l'ay à vous auertit que vous pourrez rendre cette eau plus ou moins forte, selon les necessitez das lesquelles les pauures consulteront le Medecin charitable, & c'est vn auantage qu'ils trouueront dans ces eaux artificielles, par dessus les minerales naturelles, que vous ne pouuez faire plus fortes qu'elles sont dans leurs sources, qui d'ailleurs sont souvent mélangées de qualitez veneneuses d'Arsenic, qui causent de tres mauuais effets.

Mais pour ce qui est des fondrilles ou le dernier tiers qui se trouue au fond de cette eau; Vous en tirerez vn grand effet, si vous la mettez chausser dans vne écüelle d'étain ou de terre, y faisant tremper des compresses pour les appliquer sur les playes, viceres, erysipeles, DES PAVVRES. LIV. I. 41 erysipeles, dartres, brûlûres, gales, & autres infections de la peau. Vous pourrez aussi vous en seruir pour appliquer sur les parties enslammées, & ce qui est de grande épargne pour les pauures, c'est que cette eau seule est tres-propre pour leur faire des lauemens.

Des remedes qui purgent par les süeurs appellez. Sudorifiques. & de ceux qui purgent par les vrines appellez. Diuretiques.

CHAPITRE IX.

Es remedes Sudorifiques sont ceux qui par la tenuité & subtilité de leur substance, penetrent dans l'habitude du corps & ouurant les pores conduisent à la peau les humeurs qu'ils ont subtilisées & reduites en sueurs.

Les propres sudorifiques sont les racines d'Ache, d'Angelique, de Bardana ou l'Aspa major, le bois de Genéure & de Laurier, le bois de Buys

I

42 LE MEDECIN

qui ne cede point à celuy de Guajac pour exciter les sueurs, & guerit la maladie venerienne par les sueurs, quoy que celuy-cy nous soit apporté du Païs où cette maladie a pris naissance: Les feüilles de Cerseüil, de Chardon benist & de Scabieuse excitent aussi les sueurs.

Les sels tirez des plantes susdites, produisent cet effet plus puissamment, particulierement les sels d'Absynthe & de Fresne, si vous les donnez depuis dix grains iusqu'à vingt auec le vin blanc. L'Antimoine diaphoretique passe aussi l'experience vous fera connoistre qu'il n'y en a point qui soit plus effectif que l'esprit acide de Genéure, dont vous auez la preparation dans le petit traité Chymique suivant.

I'ay aussi obserué que le bois de Genéure seul est vn merueilleux sudorifique, & i'ay conceu par experience qu'il contient vn certain baûme fortifiant, qui passe celuy qu'on attribue à la racine de Squine estrangere, car il laisse vne certaine vigueur aux parties nerueuses. Vous prendrez depuis

DES PAVVRES. LIV. I. 43
deux iusqu'à trois onces dudit bois de

Genéure, que vous ferez bouillir dans trois chopines d'eau & reduire à vne pinte, adjoûtant sur la sin demy-septier de vin blanc quand il n'y a point de siéure, vous prendrez de cette decoction six onces à chaque sois. Vous pourrez aussi heureusement vous seruir

de la fuiuante.

Prenez bois de Buys & de Laurier, coupez par tranches de chacun vne once, faites infuser le tout dans trois chopines d'eau durant vn iour, & bouillir iusqu'à ce qu'il reuienne à vne pinte, adjoûtant sur la fin des feuilles de Cerfeüil & vn peu d'écorce de citron, pour en prendre chaque fois vn grand verre de six à huit onces, couurant le corps plus que d'ordinaire, & faisant appliquer des bouteilles pleines d'eau chaude aux pieds & aux aifselles pour exciter la sueur. Que s'il n'y a point d'intemperie chaude considerable, vous pourrez adjoûter à la decoction susdite deux verres de vin blanc.

L'esprit acide tiré par Art chymique du bois de Buys, qui est le Guajac de noître France, chasse au si bien que ce bois estranger toutes les humeurs putrides par la voye des sueurs ou de l'insensible transpiration. Autant en fait l'huile du mesme Buys si elle est rectissée, & outre ce elle resiste à la corruption des parties, dont la dose est depuis deux gouttes iusqu'à six dans vn verre d'eau de decoction de racines de Fougere semelle, ou de vin blanc.

Quelques-vns excitent les sueurs auec succés par l'eau de vie rectifiée, qu'ils mettent dans deux petits vaisseaux de terre, & l'allument en receuant la vapeur dans la cage Angloise, & cette vapeur donne vne sueur si subite & si copieuse, qu'elle produit des effets merueilleux pour la guerison des paralisses & maladies froides, qui ont leur siege dans l'habitude du corps.

Les pauures se peuvent encore commodement procurer les sueurs dans les paralysies & foiblesses de nerfs, si les malades se mettent dans le marc des raisins qui ont passé par le pressoir, particulierement au temps des vendanges ou peu de temps apres: & en tout temps, si dans vn bacquet ou vm DES PAVVRES. LIV. I. 45 poinçon ils reçoiuent la vapeur d'vne decoction de racines & feüilles d'hyeble, de fauge & absynthe faite auec vin blanc, y adjoûtant sur la fin vn peu de vinaigre.

Des Diuretiques.

Les Sudorifiques ont vn grand rapport auec les Diuretiques, car les Sudorifiques excitent l'vrine si les reins sont échausfez & la peau condensée, & prouoquent les sueurs si les reins sont froids & la peau raresiée. Neantmoins nous distinguerons icy les vns des autres, & reconnoistrons qu'il y a de deux sortes de Diuretiques. Les vns propres, qui sont chauds & secs au troisième degré, qui penetrent iusqu'aux veines & separent le sang sereux du grossier pour le conduire par les voyes de l'vrine; comme sont, les racines de fenouil, perfil, arrestebeuf & asperges, les feüilles de sarriette & de serpolet, les semences de Cumin, Gremil ou Milium Solis & d'Ache.

Les Diuretiques impropres n'ont

46 LE MEDECIN

pas tant de chaleur ny de qualité si penetrante, & sont propres à leuer les obstructions, mesme dans les sieures comme les racines de Fraisser & d'Ozeille, les seülles de Parietaire & de Capillaires, les semences de Courges, Citroüilles & Melon, le Crystal mineral, des quels remedes on peut faire des decoctions conuenables.

Des remedes qui appaisent la donleur, dits Anodins.

CHAPITRE X.

TE ne trouue point la Medecine plus necessaire ou officieuse enuers les pauures, que lorsque par le benefice de ses remedes, elle appaise leurs douleurs dans leurs violences: Car comme ils sont ordinairement délaissez de tout le monde, & que leurs plaintes sont raremét écoutées; toute assistance seroit inutile si le Medecin n'ouuroit les thresors de la science de la Medecine, pour fournir vn secours qu'on ne peut trouuer que dans cette source

charitable: C'est pourquoy Hyppocrate appelloit auec raison les remedes qui appaisent la douleur, diuins, puisque c'est une chose diuine d'abattre cet ennemy de la nature, & de dompter ce tyran de la vie, qui consumant l'humide radical & la chaleur naturelle, en détruit la racine & le sondement.

Ie n'entends point icy parler des Anodins qui ostent la cause de la douleur, comme la saignée & la purgation, mais de trois sortes de remedes qui tendent à cette sin, sçauoir ceux que nous appellons proprement Anodins, ceux que nous nommons Somniferes ou Hypnotiques, & les Stupesactifs ou

Narcotiques.

Les remedes Anodins & du premier ordre, sont ceux qui par vne douce chaleur semblable à la naturelle, vne humidité temperée & vne substance subtile s'insinüans dans la partie, la relaschent, y fomentent la chaleur naturelle, & par ce moyen appaisent la douleur: & ces sortes de remedes Anodins s'appliquent exterieurement sur les parties trauaillées de douleurs, comme sont, l'oignon de lys, la racine de gui-

mauues, les seuilles de mauues, violiers & sureau, les semences de linbouillies dans du lait, le iaune d'œuf, les poulmons des animaux appliquez chauds, les mucilages de semence de lin & psillium, comme aussi l'huile de fleurs de Bouillon blanc ou Verbascum.

Les remedes du second degréappellez somniferes qui excitent doucement le sommeil en temperant l'acrimonie des vapeurs, sont les feuilles de Laituë & de soubarde, les fleurs de Violette & Nenuphar, dont on fait decoction pour prendre à l'heure du sommeil.

Les Narcotiques ou stupesactifs; font ceux qui appaisent les douleurs en excitant le sommeil, & ostant le vis sentiment de la partie, entre lesquels nous mettons la racine & les seüilles de Iusquiame, la racine de Mandragore, les seüilles de Pauot blanc & de Solanum Somniserum, les sleurs aussi de Iusquiame & les sleurs de Pauot blanc, desquels on prépare le syrop qu'on appelle Diacodium, qui se donne iusqu'à vne once auec la décoction de feuilles de Laitue & sleurs de Nenuphar ou blanc d'eau, pour exciter le sommeil.

Mais

DES PAVVRES. LIV. I. 49

Mais entre les remedes Narcotiques, ien'en trouue point de plus propre ny de moindres frais pour les pauures que l'opium, qui estant preparé, est appellé Laudanum, duquel i'ay éprouué de merueilleux essets; Il excite doucement le sommeil, il convient à la toux seche, il arreste le crachement, & tout flux immoderé de sang; comme aussi toutes les grandes euacuations, la diarrhée, la dissenterie; & il est si puissant, qu'il semble enchanter la plus vehemente douleur, qui n'a pas accoustumé de ceder à d'autres remedes.

Prenez vne once d'Opium bien conditionné, que vous ferez dessecher sur vne passe chaude, ou dans vn plat de fer blanc sur le rechaut, iusqu'à ce qu'il ne sume plus, vous le mettrez en suite dans vn plat de fer blanc, ou d'estain, auec bon vinaigre rosat qui surnage la matiere de deux doigts; vous le ferez digerer à petit seu, & sur la sin de la digession, vous adjoûterez vne dragme de poudre de la racine d'Angelique ou de Souchet, & en ferez de petits boutons de deux ou trois ou quatre grains chacun; car ce remede se donne en certe dose à l'heure du sommeil auec vne cerise confite, vn pruneau cuit, ou vn peu de conserue de roses liquides.

Cette preparation de Laudanum si facile est tres-auantageuse pour l'v-sage; car par icelle vous chassez le souffre exterieur & impur de l'Opium, qui est celuy qui fait tous les desordres qu'on peut apprehender; & outre ce, vous corrigez & vous fixez le sel volatil du mesme opium, par le moyen de l'acide du vinaigre, & encores vous moderez son amertume en ostant sa puanteur, & cette facilité qu'il a à s'enssammer.

Mais comme nostre Opium ou Meconium n'a pas tousiours les marques de bonté qu'vn Artiste peut souhaiter, il faut vn Opium ou Laudanum tiré d'vne plante domestique, que nous cultiuons dans nos iardins en faueur des pauures, qui ne cedera point aux estrangers, & dont l'vsage sera plus asseuré & plus proportionné à nostre temperament, puisqu'il ne contient point ce soussire abominable, & qu'il DES PAVVRES. LIV. I.

SE

ne sera aucunement faissié.

Prenezcinquante testes ou enuiron de pauot à la fin du mois de May, au temps que les pauots à fleur rouge & diuersifiée ont accoustumé d'ouurir leurs fleurs, pilez-les dans vn mortier de marbre auec vn pilon de bois, & mettez-les dans yn matras auec de bon vin blanc, qui surnage de deux doigts, vous le ferez infuser & digerer durant quinze iours au bain marie, ou sur les cendres chaudes, iusqu'à ce que cette liqueur soit rouge; vous tirerez apres cette substance du matras pour l'enfermer dans vn sachet de linge & l'exprimer, la mettant au bain vaporeux dans vn alembic où vous trouuerez vne substance resineuse, qui est vn Opium merueilleux dont vous vous seruirez en asseurance, depuis deux grains iusqu'à cinq ou six, y procedant par degrez.

Vous vous en seruirez aussi exterieurement pour appaiser les douleurs.

Des remedes purgatifs chymiques pour les pauures.

CHAPITRE XI.

IE ne peux estre du sentiment de ceux, qui par vne trop forte passion sont si ennemis de la chymie & de sa pratique, qu'ils condamnent toutes les productions de cet Art; n'y estimer ceux qui en sont si idolâtres, qu'ils blasment tous les remedes des Medecins Galenistes, & croyent inutile ou superflu tout ce que cette belle science de la Medecine, auec sa Pharmacie, peut fournir pour le secours des hommes dans leurs maladies : comme si elle deuoit estre toute minerale ou metallique. Pour moy ie ne peux condamner la Chymie ny ses productions, puisque l'experience fait connoistre qu'il y a quelque chose à desirer au delà du plus ou du moins des qualitez de froideur & de chaleur, qui commencent & terminent toutes les considerations des Medecins Galenistes; qu'il

ya de la instice de rechercher les vertus des mixtes, qui sont au dessus de ces qualitez, & de cultiuer la science, qui separant l'impur du pur , l'écorce de la moüelle, le terrestre du celeste, tire cette merueilleuse vertu seminale des choses, qui est le principe aussi bien que le siège de leur activité. En effet la Chymie est la veritable cles pour ouurir les corps naturels, afin d'en découurir les qualitez cachées, & les appliquer aux vsages ausquels la prouidence Diuine les a destinées : Elle ne se contente pas de la superficie des choses, mais elle les ouure pour penetrer iusqu'à leur centre, & nous met en possession d'vn esprit interne, enfermé comme inuisible dans le corps visible du sel volatil sulphuré, qui est pro-prement la vie & l'ame par laquelle il Subliste.

Mais en faisant l'eloge de la Chymie, ie ne pretends pas que ses Artistes nouueaux venus, qui ordinairement n'ont point d'autre science que de preparer les vegetaux & mineraux, blasment cette noble science de la Medecine, & ses illustres Personnages, qui

F iij

4 LE MEDECIN

Amplites intelligens quam videtur . plus creders actions 942773 oculis, ut ab igno-Pantibus pene prafazium puletur quod ratione colligitur. Calliode

fondez sur les principes de la raison & de l'experience, selon la doctrine d'Hypocrate & de Galien, pratiquent auec asseurance les remedes dont nos Anciens ont porté le peril, & qui s'appliquans auec tant d'assiduité à connoistre les maladies & à predire les éuenemens, ont par la raison de leurs indications, ce que les yeux ny les sens ne peuuent découurir, meritans par cette diuine connoissance l'admiration de tout le monde.

Pour dire mon sentiment sur cette difficulté, il est à souhaiter que l'Artiste chymique prepare ses remedes auec toute l'exactitude possible, pour ne point priuer les hommes d'vn bien si necessaire; mais ie voudrois en confier l'administration aux sçauans Medecins Galenistes, qui par la connoissance de leur vertu, les employeroient heureusement pour la guerison des maladies les plus rebelles, & se seruans de cette lumiere si percante, & des indications si prudentes, obserueroient la dose, le temps & l'occasion, par rapport à l'âge, au temperament, & à la constitution; puisque commen-

DES PAVVRES. LIV. I. gans par les plus doux remedes que la Medecine fournit, ils donneroient par vne iuste œconomie les Chymiques, quand l'opiniastreté de la maladie ne cederoit à ceux que la pratique ordinaire introduit. Par cette methode & cet employ des doctes Medecins en l'administration des remedes chymiques, le vulgaire perdra la crainte qu'il a euë iusques icy de la violence de tels remedes, & les receura plus facilement; non seulement à cause qu'ils. font moins desagreables au goust, mais aussi à cause qu'ils sont moins dangereux dans leurs operations par vn bon vlage. Outre les motifs alleguez en faueur des remedes chymiques, il y en a encores vn particulier à ce traité des Maladies des pauures, c'est que la matiere de tels remedes couste si peu, que pour vn escu il y a moyen d'en assister tous les pauures d'vne Prouince: Pour la forme, elle vous coustera seulement du charbon, & quelque soin, que vous sacrifierez volontiers à la charité des pauures, qui demandent aussi de Messieurs les Medecins leur conseil, sans lequel tels remedes ne doiuent estre

E iiij

donnez, puisque l'ordre veut que les premieres voyes soient auparauant de-gagées de leurs superfluitez par les plus doux purgatifs; si ce n'est dans les Apoplexies ou telles autres maladies violentes qui ne permettent cette preparation. Au reste i'ay seulement choist dans toute la famille des mineraux, i'Antimoine & le Mercure, desquels ie donne les preparations les plus faciles & les plus seures, afin que d'icelles nous puissions tirer yn secours prompt pour la guerison des maladies de nos pauures miserables.

Le vray Saffran des métaux ou Crocus Metallorum.

Si l'Antimoine est ordinairement appellé l'idole des Chymistes, ie peux auec raison le nommer le Sauon des prudens, puis qu'il ne doit estre mis en vsage sans auoir consulté la prudence des doctes Medecins pour en auoir vn bon esset. Ie n'ay voulu icy faire mention de la preparation ordinaire du Saffran des métaux, puisque chacun sçait qu'il se fait d'égales parties d'An-

timoine & de Nitre qui se mettent dans vn mortier de bronze couuert d'vne tuille arrondie, ou d'vn couuercle de pot auec vn trou au milieu, par lequel se met le seu, qui fait toute l'operation: Mais ie vous en presente icy vn, dont l'effet connu obligera tous les Artistes à le preparer & à l'employer, puis qu'il agit auec moins de violence que l'ordinaire, qu'il conduit plûtost les humeurs par les parties inferieures que superieures, quoy qu'il ne laisse d'exciter le vomissement, mais sans effort.

Prenez de l'Antimoine, du Salpetre & du Sel commun égales parties, mettez-les en poudre, les meslez & mettez dans vn creuset luté, & couuert d'vn couuercle qui ait vn trou pour le passage des exhalaisons, entourez le creuset de charbons vifs iusqu'au couuercle, & lors que par le feu il commence à pousser les vapeurs des Sels & du Souffre de l'Antimoine, vous augmenterez le feu par les soufflets, iusqu'à ce que les vapeurs cessent; & le tout estant refroidy, vous aurez l'Antimoine reduit en vne espece de regule rouge

comme du vermillon au dessous des sels qui ont surnagé; il le faut casser auec vn marteau, & le reduire en poudre sans lotion, & le reseruer pour

l'vsage.

De l'vn ou de l'autre de ce Saffran des métaux, mais du dernier particulierement, comme du plus parfait, vous preparerez le vin emetique, faisant infuser dans vne pinte de vin blanc mesure de Paris, dans vn lieu chaud, comme derriere le four, vne once dudit Saffran des métaux, remplissant la bouteille de verre dudit vin blanc à mesure que vous la vuiderez. La dose du vin emetique est depuis deux onces iusqu'à quatre: Il sera plus seur de le donner auec l'infusion de deux dragmes de sené dans demy verre d'eau de Scorsomere ou Chicorée sauuage : Si vous estes à la Campagne, & si vous deuez vous seruir promptement de ce remede, faites infuser pour vne prise dix grains de ce Saffran des métaux dans vn demy verre de vin blanc sur les cendres chaudes, passez & le donnez.

Ce remede est merueilleux contre les Apoplexies, Epilepsies, & toutes

DES PAVVRES. LIV. I. 59 les affections soporeuses, contre les douleurs de teste, particulierement celles qui dépendent des vapeurs qui s'esseuent des parties inferieures : Il guerit les fiéures intermittentes opiniastres, qui ne cedent à aucun autre remede, mesme les continues quand elles sont longues & rebelles : Il leue puissamment les obstructions du mesentere & de tout le ventre inferieur: Ie le tiens suspect en toutes les maladies de la poitrine, si ce n'est à l'Asthme inueteré dépendant d'vne matiere pituiteuse épaissie. Vous pouuez encores vous seruir de ce vin emetique dans les Lauemens auec vne decoction conuenable, particulierement dans les maladies soporeuses & rebelles, le donnant iusqu'à six onces : Ou si vous voulez, vous preparerez vn bon lauement faisant bouillir la poudre dudit Saffran des métaux, dans vn nouet auec la decoction dudit Lauement.

Le Crystal de Tartre Emetique.

Ce remede quoy que composé de poudre de Crocus Metallorum, se donne librement & sans crainte en substance dans vn peu de vin ou dans vn boüillon, depuis quatre grains iusqu'à sept ou huit: Ie le donne librement aux enfans depuis deux grains iusqu'à quatre, & ie peux dire qu'il purge sans violence: Il remedie particulierement aux obstructions de foye, de ratte, & aux sièures qui en dépendent: Il fera difficile de trouuer dans la famille des mineraux vn remede plus innocent.

Prenez de la cresme de Tartre bien épurée, & du saffran des metaux bien préparé égales parties, vous les triturerez, les messerez exactement, & en ferez lessiue auec eau commune, laquelle vous siltrerez estant encore chaude par le papier gris, & en suitte ferez éuaporer lentement: Il vous restera le vray Crystal de tartre qui purge si doucement, qu'on le peut donner en tout âge sans aucun danger.

Syrop Emetique febrifuge.

Ie vous estonneray si ie vous dis que ce Syrop purge doucement & sans violence, quand vous le verrez composé d'antimoine en verre; il est toute sois vray que ceux qui en vsent, reconnoissent cette qualité: Mais le moyen de le preparer, contribuë beaucoup à le separer de celle que ledit verre d'autimoine suy pourroit imprimer par sa corrosson; Mais comme il est doublement ensermé dans le linge & le papier il semble ne communiquer sa vertu que par vn rayon, de telle sorte que son actimonie est émoussée & son actiuité ralentie.

Ce syrop est donné aux enfans depuis deux dragmes iusqu'à demy once, & aux adultes depuis vne once iusqu'à vne once & demie. Il guerit par experience la sièure quarte, quand il est donné auec l'insussion de Sené dans vne decoction conuenable cinq heures auant l'accés; comme aussi quand il est donné dans l'intermission des siéures tierces & quotidiennes, longues, qui ne cedent aux remedes ordinaires: Il purge les enfans des verres qui les rongent, & par ce moyen guerit les douleurs & conuulfions qui en dépendent, ou de quelque autre matiere putride: Il a souuent chassé ce grand ver appellé Tinea qui causoit l'vn &

l'autre symptome.

Prenez deux onces de chair de coins couppée par tranches, vne once de racines de Souchet & vne dragme de canelle, couppez, pilez, & faites boüillir dans vne liure & demie de vin blanc & d'eau; l'expression faite, vous ferez infuser durant vingt quatre heures sur les cendres chaudes vne once de verre d'antimoine subtilement puluerisé, que vous lierez dans vn nouet de linge, & sur iceluy vn nouet de papier; ayant osté le nouet, vous adjoûterez demy liure de sucre pour en faire le syrop.

Du Mercure, & de la preparation du Sublimé doux.

Si vous considerez les diuers effets & les qualitez differentes du Mercure, vous le pourrez appeller auec instice

le monstre, & le Prothée de la Medecine ; car il a la fluidité de l'eau sans humecter, il pert sa mobilité par la confistance que l'arr luy donne, sans la perdre; il souffre la diuision de soymesme pour se reiinir auec soy-mesme; il ne quitte sa figure spherique que pour la reprendre : il est pesant & il penetre ; il est grossier & il subtilise; il est froid estant appellé fils de l'eau, & il échauffe : il agit si diuersement que se souuenant de son origine, il excite aux vns des maladies froides, quoy qu'il en produise aux autres de chaudes: il purge les vns par la saliuation, les autres par les selles; & comme s'ilse iouoit de la science des Medecins, par vn caprice inouy, tel est tres-bien purgé dans vn temps par dix grains de ce remede, qui ne le sera pas en vn autre par vne dragme, comme l'experience me l'a fait connoistre.

Le Mercure dulcifié ou sublimé doux, se prepare par l'adoucissement du Mercure corrosif qui est le dragon apprinoisé; car celuy-cy ne se prepare que pour consumer les excrescences des viceres externes, & le Mercure

dulcisié est donné interieurement pour diuers essets: Il sert à chasser les vers des enfans, estant donné depuis quatre grains iusqu'à sept ou huit: Il consume les humeurs glaireuses, il contribuë à la guerison des écrouelles, & de toutes tumeurs & maladies causées par vn phlegme salé, épais & visqueux, il combat aussi par la faliuation la maladie venerienne. Sa dose aux adultes est depuis huit grains iusqu'à vingt quatre, auec de la conserue liquide ou

la mouelle de pomme cuitte.

Prenez six onces de sublimé corrosif, broyez-le dans le mortier de marbre, & y adjoûtez lorsqu'il sera en
poudre quatre onces de Mercure purisié, triturez ensemble iusqu'à l'extinction du Mercure, mettez le tout
ensemble dans vne phiole ou matras
au sable, donnez le feu par degrez
durant dix heures iusqu'à ce que le
Mercure soit sublimé & monté au haut
du vaisseau, cassez le vaisseau & separez le Mercure sublimé en vne substance cristaline, broyez derechef, & le
sublimez pour la seconde sois, & continuez iusqu'à la troisséme.

Methode

Methode facile pour tirer l'Esprit, l'Huile, le Sel, la Teinture, l'extrait des Racines, Bois, Bayes, Semences, feuilles & fleurs, par Art chymique.

CHAPITRE XIL

EN faisant la Medecine pour les pauures, ie n'ay eu intention de vous donner que ce qui se trouue facilement dans nos climats, qui nous peuuent suffisamment fournir ce qui est necessaire pour les assister das leurs maladies, sans rien emprunter des Pays esloignez, puisque le pauure estat où ils sont reduits ne leur permet de se pouruoir de ce qui est vendu si cherement qu'il est au delà de leur puissance: Mais comme i'ay apprehendé que vous trouuassiez cette medecine trop sterile, i'ay crû qu'il estoit necessaire de vous donner le moyen de tirer par Art chymique les vertus des plantes qui sont couuertes des om-

bres de leur corps, afin que si vous auez la curiosité de les découurir en faueur des pauures, vous leur rendiez ce secours & cet office, qui ne vous coustera qu'vn peu de soin ; puisque le Païs vous en fait naistre la matiere auec tant de facilité. Ie souhaiterois que les choses mesmes nous pussent parler ou nous ouurir leur sein, afin de nous faire connoistre ce qu'elles enferment de merueilleux : C'est ce que la Chymie essaye de faire, en leuant l'écorce qui cache tant de rares qualitez, en commençant ce dessein par l'anatomie qu'elle fait des racines qui sont les meres nourrices des plantes dans lesquelles consiste l'ame de la vegetation.

Des Racines.

La racine de Souchet ou Cyperus, est proposée pour exemple, elle se trouue dans nos eaux facilement, & son odeur aussi bien que sa saueur découure assez qu'elle a vn sel spirituel & volatil, qui est d'vn tres-grand esset.

DES PAVVRES. LIV. I. 67

Prenez vne suffisante quantité de raoines de Souchet au printemps, lesquelles vous mettrez dans vne cucur-bite de verre adaptée auec son recipient y mélant vne sussilante quantité d'eau, vous distillerez en augmentant le feu iusqu'à faire bouillir ce qui est dans le vaisseau; & lorsque la racine sera cuitte & molle, vous la confirez au sucre pour en faire vn remede propre à fortifier l'estomach, & mesme vous pourrez battre ladite racine dans le mortier de marbre, la passer dans le tamis pour en tirer la poulpe, & en faire vne conserue. Mais vous vous feruirez vtilement de l'eau que vous aurez tirée par la distillation de la racine, qui estant de nouueau distillée, vous fournira vne eau spiritueuse & vn sel volatil dont elle est empreinte, qui ont vne faculté ouurante pour déga-gerles reins & la vessie du phlegme qui les occupe.

Pour ce qui est de l'extrait, il se sait quand ayant tiré l'esprit & l'eau spiritueuse, vous éuaporez ce qui reste dans le vaisseau iusqu'à la consistance d'extrait, qui retenant la vertu de ce

Fij

68 LE MEDECIN

qu'il a de fixe dans ladite racine, fortifie particulierement l'estomach & aide à la digestion. Vous pourrez vous seruir de la mesme préparation pour les racines d'Angelique, Deaune ou Enula Campana, & autres de mesme vertu.

Du Bois, des Bayes, & de la resine de Genéure.

Le Genéure est vn arbrisseau que la prouidence Diuine a fait naistre en tout temps, en tout lieu toûjours vert pour la commodité des pauures ; car son bois ne sert pas seulement à les chauffer sans coust & sans frais, mais aussi pour les preseruer & guerir de leurs maladies, puisque par la decoction il est sudorifique, ses grains ou bayes sont stomachales & cordiales, & sa gomme nerualle: Mais si vous auez la curiosité ou plûtost la charité en faueur des pauures, de déuelopper ce qui yest caché, & de tirer ces belles qualitez de la prison du corps qui les tient esclaues, vous trouuerez vn remede presque vniuersel qui fortifiera

DES PAVVRES. LIV. I. 69 le cerueau, dégagera la poitrine donnant la vigueur au cœur, vn puissant Stomachal & Diuretique, & qui melme par sa qualité Sudorifique déchargera toute l'habitude du corps; car de son bois vous tirerez par la distillation vn esprit acide, vne huile & vn sel: De ses Bayes vous aurez vne huile etherée, vne eau spiritueuse, & mesme vn extrait qui retiendra la qualité du tout; De sa gomme vn baume anodin & vne huile nerualle pour appaiser les douleurs & guerir les blessures.

Prenez le bois de Genéure auec ses épines & ses bayes, & les hachez bien menu pour les mettre dans vne retorte, de terre ample que vous placerez au fourneau de reuerbere, clos auec son recipient adapté, vous continuerez le feu par degrez iulqu'à ce que l'esprit & l'huile que le bois contient, soient chassez par le feu, dont vous aurez vn signe asseuré si le recipient s'éclaircit : L'huile n'a besoin d'estre rectifiée, pour ce qu'elle est seulement employée pour guerir les incisions des nerfs; Mais l'esprit qui en sera separé & qui est rougeastre, sera rectifié au sable &

F iii

70 LE MEDECIN
aux cendres, pour estre reservé comme vn bon Diuretique & Sudorisique.
Vous pourrez ainsi préparer les autres
bois, comme est celuy de Buys qui est
le Guayac de nostre France, & qui a
les mesmes proprietez que celuy-ey.

Preparation des Bayes.

Prenez quarre liures de Bayes de Genéure, lisses, noires, odorantes & qui ayent vn goust doux &balsamique, cueillies enuiron le huitième de Septembre, battez-les auec vn pilon de bois, mettez-les dans la vessie auec de de l'eau de pluye ou de riuiere iusqu'à demy pied de l'orifice, lutez-le, donnez le feu par degrez'& distilez l'eau spiritueuse & l'huile etherée qui surnagera; à condition que l'artiste obserue tellement son recipient, qu'il en substituë vn autre, lorsque que l'huile approchera de trois doigts du premier recipient; autrement il perdra son huile à cause que l'eau la surmonteroit; Quand vous aurez separé l'huile auec le coton, vous continuerez-l'operation, iusqu'à ce qu'on ait acheué ce que vous

DES PAVVRES. LIV. I. 71 aurez de bayes, en remettant toûjours l'eau distilée sur les distillations.

L'Extrait & le Sel des Bayes de Genéure.

Si vous voulez faire l'extrait simple des distillations precedentes, qui seruira aux pauures de Theriaque, de Mithridat & d'Oruietan, il vous faut couler & presser chaudement vne partie de ces distillations, & les éuaporer lentement iusqu'à consistance d'extrait liquide, que vous reserverez pour l'vsage. Si apres toutes ces operations vous faites secher le marc des expressions & le calcinez en suite, vous en ferez la lessiue, vous siltrerez & éuaporerez pour en tirer le sel.

Semences.

Si vous voulez tirer l'eau spiritueuse & l'huile etherée de semences de Persil, Fenouil, Anis & autres semblables, vous vous servirez de la methode qui a esté proposée pour la preparation des bayes de Genéure: Mais si

72 LE MEDECIN

vous voulez trauailler sur les semences qui ont beaucoup de sel volatil, comme celles de Moutarde, Roquette & Cresson Alenois, qui sont d'vne nature disserente des precedentes, il faudroit pratiquer des choses que ce petit Trairé ne peut permettre, car la fermentation n'y doit estre obmise, non plus qu'en d'autres preparations pour en tirer l'huile, le sel volatil & l'esprit acide qui demande vne exactitude de l'Artiste, que vous pourrez trouuer dans les Traitez particuliers.

Preparation des Feüilles, des Plantes & des Fleurs.

Il n'y a rien plus facile ny si vulgaire, que la distillation des plantes & des sieurs qui ont beaucoup d'humidité: Mais si vous voulez distiller celles qui en ont peu, & qui sont mercurielles & sulphurées, comme les seüilles d'Absynthe, la Melisse, la Menthe, la petite Centaurée, l'Auronne, le Fenoüil, la Matricaire, la Sabine, le Scordium, les sleurs du Tillot, & toutes sortes de plantes & sleurs odorande

DES PAVVRES. LIV. I. tes, vous vous seruirez de cette methode.

Prenez la plante ou la fleur qui seront cueillies en leur perfection; c'est à dire que la plante soit entre la fleur & la semence, & si c'est la sleur, qu'el-le soit dans la vigueur de son odeur, & que les feuilles tiennent fermement à leurs queuës, au leuer du Soleil, sans qu'il y ait rosée ou humidité superfluë, laissée par la pluye du iour precedent: Pilez-les grossierement au mortier apres les auoir coupées, & adjoûtez dix liures d'eau de riuiere ou de pluye pour chaque liure de la plante, & en tirez l'eau.

Mais si vous voulez bien anatomiser les plantes par les distillations, & tirer l'eau spiritueuse & l'huile etherée qui soient remplies de l'odeur & de toutes les bonnes qualitez de la plante, seruezvous de la methode suiuante qui vous donnera des moyens merueilleux pour

secourir vos malades.

Prenez des plantes & des fleurs conditionnées comme dessus, remplissez en de grandes cruches de terre ou de grais, en les pressant iusqu'à, ce que la

74 LE MEDECIN


cruche en soit toute pleine sans aucun vuide, fermez toute l'emboucheure d'vn bouchon de liege auec de la cire fonduë, versant sur iceluyde la poix noire fondue ; placez vostre cruche sur vn aix à la caue, & vous conseruerez vne année entiere ces plantes & ces fleurs, qui seront fermentées en elles-mesmes pour estre distilées dans le besoin, en adjoûtant dix liures d'eau pour chaque liure de fleurs; & de ces plantes digerées en elles-mesmes, vous en tirerez toute la vertu, qui sera d'vn effet tres-auantageux : Et ce moyen est le plus parfait de tous & le plus facile, puisque les plantes sont fermentées & digerées sans aucune addition.

Le Sel des plantes.

Vous connoistrez par experience que le sel des plantes n'est pas inutile dans la medecine ; puisqu'il est vn moyen de guerir diuerses maladies, & particulierement celuy qui est tiré des plantes odorantes, comme celles nommées cy-dessus; car il en retient vne qualité aperitiue, fortissante, sudoriDES PAVVRES. LIV. I. 75

fique & diuretique: Il se prepare communement en reduisant la plante en cendres, faisant bouillir ladite cendre en eau commune, & apres vne longue ébullition vous filtrerez l'eau par le papier gris, pour en suitte la faire éuaporer, vous trouuerez apres l'éuaporation le sel au fond du vaisseau.

Vous tirerez le sel d'vne autremaniere, prenant le marc & le residu de l'expression du suc des plantes, ou l'extrait de celles qui sont odorantes dont on aura tiré l'eau: faites secher, calciner & bien brûler ledit marc ou extraict iusqu'à ce qu'il soit reduit en cendres, dont ferez lessiue auec eau commune ou de riviere, puis siltrerez par le papier broûillard, & en suite vous verserez de la nouvelle eau dessus les cendres apres la siltration pour acheuer de tirer le reste du sel, & continuer ainsi de lessiuer & d'extraire le sel iusqu'à ce que l'eau soit insipide.



LE

MEDECIN

DES

PAVVRES.

LIVRE SECOND.

Des maladies de la Teste.

CHAPITRE PREMIER.



Ove faciliter la guerison des maladies de la teste qui attaquent les pauures, nous les diuiserons en cel-

les qui consistent en vne intemperie froide, & celles qui consistent en vne intemperie chaude; puisque ces deux qualitez sont celles qui sont les plus

DES PAVVRES. LIV. II. 77 manifestes & plus sensibles, quand elles sont dans l'excés. Ie n'entends point icy parler seulement de l'intemperie simple, car elle se trouue rarement, mais de celle qui est iointe à la matiere: & celle-cy qui est froide dépend ordinairement d'vne matiere pituiteuse, dont la reserve se fait au cerueau par les causes tant interieures qu'exterieures, comme le froid, le vent, la pluye, le peu de vestemens qui ne peuuent assez deffendre les pauures des injures des saisons, & encores par les alimens mal cuits & de mauuaile digestion, qui sont ordinairement les fruits de la pauureté:

Cette intemperie froide cause souuent la stupeur, le tremblement, la Paralysie, la Conuulsion, le Vertige, l'Epilepsie, l'Apoplexie, la Lethargie, le Catharre, & la douleur de teste. Mais telle intemperie dans vne partie froide & humide, comme le cerueau, retient la nature de son principe, d'où naist vne intemperie froide & humide. Pour ce qui est de l'intemperie chaude, qui est le plus souuent accompagnée de secheresse, elle est plus rare que l'intem-

G iii

perie froide, comme plus éloignée du temperament du cerueau, & cette intemperie chaude & seche produit les douleurs de teste, les veilles & la phrenesse?

· L'intemperie froide.

Les remedes qui preparent & corrigent la pituite & l'intemperie froide du cerueau, sont les racines d'Angeliques, Souchet, Valeriane & de Piuoine: Les seülles de Bitoine, Sauge, Primeuere & Melisse: Les Semences d'Anis & de Fenoüilles: Les Bayes de Laurier & de Genévre, auec les sleurs de Tillot, petite Centaurée, & de Lys des valées ou Muguet, des quelles le Medecin des pauures sera preparer diuerses formes de remedes, & sur tout des decoctions à l'intention susdite.

La saignée est plus rarement pratiquée en cette sorte d'intemperie, que la purgation, si ce n'est aux corps où il y a plenitude: Le purgatif sera preparé d'vne decoction des alteratifs sussitis, dans laquelle on fera infuser trois dragmes de Sené, y delayant vne demy dragme de poudre d'Hermodate, où vous prendrez vne dragme de ladite poudre d'Hermodate dont vous ferez des pillules auec vn peu de syrop de roses passes: Vous aurez recours aux remedes qui purgent la puituite au troisième Chapitre du premier Liure.

Apres les purgatifs reiterez, vous vous seruirez des remedes particuliers qui purgent le cerueau, en dériuant les humeurs par les conduits les plus proches, comme le nez & la bouche.

Vous déchargerez le cerueau par le nez, si vous faites boüillir les feuilles de Marjolaine & Sauge dans l'eau, de laquelle decoction vous prendrez quatre onces auec quatre cueillerées de vin blanc, pour tirer cette liqueur par le nez, en la mettant dans le creux de vostre main.

Vous prendrez à mesme intention deux dragmes d'Hermodates auec les feüilles de Bitoine & Anagallis ou Mourron à sleur rouge, que vous serez boüillir auec demy-septier d'eau, iusqu'à la reduction de la moitié, y adjoûtant quatre cueillerées de vin blanc pour tirer cette liqueur par le nez.

Les sternutatoires ou remedes qui excitent l'eternuement, seruiront à mesme effet, que vous preparerez auec la poudre de seüilles de Rômarin & de Marjolaine à vne dragme, de laquelle vous adjoûterez douze grains d'Hellebore en poudre pour la soussiler dans le nez.

Vous ne trouuerez rien plus facile ny plus vtile en sternutatoire, que la fleur de *Lilium Connalium* ou Muguer

dessechée & mise en poudre.

Vous déchargerez encores le cerueau en mâchant le matin à ieun la racine de Pyrethre, Angelique, Valeriane, Imperatoire, écorces d'oranges & de citron feches, feüilles de Laurier, & Bayes de Genéure; & si vous les voulez mâcher plus commodement, vous les couurirez d'vn peu de cire.

Vous pourrez aussi preparer vn gargarisme à mesme intention, en faisant bouillir les racines, écorces & seuilles sus suec l'hydromel.

Ceux qui ont le cerueau trauaillé de cette intemperie froide & humide, naturelle & non empruntée de la chaleux des entrailles, & qui sont accoustumez à l'vsage du Tabac, en continüeront l'vsage en machicatoire, & en sternutatoire, ou vous en ferez des trochisques pour les mâcher le matin, prenant deux dragmes de feüilles de Tabac, deux dragmes de racines d'Angelique ou de Souchet, faites vne poudre que messere auec suffisante quatité de bon miel pour en faire des trochisques.

Vous observerez que l'vsage des remedes qui sont receus par le nez est suspect, lorsque cette partie est travaillée de quelque maladie, comme Polype & autres: ou que le malade est sujet à l'Hemorrhagie, au Vertige, à l'Epilepsie ou à fluxion sur les yeux: & que l'vsage des remedes qui tirent l'humeur du cerueau par la bouche est moins dangereux, si ce n'est à ceux qui ayant la poitrine soible, reçoiuent facilement les influences des humeurs du cerueau sur cette partie.

L'application des ventouses sur les espaules n'est pas inutile en cette maladie; mais hors les Assoupissemens & Apoplexies, il sera plus commode aux pauures de faire appliquer vn petit

pain sortant du four coupé par la moitié trempé dans l'eau de vie chaude ou vin blanc. Les vesicatoires aussi appliquez sur la partie posterieure de la teste, ou sur les espaules, profiteront, si vous les preparez auec deux onces de vieil leuain, & vne dragme de graine de moutarde pillée auec vn peu de vinaigre fort. Vous y pourrez adjoûter demy dragme de poudre de Cantharides. Ie trouue l'vsage des vesicatoires plus commode aux pauures que celuy des cauteres, qui toutefois ne doiuent estre oubliez aux longues maladies, aux corps froids & humides, & non dessechez: & en ce cas on les preparera pour les pauures sans frais auec égales parties de sauon & de chaux viue.

Les pauures qui seront proches des eaux chaudes, bitumineuses & souffrées, comme des bains de l'vn & l'autre Bourbon, & de Baleruc en Languedoc, s'en seruiront auec effet; soit en vsant des eaux pour fortifier les parties internes, & consumer les humeurs superfluës froides; soit aussi en receuant la douche pour resoudre cette matiere, qui souvent est opiniatre & rebelle.

De la Stupeur, Tremblement ou Paralysie.

Si l'humeur pituiteuse qui produit l'intemperie froide, occupe les nerss & les relasche, elle cause la Paralysse, ou excite la Stupeur & le Tremblement, qui sont les auant-coureurs de la Paralysse, & qui estant distinguez par le plus & le moins, sont gueris par les mesmes remedes, sinon que la Paralysse en exige de plus forts, ayant vne cause plus rebelle & plus opiniâtre.

La Paralysie est traitée par les remedes generaux décrits en l'intemperie froide, comme purgatifs, cauteres, vesicatoires, ventouses, sternutatoires & autres, ausquels on peut icy adjoûter les vomitifs, dont l'vsage est vtile en cette maladie; & à cet esset on peut employer le vin emetique auec l'infusion de sené: On pourra aussi adjoûter ce mesme remede aux Lauemens qui doiuent estre acres & picquans, pour réueiller le sentiment des parties.

Ce qu'il y a de particulier en la gue-

84 LE MEDÈCIN

rison de la Paralysie, est que le malade doit faire vne diette exacte, ne prendre que du pain bien sec, & des alimens de mesme qualité, vsant aussi d'vne decoction de bois de Buys, qui est le Guayac de nostre France, auec vn peu d'écorce de citron pour son boire ordinaire.

Les remedes sudorifiques pris le matin & le soir durant trois semaines, sont tellement necessaires, qu'il est bien difficile de guerir la Paralysie sans ce benefice ; l'ay veu des Paralytiques qui ont eu le mouuement & le sentiment des parties par la vapeur de l'esprit de vin qu'ils ont receu estant bien couverts dans vn bacquet, ayant auparauant vsé de purgatifs conuenables? Vous pourrez auoir recours aux formes des sudorifiques décrits au neufiéme Chapitre du premier Liure, pour les employer à la guerison de cette maladie. Les eaux souffrées & bitumineuses seront aussi tres bonnes à cet effer, si le pauure se trouue proche de telles sources, qui sont en ce rencontre des piscines salutaires.

Ie n'approuue point les linimens qui

DES PAVVRES. LIV. II. 85 fe font auec l'huile d'oliue pour la guerison de cette maladie, quoy qu'on y fasse insuser des herbes neruales chaudes, pource que tels remedes relaschent les nerfs; mais plûtost l'esprit de vin, ou l'eau de la Reyne d'Hongrie, qui se fait par l'infusion des fleurs de Rômarin dans le mesme esprit de vin.

Quelques-vns ont heureusement r'appellé le sentiment à la partie paralytique, en la touchant souvent & doucement auec les seüilles d'ortie verte; car en la picquant de la sorte ils y
ont réueillé la faculté assoupie. Vous
pourrez aussi auec succés appliquer sur
la mesme partie le vieil leuain messé
auec la poudre de graine de moutarde,
& vn peu de vinaigre, que vous laisserez iusqu'à ce que la partie ait de la
rougeur, à condition que vous le leuerez auant que par sa longue demeure
il y excite des pustules.

De la Conuulsion.

La Conuulsion se fait ordinairement par vne matiere pituiteuse, qui remplit les ners, & excite par ce moyen ce mouuement dépraué: la guerison dua quel doit estre commencée par la saignée, quand il est accompagné de plenitude: Les purgatifs qui évacuent l'humeur pituiteuse, doivent estre employez frequemment; & apres iceux reïterez, les remedes particuliers qui purgent le cerueau par le nez & la bouche, décrits au commencement de ce second Liure de l'intemperie froide, feront pratiquez.

Il sera vtile de donner, apres les remedes generaux, six gouttes d'huile tirée du bois de Genévre, auec vn peu d'eau de Lilium Conuallium ou de Muguet, le liniment fait sur la partie affligée, ou plûtost sur les vertebres du col ou autres, selon la partie conuulsiue, auec l'huile de Lin, de Vers, d'Aneth sera commode, ausquelles par fois vous pourrez adjoûter l'esprit de

vin, si la matiere est rebelle.

La graisse d'vn oye qui aura esté farcy de seuilles de Rômarin & de Sauge, & en suite rosty, est vn sort bon liniment pour la partie malade.

Les remedes Sudorifiques peuuent estre viilement employez, pris en deDES PAVVRES. LIV. II. 87 coction de bois de Genéure ou autres formes; & particulierement si vous vous en seruez en forme d'estuues seches par la decoction de feüilles de Sauge, Melisse, Pouliot faite auec du vin blanc.

Du Vertige & de l'Epilepsie.

Le Vertige & l'Epilepsie sont encore produits par la mesme intemperie froide, sçauoir le Vertige quand la matiere agitée dans le cerueau donne vn mouuement irregulier aux esprits animaux, & l'Epilepsie lorsque cette mesme matiere pituiteuse occupe les ventricules du cerueau sans les remplir entierement; & par ce moyen le Vertige degenere souuent en Epilepsie: Ce qui arriue plus rarement lorsque le Vertige est causé par la vapeur qui s'éleue des parties inferieures.

La faignée & la purgation doiuent eftre icy pratiquées felon les indications particulieres, celle-cy doit estre préparée auec decoction de racine de Piuoine, feuilles de Betoine & Melisse, dans laquelle vous ferez infuser trois dragmes de Sené, délayant demy dragme de poudre d'Hermodatte & vingt grains de poudre de Guy de cheîne.

Les machicatoires sont icy de bon esset, mais les sternutatoires sont tresdangereux, car par l'agitation qu'ils causent, ils augmentent manisestement le mal. Les vesicatoires appliquez sur les espaules, ne sont pas inutiles, non plus que les cauteres potentiels appliquez à la partie posterieure de la teste.

Quelques-vns se seruent auec succès du Mercure dulcissé qu'ils donnent depuis huit grains iusqu'à quinze & au delà, auec vn peu de conserue de sleurs de Betoine, & mesmes ont reüssi quand ils l'ont donné iusqu'à exciter le slux de bouche, ce qui peut estre pratiqué quand l'Epilepsie opiniastre ne cede aux remedes ordinaires.

Vous pourrez donner le sel de Vitriol par trois fois de deux iours l'vn, auec l'eau des sleurs de Tillot ou autre conuenable, depuis dix grains iusqu'à vingt.

Vous pourrez aussi donner vne cüeillerée d'eau de sleurs de Muguet, appelDES PAVVRES. LIV. II. 89

le Lilium Conualium, auec laquelle vous mettrez trois gouttes d'esprit de Vitriel, & six goutes d'esprit de Tartre. Dans le paroxisme & la violence du mouuement epileptique, vous mélerez dans vne cüeillerée de ladite eau de Muguet, depuis deux gouttes insqu'à huit, de l'huile de Tabac ou Nicotiane rectissée qui est vn puissant remede antiepileptique, soit pour guerir, soit pour preseruer.

Si le malade est d'habitude & de temperamment pituiteux, vous luy ferez obseruer vne diette durant trois semaines, dans laquelle vous luy donnerez soir & matin des decoctions faites auec le bois de Buys & de Genéure, ou autres décrites au neussième chapitre

du premier Liure.

Vous guerrirez les enfans de l'Epilepsie à laquelle ils sont fort sujets, si vous les purgez au declin de chaque Lune, par vne decoction de racine de Piuoine, dans laquelle vous ferez infuser vne dragme de Sené en délayant vne cüeillerée de suc ou de syrop de roses passes: Vous pourrez à mesme intention vous seruir de deux dragmes 90 LE MEDECIN

de conserue de roses passes, qui est vn remede sort vtile pour ceux qui ont

auersion des autres remedes.

En suitte de ce purgatif vous donnerez vne demie cüeillerée de poudre de racine de Valeriane sauuage auec vn peu de vin; & si l'enfant est à la mammelle, vous luy en donnerez en moindre quantité auec vn peu de lait: La poudre de Guy de chesne produit le mesme effet.

Souuent aux adultes l'Epilepsie se fait par vne vapeur qui s'éleue de la ratte, du mesentere, de l'estomach, des visceres & mesme des vers qui croupissent dans le ventre inferieur, & en ce cas il faut recouriraux remedes qui épuisent l'humeur dans sa source & dans la partie qui enuoye. Ce qui est obserué particulierement aux ieunes filles au temps qu'elles doiuent auoir leurs fleurs ou éuacuations menserales, qui guerissent de telle epilepsie par les bains d'eau tiede, saignées du pied, & autres remedes aperitifs qui les leur prouoquent.

Mais il y a vne troisième espece d'Epilepsie, qui est vn esset d'vne maDES PAVVRES. LIV. II. 91

tiere putride, qui souuent a son siege dans une extremité des parties du corps, comme des doigts, de la main ou du pied, qui esseue vne vapeur si maligne, qu'elle cause l'Epilepsie auec tous ses symptomes : Et en cette espece le malade commence à en ressentir les auant-coureurs dans ladite extremité par vne douleur qui y est causée par vne vapeur, qui retenant la nature de son principe, porte auecsoy la malignité qui fait toute cette sedition. Et en ce cas le Medecin doit faire pratiquer des fortes ligatures au dessus de la partie qui enuoye pour empescher ledit accident, & appliquer vn vesica-toire ou le Rancule pilé que vous lais-ferez sur ladite partie iusqu'à ce qu'il y ait excité de petites vessies, ou bien mesmes y mettre la moitié d'vn petit pain chaud sortant du Four trempé dans l'eau de vie; & si cela ne suffit, vous employerez le bouton de feu qui est le dernier remede, apres lequel vous pourrez appliquer vn cautere po-tentiel sur la mesme partie, qui seruira de remede de precaution.

Dans le mouuement violent de l'E-

pilepsie (quelque cause qu'il y ait:) vous donnerez au malade vne demy cüeillerée d'esprit de vin & pareille quantité d'eau de fleurs de Muguet ou Lilium Conualium, y adjoûtant six grains de Castor, & au mesme temps vous exprimerez dans l'oreille auec du cotton, égales parties d'huile deRuë ou de Sureau, & de l'eau de vie.

De l'Apoplexie.

Il n'yaaucune maladie de celles que nous appellons soporeuses, qui ait befoin de remedes si presens & si violens comme l'Apoplexie, puisqu'elle est vne entiere priuation de mouuement, de sentiment & des principales sonctions de la faculté animale; d'où suit souuent la paralysie ou la mort subite. C'est pourquoy en cette maladie on ne peut assez tost recourir aux remedes.

Vous tirerez promptement du sang au bras, & mesmes vous reitererez souuent la saignée, si vous auez les marques de plenitude.

Vous donnerez vn Lauement d'yne

DES PAVVRES. LIV. II. 93 decoction de Fenoüil, Absynthe, Mercuriale, y mélant le miel, le sel & fouuent le vin Emetique iusqu'à six onces.

Peu de temps apres la saignée, vous ne craindrez de donner quatre onces de vin Emetique auec vne insussion de deux dragmes de Sené dans l'eau de Betoine ou Melisse. Si ce remede n'est assez fort dans ce grand assoupissement & insensibilité de toutes les parties, vous pourrez recourir à la poudre d'Algerot, qui est donnée auec vn peu de vin blanc, depuis quatre grains iusqu'à huit ou dix. Vous donnerez aussi le Sassran des métaux en substance, depuis dix grains iusqu'à vingt, si son insusson ne sussitius.

Si le Lauement prescrit ne produit son effet, vous preparerez vn supositoire auec le miel, le sel & la poudre d'Hellebore.

La teinture de Nicotiane ou Petun, tirée par l'eau de vie est vn excellent remede, si vous en donnez vne cueillerée auec vn peu d'Oximel & du suc de Ruë.

Le Castor ou les feuilles de Ruë pi-

94 LE MEDECIN

lées auec le vinaigre fort, sont tres-vtiles si vous les mettez sur vne tuile rougie au feu, & si le malade en reçoit la

vapeur.

Les fortes frictions & les ligatures font fort necessaires en cette maladie, comme aussi les vesicatoires & les ventouses, si vous appliquez ces deux derniers remedes sur le sommet de la teste. Les sternutatoires me sont suspects en toutes maladies soporeuses, pour ce qu'ils peuvent charger la partie affligée en ébranlant les humeurs, si particulierement vous les donnez au commencement, auquel temps il sera plus conuenable de mettre dans le nez le Castor ou les seülles de Ruë.

Ie ne des-approuue point la pratique de ceux qui dans l'Apoplexie ne craignét point d'ouurir les veines iugulaires, puisque cette operation se fait auec succés, & que le sang ne sort auec tant d'impetuosité dans cet assoupissement, qu'il y ait à craindre la trop grade perte, que vous éuiterez si vous relaschez la ligature que vous aurez faite au col auant la saignée, en appliquat sur l'incission faite l'emplastre décrit par Galien,

DES PAVVRES. LIV. II. 95 composé d'Aloës, d'Encens, poil de Liéure auec blanc d'œuf, doublant la dose de l'Encens à celle d'Aloës.

De la Lethargie.

La Lethargie ou assoupissement demande des remedes plus moderez & moins violens que ceux prescrits pour la guerison de l'Apoplexie; car il y a obseruer que la pituite qui produit la Lethargie, est mélée de Bile & accompagnée de fiéure, de laquelle vous deuez tirer vos indications. Le remede le plus conuenable pour purger l'humeur dominante, est de douze ou quinze grains de Scammonée preparée à la vapeur du Souffre, de demy dragme de feüilles de Ruë puluerisée, ou pareille quantité de Castor, dont ferez pillules auec vn peu d'Oximel pour vne prise. Vous tirerez les autres remedes du Traité de l'intemperie froide.

Ce qu'il y a à observer en toutes les affections soporeuses, est que l'esprit de vin y est tres-vtile; & quoy que dans le sentiment commun il soit la mort des parties internes & la vie des

externes, qu'il conserue les morts & détruise les viuans, il est asseuré que lorsque dans ces maladies l'influence des esprits animaux est empeschée par quelque viscosité d'humeur, ce noble esprit incorruptible & penetrant en vn moment comme la lumiere ouure le passage à ces esprits en fortissant les parties; C'est pourquoy vous vous en esset; soit auec la poudre de racine de seruirez auec Piuoine dans l'Epilepsie; soit auec la poudre de Ruë das vne cüeillere, aux autres maladies soporeuses.

Du Catharre.

Il n'y a point de maladie qui trauaille plus les pauures que la fluxion du cerueau, qu'on appelle Catharre, puifque le peu de vestemens, le mauuais regime de viure & l'obligation qu'ils ont de trauailler, exposez à toutes les injures de l'air, leur procurent cette incommodité.

Si la fluxion est froide comme vous la connoistrez par la palleur du visage, l'assoupissement & la lenteur du mouuement vous ne ferez point de saignée DES PAVVRES. LIV. II. 97 qui ne soit indiquée par la plenitude; Les ventouses ou les pains chauds trempez dans l'eau de vie, appliquez sur les épaules, pour sont suppléer; & les vesicatoires appliquez sur les espaules suspendre la fluxion, & arrester l'impetuosité de son mouvement.

Si vous faites boüillir vne demy once de bois de Buys ou de Lentile dans vne chopine d'eau, que vous reduirez à moitié, y mettant sur la fin vne pincée de roses rouges, ce remede feruira à consumer l'humeur pituiteuse du cerueau, s'il est reiteré. Vous pour-rez aussi tenir dans vostre bouche vne decoction de roses rouges auec vn peu de vinaigre.

Vous modererez la fluxion en donnant à l'heure du sommeil demy dragme de suc de Reguelisse, dix grains d'Encens, auec vn peu de suc ou Syrop

de roses rouges.

Ce qui doit estre obserué dans toutes sortes de fluxions, est que la purgation ne doit estre donnée dans le mouuement de l'humeur, mais seulement quand l'humeur est épaissie; & en ce cas vous donnerez vne infusion de

deux dragmes de Sené dans le ius de pruneaux doux, y adjoûtant vne cueil-Îerée de suc ou de Syrop de roses

pasles.

Si le Catherre dépend d'vne pituite salée ou d'vne humeur tenuë, acre & chaude, comme vous la connoistrez par la grande douleur de teste, les veilles, la rougeur du visage & les vrines colorées, vous n'épargnerez pas la saignée qui est necessaire tant pour corriger l'intemperie chaude des parties, que pour moderer le mouuement de l'humeur, & vous donnerez les Laue. mens émolliens & rafraischissans.

Chaque soir vous preparerez vne decoction de feuilles de Laitue, & de fleurs de Pauot rouge, pour la donner à l'heure du sommeil; vous y pourrez adjoûter vne cueillerée de Syrop de Pauot rouge, ou mesme de Syrop de Pauot blanc.

Si celane suffit pour arrester le cours de l'humeur, vous donnerez deux ou trois grains de Laudanum auec yn peu de conserue de roses rouges.

De la douleur de teste.

Nous auons diuisé les maladies de la teste en celles qui dépendent d'vne matiere froide, qui sont celles que nous auons considerées; & celles qui dépendent d'vne matiere chaude, comme la douleur de teste, les veilles & la phrenesse, dont nous auons à traiter.

Si la douleur de teste consiste en vne intemperie froide, elle est ordinairement pesante, & elle est guerie par les mesmes remedes que la mesme intemperie froide. Mais icy nous considerons la douleur de teste dépendante d'vne matiere tenuë & subtile, qui par son acrimonie pique les membranes du cerueau, ou d'vne vapeur qui s'éleue des parties inferieures échaussées, qui retenant la qualité de son principe, laisse la mesme impression sur les dites membranes, tant interieures qu'exterieures.

Pour guerir cette douleur de teste, vous pratiquerez la saignée tant au bras qu'au pied, tiendrez le ventre libre par bouillons ou Lauemens, vous

100 · LE MEDECIN

purgerez par vne decoction de feüilles de Betoine, semence de Violette de Mars, & sleurs de petite Centaurée, dans laquelle vous ferez infuser trois dragmes de Sené auec vne pincée de sleurs de Cerisier ou Pescher, y délayant vne cueillerée de suc ou insussion de roses passes.

Si le malade est d'vn temperament bilieux & sec, le bain d'eau tiede sera conuenable, comme aussi l'vsage du lait clair durant quinze iours le matin en prenant depuis vne chopine iusqu'à deux pintes; & si ledit lait clair ne lasche point le ventre, vous ferez legerement boüillir & insuser deux dragmes de semence de violette, contuse dans le premier verre dudit lait clair.

Vous pourrez aussi le soir donner à l'heure du sommeil sdes decoctions de feüilles de Laituë, des testes de Pauot blanc & de sleurs de Nenuphar; & mesme vous vous seruirez des mesmes plantes pilées pour appliquer sur le front au temps de la douleur. Ou vous messerez l'huile rosat auec vu peu d'eau rose & de vinaigre pour en faire yn liniment sur le front.

DES PAVVRES. LIV. II. 101
Si la douleur est rebelle aux remedes sussitive du front & appliquerez les sangsus au tempes; & mesme sans hesiter vous ouurirez les arteres des tempes, arrestant le sang qui sort auec impetuosité par l'emplastre de Galien: Et si les somniferes ordinaires, comme le Syrop de Pauot blanc, n'appaisent la douleur, vous ne craindrez de donner deux ou

l'ay obserué que la douleur de teste qui se fait par la vapeur d'vne matiere bilieuse croupissante dans l'estomach, cede facilement au vomissement, excité par l'oxicrat tiede, si apres le vomissement vous donnez vn'verre d'eau ou deux auec six gouttes d'esprit de

trois grains de Laudanum.

Vitriol.

Des veilles immoderées.

Les veilles qui arriuent sans siéure sont ordinairement les effets d'vne intemperie seche qui ne peut estre corrigée que par des remedes humectans & rafraischissans.

La saignée doit estre pratiquée d'a-

bord, mais elle ne doit pas estre copieuse sice n'est qu'il y ait des signes

de plenitude.

Il est tres necessaire d'humecter le corps auant que le purger, car ce qui fait que souvent les plus forts purgatifs ne laschent point le ventre, c'est qu'il n'a pas esté humecté auparauant: Ce que vous serez auec les grads boüillons préparez auec vn morceau de rouelle de veau & seüilles de Laituë, Pourpier, Porée & Chicorée: Comme aussi les Lauemens humectans & rafraischissans.

Vous purgerez par vne infusion de deux dragmes de Sené & de pareille quantité de semence de violettes de Mars dans le ius de pruneaux doux, ou vne decoction de feüilles de Laituë en fleurs de Nenuphar; vous y pourrez adjoûter le suc ou Syrop de roses passes.

Si ce remede ne lasche le ventre, le milade vsera durant quinze iours de lait clair chaque matin, dont il pourra prendre vne pinte ou deux chaque fois, faisant infuser de deux iours en deux iours dans le premier verDES PAVVRES. LIV. II. 103

re deux dragmes de Sené.

Le bain d'eau tiede sera aussi tresvtile; ou au lieu d'iceluy vous serez vne decoction d'eau & de seuilles de Vigne, Laituë, Morelle & sleurs de Nenuphar dans vne chaudiere, pour y tremper les iambes soir & matin.

Vous donnerez chaque soir vn verre de decoction de feüilles de Laituë, semence de Pauot blanc & fleurs de Nenuphar, y adjoûtant vne once de Syrop

de Pauot blanc.

Vous messerez l'huile rosat auec l'eau rose pour appliquer sur le front sans vinaigre, ou vous pilerez la Morelle, la Laituë, les sleurs de Nenuphar, pour appliquer sur la mesme

partie.

Vous pourrez aussi faire vn liniment sur les tempes, auec quatre grains de Laudanum que messerez auec vn peu d'huile violat: Que si ces remedes n'excitent le sommeil, vous donnerez trois ou quatre grains de Laudanum auec vn peu de conserue de violette à l'heure du sommeil.

De la Phrenesse.

L'inflammation du cerueau & de ses membranes, qui est appellée Phrenesie, est conceuë par le delire continuel, les veilles & la siéure aiguë, que vous ne pouuez guerir que par les saignées du bras, du pied & mesme du front, qui seront faites selon les indications.

Vous donnerez souvent des Lauemens auec lait clair & herbes rafraischissantes; vous en donnerez aussi auec

l'oxycrat.

Vous presserez le malade de boire Touuent, qui oublie dans le delire vne

chose si necessaire.

Vous appliquerez vn frontal préparé auec huit testes de Pauot blanc & sa graine, que pilerez auec deux pincées de sleurs de Nenuphar, & vn peu d'eau rose ou de Laituë. Ou vous ferez vn liniment sur le front auec l'huile de Pauot blanc, ou de Mandragore. Que si les veilles sont si immoderées qu'elles épuisent les forces du malade, vous pourrez recourir au LauDES PAVVRES. LIV. II. 105 danum, duquel vous vserez sobrement & par degrez, depuis trois grains iusqu'à six, de peur que par vne dose disproportionée le maladetombe dans

la Lethargie.

Vous ne deuez penser à la purgation durant la fureur de l'humeur, si ce n'est que le delire appellé Paraphrenesie se fasse par le consentement des parties inferieures, comme par vne bile dominante dans l'estomach; car en ce cas vous aurez raison de purger par les remedes qui purgent la Bile au premier degré, puisque l'experience fait connoistre que la diarrhée suruenant guerit tel delire.

Des maladies des Yeux, des Oreilles, du Nez & de la Bouche.

CHAPITRE II.

Del'intemperie froide & humide des Yeux.

S'll y a vne intemperie froide & humide aux yeux, vous les fomenterez chaudement auec du vin blanc,

106 LE MEDECIN

dans lequel vous aurez fait tremper; puis bouillir quelques-vnes des plantes suivantes, sçauoir les seuilles de Ruë, grande Esclaire, Fenouil, Veruene, Valeriane, Euphraise, semence de Fenouil ou Senegré, dans vne decoction de demy liure. Vous pouvez adjoûter deux dragmes de Tuthie préparée en poudre; & si elle n'est assez puissante, vous y messerez deux onces d'eau de vie.

Vous remarquerez que les maladies des yeux dépendent ordinairement de l'influence de l'humeur du cerueau ou de la vapeur qui s'éleue des parties inferieures: ainsi par la methode de la Medecine vous aurez plûtost égard à la partie qui enuoye, qu'à celle qui reçoit, & pour cette raison vous aurez recours aux saignées, purgations, cauteres, vesicatoires & autres, qui peuuent ou épuiser l'humeur dans sa source, ou la détourner.

De l'inflammation des Yeux.

Si l'intemperie des yeux est chaude & seche qui cause l'instammation, vous DES PAVVRES. LIV. II. 107 l'appaiserez auec les saignées frequentes, le viure rafraischissant & le bain d'eau tiede, pratiquant la purgation quand l'inflammation sera diminüée.

Mettez vn blanc d'œuf dans vne écuelle, que vous remüerez auec vne pierre d'Alun, iusqu'à ce qu'il soit blanc, & qu'il y ait consistence de pommade pour l'appliquer sur l'œil du malade: Ou vous ferez tremper la semence de Coin ou de Psillium pilée dans l'eau rose, ou de Plantain, tiede, & l'ayant passé & tiré le mucilage, vous l'appliquerez sur l'œil enstammé.

Si la douleur est grande, vous l'appaiserez en pilant la semence de Pauot blanc, & la faisant tremper sur les cendres chaudes dans le lait, dont vous fomenterez doucement l'œil apres l'a-

uoir passé.

La moüelle de pomme cuitte mélée auec du lait & vn peu de Saffran, est aussi tres-vtile: Que si la douleur ne cede à ces remedes, vous adjoûterez à deux cueillerées de lait trois grains d'Opium & pareille quantité de Sasfran; ce qui ne doit estre pratiqué que dans l'extremité de la douleur, & apres

108 LE MEDECIN

auoir tenté tous les autres remedes, comme les saignées du bras, du pied, du front, & mesme des arteres des tempes; comme aussi les bains & autres remedes rafraischissans.

La demangeaison ou le prurit des yeux sera guery si vous les lauez de deux cueillerées de vin blanc & vne d'eau-rose.

Pes taches & vlceres aux Yeux & des dispositions à la Catharacte.

Que s'il y a aux membranes des yeux quelques taches, vlceres, dispositions à la chataracte, ou obscurité de veuë dépendante de l'épaisseur des membranes, vous vous seruirez de l'eau de miel distilée, de la decoction de Senegré & sleurs de Camomille: L'Aloës insusé dans l'eau de la grande Eclaire, l'Antimoine crud bouilly auec du vin blanc dont on laue les yeux est de grand effet: le suc de Mourron ou Anagallis à sleur rouge, ou le suc de Marrabe épaissiauec vn peu de miel, a pareille vertu.

Prenez suc de Fenoüil deux onces,

DES PAVVRES. LIV. II. 109 suche Ruë demy once, claristez le tout au Soleil ou sur les cendres chaudes, adjoûtez deux dragmes de sucre candy, & distilez-en souvent dans l'œil. Vous vous pourrez seruir à mesme intention de la teste d'vne Arondelle brûlée & mise en poudre messée auec du miel.

Que si ces remedes ne suffisent, vous employerez l'eau de Tabac qui efface les taches & guerit les viceres: Le mesme fait le parfum de Tabac, qui sera mis sur vn rechaut auec le viu blanc dont vous receurez la fumée dans

les yeux.

Ie ne vois point de remede plus puissant pour guerir les vlceres des yeux, que le fiel des animaux messé auec l'eau d'Euphraise, de Ruë ou de sleuts de Soucy, à proportion de la qualité de la partie assligée & du fiel qui sera employé; Car celuy de poisson est assez doux, le fiel des animaux à quatre pieds est plus mordicant, comme celuy des oyseaux est le plus acre, & sur tout le fiel de Perdrix.

Sila catharacte est formée, il faut recourir à l'operation qui se fait par le moyen de l'aiguille pour l'abbatre, car tous les autres remedes sont inutiles.

Si les larmes fortent involontairement des yeux, par la corrosion d'une partie de la caruncule qui est au grand coin de l'œil, vous y soussilerez égales parties de Tuthie & encens en poudre, ou les messerez auec un blanc d'œus ou le suc de seuilles de Myrrhe ou Plantain, pour appliquer sur la partie.

Que si les yeux pleurent continuellement sans que la caruncule soit interessée, cet acident dépend d'vne sluxion du cerueau qui distile sur les yeux, & qui ne peut estre guerie que par les remedes décrits dans l'intemperie froi-

de de la teste.

le ne veux icy omettre en faueut des pauures vne eau pour les yeux, décrite par vn Autheur nouueau, qu'il produit comme vn remede vniuersel contre toutes les maladies qui les attaquent, puisqu'elle est refrigerante, mundificatiue & dessicatiue; les quelles qualitez si differentes en vn mesme sujet dépendent du sel de la chaux ioint au sel armoniac qui tirent ensemble vn vitriol subtil du cuiure ou de l'airain,

DES PAVVRES. LIV. II. III d'où naissent des vertus merueilleuses que vous connoistrez par l'experience.

Prenez telle quantité que vous voudrez de la seconde eau de chaux, faitesy dissoudre pour chaque liure vne dragme de sel armoniac, mettez cette dissolution dans vne bassine de cuiure oud'airain, & l'y laissez durant quinze heures, ou iusqu'à ce qu'elle soit teinte de la couleur du Sapphir oriental; puis vous la filtrerez & la garderez dans vne bouteille pour le besoin.

Si cette eau est trop forte à l'égard des personnes sensibles & delicates, vous la tempererez par l'addition des

eaux de roses ou plantain.

Les pauures tireront encore vn grand effet de l'eau Ophtalmique Antimoniale, laquelle outre qu'elle est de facile préparation & de peu de coust, est propre à guerir les taches & vlceres des yeux, les cuissons & demangeaisons; elle fortisse la veuë contre les sussidions & leue les nuages & obscuritez des yeux, particulierement aux vieillards.

Prenez deux dragmes de verre d'Antimoine puluerisé subtilement, ou pa-

II2 LE MEDECIN

reille quantité de Crocus Metallorum, que vous mettrez dans vn matras auec demy dragme de racine d'Iris de Florence & trois Gerosles reduits en poudre, versez dessus l'eau de Ruë, d'Euphraise & de Fenoüil, de chacune trois onces, mettez-les infuser au bain vaporeux, ou au Soleil en Esté, & agitez le vaisseau pendant quinze iours que l'infusion se fera, & vous garderez soigneusement cette eau.

De la donlent d'Oreille.

La douleur d'oreille survient ordinairement aux siéures continues, & cause souvent le delire & la mort, si elle n'est guerie par le cours de ventre: Si elle a vne cause propre comme l'inflammation, vous la guerirez par les saignées & l'oxyrhodin distilé dans ladite oreille, ou par le lair tiede; & si la douleur ne cede, vous adjoûterez à deux cueillerez de lair, deux grains d'Opium auec pareille quantité de Saffran.

Si la douleur est causée par vents & flatuositez qui estendent les membranes, branes, vous distilerez dans l'oreille l'huile d'Aneth ou de Fenoüil, l'huile dans laquelle vous aurez fait boüillir des limaces ou vers de terre, ou des sleurs de Camomille; desquelles sleurs vous vous pourrez seruir auec sleurs de Verbascum ou boüillon blanc, pour faire fomentation sur la partie auec du lait dont vous remplirez vne vessie.

S'il est entré dans l'oreille quelque corps estranger, vous l'osterez, si c'est vne chose liquide, vous l'épuiserez auec l'éponge seche: si elle est solide & seche, vous la tirerez auec vne chandelle de cire ou le glu de therebentine: si c'est vn animal, vous le ferez sortir parvne decoction de seüilles d'Absynthe ou Coloquinte dans le vinaigre, que vous distilerez dans l'oreille.

Du tintement d'Oreille & de la surdité.

Quand le tintement d'oreille dépend des vapeurs qui s'éleuent de la ratte & de l'estomach, il sera guery par les remedes appropriez ausdites parties: & s'il est causé par vents &

K

flatuositez qui assiegent les cauitez de l'oreille, vous le guerirez par les remedes qui purgent la pituite du cerueau, distillant dans l'oreille chaudedement le suc d'oignon cuit sous la cendre, dont vous prendrez deux cueillerez auec pareille quantité d'eau de vie, y faisant insuser les feüilles de Laurier ou de Ruë.

Que si le tintement d'oreilles degenere en surdité par l'influence d'vne matiere pituiteuse qui épaissit l'organe de l'oüye, auant qu'il soit confirmé (car le tintement ou surdité qui a passé deux ans est incurable;) Vous purgerez par les sternutatoires, gargarismes & machicatoires, & vous distilèrez dans l'oreille ce qui suit.

Prenez demy dragme d'Hellebore que ferez bouillir auec deux onces de bon vinaigre, le reduisant à vne once, y adjoûtant pareille quantité d'eau de vie : Quelques-vns y mettent vingt grains de Castor. Vous tremperez dans cette liqueur vn peu de coton & l'exprimerez dans l'oreille tiedement, la bouchant auec ledit coton.

L'huile de Tabac distilé dans l'oreil-

DES PAVVRES. LIV. II. 115 le auec le coton est tres-vtile; elle se fait en distilant par descente le Tabac esseuillé & fermenté en eau de fontaine, separant l'huile de l'eau.

le n'approuue point les axunges, ny les liqueurs onctueuses qui sont exprimées dans l'oreille, pour guerir la surdité, car i'ay éprouué que ces sortes de remedes condensent & épaissifsent dauantage les membranes qui ser-

uent à l'ouye.

Vous vous seruirez d'vn pain chaud coupé par la moitié, trempé dans l'eau de vie que vous appliquerez sur l'oreille, ou des sachets que vous remplirez de seüilles de Laurier, Ruë, Fenouil, semence d'Anis que vous ferez bouillir dans le vin: Ou bien vous ferez vne decoction de toutes les herbes susdites dans le vin blanc, dont le malade receura la vapeur chaudement dans l'oreille auec vn entonnoir.

l'ay obserué que le cautere potentiel appliqué à la racine de l'oreille malade, est un puissant remede pour deriuer l'humeur qui fait la surdité.

Du flux de Sang par le nez.

Il n'y a point de symptome qui tranaille plus frequemment le nez que l'hemorragie, par laquelle ie n'entends point icy traiter de celle qui se fait par la voye de crise à la fin des maladies, mais de celle qui est fascheuse à la nature, & qui épuisant son thresor détruit les forces

D'abord pour faire diuersion vous deuez tirer du sang au bras frequemment, & peu à la fois pour menager les forces: Vous appliquerez en suitte les ventouses sur les espaules, au col des linges trempez dans l'oxycrat: Mais fitous ces remedes sont inutiles ie n'ay rien trouué qui arreste plûtost le sang que de prendre du vieux torchis, le mettre en poudre & le messer auec le sang qui coule du nez du malade, il le faut introduire dans le nez, il s'en fait vne mastic qui infailliblement arreste le sang.

DES PAVVRES. LIV. II. 117

De la douleur des Dents.

L'humeur qui tombe sur le nerf, qui s'insere dans la dent ou sur la genciue y produit la douleur: Si la matiere est chaude, vous employerez les saignées, les ventouses & le gargarisme fait d'vne decoction de feüilles de Iusquiame dans l'eau, ou de decoction de noix

de Gale dans le vinaigre.

Sila cause qui produit la douleur est froide, vous purgerez par les remedes qui énacuent la pituite, & vous tiendrez dans vostre bouche chaudement la decoction de vin & de racine de Pyrethre, ou vous serez bouillir la seconde écorce de Sureau dans le vinaigre, & le ferez consumer tenant chaudement ledit Sureau mortisié sur la dent douloureuse.

L'esprit de Nicotiane ou Petun est vn merueilleux remede pour appaiser la douleur de dents causée par matiere

froide.

Si vous ratissez la racine de grande Consonde, & que vous mettiez cette matiere gluante sur la toile ou peau,

pour l'appliquer sur la tempe du costé de la douleur de dents, vous arresterez la fluxion.

L'emplastre fait auec la cendre d'écorce de Fresne arrosée de vinaigre ou eau de vie & le vieil leuain, ou la poudre de Cantharides messée auec ledit leuain & appliquée sur la tempe, produit le messme effet.

Que s'il n'y a point autre cause de la douleur que la carie de la dent, vous y introduirez vn grain ou deux d'Opium, selon la capacité de la partie, & en suite vous corrigerez la carie de la dent par l'esprit de Vitriol auec vn peu de coton, ou l'huile de Genéure oude Nicotiane; & si le mal ne cede à ces remedes, vous y appliquerez le seu outirerez la dent gastée.

De l'inflammation des Amygdales & de l'Esquinancie.

Si les glandes qui sont scituées à la racine de la langue s'enstamment, vous guerirez l'inflammation par la saignée faite au bras plusieurs sois, puis à la langue, laquelle saignée à la langue DES PAVVRES. LIV. II. 119 vous ne pratiquerez pas que la plenitude ne soit diminuée.

Vous vserez aussi de Gargarismes preparez auec vne decoction de seuilles de Plantain, d'écorce de Grenade & fruit de Sumach, y adjoûtant des Meures qui ne sont entierement noires, ou du suc desdites Meures épaissi

auec vn peu de miel.

S'il ya inflammation à la gorge qui empesche le malade d'aualer ou de respirer, par la tension des parties qui seruent à l'vne & à l'autre fonction, vous rendrez la saignée plus frequete & plus copieuse qu'à l'inflammation des amydales, puisque la maladie est plus pressante & plus aiguë. Laquelle saignée fera faite au bras & à la langue, preparant vn Gargarisme au commencement de la maladie auec du lait clair, dans lequel vous ferez bouillir des feuilles de Plantain Renouée, ou Centinodia, noix de Cyprés, roses seches, & vn peu de reguelisse, y adjoûtant aussi le suc des Meures épaissi. Le malade tiendra souuent dans sa bouche le lait tiede ou le lait clair.

Il arriue souuent aux pauures qui

souffrent les pluyes & les injures de l'air, vne espece de fausse Esquinancie qui a quelque chose commune auec celle qui est causée par inflammation comme vn sentiment de compression auec difficulté d'aualler & de respirer: Mais comme il n'y a aucune fiéure qui accompagne cetté espece, on peut dire qu'elle est causée par l'influence d'une matiere pituiteuse qui occupe cette partie, & en ce cas vous saignerez mediocrement pour détourner la fluxion, & vous purgerez par les remedes qui évacuent la pitvite lorsque le malade aura la liberté de les aualer : Vous donnerez des Lauemens de mesme faculté, & ferez vn Gargarisme d'vne decoction de feuilles de Sauge, Hyssope, semence d'Anis & de Fenoüil, adjoûtant sur la fin vn peu de miel & de vinaigre. La partie sera ointe d'huile de Camomille, la couurant de laine grasse.

De la relaxation & inflammation de la Luette.


La Luette se relasche plus souuent qu'elle ne s'enslamme: si elle s'enslamme

me, elle sera guerie comme l'instammation des amygdales, & si elle se relasche, vous prendrez égales parties de poiure, de noix de Galles & d'Alun en poudre, que vous incorporerez auec vn peu de blanc d'œuf, & en toucherez la luette auec le bout de l'espatule ou manche de cueillere: Quelques-vns se seruent vtilement de la graine d'Aneth torresiée & puluerisée, qu'ils soussilent par vn petit tuyau sur la partie relaschée.

l'ay remarqué plusieurs fois que les Chirurgiens de Campagne font trop librement enuers les pauures l'amputation de la luette dans les inflammations. Ils doiuent estre aduertis de ne l'entreprendre qu'au cas de Gangrene, encore doiuent-ils tenter les scarissca-

tions auant cette operation.





LE

MEDECIN

DES

PAVVRES.

LIVRE TROISIE'ME.

Des maladies de la Poitrine, & premierement des maladies du Poumon.

CHAPITRE PREMIER.

Del' Asthme ou Courte-haleine.



NTRE les maladies de la poitrine, il n'y en a point de plus familiere aux pauures , que l'Asthme ou

courte-haleine & la pleuresie: Celle-là à cause des injures de l'air ausquelles ils pes Pavvres. Liv. III. 123 font exposez par le peu de vestemens; & de leur mauuaise nourriture: Et la pleuresse à raison de leur trauail immoderé auquel la necessité les oblige, sans leur permettre d'y garder aucune mesure.

L'asshme ou courte-haleine qui est vne dissiculté de respirer auec sissement sans siéure, se fait par vne influence d'vne matiere pituiteuse du cerueau sur les cannes du poumon où elle s'épaissit, & ainsi oste la liberté à l'air de s'y porter pour le rafraischissement du cœur.

Si vous considerez l'Asshme dans son paroxysme & sa violence, vous le guerirez par la saignée du bras qui pourra estre resterée, les Lauemens vn peu acres, & mesme les vomitoires qui purgent la pituite, sont vtilement employez; quelques-vns ne craignent point de donner le vin emetique.

Prenez feüilles d'Hyssope, Scabieuse, Melisse, Lierre de terre & seurs de Sauge ou de Muguet, faites infuser le tout dans du vin blanc, & si vous voulez rendre cette liqueur plus essicace, vous adjoûterez à vn demy-

septier de cette infusion deux onces d'eau de vie auec vn peu de miel, & en donnerez vne cueillerée à la fois, à laquelle vous pourrez messer quatre gouttes d'esprit de Soussfre.

Il n'y a rien plus specifique que l'esprit de Tabac ou Petun, depuis trois gouttes iusqu'à douze, dans vn verre d'Hy-

dromel.

La teinture du Petun extraite de l'eau de vie auec vn peu de miel pour luy donner consistance, est de mesme esset, si vous en donnez la grosseur d'vn pois.

Hors le paroxysme & le mouuement de l'humeur, vous guerirez l'Asshme par les remedes qui éuacuent l'humeur pituiteuse, prenant vne infusion de trois dragmes de Sené dans la decoction de feüilles d'Hyssope ou de Sauge, y délayant demy-dragme de poudre d'Hermodatte: ou vous sormerez des pilules auec vne dragme de la mesme poudre d'Hermodattes, & vn peu de suc de Nicotiane épaissi auec du miel.

Vous preparez des pilules vsuelles d'vne once d'Aloës que vous ferez digerer au Soleil ou à feu lent, auecle DES PAVVRES. LIV. III. 115 suc de Flambe, adjoûtant demy dragme de fleurs de Souffre, ou vne dragme de Souffre puluerisé. Vous en prendrez vne dragme pour chaque prise le soir auant vn souper leger, de deux iours l'vn.

Vne once du mesme suc de Flambe, donnée auec deux cueillerées de vin blanc le matin, est fort vtile, comme aussi quatre gouttes d'esprit de Souffre donées das vne cueillerée de vin blanc.

Vous pourrez à mesme intention le matin prendre depuis douze grains iusqu'à vingt de fleurs de Souffre, ou demy-dragme de Souffre puluerisé auec vn œuf frais durant vn mois.

I'en ay veu qui maschoient chaque matin auec succés, la feuille d'Ache pilée & l'aualloient; D'autres prennent le matin le premier bouillon des choux rouges.

Si vous cauez la racine de Brionia ou Couleurée en la mettant dans la caue, vous y trouuerez de l'eau dont vous donnerez vtilement chaque matin vne cueillerée auec quatre gouttes d'esprit de Souffre.

Le malade boira ordinairement de

l'Hydromel, & s'il se trouue proche des eaux minerales chaudes, qui participent du bitume & du Soussire, il y

trouuera sa guerison.

l'ay remarqué en pratiquant la medecine, vne espece d'Asthme causé par la vapeur de la ratte ou des visceres échaussez, qui s'éleuant à la poitrine donne vne oppression fascheuse & dissiculté de respirer. Mais dans cette espece où la chaleur est dominante, il est necessaire de s'abstenir des remedes susdits, puisqu'il est asseuré que vous guerirez plûtost cet Asthme par les Prisanes laxatiues, les Lauemens, l'vsage du bain, du lait clair & autres remedes rafraischissans; Ce qui est de tres-grande consideration dans la pratique.

De la Pleuresie.

L'inflammation de la pleure accompagnée d'vne douleur de costé piquante, sieure continuë, toux, oppression & dissiculté de respirer, est appellée Pleuresse, laquelle ne se guerit que par la saignée qui doit estre faite au commencement au bras du costé malade, pourDES PAVVRES. LIV. III. 127

ueu qu'elle soit proportionnée à la 2º de ras grandeur du mal, à l'âge & aux sorces. Etus in Hypocrates pour la pratique de la acunis. saignée dans la pleuresse, ne donne point d'autre mesure que le changemet du sang, de telle sorte que s'il est passe au commencement, on ne doit point cesser la saignée qu'il ne soit rouge, & s'il est rouge, on ne s'en doit point abstenir qu'il ne soit d'une autre couleur, quoy que l'experience nous fasse connoistre que le Medecin ne doit pas toûjours opiniastrement attendre ce changement.

En satisfaisant à la premiere indication de la pleuresse par la saignée, vous donnerez souvent des decoctions preparées auec orge, racine de Reguelisse, semences froides, sleurs de Violettes & de Nenuphar. Vous pourrez adjoûter à vn verre de cette decoction vne once de Syrop de Pauotrouge, ou demy dragme des sleurs dudit Pauot rouge pul-

uerisée.

Si le malade souffre de grandes veilles & que l'humeur soit acre, vous y messerez vne once de Syrop de Pauoz

blanc, ou au lieu d'iceluy, vous ferez bouillir dans la decoction auec quelques-vnes des herbes susdites, cinq ou six testes de Pauot blanc contusez.

Quelques-vns se seruent vtilement au lieu de Syrop, de la decoction de racine de Guimauues auec pruneaux

doux, ou racine de Reguelisse.

Vous pourrez appliquer sur la partie affligée vne vessie remplie à demy de lait tiede, dans lequel vous aurez fait boüillir la semence de Lin, les sleurs de Camomille ou de boüillon blanc.

La decoction faite auec raisins ou orge, seruira de Ptisane dans le boite ordinaire. Durant le cours de la pleuresse, vous ne pratiquerez la purgation que lorsque le mouuement de l'humeur aura cessé, la douleur diminüée & le crachatépaisse: Vous la preparerez auec deux dragmes de Sené infusé dans le ius de pruneaux, auquel vous pourrezadjoûter vne once de sue ou Syrop de roses passes.

De la Toux.

Souuent les pauures sont trauaillez

DES PAVVRES. LIV. III. 129 sans sièure d'vne toux importune qui est seche ou humide. l'appelle seche celle où ils ne crachent aucune matiere, ce qui arriue par l'intemperie seche du poumon ou des parties voisines, qui est ordinairement laissée par les fiéures ardentes qui causent l'aspreté & la secheresse du canal de la bouche au poumon: Et cette espece de toux est guerie par les remedes qui rafraischissent & humectent la poitrine, comme ceux qui sont décrits au Traité de la Pleuresie, mais sur tout par le lait de vache ou d'asnesse, qui est le plus necessaire & le plus familier de tous les remedes; Que si la toux est opiniastre & rebelle, vous pouuez recourir au Laudanum, dont vous donnerez deux ou trois grains à l'heure du sommeil, auec vn peu de conserue de Violette ou de ius de pruneaux.

Que si la toux est humide & la matiere épaisse, vous la corrigerez par l'oxymel, dans quatre onces duquel vous messerez vne dragme de poudre de feüilles de Lierre terrestre, ou pareille quantité de feüilles de Marrube seches, Hyssope ou Scabieuse, dont vous vous seruirez auec vn baston de Reguelisse trempé dans cette liqueur pour le succer: Ou bien vous serez boüillir la racine d'Aunée auec les pruneaux doux, pour vous en seruir en sorme de Syrop.

Si la matiere qui fait la toux est chaude & acre, & que par cette raison elle ne soit facilement expussée, vous l'épaissirez & adoucirez par l'emulsion des quatre semences froides & les amandes, adjoûtant pour chaque prise vne dragme de semence de Pauot blanc contusé.

Il arriue souuent par les efforts de la toux & par la violence du trauail auquel les pauures sont exposez, comme aussi par la chaleur & subtilité du sang, qu'il sort des vaisseaux de la poitrine, & se fait vne maladie qu'on appelle Hernoptise, par laquelle le malade crache continüellement le sang. Pour guerir cette maladie il est necessaire de tirer du sang au bras frequemment, selon les indications de la plenitude des vaisseaux & de la qualité dudit sang.

Vous preparerez vn Eglegme ou

Lohot, auec vn blanc d'œuf que vous aurez beaucoup remué y messant deux dragmes d'Amidon en poudre & vn peu de sucre rosat, pour en vser auec vn baston de Reguelisse trempé dans cette liqueur.

La decoction de feuilles & semence de Plantain dans l'eau ferrée seruira de Prisane pour le boire ordinaire.

Le Mucilage de semence ou pepins de Coin & semence de Pauot blanc pilé, tirez de l'eau rose auec vn peu de sucre, est tres-vtile si vous en prenez par cueillerée.

Le suc de Pourpier épaissi auec le sucre commun ou rosat, se prend vtilement auec vn baston de Religuelisse.

L'emulsion faite auec les semences froides & de Pauot, & la decoction de seüilles de Plantain & sleurs de Nenuphar, modere la chaleur du sang: Mais entre tous les remedes ie n'en trouue point de plus commode pour les pauures, que l'vsage du lait de vache qui sera pris trois ou quatre fois par iour pour toute nourriture, il seruira d'Emulsion, d'Amaudé, d'Apozeme & de boüillon. Si vous voulez ren-

dre ce lait plus astringent, vous y serez esteindre chaque fois trois ou quatre billes d'acier qui auront rougy au seu.

Or le lait ne sert pas seulement à guerir l'Hernoptise, mais à toutes les maladies du poulmon, où il y a toux & secheresse, pourueu qu'il n'y ait point de sièure putride messée; car cette espece de sièure ne permet point l'vsage du lait qui ne peut estre accordé qu'à la sièure hectique.

Des maladies du Cœur.

CHAPITRE II.

L n'y a que deux maladies remarquées qui attaquent le cœur, scauoir la syncope, ou la foiblesse & la palpitation: Celle-cy est rare parmy les pauures, & ie peux dire que ie n'en ay point veu depuis vn long-temps qui en ayent soussert d'atteinte; Soit qu'ils ne se plaignent point à cause que la palpitation est toûjours sans douleur; Soit que selon le sentiment de Galien, elle attaque rarement ceux qui ysent so-

cis af-

feltis.

brement des alimens peu nourrissans, à cause que la vapeur grossiere qui ordinarement produit cet accident, est corrigée par cette sorte de viure: Que s'ils en sont surpris, c'est plûtost par la vapeur de la ratte ou d'autres parties du ventre inferieur, dont on doit chercher la guerison dans le Traité particulier.

Mais le syncope ou la foiblesse qui est vne dissipation de chaleur, d'esprits & de forces, est si familiere aux pauures à raison du peu de nourriture & de leur grand trauail, qu'il y a lieu de solliciter les riches pour les assister d'alimens conuenables dans leur indigence, pour preuenir ou guerir ce mal.

Le meilleur cordial & qui couste moins pour les pauures est le vin, puisqu'il n'y a rien qui repare si-tost la chaleur & les esprits que cette liqueur.

Pour rendre le vin plus effectif, vous y pourrez faire infuser la racine d'Angelique, l'écorce d'Orange & de Citron, & les feuilles de Melisse auec vn peu de canelle, pour en vser par cueillerées.

Que si la foiblesse dépend d'vne va

134 Le Medecin des Pav.

peur maligne qui s'éleue de l'estomach au cœur, vous vous seruirez en ce cas d'vn remede purgatif preparé d'vne decoction de feuilles de Melisse & se fleurs de Sauge, dans laquelle vous serez infuser deux dragmes de Sené auec écorce de citron, délayant vne once de Syrop de roses passes, ou bien vous purgerez par demy once de conserue de roses passes.



LE

MEDECIN

DES

PAVVRES.

LIVRE QVATRIE'ME.

Et premierement des maladies de l'Estomach & des Intestins.

CHAPITRE PREMIER.



Es remedes qui conviennentàl'estomach pour preparer les humeurs, sont chauds ou froids: Les

chauds & secs sont ceux qui corrigent l'humeur froide & humide qui croupit dans l'estomach, comme racines de

Souchet & Gentiane, écorces d'Orange & de Citron, feuilles d'Absynthe & de Menthe, semences d'Anis, fleurs

de Sauge & de Betoine.

Les remedes froids qui temperent la chaleur de l'estomach, sont les racines de Chicorée sauuage & d'Ozeille, les feuilles de Myrthe, de Tressle aceteux & de Capillaires, les sleurs de Chicorée & roses rouges, le fruit de Berberis, desquels on fait decoction & eaux distilées pour suruenir ausdites maladies en gardant la loy de contratieté.

De la douleur d'estomach.

Il n'y a point de douleur qui trauaille plus souuent les pauures que celle de l'estomach, à raison de la mauuaise nourriture qui affoiblit cette partie, & par ce moyen y laisse vne humeur putride qui excite les vents, qui y acquiert acrimonie ou inflammation, qui sont les trois causes de cette douleur, qui s'appelle Cardialgie, lorsqu'elles attaquent l'orisice superieur de l'estomach.

DES PAVVRES. LIV. IV. 137 Si la douleur est causée par vents & flatuositez, vous donnerez souuent des Lauemens preparez auec feüilles de Ruë, d'Absynthe, Sauge, Mercuriale, & fleurs de Camomille, y délayant le miel écumé.

Apres ce Lauement laxatif, vous ferez boüillir les herbes susdites dans du vin blanc, dont vous prendrez demy liure auec quatre onces d'huile de noix

pour le Lauement.

Vous purgerez ensuite par les remedes qui éuacuent la pituite, comme l'Hermodatte, dont vous prendrez vne dragme auec vn peu d'écorce d'orange en poudre, ou vne decoction de feuilles de Sauge, y faisant infuser trois dragmes de Sené auec écorce d'orange, y messant demy dragme de poudre d'Hermodatte. S'il y a inclination au vomissement, vous donnerez dix grains de tartre emetique.

L'experience fait connoistre que l'vfage du vin d'Absynthe sert à corriger la crudité de l'humeur qui excite la douleur; Le vin donné chaud dans lequel vous aurez fait tremper l'écorce d'orange, ou le vin dans lequel vous

M

138 LE MEDECIN
aurez fait bouillir les fleurs de Camo

mille, produit le mesme effet.

Selon le conseil de Galien, vne grande ventouse appliquée sur la region de l'estomach appaise la douleur, quand la purgation a precedé; le pain de roses secarrosé d'eau de vie ou de vin blanc, ou le pain chaud trempé dans l'eau de vie appliqué sur la mesme partie, sert

à guerir cette indisposition.

Si la douleur d'estomach est causée par vne humeur bilieuse & chaude, la saignée y sera tres-necessaire, comme aussi les Lauemens & remedes qui purgent doucement la bile, apres lesquels le bain d'eau tiede sera tres-vtile, dans lequel le malade prendra les decoctios des herbes rafraischissantes susdites, & si la douleur perseuere, vous ne craindrez de donner trois grains de Laudanum, que vous pourrez messer auec vn peu de conserue de roses, ou vn purgatif approprié.

De l'inappetence ou dégoust.

L'humeur pituiteuse amassée dans l'estomach produit l'inappetence ou le DES PAVVRES. LIV. IV. 139 dégoust qui arriue souvent aux pauures, tant par l'vsage des mauuais alimens, que par le peu de vestemens qu'ils ont contre les injures de l'air.

Pour y remedier vous ferez infuser les feuilles d'Absynthe dans vn verre de vin blanc auec trois dragmes de Sené, y delayant vne demy dragme de poudre d'Hermodattes. Le boire ordinaire sera d'vne decoction de racine de Souchet, & de cette eau vous en tremperez le vin dans les repas, qui sera beu chaud.

Vous pourrez vous seruir des vomitoires décrits qui purgent l'humeur pituiteuse.

Si le mal est long & opiniastre, vous prendrez vne once d'Aloes que vous ferez digerer dans égales parties de suc d'Absynthe vulgaire, & vne infusion de roses passes sur vn feu lent iusqu'à consistance de pilules, y adjoûtant sur la sin vne dragme de poudre de feuilles d'Absynthe!, pour en vser à chaque prise vne dragme auant vn leger souper.

Vous ferez vne poudre digestiue auec demy once de graine d'Anis, vne dragme de poudre de roses rouges, vne demy dragme de poulpe d'écorce de citron que messerez ensemble pour en prendre demy cueillerée apres le repas, vous y pourrez adjoûter vn peu de sucre. Le vin d'Absynthe seruira le matin à mesme intention.

Si la digestion est interessée par la presence d'vne matiere pituiteuse, qui ordinairement empesche vne fonction si necessaire à l'estomach, vous vous seruirez des remedes contre l'inappe-

tence.

Que si l'indigestion & l'inappetence sont causées par la matiere bilieuse, dont vous connoistrez le sejour dans l'estomach par l'amertume de bouche, & les rapports puants, vous vous servirez des remedes propres à corriger l'intemperie chaude de l'estomach, tels que sont ceux décrits touchant ladite intemperie, n'oubliant la saignée, les remedes qui purgent la bile, les Lauemens, la ptisane faite auec le fruit de Berberis, & appliquant sur la region de l'estomach le pain de roses seches trempé dans le vinaigre.

DES PAVVRES. LIV. IV. 141

Du Vomissement.

Souuent le vomissement, selon le sentiment d'Hypocrate, est guery par le vomissement, ce qui se fera si vous donnez l'oxycrat tiede ou autres vomitoires? Vous purgerez par l'infusion d'vne dragme de Rheubarbe dans la decoction de seüilles de Plantain, du fruit de Berberis & de l'écorce de Grenade.

Si le malade ne retient aucunement les remedes liquides, comme il arriue fouuent, vous luy donnerez vne dragme d'Aloës lauée ou no urrie d'eau ou

de suc de roses passes.

Vous ferez bouillir la chair de coins en vinaigre iusqu'à consistance de bouillie, puis vous adjoûterez sur vne liure d'icelle vne once de poudre de racine de Souchet, ou d'écorce d'orange, dont vous prendrez soir & matin la grosseur d'vne noisette.

Vous preparerez vne poudre fort vtile auec vne dragme de semence d'Ozeille & de Pourpier, deux dragmes de poudre de Menthe seche,

deux dragmes de raclure de corne de Cerf, & vn scrupule de roses rouges seches.

Vous vous seruirez de cette poudre pour prendre auec les bouillons, oula messerez auec vn peu de Syrop ou chair de coins cuitte, pour en faire

Opiate.

Vous preparerez aussi vn Apozeme auec vne decoction de racines d'Ozeille, seuilles de Tressle aceteux & fruits de Berberis, à quatre onces de laquelle vous adjoûterez vn peu de suc de Tressle aceteux qui a vne vertu pareille au suc de limons, vous y pourrez messler vn peu de sucre.

Si vous adjoûtez six gouttes d'esprit de Vitriol à l'Apozeme susdit, vous

augmenterez sa vertu.

Vne once de suc de coins cruds est vn merueilleux remede pour arrester le vomissement. Si vous la donnez à boire, en appliquant la pomme de Coin cuitte pilée sur la region de l'estomach.

Si le vomissement ne cede aux remedes susdits, vous donnerez trois grains de Laudanum que messerezaues DES PAVVRES. LIV. IV. 143 vne dragme d'Aloës preparé comme dessus.

Quand le vomissement est causé par vne matiere pituiteuse, vous l'en guerirez par les remedes contre l'inappetence, qui a pour cause la mesme humeur.

Vous observerez si le vomissement est causé par la Nephritique, la passion iliaque ou l'instammation du cerueau, de la ratte, ou du foye, car en ce cas il faut recourir aux Chapitres particuliers de telles maladies pour tirer les remedes propres contre tel vomissement.

Du vomissement de Sang.

Si le malade vomit du sang comme il arriue souvent par l'essussion de cette substance des parties voisines dans l'estomach, ou par l'ouverture des oristees des veines de la mesme partie, vous tirerez souvent du sang au bras, mais peu à la fois; comme aussi du pied; vous ferez sortes ligatures aux cuisses à au bras; vous vous servirez promptement du remede de Galien, qui

144 LE MEDECIN
affeure que quatre onces de suc de
Plantain arrestent le vomissement, si
vous les donnez au temps du vomissement.

Vous donnerez vn verre d'oxycrat deux heures apres ce remede, & mefme vous fomenterez dudit oxycrat la

region de l'estomach.

Vous prendrez deux cueillerées d'eau rose & vne de vinaigre rosat, vous les battrez auec vn blanc d'œuf, adjoûtant deux dragmes d'Amidon pour en vser à la cueillere.

Du Colera Morbus.

Si le vomissement bilieux & violent est accompagné de dejections bilieuses & frequentes, nous l'appellons Colera Morbus, qui est guery par les remedes prescrits contre le vomissement bilieux, sinon qu'il est necessaire en ce symptome de donner des Lauemens au lait & iaunes d'œufs, y messant le mucilage de semence de Coins contusé tiré de l'eau de Plantain. Vous pourrez par fois messer dans les Lauemens cinq ou six grains d'Opium ou Laudanum.

danum, si particulierement les remedes generaux ont precedé: Vous donnerez aussi vtilement par la bouche pour arrester l'impetuosité de cette humeur, trois grains de Laudanum auec vn peu de conserue de roses rouges.

Ce qu'il y a de particulier en cette maladie, c'est de donner des remedes cordiaux rafraischissans, décrits au Chapitre deuxiéme des maladies du

cœur.

De la Colique.

La Colique est vn esset d'vne matiere pituiteuse & souuent vitrée attachée à l'intestin colon, ou d'vne matiere statueuse qui parcourt cette partie, ou d'vne bile acre qui pique & ronge les

membranes des intestins.

La colique pituiteuse & phlegmatique consiste en vne douleur fixe & arrestée, & la flatueuse en vne matiere qui donne plus de distention que de pesanteur, estant plus errante quarrestée: La bilieuse est accompagnée de vomissemens de mesme matiere, sié-

N

146. LE MEDECIN
ure, défaillance, sueurs froides & sous
uent de consulsson.

De la Colique pituiteuse.

La guerison de la Colique pituiteuse consulte plûtost en Lauemens & purgatifs, qu'en saignées; quoy que ce dernier remede soit-souvent necessaire quand la plenitude accompagne la

colique.

Le purgatifsera d'vne decoction de feüilles de Fenoüil & Cerfeüil, dans laquelle vous ferez infuser trois dragmes de Sené, y délayant vne dragme de poudre d'Hermodatte: Vous pourrez tirer d'autres remedes du Chapitte troisiéme du premier Liure, comme aussi des Clysteres du Chapitre particulier; où entr'autres Lauemens, vous trouuerez par experience que celuy qui est fait d'vne decoction de feuilles de Ruë, Fenoüil & Absynthe, dans vne chopine de vin clairet iusqu'à la reduction de la moitié, est de grand effet si vous y adjoûtez quatre onces d'huile de Camomille ou de Noix.

Le Lauement aussi fait de vin clairet

DES PAVVRES. LIV. IV. 147 bans lequel vous messerez deux onces d'eau de vie, ou d'vne decoction de seuilles de Tabac dans le bouillon gras, auquel vous adjoûterez vne once du suc de la mesme plante, appaise cette espece de douleur.

Les vomitoires qui éuacüent l'humeur pituiteuse sont tres-vtiles quand la douleur ne cede aux remedes susdits, & en ce cas vous donnerez trois onces

de vin emetique.

Apres ces remedes vous trouverez que si vous faites bouillir l'écorce d'orange seche auec du vin blanc qui sera consommé à moitié, en prenant souvent vn cueillerée de ce vin chaud, vous autez grand soulagement.

De la Colique venteuse.

Si la Colique est produite par vents & flatuositez, vous vous seruirez des mesmes remedes purgatifs prescrits pour la colique pituiteuse, adjoûtant seulement à la decoction des Lauemens les semences d'Anis, de Fenouil & Bayes de Genéure, faisant ladite decoction auec le vin. Les sachets & so-

Ni

mentations faites auec les Bayes & femences susdites, comme aussi les feüilles de Menthe, Fenoüil & sleurs

de Camomille, seront vtiles.

L'experience vous fera connoistre qu'vne grande ventouse appliquée sur la region vmbilicale apres les remedes generaux, comme aussi le Galbanum dissout dans l'eau de vie appliqué sur la mesme partie, est de grand esset, Au lieu de Galbanum vous pourrez vous serum d'vn pain chaud trempé dans l'eau de vie auec vn peu de Bayes de Genéure, ou de poiure en poudre.

De la Colique bilieuse.

Si la Colique est bilieuse, vous n'oublierez la saignée qui y est plus necessaire qu'aux autres especes de coliques, à raison de l'humeur dominante & de l'intemperie des visceres.

Vous purgerez par vne infusion de Sené & de Rheubarbe dans l'eau ou

decoction de Chicorée sauuage.

Les Lauemens seront preparez auec decoction de racines & seuilles de Mauues, Guimauues, semence de Lin DES PAVVRES. LIV. IV. 149 & testes de Pauots, y délayant les jaunes d'œufs, & le mucilage de semence de Lin ou de Psillium.

Vous employerez le bain d'eau tiede, ou vne vessie pleine de lait tiede, dans lequel vous aurez fait bouillir la semence de Lin que vous appliquerez & laisserez sur la partie affligée.

Si tous ces remedes sont inutiles. pour appaiser la douleur, vous donnerez trois grains de Laudanum auec vne

cerise ou vn pruneau cuit.

Il y a vne autre espece de colique bilieuse qui est si opiniastre, que ne cedant à aucun remede, elle dégenere souvent en paralysse, & cette colique est assez familiere aux pauvres que i'ay souvent veu paralytiques en suite de cette colique, qui n'a pas comme les autres son siege dans les intestins, mais dans les membranes du ventre inferieur, dans lesquelles il se fait vne esfusion de bile qui est transportée desdites membranes dans l'épine du dos.

Le charactere de cette douleur est qu'elle est souvent accopagnée de celle des iambes & des cuisses, le corps dement tabide par vne sieure lente qui le 150 LE MEDECIN

consume; Cette colique succede ordinairement aux siéures bilieuses intermittentes, où les remedes purgatifs ont esté obmis, comme il arrive souvent

aux pauures.

En cette espece de colique apres les purgatifs reiterez, le bain d'eau tiede est necessaire, & l'vsage du lait clair, que vous serez boüillir legeremet, & si les pauures se trouuent proche les eaux minerales bitumineuses & souffrées, elles leur seront des piscines salutaires. Il y a encore d'autres douleurs de ventre, comme celles qui dépendent des vers & autres causes, & en ce cas vous aurez recours aux remedes proposez aux Traitez particuliers.

De la douleur Iliaque.

La douleur la plus violente du bas ventre, est celle qu'on appelle la pasfion Iliaque, ou vulgairement le Miserere mei, par laquelle il ne se fait aucune décharge des gros excremens par les parties inferieures, mais les alimens & souvent les excremens sont évacuez par la violence du vomissement.

DES PAVVRES. LIV. IV. FFE. Il y en a de trois especes, vne qui se fait par l'obstruction de l'intestin Ileon; & est guerie par les mesmes remedes que la colique phlegmatique. La seconde par l'inflammation des intestins, & elle est guerie par les remedes dits en la colique biliense. La troisième espece est causée ou par la circonuolution des intestins, & elle est guerie par la pillule perpetuelle faite du regule d'Antimoine, ou elle est faite par la descente de l'intestin dans l'aisne ou dans la bourse, & elle se guerit par les fomentations de feuilles de Mauues, Guimauues, semence de Lin, ou liniment auec l'huile de Lys, apres lesquelles on reduit peu à peu l'intestin dans sa situation naturelle.

De la constipation du Ventre.

Ie ne parle point icy de la constipation du ventre qui accompagne les sièures, mais seulement de celle qui dépend de la secheresse des intestins ou d'vne intemperie seche des visceres, qui est fort ordinaire aux mélancholiques, qui sera corrigée par les bouil-

Niiij.

Vous pourrez encore lascher le ventre le matin, en prenant à ieun vne pinte ou deux de lait clair, & si cela ne suffit; vous ferez tremper toute la nuit dans le premier verre trois dragmes de Sené, & sur iceluy vous prendrez le reste du lait clair.

Vous pourrez aussi faire infuser pa-

pes Pavvres. Liv. IV. 153 reille quantité de Sené dans vne écuellée de lus de pruneaux doux, qui sera pris vne heure auant le repas.

Le bain d'eau tiede sera propre à temperor cette secheresse des visceres.

De la Diarrhée ou cours de Ventre.

Il n'y a point de maladie plus familiere aux pauures que la Diarrhée ou cours de ventre, à cause de la corruption des alimens de mauuaise qualité, qui souvent leur laisse l'acrimonie qui fait presque toûjours cette maladie.

S'il y a plenitude ou fiéure, vous pouuez d'abord tirer vn peu de sang, principalement si la diarrhée est bi-

lieuse.

Vous donnerez des Lauemens d'vne decoction d'orge auec son écorce, de Son & fleurs de Camomille y messant des iaunes d'œufs.

Le malade sera purgé au commencement par vne infusion d'vne dragme de Rheubarbe de nos iardins dans vn verre de Ptisane, qui sera faite auec le fruit d'Espine-Vinette, ou racines de Tormentille & sleurs de Plantain, y 154 LE MEDECIN

messant une once de Syrop de roses

passes.

Si la fiéure n'accompagne la diarthée, vous donnerez chaque matin demy verre de vin d'Absynthe, & apres diuers remedes si le flux est immoderé, vous preparerez l'Opiate suiuante pour en prendre chaque matin la grosseur d'vne noisette, & sur icelle vn peu de gros vin.

Prenez vne once de suc de Coins épaissi auec du miel, messez vne dragme de poudre de racine de Tormentille dont vous ferez Opiate pour en vser

soir & matin.

Vous remarquerez que souvent la diarrhée dépend d'un écoulement de matiere pituiteuse du cerueau sur les intestins, de l'obstruction de la ratte ou du foye, ou de la foiblesse desdites parties, & en ce cas il faut auoir égard à la partie qui enuoye, en l'épurant & la fortissant.

De la Dyssenterie.

Durant les Dyssenteries populaires les pauures en sentent les premieres

DES PAVVRES. LIV. IV. 153 atteintes, à raison de la mauuaise nourriture, & durant les années cheres ils ont de la peine à se preseruer de cette fascheuse maladie qui consiste en douleurs de ventre & trenchées, auec vn peu de sang ou de matiere purulente qui se messe auec les excremens.

Au commencement de cette maladie vne legere saignée peut estre vtile, comme aussi la purgation preparée par l'infusion d'vne dragme de nostre Rheubarbe domestique, à laquelle vous pourrez adjoûter vne once de Syrop de roses passes si le flux n'est pas immoderé.

Pour appaiser la douleur vous donnerez des Lauemens de lait tiede auec iaûnes d'œufs, ou vous ferez boüillir la racine de Guimauues dans le lait. dans lequel vous dissoudrez deux onces de mucilage de Coins tirez de l'eau de Plantain, ou vous meslerez vn blanc d'œnf auec ledit lait.

Il est souvent necessaire de nettoyer & deterger les intestins par vn Lauement fait auec Orge, Son de Froment, Heurs de Camomille & Melitot dans le lait clair; Vous ferez aussi vn Lauement apres que la douleur sera moderée auec vne decoction d'vne teste de mouton que vous ferez bouillir iusqu'à ce que les os en soient separez, à laquelle decoction vous adjoûterez deux onces de suif de bouc.

Quand vous voudrez arrester le slux dyssenteric, vous prendrez deux blancs d'œufs que vous agiterez iusqu'à l'écume, vous y messerez trois cueillerées d'eau rose blanche, & pareille quantité d'eau de Plantain auec demy quarteron de sucre, donnez-en soir & matin vne ou deux cueillerées chaque fois & en continuez l'vsage.

Vous pourrez aussi donner à mesme intention vne cueillerée d'huile d'amandes douces, ou à son defaut d'huile d'Oliues, & pareille quantité d'eau

tose, que vous reitererez.

La corne de cerf brulée, puis lauée auec l'eau rose ou de Plantain mise en poudre & donnée au poids d'vne dragme, est vn tres-excellent remede selon Gallien.

l'ay à vous aduertir de ne pas donner au commencement de la dyssenterie des remedes trop astringens, car pas DES PAVVRES. LIV. IV. 157 ce moyen vous augmenteriez la fiéure, la douleur & l'inflammation.

Si la douleur ne cede aux remedes prescrits, vous pourrez donner trois grains de Laudanum à l'heure du sommeil auec vn peu de conserue de roses

rouges liquides.

Aux corps dessechez par vne longue dyssenterie, vous ne trouuerez point de remede plus vtile que l'vsage du lait de vache pris chaud le matin, dans lequel vous aurez fait éteindre trois ou quatre billes d'acier rougies au feu.

Du Tenesme.

Le Tenesme accompagne souvent ou succede à la dyssenterie, & se fait par vne humeur acre qui pique le dernier intestin, ou par vn vlcere qui arriue à la mesme partie, qui rend quelque matiere cruente ou purulente, d'où suit vne continuelle demangeaison & desir d'aller à la selle.

Vous pratiquerez outre ce qui a esté dit dans le Traité de la dyssenterie, des injections dans le dernier intestin, preparées auec le lait & les mucilages sus-

878 dits, pour adoucir, ou pour estre deterfines anecla decoction d'orge, fleurs de Camomille, de boüillon blanc & de roses rouges dans le lait clair; que si la douleur ne cede à ces remedes, vous ferez vn suppositoire auec vn peu de suif de bouc, que vous rendrez plus efficace si vous y messez deux grains d'Opium puluerisé auec vn peu de mucilage de semence de Pauot blanc, ou de Lintiré du lait sur les cendres chaudes : Et si la douleur estant moderée vous voulez dessecher l'vicere, le malade receura dans la chaise percée la fumée de l'Encens mis sur le rechaut.

Des Vers.

Si les vers s'engendrent dans les intestins d'vne pituite putride qui tire ordinairement son origine des alimens de mauuaise qualité, les pauures en doiuent souuent souffrir les symptomes, ausquels les enfans sont plus sujets tant à raison de leur temperamment chaud & humide, qu'à cause de l'amas qu'ils font de cruditez par le dé; reglement de leur viure.

DES PAVVRES. LIV. IV. 159

Il est d'abord necessaire pour les guerir de les purger par vne decoction de. Pourpier ou de feüilles de Chicorée sauvage, dans laquelle vous ferez infuser demy dragme de Rheubarbe domestique, auec vn peu d'écorce d'orange ou de citron, delayant vne once de Syrop de roses passes ou de sleurs de Pescher. Ce remede purgatif pourra seruir aux adultes & à ceux qui sont plus auancez en âge, augmentant la dose de Rheubarbe & y adjoûtant deux dragmes de Sené.

Incontinent apres que cette potion fera prise, vous ietterez vn Lauement d'vne decoction d'Orge, de Son & de racine de Reguelisse, y mélant vne once de sucre rouge, ou deux onces de miel

commun.

Le Mercure dulcifié donné aux enfans iusqu'à six grains, & aux autres iusqu'à douze, est vn excellent purgatif contre les vers, si vous le donnez auec vn peu de conserue de roses rouges ou vn peu de moüelle de pome cuitte.

On donne vulgairement aux enfans demy dragme de semence contre les

160 LE MEDECIN

vers, pilée auec vn peu de moüelle de pome cuitte, & sur la prise vn verre d'eau de Pourpier: Mais comme l'experience fait connoistre que ce remede excite presque toujours la sièure, il est plus viile de leur donner de la poudre suivante.

Prenez deux dragmes de corne de Cerf brûlée iusqu'à ce qu'elle deuienne blache, vne dragme de semence contre les vers, & pareille quantité de seiilles de Scordium, reduisez le tout en poudre & en donnez depuis yne demy dragme iusqu'à vne dragme, auec vn peu de miel, & sur ce remede vous boirez vn verre de la Ptisane faite auec la racine de Chien-dent & la raclure de corne de cerf qui seruira pour le boire ordinaire.

Le vin dans lequel vous aurez fait infuser les feüilles d'Absynthe & de Scordium est tres-vtile, si vous en prenez chaque matin demy verre à ieun.

Le selde Genéure depuis dix grains iusqu'à quinze, ou l'écorce d'orange puluerisée donnée en mesme quantité, tire les vers si vous prenez vn peu de vin sur ce remede.

L'huile de bois de Genéure rectifié

DES PAVVRES. LIV. IV. 161 ou du bois de Noisetier, est admirable, si vous en donez de chacun vne goutte pour les enfans auec vn boüillon de Pourpier, ou trois gouttes pour ceux qui sont plus âgez.

Ie ne trouue rien si facile ny si vtile contre les vers des enfans, que de leur faire boire aux repas l'eau, dans vne pinte de laquelle vous aurez fait boüillir vne once de vif argent, qui seruira

plusieurs fois à cet effet.

On peut appliquer sur le nombril des enfans l'extrait de Genéure, ou la poudre de seuilles d'Absynthe & de Scordium, auec le siel de bœuf & vn pain de cire: L'ail pilé a pareille qualité appli-

qué sur la mesme partie.

Mais s'il y a des accidens fascheux qui trauaillent les malades, comme douleurs de ventre & de teste opiniastres auec conuulsions, il faut en ce cas soupconner quelques vers extraordinaires, comme celuy qu'on appelle Platée, qui s'estend selon la longueur des intestins, & dans la violence de ces symptomes vous ne trouuerez de plus present remede que le syrop emetique sebrifuge décrit, dont vous donnerez

0

denvis demy once infavia vne

depuis demy once iusqu'à vne once, selon les forces de vostre malade, & vous en verrez vn effet merueilleux.

De la douleur d'Hemorrhoïdes.

Quand le sang mélancolique estend par sa quantitéles veines Hemorrhoïdales, ou par sa qualité acre & mordicante il les picque, il s'y enssamme & cause vne grande douleur, que vous appaiserez par la saignée du bras reiterée, comme aussi celle du pied, par somentations faites auec le lait tiede & la semence de Lin qui y aura boüilly; Vous tremperez aussi la partie douloureuse dans vn bassin où vous aurez mis ledit lait tiede.

Quelques-vns employent auec heureux succez le beurre seul qu'on aura agité dans vn mortier de plomb auec vn pilon de plomb: Les autres y mélent égales parties de mucilage de semence de Lin, tirée de l'eau rose ou de Plantain: d'autres se servent d'vn oignon rouge pilé auec oignon de Lys, & messé auec l'huile de Lin: ou bien ils sont bouillir la racine de petite Scro-

phulaire, & la messent auec du beurre

pour l'appliquer sur la partie.

Mais entre tous les remedes qui appaisent la douleur, l'huile de Buys y est tres-vtile, si vous touchez la partie affligée d'vne seule goutte auec vn peu de coton.

Que si les Hemorrhoïdes sont vlcerées, vous y appliquerez vn remede preparé auec vne dragme d'encens en poudre, vn iaune d'œuf, & deux grains d'Opium auec vn peu d'huile de Lin.

Duflux de sang des Hemorrhoïdes.

Sile sang se porte auec violence aux veines hemorrhoïdales, il s'en fait une perte si grande, qu'il faut auoir recours aux saignées des parties superieures, aux frictions & ligatures des bras, aux ventouses appliquées aux mammelles & hypocondres.

Vous ferez vne fomentation d'vne decoction de racines de grande Confonde, de Bistorte, feuilles de Bouillon blanc & Absynthe, dans égales parties

de gros vin & eau ferrée.

Les linges trempez dans le mucilage

164 LE MEDECIN de temence de coin pilée & tirée d'eau

de plantain, arrestent le sang.

Vous auancerez bien la guerison de cette maladie, si vous purgez vostre malade par vne insussion & forte expression de nostre Rheubarbe domestique dans la decoction de semence de Plantain.

Que si le mal ne cede à ces remedes, & que la perte du sang épuise les forces, vous prendrez du sang qui coule des Hemorrhoïdes, & messerez auec iceluy du vieux torchis puluerisé & tamisé, & infailliblement il arrestera le sang quand il sera appliqué sur la partie.

Des maladies du Foye.

CHAPITRE II.

Intemperie chaude du foye, l'obstruction, la iaunisse ou icteritie, le slux hepatique & l'hydropisse, sont les maladies qui attaquent le plus souuent le foye, & sont les plus familieres aux pauures, à raison de la mauuaise DES PAVVRES. LIV. IV. 165 qualité des alimens qui leur fournissent fanourriture, & des autres causes exterieures.

L'intemperie chaude du Foye.

Les remedes qui guerissent la chaleur du foye, & les maladies qui en dépendent, sont les racines d'Ozeille, de Chicorée sauuage, de Chien-dent, auec les feuilles d'Aigremoine, Hepatique, Trefsle Aceteus ou Alleluya, Capillaires & sleurs de Chicorée, de tous lesquels on fera decoctions pour tem-

perer la chaleur du foye.

Vous saignerez au bras & au pied, selon les forces du malade: Les Lauemens rafraischissans seront en vsage, comme aussi le bain d'eau tiede, que vous ne pratiquerez qu'apres la purgation, qui sera preparée auec deux verres de la decoction susdite, ou de lait clair, dans lesquels vous ferez insuser trois dragmes de Sené auec demy dragme de Crystal mineral pour deux prises le matin, à vne heure l'vne de l'autre.

Vous vserez chaque matin, durant

quinze iours, du lait clair en forme d'eaux minerales; quelques-vns en prennent chaque fois iusqu'à deux pintes; vous y pourrez adjoûter le sucépuré de pomes de Reynette. Vous pourrez vser, au lieu dudit lait clair, d'eau de Chicorée sauuage ou de Ptisane, si la soiblesse de vostre estomach ne peut porter le lait clair.

Les pauures qui seront proche des eaux minerales de forges, des Escharlis ou de Pithuiers, en vseront vtile-

ment pour rafraischir le foye.

De l'obstruction du Foye.

La matiere pituiteuse, épaisse & bourbeuse, fait ordinairement l'obstruction du foye, qui bouchant les conduits & vaisseaux qui s'inserent dans la substance de cette noble partie, comme la veine caue & la porte, donnent naissance par cette obstruction à la Iaunisse, au Schyrre, & à la Pachexie, ausquelles maladies les remedes suiuans sont propres, quand elles dépendent de l'obstruction.

Les remedes qui empeschent oule-

DES PAVVRES. LIV. IV. 167
uent l'obstruction, sont les racines de
Persil, d'Ache, Fenouil, Fougere, écorce de Fresne, feuilles d'Absynthe, &
fleurs de petite Centaurée, quand il
n'y a point de chaleur qui accompagne
l'obstruction; & quand il yen a, vous
vous servirez de feuilles d'Aigremoine, de Chicorée sauuage, de Capillaires & fleurs de Soucy, desquels on fait
des decoctions pour apozemes & syrops qui preparent cette humeur.

En faisant des decoctions ou apozemes des remedes susdits, vous adjoûterez à chaque prise sept ou huit gout-

tes d'esprit de Vitriol.

Apres les saignées du bras & du pied, vous purgerez par vne decoction des plantes susdites, dans laquelle vous ferez insuser trois dragmes de Sené auec demy dragme de Crystal mineral, delayant vne demy dragme ou vne dragme d'Hermodatte en poudre.

On fera des Lauemens où le vin emetique ne fera obmis quand l'ob-

Aruction est rebelle.

Le sel de Nicotiane donné depuis quatre grains iusqu'à quinze dans vne des decoctions susdites, desopile le foye en purgeant doucement.

Vous ne trouuerez point de remede plus facile pour leuer les obstructions du foye que l'Acier en limaille, que vous preparerez en le faisant tremper dans le vinaigre, & le faisant secher au Soleil; ce qui sera fait trois fois en le puluerisant. Vous mettrez vne once de cet Acier preparé dans vn noüet pour le faire boüillir dans vne pinte d'eau pour le boire ordinaire, vous seruant du mesme Acier pour vne autre decoction.

Prenez deux onces d'Acier preparé, racines d'Eaune & Couleurée de chacune vne once, feüilles d'Absynthe & de Menthe de chacune vne poignée, écorce d'orange vne dragme, fleurs de petite Centaurée & de Genest, de chacune vne pincée, faites infuser le tout durant huit iours derriere le four chaud dans vne chopine d'eau, & pareille quantité de vin blanc, puis le passerez trois fois par la manche d'hypocras, & vous le garderez pour l'vsage, en prenant chaque matin demy verre de cette liqueur.

Vous pourrez faire vn syrop à la mesme

DES PAVVRES. LIV. IV. 169 melme intention auec vne once d'acier preparé, racines d'Asperges, Persil, Ache & Souchet auec les feuilles d'Absynthe, la semence de Coriandre, l'écorce de citron & fleurs de petite Centaurée; faites infuser le tout en vn lieu chaud, dans deux liures d'eau de fontaine, faites-le bouillir legerement auec vne liure de miel, iusqu'à ce qu'il soit écumé, dans la coulure adjoûtez vn quarteron de bon vinaigre & deux dragmes d'écorce d'orange, faites encore bouillir le tout iusqu'à ce qu'il y ait acquis la consistance de Syrop, & le coulez, en prenant dudit Syrop deux cueillerées auec vn verre de Ptisane conuenable.

Si les pauures se trouuent proches des eaux minerales de Pougues ou des Escharlis, ils en vseront auec esset.

Que s'ils n'ont la commo dité d'aller aux eaux minerales naturelles, vous donnerez les artificielles que nous auons décrites au Chapitre huitième du premier Liure, & sur toutes la premiere qui est preparée auec le Tartre martial ou Calibé.

Si l'obstruction ne cede aux remedes

170 LE MEDECIN sus donnerez sept ou huit grains de Crystal de tartre emetique, dont nous auons donné la preparation au premier Liure, Chapitre onziesme.

De la Iaunisse ou Isteritie.

Cette maladie est assez manifeste par la couleur iaunastre qui infecte la peau, auec lassitude, degoust, pesanteur qui se fait par l'obstruction du foye ou du conduit, qui porte labile de la vessie du fiel dans les intestins, dont le reflux dans l'habitude du corps produit cette mauuaise couleur auec Îes accidens, de telle sorte qu'il est facile à iuger que les remedes qui seruent à guerir l'obstruction du foye, contribuent aussi à la guerison de la Iaunisse: Car nous considerons icy ce symptome sans fiéure, puisque la launisse qui paroist dans les sieures y est guerie par les remedes rafraischissans & aperitifs qui combattent la fiéure & l'obstruction.

Vous preparerez outre les remedes faits auec l'acier vne decoction d'vne once de racines de Rubia Tintterum, auec

DES PAVVRES. LIV. IV. 171 vne poignée de feüilles de grande Eclaire & d'Absynthe dans vne chopine de vin blanc, dont vous prendrez chaque matin demy verre, adjoûtant sur le tout vne dragme & demie de Tartre martial ou Calibé.

Le Syrop de suc de Marrube preparé auec le miel, est vn remede specifique contre la Iaunisse.

De la foiblesse du Foye & du flux Hepatique.

La foiblesse du foye est contractée non seulement par l'intemperie de cette partie, qui conduit insensiblement au vice de la substance, mais aussi par celle des parties voisines, comme l'estomach, la ratte, les reins, le mesentere, les intestins & la vessie, par laquelle la preparation, coction & distribution des alimens ou la separation des excremens est interessée: S'il y a foiblesse en la faculté du foye par laquelle il attire le chyle, les déjections sont chyleuses par le dessaut de cette distribution & se fait la passion Celiaque: si la faculté par laquelle le soye

Pi

LE MEDECIN

change le chyle en sang, est debilitée, il s'engendre vne cacochymie qui fait cette maladie que nous appellons Cachexie, qui est le prelude de l'hydropisse: Et si la faculté retentiue est blessée, le malade souffre le flux hepatique par lequel les humeurs fortent en abondance sans douleur, semblables à vn sang aqueux ou à l'eau dans laquelle on a laué la chair.

Souvent le flux hepatique dépend d'obstruction, & en ce cas vous vous servirez des remedes décrits en l'ob-Aruction du foye: Mais s'il se fait par la debilité de la faculté retentiue du foye, comme il arrive souvent apres les longues maladies, quand les forces & la vigueur des parties sont épuisées, vous le guerirez par les remedes suiuans, to exact 22 Charles

La saignée doit estre rare en cette maladie, & ne doit estre pratiquée, que lorsqu'il y a vne intemperie chaude presente qui demande ce secours.

La Ptisane pour le boire ordinaire, doit estre preparée auec la semence de coins & les roses rouges, ou le fruit de

Sumach & de Berberis.

Vous purgerez vostre malade par vne infusion d'vne dragme ou vne dragme & demie de nostre Rheubarbe domestique dans la Ptisane susdite qui sera reiterée.

Vne dragme de racine de Souchet mise en poudre & messée auec demy once de conserue de roses rouges liquide, est vne bonne Opiate pour les pauures, en prenant chaque matin la grosseur d'vne noisette auec vn peu de gros vin, où vous messerez deux dragmes de la mesme poudre de Souchet auec deux poignées de Passeriles que vous aurez fait boüillir auec de gros vin & passées par le tamis pour en vser en forme d'Opiate.

S'il ya grande secheresse des parties sans obstruction, on se sert heureusement du lait de vache dont on prend chaque marin à ieun vne écuellée, pour ueu qu'on esteigne trois ou quatre billes d'acier rougies au seu dans ledit lait: Vous y pourrez messer vne cueillerée

d'eau rose auec vn peu de sucre.

174 LE MEDECIN

Del Hydropifie.

Les trois especes d'Hydropisse déspendent de trois choses differentes, l'Ascite de serosité & d'humeur aqueuse; la Tympanite de vents messez auec la serosité, & la Lencophlegmatie est produite par vne matiere pituiteuse groffiere qui occupe les chairs & s'estéd par toute l'habitude du corps. L'Ascite est particulierement guerie par les remedes hydragogues & qui purgent les eaux; la Tympanite par ceux qui resolute les statuositez, & la Lencophlegmatie par ceux qui purgent les phlegmes, & par les sudorisiques.

La saignée convient plus à la Lencophlegmatie qu'aux autres especes, si ce n'est qu'elles dépendent d'vne intemperie chaude & seche des visceres, ou qu'elles suivent la suppression de quelque évacuation ordinaire, car ence

cas on peut faire la saignée.

De l'Ascite.

L'Ascite est difficile à guerir, & yous

DES PAVVRES. LIV. IV. 175 ne pouuez en esperer la guerison que du frequent vsage des purgatifs, qui évacuent les serositez, dont vous tire-rez la dose du cinquiesme Chapitre du premier Liure.

Outre ces remedes vous vous seruirez heureusement d'vne decoction d'vne dragme de semence d'Hyeble contusé, à vn verre de laquelle vous adjoûterez vne once de Syrop de Ner-

prun.

La Gomme-gutte donnée en substance depuis huit grains iusqu'à quinze auec vn verre de vin blanc, est vn remede qui vuide puissamment les eaux.

Vous preparerez vtilement vne poudre auec seize grains de Ialap, & huit grains de Gomme-gutte auec vn peu de vin blanc ou vn boüillon aperitif.

Vous employerez aussi pour vous purger la racine de Concombre sauuage que vous reduirez en poudre dont vous prendrez vingt ou trente grains auec vn peu de miel, & sur ce remede demy verre de vin blanc le matin.

Prenez suc de l'Aureole, d'Absynthe, de racine d'Hyeble, de Flambe des iardins, du fruit & de la racine de Concombre sauuage, de chacun vne once, prenez la residence desdits sucs & iettez l'eau qui surnage, exposez le tout au Soleil & agitez-le souuet, adjoutez demy once de poudre de racine de Souchet, auec vne once & demie de miel pour faire vne conserue dont le malade prendra souuent vne dragme, ou vne dragme & demie le matin à ieun, & sur icelle vn peu de vin blanc ou d'Absynthe.

Quelques-vns donnent auec succés le matin deux onces de suc de Cerseüil

auec vn peu de vin blanc.

L'vsage des Lauemens est fort necessaire dans cette maladie, que vous preparerez auec vne decoction de racines d'Hyeble, d'écorce de Sureau & feüilles d'Absynthe, y messant trois onces de vin blanc, dans lequel vous aurez fait insuser deux dragmes de pome de Coloquinte. Vous y pourrez aussi messer six onces de vin emetique.

Vous pourrez faire d'autres Lauemens auec le miel & la decoction de racines de Brionia ou de Concom-

bre sauuage.

Vous donnerez pour le boire ordi-

paire l'eau dans laquelle vous aurez fait bouillir la racine de Fougere, ou la racine de Flambe des iardins, hors les repas, & dans les repas de la mesme decoction auec le vin blanc.

l'ay remarqué que les pauures guerissent plûtost de l'hydropisse que les riches, pource qu'ils souffrent plus sacilement l'abstinence, & qu'ils se priuent plus librement du boire frequent, qui est fort préjudiciable aux hydropiques: S'ils sont pressez de la soif, ils lapourront slatter en maschant la ra-

cine de Reguelisse.

Que si la fiéure auec la secheresse des parties superieures, accompagne l'hydropisse, ce qui témoigne vne intemperie chaude & seche des visceres, en ce cas vous accorderez plus librement la boisson à vos malades, en vous abstenant des remedes chauds, vous ferez faire vne Ptisane auec la racine de Chicorée sauuage, & quand vous purgerez, vous y ferez infuser du Sené, y messant auec vn peu de sucre vne once de suc de racines de Flambe, ou de l'infusion de roses passes.

Pour les remedes externes, on se

sert souuent de l'eau de chaux pour ap? pliquer sur le ventre & sur les iambes, y faisant tremper vne esponge qu'ils lient sur les parties enflées : D'autres font vne lessiue auec racines d'Hyeble & d'Eaune, feuilles de Rômarin & de Sauge dans le vin blanc auec sel & Alun, pour fomenter lesdites parties: D'autres appliquent les feuilles de Ranuncule sur les iambes enssées pour en tirer l'eau : Mais selon mon aduis fondé en experience, ce dernier remede m'est suspect aussi bien que les cauteres potentiels, qui le plus souuent pre-parent la partie & la disposent à la gangrene.

Quand tous ces remedes ont esté inutiles dans l'Ascite, on a accoustumé de recourir à la Paracentese, qui souuent ne donne aucun soulagement à cause qu'elle est pratiquée trop tard, & seulement lorsque les parties du bas ventre ont contracté pourriture par le long sejour des eaux salées & pour-

ries.

DES PAVVRES. LIV. IV. 179

De la Tympanite.

Dans la Tympanite causée par les vents qui ne sont iamais sans serositez, vous vous seruirez apres les remedes qui purgent le phlegme, de sachets pour appliquer chaudement sur la partie enssée que vous preparerez auec semence de Millet, Bayes de Genéure ou Laurier concassées, que vous arrouferez de vin blanc en les faisant chauffer.

Il est sur tout necessaire pour la guerison de cette maladie que le malade s'abstienne de viandes solides le soir, à cause qu'en ce temps le ventre s'ensle par les vents.

De la Lencophlegmatie.

Mais dans la Lencophlegmatie ou Anasarque, où les bras, les iambes & la face sont tumessées & souvent froides, vous employerez particulierement les remedes qui évacuent le phlegme, faisant bouillir trois dragmes de tendrons de Couleurée, dans la de-

coction de laquelle vous ferez insuser trois dragmes de Sené, délayant vne

once de Syrop de Nerprun.

Apres les purgatifs dans cette espece d'Hydropisse, il n'y a rien si necessaire que les sudorissques qui sont icy d'autant plus auantageux, qu'ils sont

nuisibles dans les autres especes.

Prenez demy once de Bayes de Genéure concassées, que ferez bouillir auec vne chopine d'eau & pareille quantité de vin blanc, que ferez reduire à la moitié dont vous ferez deux doses que prendrez deux iours de suitte le matin vn peu tiedes, couurant le corps vn peu plus que l'ordinaire.

Vous prendrez deux onces de graine de Millet, que ferez boüillir dans vne pinte d'eau de fontaine iusqu'à la reduction de quatre onces, que messerez auec égales parties de vin blanc pour donner le tout en vne prise le matin, afin d'exciter la sueur au lit en couurant

le corps auec soin.

Quelques-vns excitent heureusement la sueur dans la cage angloise ou dans vn bacquet où le malade est couvert iusqu'au col, receuant la vapeur qui DES PAVVRES. LIV. IV. 181 s'éleue de deux petits potets de terre pleins d'eau de vie rectifiée, qui est allumée qui excite la sueur facilement & copieusement. Ou vous ferez receuoir dans le mesme bacquet la vapeur d'vne decoction de racines & seilles d'Hyeble, d'Absynthe & Sauge faites auec égales parties d'eau, de vin blanc & d'vn peu de vinaigre.

Le Sauon dissout dans l'eau de vie guerit l'enflure des iambes des hydropiques, si vous en faites vn liniment

fort chaud.

Des maladies de la Ratte.

CHAPITRE III.

IL n'y a rien de si familier aux pauures que les maladies de la ratte, les alimens grossiers & pesans dont ils vsent, comme les naueaux, choux, legumes, laitages, & pain mal cuit dont ils se seruent ordinairement, leur causent l'obstruction, le schyrre, la douleur & la mélancolie hypocondriaque.

De l'obstruction & tumeur de la Ratte.

L'obstruction se fait par la presence d'vne matiere mélancolique, froide & seche, qui engage tellement les parties de la ratte, qu'elles s'éleuent & produisent vne tumeur sensible à l'attouchement.

.. Les remedes en general qui guerissent l'obstruction de la ratte, sont les racines de Polipode de cheîne, d'Aristoloche ronde, de Resfort, l'écorce de Fresne, de Tamarisc & de Citron, les feuilles de Scolopendre, Melisse, Bourroche, Buglosse, & Capillaires, auec les semences de Citron & de Persil, les fleurs de Genest, de Sureau & de Soucy, desquelles on preparera des decoctios & remedes de dinerses formes,

La saignée sera faite au bras & au

pied selon les indications.

Vous purgerez auec vne dragme de sené en poudre, douze grains de cresme de Tartre & six grains de Scammonée, pour vne prise dans vn peu de vin blanc.

DES PAVVRES. LIV. IV. 185

Si le corps est eschaussé & desseché, vous le purgerez auec le lait clair dont vous vserez pendant huit iours, faisant infuser de deux iours l'vn deux dragmes de Sené toute la nuit dans le premier verre. Vous pourrez prendre dudit lait clair trois chopines ou deux pintes à chaque fois.

Vous vous seruirez aussi du vin & du Syrop preparé auec l'acier décrit au Chapitre de l'obstruction du soye, sinon que vous employerez la decoction des simples, dits en ce Chapitre des maladies de la ratte, & que vous adjoûterez le vinaigre à l'vn & à l'autre remede, pour penetrer dauantage en l'obstruction de la ratte qu'en celle du soye.

Le Tartre martial donné en substance depuis vingt grains iusqu'à demy dragme dans vne decoction appropriée,

est vn remede fort aperitif.

Le bain d'eau tiede est aussi fort vtile, comme les eaux de Pougues & des Escharlis, si les pauures en sont proches; mais s'ils en sont essoignez, ils prepateront les eaux minerales artificielles de la seconde & troisséme forme, dé184 LE MEDECIN
crites au huitiéme Chapitre du premier
Liure.

Vous pourrez faire des fomentations fur la region de la ratte auec le vinaigre dans lequel auront bouilly les feuilles de Cigue, Couleurée & les fleurs de Sureau.

Quelques - vns appliquent sur la mesme partie vne pierre de moulin rougie au seu, esteinte dans le vinaigre, d'autres en reçoiuent la vapeur sur la region de la ratte.

Du Schyrre de la Ratte.

Ceux à qui la ratte endurcie a degeneré en Schyrre, souffrent vn sentiment de pesanteur en la region de la ratte auec difficulté de respirer, comme aussi de se tenir couchez sur cette partie, auec secheresse de bouche, vne couleur plombée du visage, enseure des pieds, sueur fetide, puanteur d'haleine, corruption de genciues, ausquels signes succedent ordinairement les vlecres malins des iambes.

Quand le mal est venu à ce point, la faignée ne doit estre pratiquée que raprement, mais les purgatifs doiuent estre donnez frequemment, que vous preparerez auec le Polipode, le Sené & le lait clair; qui seront donnez par plufieurs doses le matin.

La Ptisane ordinaire sera d'une once d'acier preparé que vous ferez boüillir auec l'eau de riusere ou de fontaine, ledit acier sera mis dans un noüet &

seruira plusieurs fois.

Les remedes proposez pour la guerison de l'obstruction de la ratte seruiront aussi pour celle du Schyrre: Mais si vous preparez les pilules auec vne once d'Aloës que vous ferez infuser & digerer à feu lent dans le suc ou infusion de roses passes, y adjoûtant deux dragmes de comme ammoniaque, vous ferez vn bon remede contre le Schyrre si vous en donnez vne dragme auant le souper deux fois la semaine, & si cela ne suffit, vous les rendrez plus fortes, en adjoûtant à chaque prise six ou sept grains d'Hellebore preparé en poudre, & en ce cas vous les donnerez le matin & non le soir.

Pour ce qui regarde les remedes externes, vous preparerez vn cataplasme

Q.

186 LE MEDECIN

auec la racine de Brionia ou Coules urée, que raperez & ferez bouillir auec le vinaigre pour l'appliquer sur la

region de la ratte.

L'éponge qui aura boüilly dans le vinaigre ou l'eau de chaux appliquée fur la partie est vtile: Quelques-vns font boüillir les feüilles de Ciguë dans le vinaigre, & l'appliquent sur la partie auec succés.

De la douleur de la Ratte.

La douleur de la ratte est souvent vn esset de vents & slatuositez qui estendent cette partie auec douleur, qui est souvent plus sixe que celle qui fait la colique, car celle-cy est plus estenduë dans tout le ventre inferieur, & la douleur de ratte plus bornée & plus arrestée.

Pour la guerison vous aurez recours à ce qui a esté dit pour la douleur d'estomach produite par flatuositez, n'oubliant l'application d'une grande ventouse, pour ueu qu'il n'y ait aucun signe de fluxion ny d'inflammation.

DES PAVVRES. LIV. IV. 187

De la Mélancolie hypocondriaque.

l'ay obserué que cette maladie est rare parmy les pauures; car souvent leur crainte & leur tristesse est iuste, puisque celle-cy est l'effet d'vn mal present, & l'autre celuy d'vn mal qu'ils peuvent voir dans le sutur auec raison. Que si leur mélancolie vient de la domination de cette humeur, vous aurez recours aux remedes proposez en l'obstruction de la ratte.

Des maladies des Reins & de la Vessie.

CHAPITRE IV.

Es maladies les plus ordinaires aux Reins & à la Vessie, & qui trauaillent plus frequemment les pauures, sont la colique nephretique, & la pierre des reins, l'inslammation & l'vlcere del'vne & de l'autre partie, la difficulté d'vriner auec l'incontinence de l'verine.

Qij

De la Colique nephretique, & de la Pierre des reins.

La Colique nephretique se connoist par la douleur fixe & arrestée en la region des reins, par le vomissement qui l'accompagne toûjours, & la difficulté d'vriner qui s'y rencontre aussi, si ce n'est qu'il y ait vn rein qui ne soit trauaillé de la douleur.

Cetre passion est causée par vn phlegme grossier & mucilagineux, par grauelle ou pierre; & pour cette raison les remedes seront communs à la Colique nephretique, & à la pierre des reins.

La saignée est necessaire au bras & au pied, les Lauemens seront preparez auec decoction de racines de Guimauues, feüilles de Parietaire, semence de Lin, & sleurs de Camomille, y messant deux onces d'huile de Lin.

Vous purgerez apres la faignée par vne dragme de Sené, & fix grains de Scammonée, que vous aurez fait boüillir auec vne decoction de racine de Reguelisse, messant le tout auec du jus de pruneaux pour en faire vn bol. DES PAVVRES. LIV. IV. 189

Si le vomissement & les douleurs continuent apres la purgation, vous donnerez sept ou huit grains de Crystal de tartre emetique, auec vn iaune d'œuf ou la moüelle de pomes cuites, selon la description donnée au premier Liure, au Chapitre des remedes Chy-

miques.

Vous ferez legerement bouillir pour le boire ordinaire vne once de semence de Lindans vn petit nouet, que vous laisserez tremper dans ladite eau; ou vous ferez bouillir deux onces de racine de Guimauues dans deux pintes d'eau, que vous ferez reduire à trois chopines, y adjoûtant sur la fin vn peu de Reguelisse.

Vous pourrez preparer vn syrop de Guimauues auec la decoction sussitie. Pour appaiser & guerir la Colique nephretique, vous prendrez trois onces de suc ou eau de Parietaire, vne once de suc de Limons & de Tresse Arteus, & quatre gouttes d'esprit de Vitriol, auec vn peude sucre pour vne dose.

Si les douleurs ne cedent à ces remedes, le bain d'eau tiede est necessaire,

Qii

190 LE MEDECIN

& s'il n'appaise les douleurs, vous dont nerez trois ou quatre grains de Laudanum.

Il y aura soupçon de pierre dans les reins qui cause la douleur, si tous ces remedes reiterez ne l'appaisent point, & en ce cas il sera necessaire de recourir à ceux qui ont plus de force pour expulser ce corps estranger de cette

partie.

l'ay remarqué par vne longue experience, que la poudre de Cloportes est vn excellent remede contre la Pierre; elle se prepare, en faisant consommer au sour chaud le vin blanc, dans lequel les Cloportes trempent dans vn creuset; ce que vous ferez trois sois pour les reduire en poudre, dont vous donnerez depuis vne demy dragme iusqu'à vne dragme pour chaque prise auec vn peu de vin blanc, dans lequel vous aurez sait boüillir auparauant les Bayes de Genéure concassées.

Vous vous pourrez aussi seruir à mesme effet du vin blanc, dans lequel vous aurez sait boüillir les seuilles & fruit d'Alquequenge, en prenat chaque matin à ieun vn demy verre dudit vin

DES PAVVRES. LIV. IV. 191

Vous raperez vne once d'écorce de Reffort, que vous ferez tremper dans vn verre de vin blanc, vous l'exprimerez & le donnerez le matin.

Vous pourrez faire la decoction sui-

uante pour en vser chaque matin.

Prenez demy once de racine d'Eaune, fruits d'Alquequenge deux onces, auec fix dragmes de bayes de Genéure, pour faire bouillir le tout dans vne pinte de vinblác, & pareille quatité d'eau de racines d'Ononis ou Arretebeuf, iusqu'à la reduction de trois chopines, pour en prendre chaque matin demy verre.

Vne dragme de semence de Milium Solis en poudre dans vn verre de vin blanc pour vne prise, est vn remede

fort aperirif.

De la pierre de la Vessie.

La pierre de la Vessie sera guerie par les mesmes remedes que celle des reins, sinon qu'ils doiuent estre plus forts & en plus grande dose: Vous serez vne iniection dans la vessie auec decoction de racines & seuilles de Persil, de Parietaire & de Cresson dans le 192 LE MEDECIN vin blanc, y adjoûtant du miel.

Vous pourrez aussi appliquer les feüilles de Berle, de Cresson & de Parietaire cuittes, sur la region de la vessie; & si les accidens ne cessent, vous aurez recours à l'operation.

De l'inflammation des Reins & de la Vessie.

L'inflammation des Reins & de la Vessie, se fait par vne assusion de sang ou de bile sur l'vne & l'autre partie, qui en suitte s'enssamme, & qui fait vne tension en la region de la vessie, aues dureté, pulsation, alteration, sièure, & autres accidens.

La saignée est icy le premier & principal remede qui satisfait à toutes les indications; elle sera pratiquée plusieurs fois au bras auant que faire celle du pied, puisqu'en ce rencontre particulierement les éuacuations des parties superieures doiuent estre faites auant celles des parties inferieures.

Les Lauemens seront faits auec decoction de racines de Guimauues, feuilles de Parietaire & semence de Lin, y

meslant

DES PAVVRES. LIV. IV. 193

Vous donnerez souvent en formes d'apozemes les decoctions des seuilles de Laituë, Pourpier, seuilles & seuilles de Nenuphar & Pauot rouge, y messant six gouttes d'esprit de Vitriol.

Le lait clair pris en grande quantité seruira d'apozemes aux pauures de la

Campagne.

Vous pourrez appliquer l'Oxycrat fur les reins & sur la region de la vessie: l'œuf entier battu auce l'huile & le vinaigre rosat appaise l'instammation.

Vous ne deuez employer la purgation que lorsque l'inflammation sera arrestée: Vous pourrez faire insuser deux dragmes de Sené dans le ius de pruneaux, auec vn peu d'esprit de Vitriol.

De l'ulcere des Reins & de la Vessie.

L'vlcere des reins & de la vessie suit l'inflammation de l'vne & l'autre partie, & se connoist par la matiere purulente, qui en sort.

La saignée est necessaire si la ple-

.194 LE MEDECIN

nitude accompagne l'vlcere: Les Lauemens détersifs preparez auec le lait clair dans lequel on fait bouillir l'Orge & le Son, les fleurs de Camomille & de petite Centaurée, seront d'vn bon effet.

La purgation doit estre preparée auec decoction de seuilles d'Aigremoine & sleurs de petite Centaurée, dans laquelle vous serez insuser trois dragmes de Sené auec écorce de citron, y messant deux cueillerées d'insusson de roses passes ou vne cueillerée du Syrop.

La purgation doit estre reiterée, & beaucoup estiment qu'il y a necessité du vomitif à cause de la reuulsion qu'il fait des humeurs qui seroient portées

à la partie affligée.

La Ptisane ordinaire sera faite auec orge, y faisant tremper vn nouet de

semence de Lin.

On peut faire apozemes auec la racine de Guimauues, feuilles d'Aigremoine, de Plantain & fleurs de petite Centaurée, auec les fruits d'Alquequenge.

Le lait clair pris en forme d'eaux mi-

DES PAVVRES. LIV. V. 195 nerales le matin, est vtile quand il y a de la sièure, & lorsqu'il n'y en a point, le lait d'asnesse sert pour adoucir & nettoyer l'vlcere.

Si des pauures sont proches des eaux de Forge, de Pougues, des Escharlis ou de Sainte Reine, ils les employeront pour leur guerison, sinon, ils se seruiront de l'eau minerale artificielle preparée auec le Vitriol, décrite au

premier Liure.

Quand l'vlcere sera nettoyé, vous le consoliderez auec la decoction de racine de grande Consonde, seuilles de Plantain, & semence de Pourpier que serez dans l'eau serrée, y adjoûtant du fruit d'Alquequenge.

Aux personnes âgées l'vsage de l'Aloës est tres-vtile, si vous en faites des pilules auec le suc de roses rouges.

Vous ferez aussi vne injection dans la vessie auec decoction de racines de Consonde, feüilles de Bugle, Sanicle, Aigremoine, Scordium, Veronique & fleurs de roses rouges y messant le miel.

L'vsage du lait de vache le matin, est propre aussi à consolider l'vscere, & 196 LE MEDECIN s'il ya douleur dans la vessie, vous y ferez injection auec ledit lait dans lequel vous aurez fait bouillir la semence de lin.

De la difficulté d'Vriner.

Si l'vrine est entierement supprimée & arrestée, on appelle cette maladie Ischurie, qui se fait par l'obstruction des vreteres, du col de la vessie & du conduit de l'vrine, & le tout par l'inflammation, par la pierre ou par la pituite crasse & visqueuse, que vous guerirez par les remedes décrits au Traité de l'inflammation ou obstruction des reins: Si l'vrine est renduë goute à goute, cette maladie s'appelle Strangurie, si difficilement & auec douleur, Dysurie, par laquelle on entend toute ardeur d'vrine causée par vne matiere bilieuse, salée & pourrie qui se messe auec l'vrine; la grauelle & la pierre produisent ordinairement cette douleur, & en ce cas vous aurez recours au propre Traité de ces maladies.

L'ardeur de l'vrine causée par le mé-

DES PAVVRES. LIV. IV. 197 lange des humeurs salées & bilieuses, se guerit par les saignées, le lait clair, les eaux minerales, injections & legers purgatifs décrits au Chapitre de l'inflammation des reins & de la vessie.

De l'incontinence de l'Vrine.

Souuent l'intemperie froide & humide relasche tellement la sphyncte
de la vessie, qu'elle ne peut retenir l'vrine, d'où vient qu'elle sort inuolontairement: Ce qui arriue particulierement aux enfans, & aux adultes mesme qui ont le cerueau humide, ou toute la constitution du corps de telle
qualité.

Vous purgerez les enfans par vne decoction de racine de Souchet ou de Tormentille, dans laquelle vous ferez infuser vne dragme de Sené, y délayant vne once de Syrop de roses passes. Vous purgerez les adultes par vne

Vous purgerez les adultes par vne poudre de demy dragme de Sené & pareille quantité d'Hermodatte auec vn peu d'écorce de citron.

Prenez demy once de racine de Sou-

chet, feüilles de Betoine & Absynthe de chacune vne poignée, semence de Coriandre & raclure de corne de Cerf de chacune demy once, saites vne poudre que ferez infuser dans trois chopines de vin clairet derriere le four, adjoûtant deux dragmes d'écorce de citron seche, faites passer le tout trois fois dans la manche d'Hypocras & en vsez demy verre chaque matin.

Vous ferez des fomentations sur la region de la vessie, auecracine d'Eaune, feüilles d'Absynthe, Sauge, petite Centaurée & roses rouges que ferez bouillir dans égales parties de gros vin & eau ferrée, y adjoûtant vn

peu de sel & d'Alun..

La Ptisane sera preparée auec la semence de Coriandre ou racine de Souchet.


Les pauures qui se trouueront proches des eaux bitumineuses & souphrées, comme sont les eaux de Bourbon, en boiront auec succés, & seront des somentations sur la region de la vessie auec telles eaux chaudes.

Si le mal est si opiniastre qu'il ne cede aux remedes susdits, vous aurez DES PAVVRES. LIV. IV. 199 recours aux remedes Sudorifiques dé-

crits au premier Liure.

Le malade doit auoir soin de s'abstenir de boire chaque soir, s'il est plus trauaillé de cette indisposition la nuir que le iour.





LE

MEDECIN

DES

PAVVRES.

LIVRE CINQVIE'ME.

Des maladies des Femmes en general.
CHAPITRE PREMIER.



Es maladies des Femmes demandent vn Traité particulier qui comprenne celles qui sont les plus fami-

lieres aux pauures, comme sont la suppression & le flux immoderé des purgations que les femmes doiuent

DES PAVVRES. LIV. V. 201 souffrir chaque mois, les fleurs blanches, l'vlcere, l'hydropisie, & le relaschement de la matrice. Ie ne fais icy aucun Traité de la fureur Vterine, ny de la passion Hysterique, qui ordinairement dépendent des vapeurs de la matrice, car ie n'ay point veu encore de pauures femmes trauaillées de ces deux especes de maladies, qui sont proprement des fruits de l'oysiueté, de l'excés des alimens trop succulens, & des entretiens lascifs; Et comme les pauures femmes sont dans vn continuel trauail, aussi bien que dans vne continuelle disette des alimens necesfaires, & qu'elles n'ont d'autre entretien que de leur misere, ie peux dire qu'elles souffrent tres-rarement telles incommoditez.

De l'arrest & suppression des Mois.

le ne pretends icy parler de la suppression des mois qui se fait apres les longues maladies, les grandes Hemorragies & dans vne grande maigreur, ny de celle qui se fait aux semmes grosses & nourrices, car ce seroit inutilelement tenter des remedes pour faire vne évacuation qui n'est point necessaire: Mais ie prescris seulement des remedes pour cette suppression ou arrest, qui cause vne notable incommodité, qui se fait ou par vne plenitude de sang qui est si grande que les vaisseaux ne se peuvent resserrer pour se décharger d'vn sang superssu; ou cette suppression est faite par l'obstruction des vaisseaux causée d'vne matiere pituiteuse.

Si la suppression dépend de la plenitude, sa guerison consiste en vne grande éuacuation qui se fait par la saignée du bras, qui doit estre resterée pour répondre à la grandeur de sa cause, & lorsque telle saignée aura esté souvent faite au bras, vous pratiquerez celle du pied auec succés, pourueu qu'elle soit faite dans le temps auquel la nature a accoustumé de procurer ce mouuement.

Si la suppression se fait par obstruction, vous saignerez au bras & au pied, vous employerez les remedes qui ouurent les obstructions, dont vous ferez des decoctions, comme de racines

DES PAVVRES. LIV. V. 203 de Scorsonere, Valeriane, Piuoine & Angelique, fetiilles de Scordium, Armoise, Matricaire, Melisse, semence de Niele, Ruë, Piuoine, Fleurs de Soucy, de petite Centaurée, Matricaire & Cheuresettil.

Vous purgerez par vne decoction des Plantes suscites, dans laquelle vous ferez insuser trois dragmes de Sené auec vn peu d'écorce de Citron, y messant huit grains de Scammonée.

Vous pourrez aussi purger auec vne poudre d'vne dragme de Sené y mélant dix grains de sel de Scordium, Matricaire, Armoise ou de petite Centaurée, auec pareille quantité de Scammonée preparée à la vapeur du Soulfre.

Quand vous voudrez exciter les Mois, par les decoctions des Plantes susciter, vous ne les donnerez que dans le temps ordinaire à la nature, & s'il n'y a point de chaleur excessiue, vous pourrez adjoûter à chaque verre de decoction deux ou trois cueillerées de vin blanc & douze grains des Sels susdits; Vous y pourrez aussi messer

204 LE MEDECIN

vne once de miel auec vne cueillerée

de bon vinaigre.

Vous preparerez des Lauemens aucc feüilles de Mercuriale & de Matricaire, y adjoûtant quatre cueillerées de fuc de Mercuriale; Vous pourrez méler au lieu de fuc six onces de vin emetique. Vous preparerez aussi vne decoction de feüilles de Nicotiane pour vn Lauement qui sera de grand esset.

Vous prendrez vne liure de vin blanc dans lequel vous ferez infuser & boüillir quelques-vnes des racines, feüilles & fleurs susdites, que vous passerez apres l'infusion par le blancher, en l'aromatizant auec deux dragmes de poudre d'écorce de citron, afin que la malade en prenne chaque matin demy verre dans le temps de ses purgations.

Le Tartre martial ou Calibé, tel qu'il a esté décrit au premier Liure, est vn remede fort aperitif si vous en dondez pour chaque prise vingt-quatre grains dans l'eau de Sabine ou d'Ar-

moile.

La Ptisane ordinaire sera d'eau, dans laquelle vous aurez fait boüillir la racine de Scorsonere ou d'Armoise. DES PAVVRES. LIV. V. 205

Vous prendrez demy once de racine d'Aristoloche ronde, & pareille quantité de racine de Garance ou Rubia Tinstorum, que messerez & en donne-rez durant trois iours au temps des purgations deux dragmes chaque fois

auec demy verre de vin blanc.

Nous n'auons point de remede qui prouoque plus puissamment les purgations du Mois, que le Sel de Nicotiane ou de Tabac, si vous en donnez quinze grains auec vn peu d'eau de Sabine ou d'Armoise, & vous rendrez ce remede plus essicace, si la femme malade apres la prise de ce remede reçoit dans la chaire percée, la vapeur de la Nicotiane qui aura bouilly dans l'vrine ou le vin blanc.

Les pilules seront tres-vtiles estant données frequemment, si vous les preparez auec vne once d'Aloës, vne dragme & demie de racine d'Afarum ou Cabaret en poudre, auec demy once de suc de Scordium & pareille quantité de suc de Sabine, en donnant pour chaque prise vne dragme.

Vous pourrez faire fomentations sur la partie inferieure du ventre auec les 206 LE MEDECIN

Plantes susdites & le vin blanc, yad-

joutant vn peu de vinaigre.

Quand la maladie est opiniastre, vous vous seruirez heureusement du Crystal de Tartre emetique, qui a vne merueilleuse proprieté pour ouurir en purgeant par les parties superieures & inferieures, vous le donnerez depuis sept grains iusqu'à douze dans le vin blanc ou l'eau d'Armoise ou de Matricaire.

Si vous prenez chaque matin vne dragme d'Acier preparé, le messant auec vn peu de miel durant huitiours, & sur iceluy vn peu d'eau de la de-coction de Scordium ou de vin blanc, vous en sentirez vn bon effet.

Vous deuez soigneusement remarquer que si la suppression se fait par vn sang aduste & brûlé, & que le corps soit eschauffé & desseché comme il arriue souuent, il est bon de s'abstenir des medicamens chauds susdits, mais plûtost se servir de ceux qui ouurent en rafraischissant.

En ce cas les pauures qui seront proche les eaux minerales vitriolées, comme sont celles de Pougues & des Escharlis, ils en vseront auec succés, &c s'ils en sont esloignez ils se seruiront au lieu d'icelles, des eaux minerales artificielles que nous auons décrites au premier Liure.

Ils se baigneront aussi à cet effet dans l'eau tiede, & boiront le matin du lait clair en forme d'eaux minerales, faisant infuser toute la nuit dans ledit lait clair, les sleurs de petite Centaurée ou de

Cheurefeüil.

Du Flux immoderé du sang Menstrual.

S'il y a grande plenitude durant le fang immoderé, vous ferez pour la reuulsion vne grande saignée au bras, & la reïtererez: Et si le flux immoderé se fait par vn sang bilieux acre & picquant, vous tirerez du sang au bras, mais en moindre quantité.

Il est necessaire d'observer que durant ce flux il ne faut tout d'vn coup venir aux remedes astringens, car telle pratique a souvent causé vne inslammation ou vn vlcere à la matrice.

Apres la faignée qui doit moderer

208 LE MEDECIN

la chaleur, vous pourrez purger par vne infusion d'vne dragué de Rheubarbe dans la decoction de feuilles d'Aigremoine, y messant vne cueillerée de Syrop de sleurs de Pescher.

Si le flux continue apres cette purgation, vous ferez secher la mesme Rheubarbe qui aura infusé, la mettrez en poudre & la donnerez auec vn peu de conserue de roses rouges liquide en

bol, ou auec l'eau de Plantain.

Quand la debilité des forces causée par la trop grande éuacuation du sang persuadera au Medecin d'arrester ce flux; il preparera diuerses formes de remedes, des racines de Bistorte, Tormentille, grande Consonde, de Filipendula, d'écorce de Meurier, seüilles de Plantain, de Bourse de Pasteur, Cheualine ou Equisetum, semence de Plantain, fruits de Sumach & Berberis, auec les sleurs de roses rouges.

Les sucs de Plantain & d'Ortie ont la vertu d'arrester le sang, si vous donnez demy once de chacun dans vn verre de la decoction des Plantes susdites.

La Prisane ordinaire sera d'vne decoction de fruits de Berberis ou d'écorDES PAVVRES. LIV. V. 209

Les fleurs de Noyer dessechées & mises en poudre arrestent le sang, si vous les donnezau poids d'vne dragme auec de gros vin chaud.

Vous pourrezappliquer sur les mammelles de grandes ventouses, ou faire de fortes ligatures au bras pour la

reuulfion.

Les fomentations sur le ventre sont vtiles, si vous les faites auec racines de Bistorte, feüilles d'Absynthe, & noix

de Cyprés dans le gros vin.

l'ay connu par vne longue experience qu'vn cataplasme fait auec deux blancs d'œufs en du bol appliqué froid sur la region des reins, arreste promptement le flux immoderé des menstruës.

Que si le flux d'vn sang acre & picquant par sa longueur cause vn dessechement de toutes les parties, vous ne trouuerez point de remede plus conuenable que le lait de vache, qui épaississant le sang, l'arreste & repare la maigreur, & pour cet effet il sera bon que la malade en prenne vne écuellée chaque matin vn mois durant & plus,

S

210 LE MEDECIN
en y faisant esteindre l'acier rougyan
feu trois ou quatre fois.

Des Fleurs blanches.

Ce flux que souffrent les femmes, qu'on apppelle fleurs blanches, doit estre traité d'une autre maniere que celuy des mois immoderé: Car les fleurs blanches sont des effets d'une cacochymie qui est ordinairement pituiteuse ou sereuse fournie par toutes les parties à la matrice, qui de sa part par son intemperie peut seule donner naissance à ce mal, & l'entretenir lorsqu'elle ne peut conuertir en sa substance ce qui luy est enuoyé pour sa nourriture.

La saignée ne doit estre icy pratiquée qu'au cas qu'il y ait plenitude ou intemperie chaude des visceres, car autrement on s'en peut abstenir.

La purgation doit estre pratiquée fouuent, & si c'est l'humeur sereuse & pituiteuse qui domine, vous purgerez auec deux dragmes de racine d'Afarum ou Cabaret, que serez boüllir auec se üilles de Calamenthe, y sai-

DES PAVVRES. LIV. V. 211 sant infuser deux dragmes de Sené & demy dragme de Rheubarbe, yadjoûtant deux cueillerées d'infusion de roses passes ou vne cueillerée du Syrop desdites roses.

Dans la suitte de la maladie, vous purgerez en resserrant par vne decoction de racines de Tormentille, dans laquelle vous ferezinfuser vne dragme de Rheubarbe, y adjoûtant le Syrop de roses passes.

La Ptisane ordinaire sera de decoction de racine de Bistorte, feüilles de Plantain, fruit de Berberis ou de Su-

mach.

Plusieurs Medecins se seruent auec fuccés des remedes Sudorifiques, particulierement quand la maladie dépend d'vn rheumatisme, ou d'vne matiere pituiteuse que toutes les parties fournissent à la matrice. En ce cas vous ferez pratiquer à la malade vne diette deuë à son temperament, à son âge & à ses forces, & vous employerez les remedes Sudorifiques décrits au premier Liure.

Si les pauures se trouuent procheles eaux bitumineuses & soulfrées, com212 LE MEDECIN me l'vn & l'autre Bourbon, Baleruc & autres, ils en vseront auec vtilité.

Vous serez soigneux de distinguer la matiere des sleurs blanches, d'auec la purulente, car celle-cy est plus blanche & souvent messée de quelques si-

lamens desang.

L'experience a fait connoistre que le vomissement contribue beaucoup à la guerison de cette maladie; Quelques vns, selon l'auis de Galien, se seruent auec succés des remedes Diuretiques ou qui excitent l'vrine, les sormes desquels vous tirerez du Chapitre de la Nephritique.

Si les humeurs font acres & bilieufes, vous vous seruirez de remedes plus temperez, & en ce cas si le corps est maigre & desseché, vous donnerez le lait de vache dans lequel on aura

esteint l'acier.

De l'inflammation de la Matrice.

Le sang qui s'épanche dans la substance de la matrice contre nature, fait l'instammation de cette partie auec ses signes qui l'accompagnent, comme dureté, tension, chaleur, douleur & pulsation, laquelle arriue souvent aux femmes nouvellement accouchées par l'effusion soudaine de ce sang que les parties voisines sournissent à ladite

partie.

Pour y remedier, la saignée doit estre faite frequemment au bras selon la grandeur du mal & les forces, & vous ne deuez pratiquer celle du pied qu'apres vne suffisante reuulsion, lorsque le mouuement de l'humeur à la partie comence à se moderer, pour éuiter la grande attraction qui se pourroit faire à la partie par la saignée du pied.

Les frictions & ligatures pourront estre faites aux parties superieures pour la reuulsion, & les ventouses appliquées sur les mammelles & sur la

region des lombes.

Vous ne deuez aucunement penser à la purgation que lors que l'inflamma-

tion aura passé.

Vous ferez vn liniment sur la partie auec huile rosat & vinaigre rosat: Vous ferez aussi des fomentations auec la decoction de seuilles de Plaintain, Morelle, Sommitez de Pauot blanc & roses 214 LE MEDECIN rouges faites dans le lait clair. Vous en pourrez aussi faire des injections.

La fomentation ou injection faite auec le lait de chéure ou de vache dans lequel vous aurez fait boüillir les fleurs de boüillon blanc ou de Camomille,

fera fort vtile.

S'il y alieu d'esperer la resolution, ce qui se connoist par la diminution des accidens & de la pesanteur, vous serez sur la partie des somentations resolutiues & mesme des cataplasmes, aucc des farines d'Orge, de Féues cuittes dans le vin Austere, y adjoûtant l'huile de Camomille.

De l'ulcere de la Matrice.

Si l'inflammation de la matrice ne fe resout point, elle fait vn vlcere par la suppuration de la matiere, quoy que l'acrimonie des humeurs puisse aussi produire ledit vlcere.

De quelque cause que naisse l'vicere, il doit estre desseché & nettoyé par les remedes dessicatifs, & comme la matrice est vne sentine où se rendent toutes les supersuitez du corps, vous au-

rez recours aux saignées selon le degré de plenitude, & aux frequentes purgations pour donner vn cours contraire aux humeurs qui coulent sur la partie: vne dragme de Sené & demy dragme de cresine de Tartre en poudre suffira, si vous n'y voulez adjoûter six grains de Scammonée preparée.

S'il y a fiéure & acrimonie, la malade viera de lait clair chaque matin en forme d'eaux minerales, faisant par fois tremper dans le premier verre deux dragmes de Sené: Et mesmes il y a maigreur auec la chaleur qui menace ordinairement de sièure hectique, elle vsera de lait d'asnesse ou de chéure

durant vn mois.

Que s'il sort beaucoup de matiere purulente de l'vlcere sans chaleur, qui se fait par le vice de toute l'habitude, vous ne trouuerez rien de plus propre pour la guerison de cet vlcere, que l'v-sage des remedes Sudorisiques que vous repeterez du Chapitre neusième du premier Liure.

Les pauures qui seront proches des eaux minerales de sainte Reine ou de Pougues, se servicont en boisson des-

216 LE MEDECIN

dites eaux & mesme en injection: Que s'ils en sont essoignez, ils vseront de l'eau minerale vitriolée, que nous auons décrite au premier Liure au Chapitre huitième.

Vous pourrez aussi faire des injections preparées des decoctions de racine d'Aristoloche ronde, feüilles d'Absynthe & sleurs de petite Centaurée faites dans l'eau & le vin blanc.

La malade receura vtilement dans la partie affligée la fumée qui s'esseuera de la gomme de Genéure mise sur le réchaur.

De l'hydropisie de Matrice.

L'hydropisse qui trauaille la matrice est causée par vents, serositez ou matiere pituiteuse, qui s'amasse dans la cauité de ladite partie ou entre ses membranes.

La cause la plus ordinaire est la serosité, que vous guerirez par les remedes que nous appellons Hydragogues ou purgeans les eaux, entre lesquels vous choisirez celuy qui est fait d'vne decoction de racine de Flambe des iardins, dans laquelle vous ferez infuser trois dragmes de Sené auec écorce de citron, délayant vne once de Syrop de Nerprun.

Quelques-vns donnent vtilement la Gomme-gutte, depuis huit grains iuf-qu'à quinze en poudre, qu'ils font infuser dans vn verre de vin blanc toute la nuit, & le matin donnent le vin & la

poudre.

D'autres excitent le vomissement auecsuccés, quand la malade y a quelque disposition, & en ce cas, ie donnerois librement le Crystal de Tartre emetique depuis huit grains iusqu'à douze dans le vin blanc.

Il n'ya gueres de remedes qui profitent dauantage dans cette espece d'hydropisie produite par la serosité, que la diette dans laquelle vous donnerez les remedes Sudorisiques décrits au neusième Chapitre du premier Liure.

Sil'hydropisse de matrice est vn esset des vents ou de phlegme, vous aurez recours aux remedes décrits au Traité de l'hydropisse causée par vents, serositez ou phlegme.

T

218 LE MEDECIN

Vous ferez des injections preparées auec decoctions de racines de Flambe, feüilles d'Absynthe, de Marrube blanc, Sabine & fleurs de Sureau, y délayant l'huile dans laquelle vous aurez fait bouïllir lesdites fleurs de Sureau.

Vous ferez aussi des decoctions pour les Lauemens, auec feüilles d'Hyeble, de Sureau, Mercuriale, Fenoüil, fruits d'Hyeble, & de Sureau, y délayant le suc de Mercuriale.

Vous preparerez vn pessaire auec vne dragme de scüilles d'Esula & de Sabine en poudre, messez auec vne suffisante, quantité de miel.

Du relaschement de la Matrice.

Les ligamens de la matrice relaschez, excitent cette maladie par laquelle la matrice tombe dans son col, qui cause tant d'incommoditez aux pauures semmes, qu'elles ont peine à marcher, porter des sardeaux & gagner leur vie.

Si la matrice tombée est enslée, vous la fomenterez d'vne decoction de seülles de Fenouil, sleurs de Camomille, Melilot faite dans le vin blanc, & s'il DES PAVVRES. LIV. V. 219 y ainflammation, vous la fomenterez auec du lait dans lequel vous aurez fait bouillir les fleurs de roses rouges, & apres la fomentation vous remettez doucement auec vn linge delié la restie an la servicion poervelle.

partie en sa situation naturelle.

Quelques - vns sans autre artifice, ontheureusement remis la partie en sa struction naturelle par la peur qu'ils ont causée à la femme qui souffroit cetteincommodité. Mais la plus grande difficulté est de retenir & conseruer ladite partie en cette situation, & pour y reuffir par vn moyen facile & commode aux pauures, c'est de prendre vne petite orange feche ou vne noix auec à coque enduitte de cire, que vous introduirez dans le col de la matrice, qui y sera conseruée tant que la femme voudra sans incommodité, faisant de temps à autre des fomentations sur la partie, preparées auec decoctions de aracine de grande Consonde & scuilles d'Absynthe dans le gros vin.

Des maladies des Femmes durant leur groffesse.

CHAPITRE II.

Es femmes grosses sont trauaillées de maladies aigues & longues, comme sieures continues, nausées, degoust, vomissemens, pertes de sang, diarrhées, douleur & tranchées de ventre, lesquels accidens sont gueris par les mesmes remedes que nous auons décrits en leurs Chapitres particuliers, sinon que le Medecin doit considere en ce sujet plus particulierement les deux remedes generaux, la saignée & la purgation, & les examinans selon l'indication tirée de la grossesse, iuger quand, comment & en quelle dose ils doiuent estre pratiquez.

Ce n'est pas qu'il ne doiue encore faire quelques observations particulieres dans la cure des maladies dés femmes grosses, car il ne doit estresse hardy de donner en cet estat les remedes qui excitent les sueurs, les vrines DES PAVVRES. LIV. V. 221 & les purgations menstruales, de peur de causer vne trop grande agitation aux humeurs, qui souuent est préjudiciable à la mere & à l'enfant.

Mais la grande difficulté regarde sus tout la saignée & la purgation, puisque mesme en ce temps il y a encore des Medecins assez timides de ne vouloir ordonner la saignée aux femmes grosses, de peur, disent-ils, que par ce remede l'enfant soit priué de sa nourriture, qui est le sang, le thresor de la nature; & cette raison est de Galien au commentaire sur l'aphorisme d'Hypocrate, qui veut que la femme grosse sonffre la perte de son fruit par la saignée : A laquelle raison ils adjoûtent que les accidens de vomissemens, foiblesses syncopes qui arriuent souuent aux femmes grosses, doiuent empescher la pratique de ce remede.

Mais à dire vray, ces raisons ne sont assez puissantes pour nous empescher de donner par la saignée vn si puissant secours aux semmes grosses, qui est appuyé sur la raison & sur l'experien; ce: Car si les semmes grosses souffrent

T-iij

fouuent leurs purgations periodiques & reglées, comme aussi le flux hemorrhoïdal & l'hemorragie par le nezsans aucune incommodité, mais souuent auec soulagement; Peut-on dire legitimement qu'on oste la nourriture à l'ensant par vne saignée de six ou sept onces de sang ou plus, proportionnée au temperament, à l'âge & à l'habitude de la mere, qui dans vne bonne constitution peut auoir iusqu'à vingt-

cinq ou trente liures de sang?

Ie passe outre, & ie maintiens par raison aussi bien que par experience, que les vomissemens, la nausée & les desfaillances que souffrent les semmes grosses, sont souvent des essects d'un sang supersu, qui n'estant consuméa nourrir l'enfant, ressue au commencement de la grossesse aux parties superieures, & y excite ces symptomes: Que si Hypocrate & Galien ont eu ce sentiment de la saignée & l'ont iugée perilleuse aux semmes grosses, ils ont entendu parler de celle qui se faisoit en cette quantité qui leur estoit familiere, laquelle ils ne pratiquoient aucunement sur les semmes grosses, non

plus que sur les enfans & les vieillards, qui ne pouvoient en cet estat souffrir, vne grande perte de sang telle qui se faisoit par les grandes saignées de ce

Mais maintenant la saignée est si prudemment partagée & ménagée, que les vieillards de quatre-vingts ans & les ensans de quatre mois n'en sont exclus, & elle a esté renduë si familiere aux semmes grosses, que non seulement elle est pratiquée au milieu de la grossesse, mais au commencement & à la sin, & mesme au huitiéme mois sans aucun danger, quoy que ce mois ait esté suspect aux anciens Medecins pour la pratique de ce remede.

le diray dauantage, que souvent l'auortement a esté empesché par la saignée, & que telle semme qui l'a souffert plusieurs sois, en a esté preseruée par le benesice de tel remede.

Ce qui peut arriuer ou lors que la plenitude est si grande au commencement de la grossesse que le sang supersiu opprime & suffoque le sœtus, ou qu'il se fait vne si grande agitation dans la masse du sang causée par vne

T ilij

fubite terreur, vne violente colere ou quelque autre cause exterieure qui donne vn mouuement si impetueux aux humeurs, que l'enfant en reçoit ce dernier dommage: Tellement que la saignée diminüant la plenitude & arrestant cette sedition, empesche tous les fascheux accidens ausquels elle donne naissance.

Ce n'est pas que ie pretende préuenir ou guerir tousiours tels accidens par la saignée, puisqu'il y a d'autres causes qui procurent l'auortement, come le grand frisson, la longue diarrhée, la dyssenterie & la grande quantité d'humeur pi-tuiteuse qui relasche les ligamens de la matrice; car il est du jugement du Medecin de distinguer ces causes & y pro-portionner les remedes. Mais il y a toujours raison de conclure que dans les maladies aiguës & mesme les longues qui trauaillent les femmes grosses, on peut pratiquer en tout le temps de la grossesse la saignée, pour ueu qu'elle soit proportionnée par la prudence du sage Medecin, au regime de viure, à la saison, aux forces du malade & à la qualité de la maladie; & qu'il y a plus à craindre DES PAVVRES. LIV. V. 225 de la plenitude presente, des douleurs, de la fiéure & de la pourriture du sang pour le peril de l'auortement, que de la pratique de la saignée aux conditions suidites.

Pour ce qui regarde la purgation des femmes grosses, il semble que le Medecin y doit encore apporter plus de precaution, veu que la saignée est en la main de celuy qui la pratique; & qu'on arreste le sang selon la volonté; ce qu'on ne peut dire du purgatif, qui estant vne sois donné, doit auoir tout son esse.

Neantmoins il semble qu'Hypocrates ait plus volontiers accordé la purgation aux femmes grosses que la saignée, puisqu'il permet le purgatif depuis le quatriesme mois de la grossesse

iulqu'au septiesme.

Mais ie peux dire que nous auons droit de donner les purgatifs aux femmes grosses plus librement en ce temps, qu'en celuy d'Hypocrate, puisque nous auons des remedes qui luy estoient inconnus, qui purgent si doucement, que nous n'auons aucune difficulté de les accorder aux enfans, aux

vieux & aux femmes grosses. Ainsi nous les accordons auec succés non seulement aux mois mitoyens de la grossesse, mais aussi au commencement & à la fin, puisque la raison & l'experience nous font connoistre que par ce benefice tirans les humeurs superflues des premieres voyes, nous

soulageons la mere & l'enfant.

Les remedes propres à purger les pauures femmes grosses sont le Sené, dont vous donnerez deux dragmes en infusion dans le ius de pruneaux doux, l'infusion de roses passes ou fleurs de Pescher ou de Cerisier dans ledit ius. Vous pourrez adjoûter à vne infusion de Sené vne dragme de Rheubarbe de nos iardins. Vous tirerez d'autres remedes du premier Liure, vous seruant seulement de ceux qui sont au premier ou au second degré, & vous abstenant des violens qui sont au troisséme degré, & sur tout des remedes Chymiques qui souuent mettent la malade en danger de souffrir l'auortement, qui est de telle consequence, que dans les maladies les plus aiguës & les plus perilleuses, il ne doit iamais estre procuré par

DES PAVVRES. LIV. V. 227 par vn Medecin Chrestien pour quelque cause que ce soit, se souuenant de cettebelle maxime dont il ne doit iamais s'esloigner, qu'il n'est pas permis de commettre vn mal pour en faire naistre vn bien. Car la raison fait connoistre que le Medecin qui employe vn si vehement remede, oste la vie de l'ame & du corps de l'enfant, en causant plus de peril à la mere qu'il pretend foulager par vne fausse maxime, puisqu'il est certain que quoy qu'il semble qu'elle doine estre soulagée dans ses extrémes maladies par la separation de l'ensant, neantmoins le moyen en est si hazardeux, qu'elle est plus interesfée par la violence du remede que par celle de la fiéure continue. Vous répondrez parce moyen aux libertins, qui fuiuans le fentiment d'Auicene, conseillent par les remedes abortifs de procurer la perte d'vn enfant encore tendrelet dans le ventre de sa mere, de peur qu'estant grossi il ne la mette en danger de perdre la vie.

Des maladies des Femmes, durant & apres l'accouchement.

CHAPITRE III.

CI l'accouchement est difficile & la-Dborieux, ou à raison de la soiblesse de la mere, ou de l'enfant qui est foible ou mort, & par ce moyen ne peut aider sa sortie; la mere sera soulagée dans sa foiblesse, si vous luy donnez vne cueillerée d'eau de canelle, ou si vous luy preparez vne potion faite auec vne decoction de feuilles d'Armoise ou de Scordium, y adjoûtant vn peu de vin blanc & de sucre. Vne demy dragme de racine d'Angelique en poudre auec vn peu de vin blanc est vn bon remede, mais c'en sera vn meilleur, si vous donnez l'huile de Genéure depuis six gouttes iusqu'à dix dans vn peu de vin blanc.

Si la difficulté de l'accouchement vient de la part de l'enfant mort dans le ventre de sa mere, il en faut procurer la sortie: Ce que vous connoistrez

DES PAVVRES. LIV. V. 229 si le mouuement de l'enfant cesse, & qu'il ne soit apperceu ny de la mere ny des assistans, si la mere se mouuant, l'enfant comme vne pierre suit le mouuemet de sa mere sans en auoir vn particulier, si elle sent une pesanteur en la region hypogastrique auec froideur ausdites parties, s'il y a douleur au nombril auec vne continuelle enuie d'asseler & de faire de l'eau, si les mammelles sont extenüées & si l'arriere-faix sort fans estre suiuy del'enfant; Que s'il demeure long-temps mort dans la matrice, il contracte pourriture par le long sejour qu'il y fait, & à l'heure la malade souffre des deffaillances, froideurs, horreurs, douleurs de teste, resueries, passeur au visage, & quelques eruptions de serositez fœtides par les parties naturelles, & en ce-cas il est necessaire de procurer la sortie de l'enfant par les remedes suiuans.

Prenez vne decoction d'vne poignée de feüilles d'Armoise & de Sabine, dans quatre onces de laquelle vous messerez vne demy dragme de Bayes de Laurier en poudre: Si ce remede n'est assez puissant vous y messerez vne 230 LE MEDECIN dragme de Borac en poudre.

Vous preparerez aussi deux pessaires auec le suc de Concombre sauuage & de Sabine que messerez auec le miel.

Vous vous seruirez des mesmes remedes si l'arriere-faix est arresté, & particulierement en ce cas vous exciterez l'eternuëment auec la poudre de Lilium Conuallium, que vous ietterez dans le nez auec vn tuyau de plume.

Que si ces remedes sont inutils, il sera necessaire d'employer la main du Chirurgien pour tirer l'enfant, mais ie vous aduertis de ne vous seruir de cette operation que nous appellons, fection Cesarienne, par laquelle on pretend dans vn difficile & laborieux accouchement tirer l'enfant viuant d'vne mere viuante en faisant l'ouuerture & section de la matrice, car celuy qui entreprend cette operation y reuffit si rarement, qu'on peut dire vrayment que par icelle l'esperance n'est pas seulement douteuse, mais le desespoir presque asseuré; Voila pourquoy elle doit estre serieusement examinée auant que d'estre entreprise, puisque souuent elle est fatale & funeste à la mere & à

DES PAVVRES. LIV. V. 231 l'enfant par la mort qu'elle cause à l'vn & à l'autre.

Ie ne veux pas icy condamner cette operation par laquelle le Chirurgien, la mere estant morte, fait l'ouverture pour tirer l'enfant viuant au moment qu'elle a expiré, puisque par ce moyen vous causez la vie spirituelle à vn enfant, luy conservant la naturelle qu'il perdroit bien-tost si vous ne luy donniez la liberté de respirer, n'ayant plus celle de transpirer par les arteres de la mere, dont le mouvement cesse apres sa mort.

Les maladies qui suivent l'accouchement des pauvres femmes, sont les douleurs & tranchées de ventre, le flux immoderé de sang, la suppression des lochies ou purgations, la douleur des hanches, l'inflammation des mammelles & le dessaut de lait.

La racine de Perfil cuitte auec la semence d'Anis ou Fenoüil dans vn boüillon sert à moderer la douleur du ventre.

Vne cueillerée d'huile de Noix tirée sans seu, sert merueilleusement à cet effet, en y messant vn peu de vin blanc.

Vous preparerez aussi des Lauemens auec decoction de feüilles d'Armoise, Matricaire & Fenoüil, semence de Lin, sleurs de Camomille & Melilot que ferez boüillir auec l'eau, y messant deux onces d'huile de Noix.

Vous preparerez des sachets auec les Fleurs, Semences & Feüilles susdites, que ferez boüillir dans le vin & appliquerez chaudement l'vn apres l'autre sur le ventre, & en suitte serez liniment sur la mesme partie auec l'huile dans laquelle vous aurez fait infuser & bouillir les sleurs de Sureau.

Si ces remedes n'appaisent les douleurs, vous aurez recours à la purgation que vous preparerez auec la decoction sussitie , dans laquelle vous ferez infuser vne dragme de nostre Rheubarbe auec écorce de citron, délayant vne once de Syrop de sleurs de Pescher ou de roses passes. Ou vous pourrez donner vne demy once de conserue de roses passes seule.

Du Flux de sang.

Si le sang sort auec impetuosité & qu'il

DES PAVVRES. LIV. V. 233 qu'il abbate tellement les forces qu'il oblige le Medecin à l'arrester, vous apporterez beaucoup de prudence à en moderer le flux, de peur que l'arrestant tout à coup vous ne procuriez nouueaux accidens à vostre malade.

Vous tirerez vn peu de sang au bras; en reiterant la saignée s'il y a necessité, qui doit estre legere de peur d'épuiser

les forces.

Vous appliquerez vne grande ventouse ou le pain chaud trempé en eau de vie sur les mammelles, & serez de fortes ligatures au bras.

Vous donnerez deux onces de suc de Plantain auec vn verre de decoction de racine de Tormentille & fleurs de roses

feches.

Vous vous seruirez de la Prisane preparée auec la decoction de la racine de Tormentille & semence de Plantain.

Vous preparerez des pessaires auec le mucilage de pepins de Coins pilez, tiré de l'eau de Plantain auec vn peu

deterre sigillée.

Sitous ces remedes sont inutils, vous vous seruirez auec succés de celuy que vous preparerez auec quatre blancs

V

d'œufs sur des estoupes auec du bol en poudre que vous appliquerez froidement sur les lombes.

De la suppression des Pargations.

Les accidens qui arriuent en suitte des purgations arrestées, persuadent le Medecin de les exciter au plûtost, ce qui se fait par Lauemens, saignées du bras & du pied, frictions & ligatures aux iambes, ventouses aux cuisses, & autres remedes qui ont esté proposez au Chapitre de la suppression des purgations menstruales.

De la douleur de la Hanche.

Si la douleur de la Hanche qui suit ordinairement l'accouchement laborieux est opiniastre, à cause de la matiere pituiteuse qui occupe l'articulation ou abbreuue les ligamens, vous purgerez la malade apres les saignées du bras & du pied par vne decoction de seülles de Betoine, dans laquelle vous ferez insuser deux dragmes de Senéy mélant vne once de Syrop de Nerprun.

DES PAVVRES. LIV. V. 235 Vous ferez vn liniment fur la partie malade auec le beurre fondu & l'eau de vie messée.

Le cautere est vn remede propre à guerir cette douleur, si vous l'appliquez, trois doigts au dessous du genouil du costé de la partie assligée.

La diette sera pratiquée que vous accompagnerez des remedes sudorifiques durant quinze iours, preparez selon les formes décrites au neusième Chapitre du premier Liure.

De l'inflammation des Mammelles.

Souvent l'inflammation des mammelles se fait par la corruption du lait qui est retenu: Vous tirerez du sang au bras au commencement de l'inflammation, & ferez vn liniment sur la partie affligée anec l'huile rosat lauée d'eau rose ou de Plantain, mettant sur icelle des linges trempez dans l'oxycrat.

Dans le progrez de l'inflammation, vous ferez vne fomentation d'vne decoction de feuilles de Violiers & Parieraire, fleurs de Camomille & Meli-

V ij

lot cuittes dans l'eau, y adjoûtant vn

peu de vin blanc.

Si l'inflammation tend à suppuration, vous ferez vn cataplasme auec l'oignon de Lys, & la semence de Lin bouillis & pilez, y adjoûtant la farine d'Orge & l'huile de Lys.

Que si la douleur est tres-grande, vous y appliquerez le cataplasme de mie de pain cuitte dans le lait, y adjoû-

tant l'huile de Lys.

Vous pourrez aussi faire bouillir la racine d'Althée ou Mauues franches, ou les feuilles de Iusquiame que vous pilerez, puis referez bouillir auec du lait, y adjoûtant l'huile Rosat ou l'huile de Lys.

Si le lait se caille dans les mammelles, vous ferez vne fomentation auec racine de Refort & de Guimauues, semence de Fenouil & sleurs de Camomille auec eau & vn peu de vin blanc, ou bien de ces plantes contuses, vous en ferez vn cataplasme auec farine de Féues & vn peu d'Oxymel.

Si le lait manque aux mammelles, comme il arriue souuent aux pauures femmes, & que ce soit par le deffaut

DES PAVVRES. LIV. V. 237 de nourriture, le lait pris en quantité est vn merueilleux aliment; si c'est par excés de chaleur, vous tempererez les humeurs par la saignée & l'vsage du lait clair: Que si le dessaut dépend de la qualité froide ou épaisse du sang, vous donnerez à la malade vn bouillon de choux, dans lequel vous messerez vne dragme de semence de Fenouil en poudre.

Ou bien vous luy donnerez à boire vn verre de decoction de feuilles de Fenouil auec demy dragme de semence

d'Ortie.

Vous ferez vne fomentation fur les mammelles, auec vne decoction de feuilles de Fenouil, Berle, Cresson, cuittes dans le vin blanc.

Des maladies des Iointures.

l'ay crû d'abord n'estre point obligé de faire icy ce traité des maladies des Iointures, puisque la principale qui les assiege est la goutte, qui estant sille des richesses, de la bonne chere, & de l'oissueté, doit estre l'ennemie des pauures, dont elle ne visite les maisons

V iij

ny l'araignée celles des riches: mais comme il ya des gouttes qui arriuent par droict de succession, qui est presque tout le bien que les pauures peuuent auoir, il est necessaire de leur choisir les remedes plus faciles à preparer pour adoucir ces douleurs qui sont si vehementes, qu'elles reduisent souuent les pauures à la mendicité, puis qu'elles leur ostent la liberté de travailler.

Si l'humeur qui produit la goutte est chaude, ce que vous connoistrez par la rougeur de la partie, pulsation & douleur picquante, vous ne craindrez point de tirer du sang de la partie opposée, tant pour arrester l'ebullition du sang ou de la bile, que pour empescher le transport de l'humeur sur la partie affligée.

Pour ce qui regarde la purgation, quoy que plusieurs ne craignent point de la pratiquer au commencement de la fluxion, ie ne la peux approuuer en ce temps, de peur de precipiter dauantage l'humeur sur la partie affligée, mais seulement quand le mouuement de l'humeur est arresté, que yous con-

DES PAVVRES. LIV. V. 239 noistrez par la cessation de la douleur. Ainsi ce remede est plus deu pour la precaution de la goutte, que pour la guerison du mal present; mais estant pratiqué & mesme reiteré auec la saignée, pour preuenir le temps auquel le malade a accoustumé de sentir les atteintes de sa goutte, il est d'vn merueilleux esser.

l'en ay veu plusieurs preseruez de la goutte, se seruans en diuerses saisons de l'année ou declin de la Lune, d'vne infusion de deux dragmes de Sené dans la decoction de Betoine, y messant vne once de syrop de Nerprun: Si toutefois le corps est sec & bilieux, ie presererois le syrop de fleurs de Pescher à celuy de Nerprun.

Vous appaiserez la douleur de la goutte dépendante d'vne matiere chaude, si vous faites cuire auec le lait les fleurs de Roses rouges, de Camomille & de Bouillon blanc en poudre iusqu'à

la consistance de caraplasme.

Vous pourrez remplir vne bouteille de verre de fleurs de Bouillon blanc, & l'exposer au Soleil, l'eau qui demeure au fond est de grande vertu

pour adoucir la douleus.

Plusieurs appliquent vtilement l'eau distillée du Sperme de Grenouilles dans la grande douleur & inflammation; mais il faut vser auec prudence de ce remede à cause de sa froideur, comme aussi de la decoction de feuilles de Iusquiame, de Morelle & de testes de Pauot, dont ils ne craignent point de

fomenter la partie.

Ie me suis seruy auec succés de la semence de Lin ou pepins de Coins, pilée & mise sur les cendres chaudes auec l'eau de Plantain ou de roses, & passée. Vous pourrez aussi tirer le mucilage de la poulpe de racines de Guimauues auec le lait, auquel mucilage, quelques-vns ne craignent point dans les extrémes douleurs d'y adjoûter vn peu d'Opium.

Vous deuez dans la pratique vous abstenir au commencement des douleurs causées par matiere chaude, des huiles & graisses, pour ce qu'elles peuuent causer ou augmenter l'inflamma. tion & empescher la transpiration.

Quand la fluxion est arrestée & la douleur diminuée, vous aurez recours DES PAVVRES. LIV. V. 241 aux remedes resolutifs, entre lesqueis le Cataplasme fait de Farine d'orge bouillie dans l'Oxymel, y messant les fleurs de Camomille en poudre, est fort vtile.

Mettez des limaces entieres dans vne manche auec du sel & suspendez ladite manche dans la caue; prenez la liqueur qui en distillera & en faite vn liniment tiede sur la partie pour en adoucir la douleur.

Vous tremperez aussi viilement des compresses dans la premiere eau de chaux, sur vne liure de laquelle vous aurez mis en dissolution vne dragme de sel Armoniac.

S'il y a maigreur qui accompagne la goutte causée par la matiere se-reuse bilieuse, vous ne trouuerez aucun remede plus present que le lait de vache, dont l'vsage est si connu par l'experience, que beaucoup se sont preseruez de la goutte apres en auoir senty la tyrannie durant vn longtemps ne viuans que de lait, comme d'vn aliment propre à nourrir le corps, rafraischir, adoucir l'acrimonie de l'humeur & luy procurer vne con-

X

242 LE MEDECIN fistance qui la rend moins fluide.

Si le corps est pituiteux & que la goutte soit causée par le phlegme qui occupe la iointure ; ce que vous connoistrez par l'enfleure qui accompagne telle goutte, vous vous seruirez souuent du purgatif, qui estant pris hors le mouuement de cette humeur, l'épuisera dans sa source, & préviendra par ce moyen les douleurs qui en seroient produites. Le vin de Nerprun ou le Syrop, sera pris chaque mois selon la description qui en a esté faite au premier Liure, au Chapitre des remedes qui purgent les serositez. Vous pourrez aussi employer vtilement la diette durant quinze iours, au Printemps & en Automne, & dans cette diette vous vous seruirez des remedes Sudorifiques tels qu'ils ont esté décrits au neu-

fiéme Chapitre du premier Liure.

Ces Sudorifiques profitent particulierement à la goutte sciatique, vous servant aussi du vesicatoire que beaucoup appliquent vtilement sur la partie affligée, pourueu que le corps ait esté épuré par la purgation. Vous pourtez au lieu du vesicatoire appliquer vn

DES PAVVRES. LIV. V. 243 pain chaud coupé par la moitié, trempé

dans l'eau de vie chaude.

L'eau de la Reyne d'Hongrie a seruy à beaucoup, soit en prenant vne cueillerée de cette eau chaque matin, soit en trempant des compresses dans icelle & les appliquant sur la partie affligée: D'autres employent auec succés l'esprit de vin seul ou messé auec égales parties de la premiere eau de chaux pour y tremper les compresses.

On peut aussi appliquer la racine de Brionia ou Couleurée boüillie, dissoute dans l'eau de vie. Le Cautere au dessous du genoüil ne sera oublié, non plus que la grappe de Raisin qui aura passé sur le Pressouer & la mettre sur la partie affligée pour y exciter la

fueur.

De la foiblesse des Nerfs.

S'il y a vne simple foiblesse de Nerfs, qui est ordinairement causée par vne matiere froide, vous vous seruirez de la purgation & remedes Sudorisiques, décrits au Traité de la goutte froide.

Mais outre ces remedes, vous ferez

244 LE MEDECIN, &c.

souvent des decoctions dans le vin auec les feuilles de Primeuere, de Lauende, Sauge, fleurs de Rômarin pour somenter la partie, y adjoûtant de l'eau de vie.

Vous farcirez vne Oye de feüilles de Thin, Serpolet, Rômarin, grains de Genéure, & la ferez rostir, la graisse qui en distillera seruira à fortisser les ners.

Les feüilles de Sauge cuittes, arrosées de vin blanc & mises sur la partie, appliquant sur ladite Sauge vne tuile chaude, ont seruy à beaucoup.

Quelques-vns n'ont pas craint de tremper vnlinge dans l'eau de vie, & apres y auoir-mis le feu l'enfoncer dans la iointure en pressant fortement, &

ils l'ont fait auec succés.

Si les pauures se trouuent proche des eaux chaudes, comme Bourbon, Baleruc & autres, ils ne se serviront pas seulement desdites eaux en boisson & somentation, mais ils appliqueront leurs bouës auec soulagement.

LE

MEDECIN

D-E S

PAVVRES.

LIVRE SIXIE'ME.

Des Fiéures en general, & premierement des Fiéures simples.

CHAPITRE PREMIER.

L n'y a point de maladie si commune & familiere aux pauures que la siéure, la qualité de leurs alimens,

celle de leurs vestemens & le trauail continuel qui les expose souvent à toutes les injures exterieures, leur font sou-

X iij

uet souffrir ses violences & sa tyrannie; qui leur est d'autant plus fatale, qu'ils ont peine à quitter leur trauail ordinaire & à trouuer des alimens & remedes conuenables à ce sascheux estat, à cause de leur trop grande indigence; Ainsi le Medecin des pauures manqueroit à son plus iuste deuoir s'il ne leur donnoit vne methode commode & proportionnée à leur estat, pour leur fournir des remedes faciles à trouuer & preparer contre vn si violent & si extraordinaire ennemy.

La fiéure qui est vne chaleur allumée dans le cœur & communiquée à toutes les parties, est simple, putride ou pesti-

lentielle.

La fiéure simple est ou Ephemere, ou Synoque simple, ou Hectique.

De la sièure Ephemere.

La fiéure Ephemere est d'vn iour seulement, à cause qu'elle consiste dans l'instammation non des humeurs, mais seulement des esprits, & ordinairement elle est produite par l'excés & la violence des causes exterieures, com-

DES PAVVRES. LIV. VI. 247 me d'vn air & des alimens trop chauds, d'vn trauail & des veilles immoderées, comme aussi de la colere & des autres passions d'esprit.

Ainsi l'air rafraischissant & humestant, les alimens de mesme qualité le repos, le sommeil & la tranquillité d'esprit, sont les remedes ordinaires contre ce mal, duquel peu de pauures se plaignent à cause qu'il n'est ny violent ny de durée, & rarement ont-ils recours aux remedes pour cette consideration.

De la sièure Synoque simple.

Si les causes exterieures susdites rencontrent vn corps plein & qui transpire peu, la siéure Ephemere degenere bien-tost en siéure Synoque simple, qui ne consiste pas comme l'Ephemere en l'instammation des esprits, mais du sang qui done plus de sumée que de feu, car la chaleur n'est pas acre, mais vaporeuse, le poux grand, égal & plein, l'vrine épaisse & vn peu plus rouge que la naturelle. Cette siéure souuent est égale & n'a point de mouuemens

X iiij

reglez, comme les fiéures qui dépendent des autres humeurs: elle dure ordinairement quatre ou sept iours, & si en ce temps elle ne se termine par sueur ou hemorragie, elle dégenere

en siéure Synoque putride.

Sa guerison dépend de la saignée, la quelle est si necessaire & doit estre si copieuse, que les anciens Medecins auoient accoustumé de tirer du sang iusqu'à la défaillance, mais cette methode n'est plus en vsage, & l'experience nous fait connoistre qu'en nostre âge & nostre climat, la saignée moins copieuse mais reïterée, est plus auan-

tageuse.

Ils auoient aussi accoustumé de pratiquer encore vn remede fort propre aux pauures pour la guerison de cette sièure; c'estoit l'eau froide qu'ils ne craignoient pas de donner au malade iusqu'à la passeur & au tremblement, afin d'esteindre à coup cette chaleur estrangere, en procurant par ce moyen l'vrine & la sueur: Mais comme cet excés pouvoit laisser la conuulsion & l'hydropisse à ceux qui auoient l'estomach crud & soible, auec obstruction

des visceres par la presence des cruditez, il est plus iuste de rafraischir plus moderement auec la decoction de racines ou seüilles de Chicorée sauuage, Tresse aceteux ou Ozeille ronde, que d'exposer les malades à ce peril.

De la sieure Hectique. .

La fiéure habituelle ou Hectique occupe les parties solides, comme l'Ephemere les esprits, & la Synoque les humeurs: Elle est telle de sa nature qu'elle commence par cette espece, ou fuccede à d'autres maladies: L'vne commence par le cœur come son principe, l'autre dépend des maladies du foye, de l'estomach, de la ratte, des reins, d'vn abscés, d'vn vlcere ou de la corruption de quelque partie : La diarrhée, la dyssenterie, les veilles, l'hemorrhigie, & toutes les causes externes qui dessechent, la peuuent procurer: La fiéure ardente qui assiege vne constitution seche dans vne saison de pareille nature, conduit ordinairement à l'Hectique.

Le premier degré de la siéure Hecti-

que se connoist assez disficilement: Les signes du second degré sont plus manifestes, car quoy que le malade ne s'aperçoiue point de la siéure, il ne laisse pas de connoistre la secheresse de sa peau, son poulx dur, petit & plus frequent que d'ordinaire, auec vn sentiment d'vne chaleur plus grande apres le repas. Le troisième degré n'est connu que lorsque la sièure est incurable.

Si la fiéure Hectique dépend de la maladie de quelque partie, sa guerison dépend de celle de la partie d'où elle tire son origine: Si elle est iointe à vne fiéure putride, vous la guerirez en ostant la pourriture sans negliger la fiéure Hectique; & si elle est simple, comme celle que nous considerons icy, vous la traiterez par des remedes rafraischissans & humectans, & les alimens de mesme qualité qui reparent la maigreur & la fecheresse.

Mais comme cette nourriture si necessaire manque ordinairement aux pauures, ils pourront vser de la Ptisane faite auec la decoction d'Orge qui aura boüilly iusqu'à creuer. Le Ris boüilly dans le lait est encore vn aliment conuenable, comme aussi la chair des Limaces, Ecreuisses & Grenoüilles auec les extrémitez des animaux, car ces chairs estans visqueuses, sont tres-propres pour reparer la perte qui se fait continüellement de la substance necessaire à l'entretien de la vie, si vous en vsez particulierement au commencement de la sièure Hectique, auant que la chaleur naturelle soit affoiblie.

Les remedes purgatifs doiuent estre rarement employez dans la siéure Hectique, si ce n'est que la crudité de l'estomach oblige le malade à se purger auec le ius de pruneaux, auquel on pourra adjoûter deux cueillerées de suc ou infusion de roses passes, ou vne

cueillerée dudit Syrop.

Le lait de vache peut tenir lieu d'aliment & de remede vniuersel, puisqu'il satisfait à toutes les indications que le Medecin se propose pour guerir, estant propre à rafraischir, humecter, nourrir & adoucir, ne prenant autre aliment que celuy-là; & s'il arriue qu'il y ait vn cours de ventre, vous ferez esteindre l'acier rougy au seu trois ou

quatre fois dans chaque verre de lait. Vous vous abstiendrez de l'vsage du lait si la sièure putride est iointe à l'hectique, ce que vous connoistrez s'il y a redoublemens en certain temps auec vne chaleur acre & autres tels accidens.

Des Fiéures putrides continuës.

CHAPITRE II.

Ous appellons siéures putrides continues, lorsqu'il s'esseue vne vapeur putride du soyer de pourriture, qui excite dans le cœur vne chaleur continue: En quoyles siéures putrides intermittentes sont disserentes des continues, en ce qu'aux intermittentes la vapeur putride n'attaque le cœur que par certains interualles, ce qui se fait à raison du siege de cette mariere qui est dans les petits vaisseaux, ou hors des vaisseaux, d'où la vapeur ne s'esseue pas esgalement pour produire vne siéure continue: Mais la matiere des siéures continues s'engendre dans les

DES PAVVRES. LIV. VI. 255 grands vaisseaux, d'où la chaleur se communique continüellement au cœur pour faire la fiéure plus ou moins grande selon que les vaisseaux sont plus pro-

ches ou plus esloignez du cœur.

Les fiéures putrides contrinues sont sans redoublemens & augmentations, ou auec redoublemens: Les premieres sont appellées Synoques putrides, lesquelles s'engendrent dans la portion la plus temperée de la masse des humeurs qu'on appelle sang, qui contracte pourriture & excite cette espece de siéure par obstruction ou dessaut de transpiration.

Les fiéures putrides continues qui fe font auec redoublemens, sont ou quotidiennes causées par vn sang pituiteux, & ont chaque iour vne fois leurs redoublemens; ou tierces qui redoublent de deux en deux iours, & sont produites par vn sang bilieux; ou quartes qui sont causées par vn sang mélancolique qui contracte pourriture dans les grands vaisseaux, & ont leur mouvement de quatre en quatre iours.

Nous connoissons les fieures putrides & les distinguons des simples par

vne chaleur acre & picquante, le poulx non seulement grand, mais inégal: Et si vous voulez vne particuliere marque, c'est que sa contraction ou sistole est plus pressée & plus viste que sa dilatation ou diastole: L'vrine au commencement est cruë ou peu cuite & les redoublemens reglez : Lesquels signes ont esté precedez de lassitudes sans trauail, de pesanteur & douleur de teste, sommeil interrompu, resueries, difficulté de respirer, inquietudes, secheresse de langue, nausée, vomissement & vertige, tous lesquels accidens sont communs aux siéures putrides, si vous exceptez les synoques qui n'ont point de periodes, ny de temps reglé pour leurs mouuemens.

Il y a encores, outre ce que nous auons dit, certaines differences accidentelles tirées de leurs symptomes, dont elles empruntent le nom: Car la siéure ardente, ou autrement Causus, qui est produite par vne matiere bilieuse, acre & mordicante, allumée dans les grands vaisseaux les plus proches du cœur, a trois accidens inseparables,

DES PAVVRES. LIV. VI. 255 sçauoir la langue aride & noire, la chaleur ardente, & vne soif qui ne se peut esteindre. La siéure horrisque dans le cours de laquelle le malade sent des horreurs continüelles, se fait par vn messange inégal de matiere bilieuse, pituiteuse & sereuse, dont le mouuement aussi inégal fait l'horreur en picquant les membranes. La siéure dans

quant les membranes. La fiéure dans laquelle il se fait vne consomption subite de toutes les parties du corps, & les vrines sont huileuses & grasses, s'appelle colliquante. La fiéure accompagnée d'inquietudes, où le maladene peut demeurer dans vne mesme place, est produite par vne matiere bilieuse & acre qui picque l'orifice superieur de l'estomach, est nommée Assodes. S'il y a des sueurs continuelles causées par la grande pourriture des humeurs, on l'appelle Elodes: S'il y a

desfaillance syncopale; s'il y a sentiment en mesme temps de chaleur & froideur, on nomme la siéure Epiala & Lypiria; celle-là se fait quand les parties exterieures brussent, & les interieures sont froides par le messange d'vne pituite vitrée, & d'vne matiere

bilieuse: Et celle-cy, sçauoir Lypiria; est produite par vne inflammation des parties interieures, qui est telle qu'elles bruslent pendant que les exterieures sont froides.

Des Fieures symptomatiques ou accidentelles.

Outre ces differences des fiéures, vous pourrez encores obseruer les siéures symptomatiques ou accidentelles, lesquelles dépendent ou d'vne inflammation de quelque partie, comme de Pleuresie, Peripneumonie & Phrenesie, de playe, vicere ou douleur, ou de quelque obstruction rebelle ou pourriture qui assiege les visceres : Laquelle pourriture, selon ses conditions, excite ou fiéures aigues ou lentes, qui n'ont aucun periode ny regle, lesquelles souuent degenerent en fiéure hectique, à cause que la vapeur qui s'esseue du viscere affecté, au cœur, y laisse vne impression de chaleur, & à la fin yne secheresse immoderée.

Les fiéures symptomatiques ou accidentelles ne demandent point autre methode

DES PAVVRES. LIV. VI. 257 methode de guerison que celle de la partie d'où elles dépendent. Ce que vous auez à remarquer, est que toutes les fiéures qui accompagnent les inflammations, ne sont pas tousiours symptomatiques ou accidentelles, mais souvent essentielles, à cause que les fiéures essentielles les precedent, & que par l'agitation des humeurs quelque viscere contracte inflammation, qui succede à ladite fiéure essentielle.

Toutes les indications des fiéures putrides se tirent de la maladie, de la . cause de la maladie & des forces: Celles-cy demandent à estre conseruées, & les autres sçauoir la maladie & cause de maladie, ostées. Ces indications sont communes à toutes les siéures, comme aussi nostre methode de guerir sera commune à toutes les fiéures putrides continues, laissant au iugement du Medecin de diuersifier la guerison selon la cause, les forces, le tempera-

ment, l'âge & la saison.

Du Regime de viure.

Le regime de viure doit estre rafrais-

chissant & humectant dans toutes for tes de siéures putrides, quoy qu'il le doiue estre moins dans les siéures pituiteuses & mélancoliques, que dans les bilieuses: L'aliment doit estre liquide & non solide, puisque les bouillons & les œufs peuuent suffire à la nourriture de toutes les parties: Les bouillons doiuent toufiours estre preferez aux œufs, si ce n'est que l'auersion du malade contre les boüillons, la grande crudité d'estomach, & la tension de tout le ventre vous oblige de recourir aux œufs plûtost qu'aux bouillons: Que si nous voulons descendre aux indications particulieres tirées du trauail excessif & du peu de nourriture, qui souuent donne naissance aux maladies des pauures, nous ne contreuiendrons point aux ordres de la Medecine, si nous leur accordons quelquesois l'aliment solide que nous refusons tout à fait à ceux qui viuent de viandes, de bon suc & largement, veu que la repletion cause icy les maladies, & l'inanition souvent celles des pauvres : Et c'est encores pour cette raison que souvent nous sommes obligez de donner du vin dans les fiéures des pauures, qui par l'inanition ou l'abstinence precedente, la crudité d'estomach, l'obstruction de ratte jointe à la foiblesse des parties estant tombez malades, sont plûtost & plus facilement gueris & restablis par vn peu de vin moderement pris & bien trempé d'eau & nonfumeux, puisque l'experience fait connoistre que ce vin auec ces conditions, corrigeant la crudité, desopilant, nourrissant & fortisiant, semble tenir lieu aussi bien de remede que d'aliment.

Le boire ordinaire dans les fiéures putrides, sera la decoction d'Orge & Reguelisse, comme aussi la Prisane faite de racine d'Ozeille, ou feuilles du Tresse aceteux autrement dit Alleluya, particulierement aux maladies bilieuses; & si le cours de ventre y est joint, vous vous seruirez de la decoction faite auec le fruit d'Espine vinette ou Berberis: La Prisane faite auec Pomes de reynette coupées par tranches, est ville aux siéures mélancoliques, & la Prisane faite auec racines de Chien-dent sert aux siéures pituiteuses.

Le plus ordinaire & le plus puissant

Y ij

· 260 LE MEDECIN

remede des siéures est la saignée, qui accomplit toutes les indications pour guerir cette maladie, puisqu'en éuacuant le sang contenu dans les grands vaisseaux, qui est la semence de toute pourriture, elle leue les obstructions, fait reuulsion; & facilitant la transpiration, rafraischit, arreste la pourriture, & aide la coction des humeurs, qui par leur presence somentent la sièure.

Or la saignée, qui est le remede commun des fiéures, doit estre pratiquée plus copieusement & plus frefrequemment aux fiéures Synoques qu'aux autres especes, puisqu'à raison du sang dominant Galien y a fait la saignée iusqu'à la deffaillance, ce que nous ne pratiquons point dans ce temps, mais nous auons égard à l'âge, aux forces, à la saison & au temperament, pour regler la saignée non seulement dans cette espece de siéure, mais das toutes les autres. Car par exemple, fi le malade est de temperamét bilieux, trauaillé d'vne fiéure tierce continuë, à qui le trauail, l'abstinence & les alimens chauds & secs, & peu succulens, ont donné naissance; il n'y a pas de

DES PAVVRES. LIV. VI. 261

doute que la saignée ne doit estre en ce sujet ny si frequemment ny si copieusement pratiquée, que dans vn autre qui

aura des qualitez contraires.

Outre la saignée de laquelle nous auons remarqué la necessité dans les siéures putrides continues, nous auons encores besoin des remedes qui alterent & preparent l'humeur, ou qui l'éuacuent & la purgent estant preparée.

Les remedes qui preparent & rafraischissent la bile eschaussée, sont la decoction de racines de Chicorée sauuage, seuilles d'Aigremoine, Laitue, de Tressle aceteux, qui est le citron des pauvres, les seurs de Nenuphar & de Chicorée, adjoûtant pour chaque verre cinq ou six gouttes d'esprit de Vitriol.

Dans les fiéures bilieuses, & celles où il y a beaucoup de secheresse, le plus necessaire & plus familier apozeme pour les pauures est le lait clair, dont l'vsage est tres-vtile durant tout le cours de la sièure, particulierement en celles où la bile aduste & l'humeur mélancolique domine: Car ce lait clair, qui est la partie la plus sereuse du lair,

Y iij

& qui proprement est vn veritable extrait du suc des herbes, ayant la proprieté de tastaischir, d'humecter, d'ouurir les conduits, & procurer particulierement aux premieres pointes des herbes la liberté du ventre, qui est le plus grand auantage que puisse auoir vn malade.

Les Lauemens doiuent estre frequens durant le cours des siéures putrides, puis qu'ils vuident les premieres voyes de leurs excremens superssus, dégagent l'œconomie naturelle, & preuiennent par ce moyen ou guerissent les douleurs de teste. Vous les preparerez selon les formules données au Chapitre sixième du premier Liure, observant que dans les siéures ardentes vous pourrez vous seruir de Lauemens preparez auec l'Oxycrat, puis qu'ils sont tres-vtiles pour rafraischir les parties.

Entre les purgatifs nous comprenons les vomitifs, dont l'vsage est plus rare maintenant qu'il n'a esté autrefois, si toutefois dans le commencement des siéures continuës l'inclination de la nature, les nausées & les DES PAVVRES. LIV. VI. 263 enuies de vomir vous en marquent la necessité; vous aurez recours aux formules des vomitoires décrits au Chapitre septiéme du premier Liure.

Il est aussi fort rare de purger aucommencement des fiéures putrides continues; car l'ordre de la Medecine fondé sur la raison & sur l'experience, demande qu'au commencement desdites fiéures nous employions seulement la saignée pour arrester l'impe-tuosité & la violence d'vne matiere allumée dans les grands vaisseaux, comme aussi les Lauemens pour vuider les excremens contenus dans le ventre inferieur, afin que la fiéure estant remise, les accidens moderez, & l'humeur mitigée & preparée, elle cede plus facilement à nos remedes purgatifs, qui en cet estat produisent plus facilement & plus seurement leurs effets.

Que si l'amertume de la bouche, le soux de ventre & la douleur d'estomach, ou de quelqu'autre partie contenuë dans le ventre inferieur, vous persuade au commencement des siéures continuës la necessité de la purgation (ce que vous ne deuez faire qu'a-

uec vne grande circonspection) vous aurez recours aux remedes minoratifs, comme le Sené, le Suc, l'Infusion ou le Syrop de Roses passes, ou le Syrop de fleurs de Pescher, iusqu'à ce que la remise de la sièure & des accidens, vous permette d'en employer de plus forts.

L'experience fait connoistre que l'infusion du Sené peut beaucoup pour

la guerison des siéures putrides.

Durant les fiéures bilieuses, vous prendrez trois dragmes de Sené, que ferez infuser à froid dans deux verres de decoction de racines de Chicorée sauuage & d'Ozeille, pour prendre dans la remise à vne heure l'vn de l'autre.

Dans les fiéures putrides mélancoliques, vous ferez infuser demy once de Sené dans deux grands verres de lait clair, dans lequel vous aurez fait boüillir auparauant deux pomes de Reynette coupées par tranches durant l'Esté; & si c'est l'Hyuer, vous ferez infuser le Sené dans pareille quantité de decoction de racines de Polipode, d'Asperges & de Fenoüil,

pour

DES PAVVRES. LIV. VI. 265 pour donner leidits deux verres dans le temps de la remise à vne heure l'vn de l'autre. Et si la siéure est quotidienne, vous vous seruirez de la mesme dose de Sené dans vne decoction de feüilles de Betoine, de Melisse, & fleurs de petite Centaurée. Que si l'humeur qui produit la fiéure ne cede pas facilement à ce remede, vous aurez recours à ceux qui non seulement purgent la seconde region du corps, mais mesme la troisième, observant tousiours de proportionner le remede à la condition de l'humeur dominante, selon les formes décrites au commencement du premier Liure.

Des Fieures putrides intermittentes.

CHAPITRE III.

Les fiéures intermittentes ne different point par leurs causes des fiéures continues; car les fiéures tierces, quotidiennes & quartes intermittentes, dépendent aussi bien de l'humeur bilieuse, pituiteuse & mélancolique do-

Z

minante, que les putrides continues? Mais comme celles-cy ont leur siege dans les grands vaisseaux, celles-là dépendent d'une matiere qui est hors des vaisseaux, ou dans les petites veines & capillaires qui sont essoignées du cœur; ce qui fait que la vapeur & la chaleur ne les peuvent attaquer continuellement, doù vient que les siéures sont intermitentes, lesquelles sont distinguées entr'elles, en ce que le frisson ou la rigueur precede les siéures tierces, le froid les quotidiennes, & l'horreur les siéures quartes.

De la Fieure tierce.

La fiéure tierce est la plus ordinaire des fiéures, & se fair ou d'vne bile pure sans mélange, & est appellée vraye tierce, ou elle est causée par vne bile dominante messée d'vne matiere pituiteuse ou mélancolique, & elle est appellée fausse ou bastarde, & non vraye. La premiere n'est pas ordinairement rebelle, a des accés violens, mais courts, & ne passe ordinairement le septième accés: La sièuse

DES PAVVRES. LIV. VI. 267 de l'autre espece n'est pas si violente, sa chaleur est plus vaporeuse, sans acrimonie, mais ses accés sont plus longs & plus rebelles aux remedes, & il y a telle sièure de cette nature qui durant trois mois trauaille le malade.

La fiéure tierce qui est vraye, & qui dépend de la domination d'vne matiere bilieuse sans mélange, est guerie par les saignées qui sont pratiquées selon le temperament, les forces & l'âge. Vous pouvez commencer la guerison par ce remede, au temps de l'intermission qui suit le second accès; vous n'oublierez les Lauemens ny les decôctions faites auec racines de Chicorée sauvage, se üilles d'Aigremoine, Hepatique, Capillaires & Tresse

Si apres le quatriéme ou cinquiéme accés, la violence de la fiéure estant diminüée, il paroist quelque coction dans les vrines, vous aurez recours à la purgation, qui est d'autant plus necessaire pour la guerison de cette siéure, qu'elle oste la cause conjointe qui la produit immediatement, comme la saignée combat la cause antecedente.

Zij

Vous preparerez le purgatif auce vne decoction susdite, dans laquelle vous ferez infuser trois dragmes de Sené, delayant vne once de syrop de Roses passes: Vous y pourrez adjoûter vne dragme de nostre Rheubarbe en infusion.

De la Fieure tierce fausse.

S'il y a mélange d'humeur pituiteuse ou mélancolique qui produise la siéure tierce; comme il arriue souuent, particulierement en Automne & durant l'Hyuer, vous rendrez la saignée moins frequente, mais la purgation plus ordinaire que dans la vraye tierce, & par des remedes plus forts, à cause de la resistance de l'vne ou de l'autre humeur messée auec la bile.

Pour preparer cette humeur à la purgation, le pauure pourra boire de la premiere ou seconde des eaux minerales artificielles décrites au huictiéme Chapitre du premier Liure, & dans le premier verre y infuser trois dragmes de Sené, y messant dix grains

de Scammonée preparée.

DES PAVVRES. LIV. V. 269

Vous preparerez vne poudre auec vne demy dragme de Sené, & demy dragme d'Hermodatte en poudre, y messant huit grains de Scammonée

pour vne prise.

La decoction frequente des fleurs de Camomille est fortestimée des Anciens, tant pour leuer les obstructions, que pour fortiser les parties debilitées; & s'il y a nausée & vomissement qui trauaille le malade au commencement de cette sièure, vous pourrez aider la nature en ce mouuement par vn vomitoire que vous preparerez auec demy once de semence de Ressort, que ferez boüillir auec vne pincée de sleurs de Camomille, adjoûtant pour vne prise deux cueillerées d'Oxymel.

Quand cette sièure est longue & opiniatre, vous donnerez auec succés dans le commencement de l'accés, depuis sept grains iusqu'à douze du crystal de Tartre emetique, décrit au traité des remedes Chymiques du premier Liure; & s'il ne sussit pour évacuer l'humeur morbissque, vous ferez insuser trois dragmes de Sené auec écorce de Citron dans vn verre d'eau

270 LE MEDECIN de Scorsonere, y messant deux ou trois onces de vin emetique.

De la Fièure quotidienne.

La fiéure quotidienne, qui est produite par vne matiere pituiteule, est assez rare, & n'attaque ordinairement que les vieillards ou les enfans; elle est souvent prise, ou plûtost elle n'est pas ordinairement distinguée de la siéure double-tierce, ou de la triple-quarte, desquelles toutesfois il est bonde remarquer les differences à cause de la diuersité des causes qui les produisent : Car la quotidienne a ses accés presque tousiours égaux ; la doublerierce a en deux iours deux accés differens, l'vn plus violent que l'autre; & la triple-quarte a trois differens accés en trois iours, auec cette difference que l'accés qui répond à la quarte est tousiours le plus fascheux.

La fiéure quotidienne a besoin de purgations frequentes apres la saignée pour estre guerie, lesquelles doiuent auoir du rapport auec celles qui ont esté proposées pour la guerison de la

fiéure tierce cautée par le messange de l'humeur pituiteuse, auec cette obsernation, qu'apres les purgatifs le malade prendra souvent soir & matin vn verre de decoction de fleurs de petite Centaurée; & si le malade a quelque disposition au vomissement, vous luy procurerez par vne decoction de racines ou de seüilles d'Asarum ou Cabaret, y adjoûtant deux cueillerées d'Oxymel.

Quelques-vns ne craignent point dans l'opiniastreté de cette siéure, de donner depuis huit grains iusqu'à quinze de la poudre de Gomme-gutte auec vn verre de vin blanc dans le com-

mencement de l'accés.

De la Fiéure quarte.

La fiéure quarte est la plus longue & la plus opiniastre des fiéures intermittentes; & si elle est la croix & l'opprobre des Medecins, elle est aussi le sleau des pauures, puis qu'elle leur oste la liberté de trauailler, & le moyen de subsister.

Il ya de deux sortes de sièure quar-

te: Vne vraye causée par la presence d'vne humeur mélancolique, froide & seche: L'autre fausse excitée par vne humeur aduste & brûlée, qui commence ordinairement en Esté, succede le plus souuent à d'autres fiéures, & n'est pas si longue que la vraye, mais plus perilleuse, estant tousiours accompagnée d'vne intemperie chaude de visceres, par laquelle elle degenere souuent en double ou triple-quarte, & quelquefois en continuë, qui cause vn extréme peril. Cette fiéure doit estre traitée par des remedes doux, comme sont ceux qui ont esté proposez pour la sieure tierce causée par matiere bilieuse.

La vraye sièure quarte produite par l'humeur froide & seche, est ordinairement fort rebelle aux remedes, elle souffre peu de saignées, mais la purgation y doit estre frequente, que vous preparerez auec vne decoction de demy once de Polipode, dans laquelle vous ferez infuser deux ou trois dragmes de Sené: Mais apres auoit donpé ce remede deux fois dans l'intermission, vous le pourrez donner

DES PAVVRES. LIV. VI. 273 plusieurs fois vne heure auant l'accés.

Si ce remede ne suffit, vous donnerez auant l'accés vne dragme de Sené en poudre auec demy dragme de crême de Tartre, & six grains de Scammonée, messant le tout pour vne prise auec vn peu de vin, ou en faire vn bol auec la moüelle de pomes cuittes.

Quand la fiéure quarte est opiniâtre, vous donnerez vne heure auant l'accés dix ou douze grains de crystal de Tartre emetique, ou vne cueillerée de syrop emetique décrit au traité des remedes Chymiques. Vous pourrez aussi donner deux verres d'eau mineralle artificielle vitriolée, ou ce qui suit.

Prenez du Vitriol de Chypre depuis douze grains iusqu'à demy dragme, que ferez infuser durant douze heures dans vn verre d'eau de fontaine, vous le donnerez dans le commencement du froid de la fiéure, & après iceluy vn bouillon gras, lors que le malade aura quelque disposition au vomissement.

Ge remede ne convient pas seulement aux quartes, mais à toutes les 274. LE MEDECIN fieures intermittentes qui dépendent d'vne obstruction causée par vne matiere rebelle.

Des Fiéures malignes & pestilentielles.

CHAPITRE IV.

TE ne dois pas icy omettre, en proposant des remedes pour les pauures, les siéures malignes & pestilentielles, puis qu'à raison de leur mauuaise nourriture, ils souffrent tous les premiers & leurs atteintes & leurs violences.

Ie distingue les sièures malignes & pestilentielles par le plus & le moins, puis qu'il est asseuré que les sièures malignes ont vn degré particulier de pourriture que les simples putrides n'ont pas, & que les pestilentielles en ont aussi dauantage que les malignes, de telle sorte qu'on peut dire auec raison que les sièures malignes sont moyennes entre les putrides simples & les pestilentielles: Quoy que si on

DES PAVVRES. LIV. VI. 275 le veut prendre précisement, on soit obligé d'auoüer que les siéures pestilenuelles ont leur siege particulierement au cœur, non seulement par vne pourriture commune, mais venimeuse, puisque souuent dans la violence des symptomes qui accompagnent ces siéures, le sang tiré des veines par la saignée, est pur & sans marque de pourriture; ce qui montre assez que c'est vne mauuaise & venimeuse qualité qui assiege particulierement ce principe de vie sans se communiquer à la masse des humeurs.

De la Rongeole & petite Verole.

Ie comprends dans les fiéures malignes celles qui precedent ou accompagnent la Rougeole ou la petite Verole: Comme aufficelles qui font pourprées, c'est à dire qui paroissent auec ces taches qu'on appelle pourpre: Quoy qu'il y ait bien de la difference entre les dites fiéures, puisque l'eruption des pustules de verole ou rougeole se fait ordinairement par la voye de crisse, & seulement par l'ebullition du sang au troissesme ou quatriesme iour de la sièure qui souvent cesse apres cette sortie: Et celle des taches pourprées se fait par la voye symptomatique, puis qu'apres l'eruption desdites taches qui ne se fait pas souvent deuant le septiesme iour, la sièure s'irrite, ce qui témoigne la malignité de l'humeur dépendante d'yne grande

pourriture.

Vous ne deuez craindre de saigner dans la fiéure qui precede la rougeole ou petite verole, puisque vous suiuez par icelle le mouuement de la nature, & vous facilitez par ce moyen la sortie de ces pustules : Si estant sorties, la sièure cesse, vous ne ferez aucune éuacuation par la saignée : Si elle continue, vous ne ferez aucune difficulté de tirer du sang pour empescher l'inflammation des parties interieures & les autres accidens: Si l'eruption des pustules se fait lentement, vous l'exciterez en donnant frequemment vne decoction faite auec les Lentilles, feüilles de Scabieuse, Scordium & Ozeille ronde, y messant yn peu de sucre : Vous vous seruirez

DES PAVVRES. LIV. VI. 277 aussi de la Ptisane faite auec la racine de Scorsonere & vn peu de racine d'Angelique: Si la sortie des pustules se fait trop subitement, vous donnerez souvent de la Prisane preparée auec racine de Tormentille, corne de Cerf, Orge & feuilles de Treffle aceteux, y adjoûtant vn peu de sucre. S'il y a grande douleur à la plante des pieds, à la paulme des mains & au visage, vous fomenterez tiedement ces parties auec la decoction de Guimauues & fleurs de Camomille auant l'eruption, faisantaussi vn liniment sur les paupieres auecl'eau de Plantain & vn peu de Saffran.

Des Fieures pourprées.

Aux fiéures pourprées, quoy qu'à la Campagne on n'ait pas accoustumé de pratiquer la saignée, neantmoins vous ne l'oublierez pas puisqu'elle est necessaire pour corriger la pourriture & faciliter la transpiration des humeurs : Vous donnerez aussi des remedes cordiaux d'vne decoction de seuilles de Reine des prez, Scabieuse, Chardon

benit & Treffle aceteux, auec quatre gouttes d'esprit de Vitriol & vn peu de sucre. La Prisane preparée auec la racine de Scorsonere & de fruit de Berberis sera vtile: La purgation ne doit estre donnée qu'à la fin de la sièure.

Des Fiéures pestilentielles.

Les remedes contre la peste ousiéures pestilentielles, sont preservatifs ou curatifs. Les preservatifs sont la saignée & la purgation : La saignée est necessaire pour corriger la pourriture qui pourrait degenerer en cette qualité venimeuse qui est le siege de la peste: La purgation ne l'est pas moins en vuidant la cacochymie, & quoy que le remede purgatif excite quelque commotion au corps, neantmoins vous ne pouuez vous en dispenfer s'il y a amertume de bouche, pelanteur aux bras & aux iambes, esblouyssement & perte d'appetit: La purgation doit estre de remedes benins, comme de Sené, Rheubarbe, Syrop de roses passes & de Pescher.

Vous preparerez à peu de frais vne

DES PAVVRES, LIV. VI. 279 espece de Theriaque pour les pauures, dont on prendra chaque matin la groffeur d'vne noisette auec peu de vin.

Prenez racines d'Angelique & des bayes de Genéure de chacune vne once, racine de Scorsonere & feüilles de Scordium de chacune demy once, Semence de Ruë deux dragmes, faites vne poudre & meslez le tout auec vne liure de miel écumé pour faire Opiate.

Le vin est vn merueilleux preseruatif pour les pauures que vous rendrez specifique, si vous prenez racines d'Angelique & Scorsonere auec l'écorce de citron en poudre, que passerez auec de bon vin pour en vser cha-

que iour vn demy verreà ieun.

Vous pourrez vous seruir de cinq ou six grains de Genéure concassez, pour les prendre auec vniaune d'œuf

& vn peu de vin.

Si la fiéure pestilentielle est presente, comme vous la connoistrez par vu visage enflammé & souuent liuide, peu de chaleur au dehors & beaucoup au dedans, deffaillance de cœur dés le commencement, resueries, douleurs

de teste & assoupissemens, au mesme temps que ces signes paroistront vous aurez recours à la saignée du bras, puis du pied, particulierement si la nature pousse quelque tumeur aux aisnes. En suitte vous donnerez à vos pauures le poids d'vne dragme de l'Opiate suiuante, dont vous fournirez quantité aux pauures de vostre climat, & ne les laisserez sans secours dans ce besoin, prenant sur icelle vn verre de Ptisane de racine de Scorsonere.

Prenez demy liure de racine de Valeriane Sauuage & d'Aunée, deux onces d'écorce de citron seche, & vne de seülles de Scordium seches, faites vne poudre que messerez auec suffisante quantité de miel écumé. L'extrait de Genéure peut estre appellé la Theriaque des Paysans, & par ces remedes vous pouuez heureusement exciter les sueurs qui pousseront le bubon aux emonctoires, ou le charbon en quelques parties du corps.

Da Bubon.

Si le bubon paroist aux aisnes ou aisselles,

aisselles, vous l'attirerez par ventouses ou pain chaud, trempé dans de l'eau de vie s'il est sans inflammation, & mesme en ce cas vous y appliquerez le vieil leuain auec vn oignon cuit sous la cendre; & s'il y a inflammation vous preparerez vn cataplasme auec oignon de Lys, Guimauues, feüilles de Scabieuse, pilées, passées & messées auec graisse de porc.

Du Charbon.

Quand le charbon sera connu vous preparerez vn Cataplasme auec se ülles de Scabieuse, Ruë & Figues seches cuittes sous la cendre, que vous incorporerez auec le beurre frais & vn iaune d'œuf, adjoûtant sur vne once vn dragme de racine d'Angelique en poudre.

Si l'vne & l'autre tumeur est rebelle aux remedes susdits, vous y appliquerez quelques grains de Caustic, dont vous ferez tomber l'escarre auec vn

peu de beurre.

Vous ne deuez penser à aucun purgatif au commencement des sieures

pestilentielles, si la nausée, l'ameramertume de bouche & le dégoust ne vous en persuadent l'vsage, & si vous y auez recours, vous donnerez seulement vapeu de Sené auec le Syrop de

roses passes.

Voila (cher Lecteur) les remedes faciles à trouuer & preparer, que i'ay à vous proposer pour le soulagement des pauures: Il ne reste qu'à chercher le moyen de les employer vtilement en leur faueur. Nous auons besoin de Medecins zelez & vrayement Chrêtiens dans les Villes, qui estendent autant qu'ils pourront les lumieres de leurs Sciences & le feu de leur charité sur les Campagnes voisines, afin qu'instruisans quesques personnes sur les lieux, ils leurs puissent communiquer dans les maladies des pauures quelques remedes propres à leur guerisson. Car ie ne pretends pas que personne presume de se seruir des remedes proposez dans ce Linre, sans aucun aduis d'vn Medecin, particulierement aux maladies perilleuses, puisque ce-luy qui les employeroit sans ce guide, feroit souuent porter la peine de la

DES PAVVRES. LIV. VI. 28% temerité à celuy qui auroit assez de foiblesse pour les receuoir: De sorte qu'il est necessaire pour faire reussire ce dessein, que Messieurs les Medecins, par vne charité qui est aussi familiere que necessaire à leur profes-sion, en soient les premiers mobiles aux occasions que Dieuleur presentera, esperant qu'il suscitera des Dames riches & charitables qui entreront dans ce party, & choisiront des personnes propres à ce ministere pour le soulagement des pauures de la Ville, & sur tout de la Campagne desolée, & par ce moyen ce pauure qui auparauant estoit abandonné à la rigueur de sa maladie & à la tyrannie de ses douleurs, estant secouru par tant d'as-sistances, parlera au Ciel en faueur de ceux qui sont ces riches essussions, pour leur procurer vne gloire qui sera la recompense & la couronne de tant de charitables actions.


EXTRAIT DV PRIVILEGE du Roy.

PAR Priuilege du Roy en datte du 28. Avril 1669. Signé, Par le Roy en son Conseil, Pepin, & scellé; Il est permisà Edme Conteil, Pepin, & scellé; Il est permisà Edme Conteil, Pepin, & scellé; Il est permisà Edme Conteiles au Marchand Libraire à Paris, de faire imprimer, vendre & debiter les Liures intitulez, Le Medecin & chierngien des Paunres: Et dessences sont faires à tous Imprimeurs, Libraires & autres personnes d'en imprimer, vendre & debiter d'autre impression que de celle qui aura esté faire par luy, pendant le temps de sept ans, à compter du iour qu'ils seront acheuez d'imprimer, aux peines portées par iceluy, & aux charges y contenuës; & sera adjoûté soy aux Extraits d'icelûy comme à l'Original.

Registre sur le Liure de la Communauté det Marchands Libraires & Imprimeurs de la Ville de Paris, suiuant les Arrests & Reglemens, le 9. May 1669. Signé A N D R E'S O V B R O No Syndic.

Acheué d'imprimer pour la premiere fois, le 13. Iuin 1669.

CHIRVRGIEN DES PAVVRES.



LE

CHIRVRGIEN

PAVVRES,

QVI ENSEIGNE LE MOYEN de guerir les Maladies externes par remedes faciles à trouuer & preparer, en faueur de ceux qui font esloignez des Villes.

Par vn Docteur en Medecine.



Chez EDME COVTEROT, rue S. Iacquesi au bon Pasteur.

M. DC. LXIX.

AVEC PRIVILEGE DV ROY.





L'AVTHEVR

AVX DAMES

RICHES ET CHARITABLES.

Mesdames, deme prefenter à vous, quoy que
ce soit en intention de
vous demander pour les Pauures,

vous demander pour les Pauures, puisque ie ne vous regarde pas seulement comme celles à qui la Nature donne vne tendresse & vne compassion pour les secourir dans leurs necessitez, mais comme des images des premieres Dames Chrestiennes, dont la charité par ses riches esfusions, & ses heureux deluges, remplissoit le vuide de tous les miserables, ou comme des ames genereuses, qui par vne

ā iij

L'AVTHEVR

vertu masle vous esloignez de la mollesse du siecle, & aimez mieux entretenir le feu de vostre charité par des actions animées de zele & de foy, que de nourrir celuy de l'auarice sous les cendres froides d'une prudence menagere. Non, ie ne crains point, MES-DAMES, en vous offrant ce Traité fait en faueur des Pauures, de vous demander que vous vous approchiez d'eux, quoy que puans d'apostemes, de playes & d'ulceres, puisque ie suis persuadé que suiuant les démarches d'un Dieu-Homme, qui a visité les lepreux & les malades viuant sur la Terre, vous voulez encores imiter les Reynes & Princesses Chrestiennes, qui ont preparé les remedes des Pauvres auec les mesmes mains qui portoient le Sceptre, & n'ont point estimé indigne de leur Grandeur, d'appliquer les appareils aux playes & aux vlceres, sans que l'odeur cadauereuse ait pù arrester cette divine ferueur

AVX DAMES.

qui les portoit à vn si saint mi-

Ce n'est pas, MESDAMES, que i exige toûjours de vostre pieté, que vous traitiez vous-mesmes-les viceres de ces pauures malades, mais seulement que demeurant dans les Villes, vous estendiez vos charitables mains sur la Campagne où ils languissent, & que fauorisant le dessein de ce Liure, qui leur propose des remedes faciles à trouver & à preparer, vous leur procuriez par vos aumosnes quelque personne intelligente & charitable, qui leur fournisse le secours des alimens & medicamens, afin que par cette double charité ils soient tirez de l'extremité de leurs maladies, aussi bien que du danger du desespoir.

Ie ne crains non plus, Mesda-Mes, en vous faisant cette proposition, que vous m'alleguiez vostre impuissance, puisque ie suis persua-

ã inj

L'AVTHEVR

de que la Piete & la Charite, qui sont les saintes aconomes de vostre famille, sont si ingenieuses, qu'elles essoignent le superflu de vos tables, le luxe de vos habits, la vanité de vostre train, le nombre des domestiques inutiles, & le tout en faueur des Pauures, par une si sage conduite, que l'épargne d'une juppe, d'une collation ou d'un festin (dont les Dames du siecle sont si prodiques). peut suffire à assifter plus d'un an tous les pauures malades d'une Prouince, par les moyens & les remedes proposez. Ains, Mesdames, le retranchement d'une vanité, le sacrifice du superflu, fera tout le fonds que ie vous demande, & fournira aux pauures malades de merueilleuses assistances, qui seront comme de magnifiques ambassades que vous ennoirez vers Dien, ou platost des gages de vostre foy viue qui luy offre ces fleurs, comme la Charité ces fruits,


AVX DAMES.

qui sont les semences d'une heureuse sternité.

Mais, MESDAMES, fivous voulez employer d'autres motifs pour vous animer à ce diuin employ; sonuenezvous que par ces fleurs & ces fruits que vous presentez aux Paures, vous ne faites pas moins que ces saintes Dames qui ont nourry IESVS-CHRIST pendant qu'il viuoit sur la Terre; puisque vous deuez moins croire vos yeux que ses paroles, qui asseurent qu'il tient fait à sa Personne, ce que vous faites pour luy à celle du pauure : Souvenez-vous encores que ces remedes que vous distribuez si largement à ses membres viuans, ne luy seront pas moins agreables que les onquens qui furent portez par des Femmes deuotes à son Tombeau, qui leur meriterent tant de faueurs. Que si vous craignez de ne pouuoir suffire à tant de Pauures qui vous demandent, cherchez

L'AVTH. AVX DAMES.

un fonds dans la confiance que vous deuez anoir en la pronidence de Dieu, & scachez que ce fonds ne s'épuise iamais, quoy qu'il semble que la chanté épuise par fois celuy de vos biens & de vos richesses. Dans cette sainte confiance vous donnerez à tous sans interesser vostre famille qui sera bien riche, si vous luy laissez la charité pour partage, & cette charité animée de cette heureuse confiance, seruira de port commun à tous les Pauures, qui ne manquera de vous ouurir le Ciel, à cause que vous auez ouvert vostre ame, vostre cœur & vos mains à toutes ses influences, pour assister tant d'infirmes & de miserables.



AVIS

TRES-NECESSAIRE

AVX CHIRVRGIENS QVI PRATIQUENT leur Arten la Campagne.

'Est à vous particulierement que i'addresse ce Traité, puisque vous exercez vostre profession en la Campagne, qui estant presque

de tous costez desolée ne peut exposer pour sujet de vos emplois que des pauures, qui chargez comme des herissons des pointes de leurs miseres, & tout hydeux d'viceres, de playes, de tumeurs & d'apostemes, ne peu-uent esperer le secours que de vous, qu'ils vous demandent auec autant de bouches qu'ils ont de peines & d'incommoditez.

Mais comme ie suis obligé par le deuoir de ma prosession de contribüer à leur soulagement, ie crois leur faire iustice & à vous aussi de produire des remedes pour leurs maladies externes, qui les guerissent, seurement, promptement & auec peu de coust, en vous proposant yne matiere qui se trouuant faci-

AVIS NECESSAIRE

lement en tous lieux, est preparée sans gran? de difficulté, afin que le tout s'accorde auec le sujet que vous traitez, & que par cette methode éuitant les longueurs & les langueurs qui sousseuent tant de plaintes, vous entrepreniez sans crainte la guerison de leurs maladies, puisque i'estoigne tous les remedes dont la matiere est rare & de difficile preparation, estant persuadé que la condition des pauures que vous traitez, ne peut souffrir l'appareil de tant de remedes composez qui sont

dans l'vsage ordinaire.

Au reste ie ne me contente pas en ce Traité de vous proposer des remedes faciles à trouuer & à preparer pour le soulagement des pauures, mais ie vous donne autant que ie peux les connoissances & les maximes pour Euiter l'erreur en la pratique de vostre Art, & mesme ie découure celles que i'ay remarquées en quelques Chirurgiens de Campagnes lorsque i'y ay fait quelques visites depuis quarante ans que ie me suis appliqué à la scien-ce de la Medecine, asin que si en rerre point, & que ie sois assez heureux pour vous empes-Quod ar- cher d'errer, nous rendions cette iustice vous & moy aux pauures, de n'auoir rien oublié natus in pour leur procuter sans erreur le soulagement qu'ils attendent.

risest præ. Atiti, colaude. enentus ex prouidentia.

1. La premiere maxime que vous obseruerez, est que vous deuez cherir autant que vostre vie le dépost qui vous est fair de celle d'autruy par l'ordre de la Prouidence diuine, qui vous confie le soin de la santé des malades tant pauures que riches: Mais pour ren-

AVX CHIRVRGIENS.

dre justice à Dieu & à ces malades, vous deuez vous employer autant que vous pourrez à la pratique de vostre Art, conferant Nullus souvent de ses principes auec vos Confreres instius les & lifant les bons Autheurs qui en traitent gu, quam pour faire réussir cet employ au bien de ceux qui de qui vous appellent, & éuiter l'erreur, laquelle salute estant une production de vostre ignorance, tractat. vous rendra toûjours coupables d'vn double Cassiod. homicide, puis qu'en ostant la vie à vostre Hemicidi malade, elle vous ofte la vie ciuile, qui con- crimen eft fiste en la reputation que vous estes obligez in vita d'acquerir, ou de conseruer par vue applica- homitis tion continuielle à vostre profession.

2. Vous auez d'abord à éniter deux écueils dans vostre exercice, la timidité & la temerité; celle-là fera que l'occasion qui est l'ame de la guerison, qui deuroit estre employée aux remedes , passera sans effet ; & la temerité vous fera legerement entreprendre des operations perilleuses où le succés sera toujours desauantageux, & i'ay peur que les pauures en portent la peine, puisque souvent telles experiences se font à leurs dépens : Mais Inscitia comme l'vne & l'autre est fille de l'ignorance, qui est vn mauuais meuble, comme dit Hypocrate, pour en éuiter la suitte, vous ne deuez entreprendre aucune operation de consequence sans l'auis de Messieurs les Medecins, puisque vous leur deuez cette iustice de leur témoigner vostre dépendance, qui de Adconleur costé ne manqueront de vous faire la silum grace & la charité de vous conduire dans les dmittioperations considerables, qui ne demandent sur.

Calleda

maliss the faurus elt, or mala fue pellex. Hyp. de Legeo

AVIS NECESSAIRE

pas seulement vostre main mais la science d'vn habile Medecin. Vous pourrez aussi employer en telle occasion la main d'vn experimenté Chirurgien des Villes prochaines, qui ne vous déniera par bonté son se-

Me'ins est infra Cubsiftere quam gredi.

- 3. Dans l'exercice de vostre Art & l'administration des remedes, ie souhaite que vous vous souveniez de cette belle maxime qui doit estre pratiquée aussi bien dans la Medecine que dans la Morale, Qu'il vaut mieux demeurer court que d'aller iusqu'à l'excés dans les operations, & qu'en ce renwlera pro- contre les erreurs de l'omission ne sont pas si grandes que celles de commission; Que si la violence de la maladie semble exiger des remedes extrémes, vous deuez si bien consulter la science de Messieurs vos Directeurs, que par les lumieres qu'ils vous communiqueront , vous connoissiez cette extremité pour y proportionner la grandeur du remede, & qu'ainsi vous esloigniez le peril du malade, & le blasme qui suit souuent telles operations.
 - 4. Vous ne prenez pas garde que l'erreur a mis dans la Campagne plusieurs remedes en vsage, que vous employez comme innocens, mais que la prudence des Medecins condamne auec iustice, car nous auons obserué tant d'acrimonie & de feu dans les qualitez du lait de Thitimale, & du pignon d'Inde, qui sont vos plus familiers purgatifs, que vous ne pouuez legitimement vous en Ceruir sans peril. le remarque aussi que vous

AVX CHIRVRGIENS.

commencez à vous approcher de si prés du fidenfen des chymistes, qu'il y a lieu d'apprehen - dum us der qu'il vous brûle : le ne veux pas condam- remedifs ner leurs remedes, mais ie crains qu'entre vos mains ils soient ce que le cousteau & nostri tua l'épée sont en celles de l'enfant & du furieux. lere pe-Employez plûtost selon l'ordre qui vous sera ri ula, prescrit, les remedes authorisez de l'expe-que lonrience de nos Anciens, & dont ils ont porté ga atas, le peril.

5. Si la saignée est deuë à l'homme, ie peux oculara dire que l'homme se doir tout pour la preservation que pour la guerison de ses maladies à la saignée à laquelle vostre Art destine la plus grande partie de ses preceptes, comme Phleboteestant le moyen le plus familiers & le plus fa- lutarem cile qu'elle employe à cette fin: Car elle guerit panatoures les maladies que la plenitude produit, ceam non elle dompte toutes sortes de fiéures, & mesme habet sibi celles qui nous donnent si souvent la mort en reprimant la malignité des pestilentielles; elle num geleue les obstructions les plus rebelles, arreste le neri cui mouuement impetueux des fluxions & la vio- seipsum lence des inflammations: Elle contribue beau- deber, coup à la guerison des grandes playes, contufions, tumeurs, viceres & de tous les accidens qui les accompagnent : elle est si necessaire qu'elle modere la plus sensible douleur qui est le tyran des hommes, elle procure heureusement le sommeil qui est le charme de la vie,

& le plus officieux amy de la nature, & comhe vn des plus puissans anodyns du monde, elle appaise souuent lesplus fascheux symptomes de la dyssenterie & des hemorrhoides,

rectaratio do experientia appro-

bruit. miam famedicus.

AVIS NECESSAIRE

qui n'ont aucunement cedé à d'autres remedes. Que si elle n'a assez de puissance pour guerir lagoutte, elle en a assez pour en pre-seruer ceux qui l'employent, laissant cette maladie seule à guerir comme yn fruit de l'oisiueté & vne production de la luxure. Quoy plus? elle est vn remede plus present & plus asseuré contre l'apoplexie que le vin emetique, elle guerit la squinance & donne liberté aux poulmons dans leur oppression, & si l'hydropisie consirmée, qui souvent n'a point d'autres causes que la chaleur des visceres, ne cede point à ce remede, elle a pû estre préuenue par son secours : Elle preserue de la petite verole ou rougeole, & si l'eruption de l'vne ou de l'autre ne décharge assez la nature & n'arreste les accidens qui en nail-Sent, ie peux asseurer contre le sentiment des Anciens, que la pratique de la saignée satisfait à toutes les indications curatiues, en appellant les humeurs du centre à la circonference, diminuant la plenitude & corrigeant la qualité maligne par la transpiration qu'elle procure.

6. Que si la saignée est vn remede presque vniuersel, & vne salutaire panacée, ie peux asseurer que si elle n'est ménagée par vne prudente direction, elle peut est e desaucaurageuse à beaucoup de malades: La grandeur de la maladie, vn âge vigoureux & les sorces en doiuent marquer la necessité, comme le regime de viure precedent, l'habitude, le temperament & la saison doiuent montrer la quantité de sang que vous deuez tirer. Mais pour vous

AVX CHIRVRGIENS.

vous ouurir librement mon fentiment, il est bien difficile qu'vn homme qui n'a pas les principes de la science de Medecine, puisse regler l'vne & l'autre, puisque c'est à cette science à distinguer par le pouls & les autres signes, les forces oppressées, de celles qui sont relaschées & épuisées, car les forces Multume oppressées demandent la saignée, & les autres vires opne la peuvent souffrir. Or il tres-asseuré que pressas à souvent les Medecins remarquent des fautes languidis faites contre ce principe par les Chirurgiens de Campagne, qui tombent encore dans vne autre aussi grande, quand ils n'osent ny ne veulent saigner au commencement ny mesme dans la vigueur des fiéures, lorsqu'il est miam, suruenu vn cours de ventre, quoy que sou-languide uent il ne soit qu'vn effet d'vne extréme indicants chaleur ou d'yne irritation d'yn humeur bilieux : Car en ce rencontre la saignée ne doit estre retardée, puisqu'elle modere l'impetuofité de l'humeur & en adoucit l'acrimonie, qui fait le cours de ventre, mais seulement elle doit estre empeschée quand les longues maladies ont épuisé les forces, & que par vne grande crudité d'estomach ou vn relaschement des parties, la diarrhée est excitée, ou qu'elle arriue à vn iour que la nature ménage par vn mouuement de crife.

7. La saignée qui guerit les maladies causées par la plenitude des humeurs conceus dans les grands vaisseaux, doit presque toûjours estre accompagnée de la Medecino purgatiue, puisqu'il n'y a point de maladie qui ne demande l'yn & l'autre secours. Or cette

interest distingueresoppre la enim copiosam phlebotonullam

AVIS NECESSAIRE

purgation quin'est autre chose qu'vne éuacuation par les voyes conuenables d'vn humeur vitieux & nuisible par sa qualité, est indiquée par la cacochymie qui est proprement le vice de la qualité des humeurs, comme la plenitude celuy de la quantité; & si la saignée vuide les humeurs contenus dans les grands vaisseaux, la purgation énacue particulierement ceux qui croupissent dans le ventre inferieur, & hors des vaisseaux: Ainsi la purgation separant l'impur & le superflu du necessaire, elle guerit les fiéures & sur tout les intermittentes, elle leue les obstructions qui sont les sources & les meres des maladies, elle corrige toutes fortes d'intemperies que la presence des humeurs produisoit, & épurant toutes les parties par le dégagement qu'elle fait des humeurs vitieux, elle les perfection ne & les fortifie, ostant l'impureté qui les debilitoit.

8. Mais si la saignée pour estre deuement pratiquée demande de grandes circonspections, la purgation semble en demander encore dauantage, car vous auez la saignée entre vos mains, ie veux dire que vous tirez du sang tant & si peu que vous voulez selon les forces de vostre malade: Mais le purgatif estant donné, il saut qu'il agisse selon se purgatif sance, sans que vous ayez celle de le recenit C'est pourquoy ie souhaiterois vous pounoir conduire dans cette voye si difficile, quoy qu'à proprement parler il ne soit de vostre profession de donner aucuns remedes purgatifs ay mesme les alteratifs internes, puisqu'elle

AVX CHIRVRGIENS.

est bornée des remedes externes qui conuiernent à la guerison des tumeurs, playes, viceres,
fractures & dissocations. Mais comme vous
exercez vostre Art à la Campagne, & que les
pauures qui font la plus grande partie de ses habitans, estant malades n'ont point d'autre assistance que de vous ie tascheray de vous donner
des maximes generales pour vous empescher
d'errer en la pratique de la saignée & de la purgation, à condition que dans les choses dissiciles, vous consulterez autant que vous pourrez Messicurs les Medecins, qui seront assez
genereux pour ne vous dénier en saueur des

pauures yne charitable conduite.

9. Vous deuez tenir pour maximes generales que dans vne égale necessité de saigner & de purger, il faut toûjours commencer par la saignée: Que rarement vous deuez penser aux purgatifs au commencement des maladies aigues & violentes, si ce n'est dans le mouuuement d'apoplexie : Que vous interessez autant vostre malade si vous le purgez au commencement, au progrez & en la vigueur de toutes fortes d'inflammations, que si vous luy donniez le poison & le venin : Qu'en chacun de ces estats la saignée est le grand remede, qui arrestant le mouvement impetueux de l'humeur & adoucissant la chaleur, procure vn heureux declin de la maladie qui laisse la liberté de purger : Que dans les fiéures continuës vous ne pouuez purger que dans la remise, aux intermittentes que dans l'intermission, & en l'vn & l'autre estat vous ne le deuez faire qu'apres que les saignées ont precedé & qu'il

e. ij.

AVIS NECESSAIRE

Humori
commotuenti debetur vena festiò,
commoto
& quies
centi purzatio.

y a coction dans les humeurs, yous souvenant en tout rencontre de cette belle maxime, que la saignée est deuë à vn humeur qui est dans le mouuement, & la purgation à vn humeur qui est dans le repos & hors de l'agitation, & par cette maxime si iudicieuse fondée sur la raison & l'experience, vousne tomberez dans l'erreur que i'ay veu commettre à beaucoup de vos confreres à la Campagne, qui ne craignent point de purger au commencement des fluxions, mesme sur la poirrine, lors qu'ils deuroient seulement saigner : car c'est proprement égorger le malade par cette pratique, puisque par la purgation vous precipitez dauantage l'humeur sur la partie affligée, qui par sa chaleur, douleur ou foiblesse, l'attire ou la reçoit à son dommage; ainsi vous deuez legitimement attendre durant les fluxions & les tumeurs qui en naissent, le temps de la consistance & de l'épaississement des humeurs, ou la moderation du mouvement & de la chaleur auant que de proceder à la purgation.

10. Mais outre ces maximes generales de la saignée & de la purgation, qui sont les deux grandes machines de la Medecine; se vous en veux donner vne particuliere, qui regarde principalement les pauures de la Campagne, desquels si vous considerez l'habitude, le trauais continuel, & la qualité des alimens, vous trouuerez que la saignée que vous pratiquez dans leurs maladies, doit estre moins frequente & moins copieuse, qu'en ceux qui vient d'alimens plus succulens, & meinent vne vie moins laborieuse: & au contraire la purga-

AVX CHIRVRGIENS.

tion dans les maladies des pauures doit-estre frequente, puisque la mauuaise qualité des alimens leur fournit beaucoup d'obstructions & vne cacochymie opiniastre, qui souuent par sa resistance, & le deffaut des purgatifs, les conduit à l'hydropisse: Et c'est vne des erreurs qui se commettent à la Campagne, où la saignée est assez frequente, & la purgation tres-rare.

II. Ie me persuade qu'il n'est pas necessaire de vous deffendre de donner des remedes abortifs, qui par leur violence precipitent l'enfant, luy faisant trouuer le tombeau dans le ventre de sa mere contre l'ordre de nature, auant qu'il ait veu la lumiere : Car il suffit que ie parle à des Chirurgiens Chrestiens, à qui la seule pensée en doit donner de l'horreur, puisque dans la pureté de la Religion, c'est vn homicide avancé non seulement de don-ner la mort à l'enfant conceu dans le sein de tro homi-sa mere; mais mesme de procurer le sux & cidig est la perte de la semence, qui doit donner l'estre prohibere à ce noble fruit. Ce que ie dois maintenant, hominem c'est de vous auertir de ne donner aucuns re- nasti de medes violens aux femmes grosses dans leurs en quiest maladies, au commencement, ny à la fin de faurus, leur grossesse, puisque la vehemence de leur & frumouuement peut causer de fascheux accidens, ethis om-& particulierement dans leurs maladies ai-in semine gues, pendant lesquelles cette ridicule propo- eft. Ters fition vous sera sans doute faite par les Pay- tul. in fans & les ignorans, qu'il faut perdre l'en- Apelog; fant pour sauuer la mere ; laquelle proposition yous deuez rejetter comme contraire aux

AVIS NECESSAIRE

Loix de la Religion & de la Medecine: Celles. là deffendent de faire le mal, quoy qu'il en arrive du bien; & celles-cy condamnent telles procedures ; car il est affeuré que les remedes abortifs, comme violens, ne peuuent point precipiter l'enfant, sans en mesme temps laisser vne impression de leur violence sur le corps de la mere ; ainsi par vne criminelle imprudence vous causerez vn double mal, ou plûtost vn double homicide, en violant l'or-

Neg; vl- dre de Dieu & de la Nature.

liuspreces apudme lide fues rint, vt cui piam venentim fim propinatugue ad hanc rem con filium dabo, neque muliefiglandem Supposititiam ad corrumpendum foe гит. Нур. in Iustur.

Puram autem, eastan & Canctam meam

12. Mais si Hypocrate asseure en son seradeo va- ment, qu'il ne cedera aux prieres de personne pour donner des remedes abortifs, ny aucun conseil pour des poisons, qu'il dereste comme vne chose execrable; il ne se contente pas de s'abstenir du mal, comme de toutes sortes d'impudicitez, & mesme des apparenrus, ne- ces, il promet d'imposer des loix à sa langue, pour taire ce qu'il aura ouy, & garder exactement tous les secrets des familles qui luy auront esté confiez; & ce qui m'estonne dauantage, c'est qu'il proteste de mener vne vie pure, chaste & sainte, & d'accompagner des mesmes qualitez de pureté & sainteté l'art qu'il professe. Cette pureté de vie a passé d'Hypocrate à Galien, qui l'a suiuy en ces belles démarches, quoy qu'il ne soit venu que six cens ans apres luy, il s'estonne de ce que les hommes employent tant de temps à se rendre par l'estude ou Grammairiens, ou excellens Medecins, & qu'il y en air si peu qui cherissent la vertu, pour la conqueste de laquelle il produit tant de si admirables maximes,

AVX CHIRVRGIENS.

Que si les Medecins Payens, par les seules vitam du lumieres de la Nature, sans la connoissance artem de Dieu, s'obligent à des maximes si raison-prestables nables des'abstenir des remedes susdirs, & des & confere apparences du mal; que doit-on attendre de uabo. vous, qui estes heureusement esseuez dans la rand. pureté de la Religion Chrestienne, qui con- Hypa damne mesmes les pensées, & qui exige tant de justice de vous, que si elle ne surpasse celle qu'ils ont pratiquée enuers le prochain, vous ne pouuez attendre qu'vne grande seuerité de la Iustice de Dieu. Et si Galien, apres auoir donné des maximes de vertu, a eu tant de compassion pour les pauures, qu'il a fait en leur faueur vn Traité des remedes faciles à preparer, pourrez-vous legitimement vous dispenser de la charité, qui est le charactere de la nouuelle loy, & d'assister par son motif ce pauure abandonné & delaissé par les remedes que ie vous propose, dont la matiere qui se trouue facilement en nostre climat, ne couste presque rien, en la forme si facile à donner, que pour vn peu de vostre soin, & l'aide de vostre main, le malade tirera vn secours de vous, qu'il ne pounoit attendre d'aucun autre? Souuenez-vous, ie vous prie, de ce pauure. blessé de Iericho, qui ne receut aucune afsistance ny du Prestre ny du Leuite passant, mais d'vn inconnu, qui ne se contenta pas de faire vn appareil à ses playes auec l'huile & le vin, que nous appellons le baûme de Christ, mais luy procura la nourriture, & tout ce qui pouvoit avancer sa guerison. L'Escriture en fair yn si grand eloge, qu'à son imitation elle nous

AVIS NECESS. &c.

inspire de traiter l'inconnu aussi bien que l'amy, le pauure aussi bien que le riche comme nostre prochain, par les nobles motifs de nostre Religion, qui nous obligeant de rendre aux membres ce que nous deuons à ce diuin Chef, & à la copie ce, que nous déuons à ce grand original, nous fait regarder ce pauure dans le grand Hospital du monde, pour rendre à sa personne ce que nous deuons à celuy qu'il nous represente : Vous me direz peutestre que l'estat de vostre famille ne vous permer pas d'assister de vostre art tous les pauures qui se presentent; Mais commencez, & agissant par l'esprit de charité, qui donnera le merite à toutes vos actions, asseurez-vous que la diuine Providence, dont le fonds ne s'épuise iamais, ne laissera pas long-temps vostre trauail sans recompense, & qu'elle suscitera dans vos pauures Villages quelques personnes charitables qui soustiendront cette main pour le bien de vostre famille, qui s'est si souvent estendue pour guerir les infirmitez des pauures.

ALLEGE CERTERIES

TABLE

DES CHAPITRES ET TITRES CONTENVS en ce Liure.

PREMIER TRAITE'.

| DES Tumeurs & Apostemes en general, & particulierement |
|--|
| general, & particulierement |
| de la guerison du Phlegmon ou |
| Inflammation, chap. 1. fol.2 |
| Causes des Tumeurs. 2 |
| De la guerison generale des Tumeurs.6. |
| De la guerison du Phlegmon ou inflam- |
| mation. 9 |
| Des Tumeurs impures. 13 |
| De la guerison de l'Erysipelle & de |
| ses especes, chap. 2. |
| Herpes on Dartre. 18' |
| De la guerison de l' Ademe & de ses |
| especes, chap. 3. 22 |
| Des Tumeurs venteuses & aqueuses. 42 |

| De la Louppe. | 28 |
|---------------------------------|--------|
| Des Escronelles. | 29 |
| De la guerison du Scirrhe & | te ses |
| especes, chap. 4. | 32 |
| Du Cancer. | 35 |
| | - |
| SECOND TRAIT | E'. |
| | |
| DE la guerison des Playe | es en |
| general, chap. 1. | 39 |
| Des Playes simples. | 40 |
| Des accidens qui surviennent | aux |
| Playes, & particulierement | |
| morsure des Animaux veni | |
| Genragez, chap. 2. | 43 |
| De l'Hemorragie. | 44 |
| De l'Inflammation & de la Fiéur | |
| De la Douleur. | 47 |
| De la Contusion. | 48 |
| De la Consulfion. | 50 |
| De la morsure des Animaux veni | тенх |
| O enravez. | e.i |

TABLE DES CHAPITRES

ET TITRES.

TROISIE'ME TRAITE"

| Es Vlceres en general, es | r des |
|----------------------------------|-------|
| Viceres simples, chap. 1 | . 55 |
| Des Viceres composez, & par | ticu- |
| lierement de la Gangrene, cha | p. 2. |
| 58. | • |
| De l'Vicere sordide & pourry. | 59 |
| De l'Vlcere virulent & corrosif. | 63 |
| DelVlcere profond & sinueux. | 64 |
| Des V lceres fistulenx. | 66 |
| Des accidens des V lceres. | 67 |
| De la Gangrene: | 70 |
| Des infections de la peaux. | 72 |
| De la Galle. | 74 |
| De la Brûlme. | 7.5 |
| | |

De la Pierre infernale.

EXTRAIT DV PRIVILEGÉ du Roy.

PAR Priuilege du Roy en datte du 28.
Avril 1669. Signé, Par le Roy en son Conseil, Pepin, & scellé; Il est permis à Edme Covteron Marchand Libraire à Paris, de faire imprimer, vendre & debiter les Liures intitulez, Le Medecin & Chiemargien des Paunres: Et dessenses sont faires à tous Imprimeurs, Libraires & autres personnes d'en imprimer, vendre & debiter d'autre impression que de celle qui aura esté faite par luy, pendant le temps de sept ans, à compter du iour qu'ils seront acheuez d'imprimer, aux peines portées par iceluy, & aux charges y contenues; & sera adjoûté soy aux Extraits d'iceluy comme à l'Original.

Registré sur le Liure de la Communauté des 'Marchands Libraires & Imprimeurs de la Ville de Pari: , suivant les Arrests & Reglemens, le 9. May 1669. Signé A N D R E' S O V B R O No Syndic.

Acheué d'imprimer pour la premiere soissele 13. Iuin 1669.



LE

CHIRVRGIEN DES

PAVVRES.

PREMIER TRAITE'.

Des Tumeurs & Apostemes en general, & particulierement de la guerison du Phlegmon ou Instammation.

CHAPITRE PREMIER.



Ovs ne craignons point de confondre icy la tumeur auec l'aposteme, quoy que précisement parlant, l'a-

posteme doine estre entendu des tumeurs qui penuent venir à suppura-

A

LE CHIRVRGIEN

Defini-

tion, & que la tumeur proprement sumeurs. soit prise pour vne disposition contre nature, en laquelle vne matiere sortie de son lieu naturel est assemblée, y faisant repletion & distention. Cette definition me semble bien parfaite, puisqu'il n'y a point de tumeur à qui elle ne puisse conuenir:

Causes des Tumeurs.

Entre les causes generales des tumeurs, ie m'arreste particulierement aux materielles & essicientes; car si la forme interieure des choses nous est inconnue, la forme exterieure des tumeurs est leur grosseur & l'excessive plenitude de la partie, & si la cause finale est celle qui donne l'inclination aux agens necessaires, on peut dire que les tumeurs sont des germes d'yne nature irritée & des productions d'vne mauuaile disposition interieure, quoy que par fois nous remarquions des tumeurs critiques qui sont des separations ou des transports d'vne matiere impure d'vne partie noble sur vne moins considerable, par l'œconomie

DES PAVVRES. TRAIT.T.

d'vne nature dominante.

Les causes materielles des tumeurs, font ou les parties du corps qui sortans de leur lieu naturel en occupent vn autre contre l'ordre de nature où elles font tumeur, comme l'intestin dans le Scrotum, & l'os hors de sa cauité par la luxation : on les corps estranges engendrez contre nature qui font distension, comme la mole dans. la matrice: ou les humeurs contenus au corps, qui dans leur estat naturel par la seule abondance produisent quatre sortes de tumeurs, sçauoir le Phle- Le Phlem gmon, lors que le sang naturel par son gmon. ebullition sort de ses vaisseaux & s'épanche, sur quelque partie. L'Erysi- Gpelle. pelle est excité par la bile ; l'Ædeme L'Æde par la pituite, & le Schyrre par l hu- me LeSchyrmeur mélancolique. Nous pouvous re. adjoûter à ces tumeurs vrayes & legitimes, les deux tumeurs aqueuses &c venteuses remplies d'eau & de vents, qui ne reçoiuent aucun messange d'autre matiere quoy que souuent on les confonde auec la tumeur ædemateule.

Il y a encore vne espece de tumeurs yrayes, naissantes de la complication

4 LE CHIRVEGIEN

des humeurs, qui tirent leur nom de l'humeur dominante: D'où vient que si la tumeur est produite par le sang & la bile, elle est appellée Phlegmon erysipelateux; si par la bile & la pituite Erysipelle ædemateux, & ainsi des autres.

Il y a vne autre difference de tumeurs, qui se font d'vn humeur non naturel, où la mauuaise qualité est plus apparente que la tumeur, & cet humeur non naturel se forme d'vn humeur naturel qui dégenerant de sa propre nature & se reuestant d'vne forme estrangere, est separé de la masse du sang & porte auec soy le caractere d'vne mauuaise qualité sur vne partie où se forment les pustules, boutons & exitures, qui sont diuerses selonla condition de l'humeur; car si le sang naturel est aduste, il produit le charbon, si l'humeur bilieux dégenere en vne serosité nitreuse, il excite les dartres; l'humeur pituiteux corrompu, les escrouelles, & l'humeur mélanco lique brûlé, le cancer.

Les causes efficientes des tumeurs sont fluxion & congestion. La sluxion DES PAVVRES. TRAIT. I.

fe fait lorsque l'humeur molestant la partie par sa quantité ou sa qualité, l'oblige à se décharger sur vne autre, & se fait ordinairement par des humeurs boüillans & chauds: Par congestion la tumeur se fait par l'impuissance de la faculté qui doit cuire l'humeur en la partie ou la foiblesse de celle qui le doit chasser, si ce n'est que le vice de l'aliment enuoyé à ladite partie, cause petit à petit & lentement cette reserue & cet amas pour ne pou-uoir estre conuerty en la substance de cette partie.

Les tumeurs ont des issues salutaires ou mauuailes: Les salutaires sont la resolution & la suppuration: La resolution est vne éuacuation insensible de la matiere des tumeurs subtilisée par la chaleur: La suppuration est vne changement de la matiere des tumeurs en pus par la nature aidée des remedes. La resolution doit estre la premiere intention du Chiturgien, s'il y a de la disposition de la nature, car en icelle la matiere ne laisse aucune impression de son sejour sur la partie; mais dans la suppuration, il demeure vn

A iij

6 LE CHIRVEGIEN abscés & vn vlcere.

Il y a deux mauuaises issues des tumeurs opposées aux salutaires, sçauoir
l'exsiccation ou endurcissement opposée à la resolution, & la Gangrene
opposée à la suppuration. L'endurcissement se fait ou par la negligence du
Chirurgien qui n'ouure pas en son
temps la tumeur suppurée, ou par les
remedes trop chauds qui ont éuaporé
la matiere la plus humide de la tumeur.

Il y a vne autre issue des tumeurs qui
est sunesse par le ressus d'vne matiere
contenue dans la tumeur, qui le plus
souuent est bilieuse ou maligne.

De la guerison generale des T'ameurs.

Pour paruenir à la generale guerifon des tumeurs, il faut obseruer leurs mouuemens ou temps, qui sont quatre, le commencement, l'accroissement ou progrés, l'estat & le declin. Le commencement est marqué par la crudité de l'humeur; le progrés par vne maturité commençante; l'estat par l'entiere maturité, & le declin pat l'entiere reduction de la matiere au mouue-

DES PAVVRES. TRAIT. I.

ment de la nature.

Mais pour faciliter la guerison des tumeurs, ie les veux seulement regarder en deux temps, sçauoir celuy de leur mouuement, & celuy auquel les humeurs sont fixez. De ces deux considerations naistront deux indications. La premiere d'arrester le cours du mal commençant, la seconde d'oster celuy qui est déja fait. Le mouvement & l'impetuosité des humeurs qui excitent les tumeurs, dépend ou des causes exterieures, comme contusion & autres qui font l'épanchement des humeurs: ou interieures, qui sont la plenitude & la cacochymie. Les exterieures peuuent estre quelquefois preuenuës par la prudence, & les interieures le peuuent estre souuent par les remedes, sçauoir la plenitude, par la saignée; & la cacochymie qui est le vice de la qualité de l'humeur, par la purgation.

Mais pour empescher que ces humeurs qui sont déja dans le mouuement s'assemblent, vous deuez employer deux moyens conuenables, l'vn pour diuertir & retenir l'impetuosité des humeurs appellé reuulsion, par

A iiij

8 LE CHIRVEGIEN

laquelle vous donnez vn cours de l'hud meur à la partie opposée: L'autre pour arrester & repousser, appelle repercussion, qui renuoye l'humeur à sa source. La saignée est le grand reuulss & est si necessaire en toutes tumeurs. qui demandent la reuulsion, que vous ne la deuez oublier, mesme aux tumeurs malignes, quelque sentiment qu'en ayent eu les Anciens, puisque l'experience fait connoistre qu'elle tire le sang du centre à la circonference: Vous observerez soigneusement de faire toûjours la saignée reuulssue en ligne droite, & autant que vous pourrez par la partie la plus essoignée. Les ven-touses, ligatures, frictions & fomentations seruent aussi à la reuulsion. Les repercussifs ne sont mis en vsage pour toutes sortes de tumeurs, car si elles occupent les emonctoires, si la matiere est visqueuse, venimeuse, proche des parties nobles, & poussée par vn mouuement critique, il s'en faut abstenir.

Q'and l'humeur qui fait les tumeurs est fixé, il faut employer les remedes resolutifs ou suppuratifs selon la disposition de la matiere, aux tumeurs qui Des Pavvres. Trait. I.

fe font par fluxion. Mais si les tumeurs sont saites par congestion, vous n'employerez les reuuluss ny les repercussiss, mais seulement les doux resolutiss & les suppuratifs par degrez, car souuent la foiblesse de la partie & la qualité froide de la matiere rend tels remedes inutiles.

De la guerison du Phlegmon on in-

First here the till of the

Il est facile de connoistre par la desinition la nature du Phlegmon, qui est vne tumeur contre nature, accompagnée de chaleur, rougeur, douleur, tention & pulsation causée par l'amas d'vnsang naturel. Mais comme l'ebullition du sang naturel le fait sortir des vaisseaux & espancher sur la partie où il fait le phlegmon ou inslammation, de là naissent les indications, d'arrester la fluxion en diminüant la plenitude du sang, & de vuider l'humeur qui est fixé en corrigeant les accidens.

La saignée est icy si necessaire qu'elle semble satisfaire à toutes les intentios, n'y ayant point de tumeur qui ait tant de besoin de ce secours: vous la ferezselon les forces, l'âge & le temperamment; & vous l'assisterez d'vn regime de viure rafraischissant & humestant.

Vous deuez au commencement du phlegmon appliquer sur la partie les repercussifis, comme l'oxycrat dans lequel vous tremperez des compresses, vous y appliquerez aussi le blanc d'œuf auecl'huile rosat, observant les conditions que nous auons prescrites cy-de-

uant touchant les repercussifs.

Vous pourrez vous seruir des seuilles de Ioubarde ou Ombilic de Venus, Pourpier & Laituës, comme aussi du Fromage frais ou de la moüelle de pomes auec l'eau rose appliquée sur la partie, auec cette précaution de ne iamais laisser secher les repercussiss sur ladite partie, & pour ce vous les couurirez de linges trempez dans l'Oxycrat.

Dans le temps de l'accroissement où la tumeur se grossit éuidemment, & mesme dans celuy de l'estat ou vigueur dans lequel la tumeur a toute son estenduë, vous employerez les moindres resolutifs messez auec les re-

DES PAVVRES. TRAIT. I. II percussifs; comme l'huile rosat, seuilles de Sureau, d'Hyeble, sleurs de Camomille & Melilot, que vous broyerez & serez cuire en Oxycrat pour appliquer sur la partie: Vous y pourrez adjoûter shuile de Camomilje, le suin de laine & l'huile de Lin.

Vous pourrez si vous voulez rendre le remede plus resolutif, faire bouillir la farine de Féue dans l'vrine, y adjoûtant vn peu de miel & l'huile de Camomille. Gardez-vous par la pefanteur des remedes ou par l'acreté d'irriter la chaleur & augmenter l'in-

flammation.

Si par l'vsage de ce Cataplasme ou autre resolutif la tumeur paroist abbaissée & le Cataplasme humide, vous deuez continuer l'vsage des resolutifs, mais si la tumeur s'esseue dauantage & si la couleur de l'instammation & les élancemens augmentent, vous vous déterminerez aux suppuratifs & maturatifs, par l'aide desquels la matiere de la tumeur est conuertie en pus ou boue.

Les Oignons communs ou de Lys cuits sous la braise & messezauec graisse de Porc ou iaunes d'œufs, servent à

il Le Chirvrgien

cet effet, comme aussi les racines & feüilles de Guimauues, semence de Lin, beurre frais dont vous ferez Cataplasmes; en faisant boüillir & passer des racines de Guimauues deux onces, feüilles de Mauues une poignée, demy douzaine de Limaçons en coquille iusqu'à ce qu'ils soient en boüillie, y adjoûtant sussissant fustissamment du sein doux pour faire Cataplasme. Quelquesois pour auancer la suppuration vous pour-rez adjoûter aux Cataplasmes le Leuain de Segle.

Si la matiere du Phlegmon est si rebelle qu'elle ne soit capable de supputation ny de resolution, vous vous seruirez pour empescher l'endurcissement du Mucilage de racine de Guimauues & de semence de Lin tiré de la deco-

ction de fleurs de Camomille.

Quand la suppuration est faite & que vous la connoissez par la tumeur, qui s'estant esseuée en pointe est amollie, blanchie, auec vn sentiment de sluctuation lorsqu'on la touche, vous deuez ouurir la tumeur auec la Lancette à la partie la plus éleuée & la plus penchate selon la grandeur de l'abscés & la quant

DES PAYVRES. TRAIT. I. 13 tité de la matiere: Que s'il arriue qu'vn enfant ou vne personne delicate apprehende l'incisson, vous pourrez en faciliter l'ouverture si la matiere est superficielle auec du vieux Leuain, auquel vous aurez messé des Limaçons broyez auec leurs coquilles; ou si cela ne suffit, vous prendrez le Sauon noir auec égales parties de chaux viue & l'appliquerez fur la tumeur, & ne manquera de l'ouurir. Ce remede pourra seruir de cautere potentiel aux pauures dans leurs necessitez, se trouuant en tous lieux & facilement pour les soulager, selon l'aduis que leur donnera le Medecin des pauures.

Des Tumeurs impures.

Les Tumeurs que nous appellons impures dépendantes d'vne cacochymie fanguine, sont les Bubons & Patotides, les Froncles & Charbons, qui ne different point pour la methode de guerir des tumeurs, qu'à cause que les tumeurs sanguines impures demandent plus la purgation & les naturelles la faignée, que les bubons & paroti-

14 LE CHIRVEGIEN

des ne souffrent les repercussis à cauls se qu'ils occupent les emonctoires, mais plûtost exigent les attractifs, comme le Cataplasme fait auec les oignons cuits sous la braise incorporez auec le beurre & vieil Leuain.

Le froncle doit estre traité par la methode comme au phlegmon, mais le charbon par vne particuliere, car c'est vne tumeur impure engendrée d'vn sang aduste & boüillant, souuent contagieuse & accompagnée d'vne ou plusieurs pustules semblables à la brûlure.

Vous deuez pour le guerirappliquer d'abord le Cataplasme fait auec le Plantain & la mie de passe cuit dans le lait, munissant les parties voissines du dessensif d'huile rosat auec le blanc d'œus à cause de la douleur & del'ardeur. S'il paroist noirceur & pourriture, vous scarisserez & appliquerez le Vitriol calciné en procurant la cheute de l'escarre par le suppuration, vous vous servirez d'vn oignon de Lys cuit sous la braise, incorporéaues le beurre frais.

De la guerison de l'Erysipelle & de

CHAPITRE II.

'Eryfipelle est vne tumeur contre inature, large, occupant plûtost la peau que la chair auec chaleur, rougeur & douleur, causée par vn humeur bilieux naturel. Vous deuez la saignée à cette tumeur naissante, & mesme quand elle est dans son progrez & dans son estat, car quoy que le sang soit le frein de la bile qui l'aproduit, la qualité de cet humeur bouillant & picquant, vous doit persuader la necessité de ce remede, comme aussi d'vn viure rafraischissant & humectant, sçanoir de gras bouillons de cette qualité pour nourriture, & de l'Oxycrat ou du lait clair pour le boire ordinaire.

Dans le commencement & l'accroiffement de l'Eryfipelle, vous deuez vous seruir non des repercussifs propres, qui par leur froideur & secheresse sont astringens, & par consequent

16 LE CHIRVEGIEN

dangereux en cette tumeur, mais communs, qui rafraischissent, adoucissent & essoignent les humeurs de la partie affligée. Vous appliquerez à cet esset les compresses trempées en Oxycrat froid, ou vous appliquerez égales parties de sucs de morelle, de Plantain, & de Verjus; ou les sucs de Pourpier, Laitüe & soubarde; Euitant en cet estat les huiles & graisses pour ce qu'elles s'enstamment, comme aussi les emplastres, parce qu'ils empeschent la transpiration.

Si la douleur est si grande qu'elle ne cede aux remedes susdits, vous somenterez la partie de lait tiede, ou d'vne decostion tiede de seuilles de Iusquiame ou plûtost de Cigue dans l'eau com-

mune. us sattatos, esço

Vous continuerez l'vsage des repercussifs iusqu'à ce que la tumeur ait changé de couleur, c'est à dire, iusqu'à ce qu'elle soit paruenne à son estat, auquel temps vous vous seruirez d'vne somentation d'eau tiede ou d'vne decoction de sleurs de Camomille, Melilot & roses rouges, que vous pourrez faire bouillir dans égales parties d'eau DES PAVVRES. TRAIT. I.
d'eau & de vin blanc; Quelques-vns
fe seruent vtilement de la première ou
seconde eau de chaux.

Lorsque l'inflammation est passée & que l'Erysipelle est paruenu à son declin, vous deuez vser de purgatiss, puisque non seulement dans l'Erysipelle, mais en toutes tumeurs & sluxions chaudes vous deuez vous seruir de cette maxime, de faire la saignée à vn humeur qui est dans le mouuement & l'agitation, & la purgation à celuy qui est dans le repos.

Le remede purgatif sera de deux verres de Chicorée sauuage ou de lait clair, dans lesquels vous ferez infuser trois dragmes de Sené pour prendre le matin à vne heure l'vn de l'autre, vous y pourrez adjoûter deux cueillerées d'infusion de roses passes, ou vne

du Syrop des mesmes roses.

Gardez-vous du reflus & de l'endurcissement de l'Erysipelle, ce que vous ferez si vous éuitez les remedes astringens & les Narcotiques: Que si le reflux estfait vous employerez les remedes ramollissans ou attractifs sur la partie, n'oubliant les saignées ny les

B

purgations: Et si l'endurcissement y succede, vous fomenterez la partie auec l'huile violat & l'eau tiede.

Herpes ou Dartre.

Si l'humeur bilieux est vitié & eslois gné de son naturel, il produit l'Herpes ou Dartre que vous pounez definir vne tumeur impures, ambulante auec demangeaison & couleur tirant vers l'Orangé, causée par vne serosité bilieuse & salée, & cet herpes ou dartre est l'espece que nous appellons simple. La seconde espece d'herpes est à grains de mil, de laquelle sort vne serosité iaune & gluante qui trouue plus facilement sa sortie en la grattant; Et la troisiéme est corrosine, qui estant produite par vne bile épaisse, erugineuse & brûlante, ronge iusqu'à la chair lentement par vne matiere pesante qui l'arreste, & la fixe dans vne partie.

Au commencement de ces tumeurs vous deuez recourir au regime de viure rafraischissant & humectant, comme aux saignées qui sont propres à arrester DES PAVVRES. TRAIT. I. 19 la fougue & l'impetuosité de cet humeur.

Depuis le commencement de la tumeur iusqu'à l'estat, vous appliquerez sur la partie vn blanc d'œuf que vous aurez agité auec vne pierre d'Alun dans vne écuelle iusqu'à consistance de pomade.

Vous vous seruirez à mesme intention d'égales parties de suc de Morelle & de cresme de lait, adjoûtant sur deux onces vn iaune d'œuf, mettant sur ce remede vne compresse trempée dans l'Oxycrat pour empescher qu'il se desseche.

Le Sel de Saturne nourry auec l'huile rosat ou de noix tirée sans seu est vn bon remede: Quelques-vns se seruent auec succés de l'eau qui sort du bois de

sarment qu'on brûle.

Au declin de l'Herpes simple ou miliere, vous ferez fomentation sur la partie auec decoction de racine de Couleurée & feüilles de Sauge ou de racine d'Aristoloche dans l'eau & le gros vin.

En ce temps le malade se servira heureusement d'yne plaque de plomb qui

B ij

aura long-temps trempé dans l'eau d'Alun, qui sera appliquée & retenue long-temps sur la partie affligée.

La purgation fera necessaire en cette tumeur comme en toutes autres, quand

l'inflammation sera passée.

Vous la preparerez comme dessus auec trois dragmes de Sené dans le lair clair, mais comme cet humeur viriéest plus rebelle que l'humeur naturel qui fait l'Erysipelle, vous preparerez vne poudre auec douze grains de Scammonée preparée à la vapeur du Soussire, & demy dragme de cresme de Tartre.

S'il ya vne qualité corrofine & maligne qui fasse l'Herpes, vous ne craindrez point d'incorporer les sleurs de Souffre auec vn peu de beurre frais & quelques grains de Sublimé, ou vous vous seruirez de ce remede pour to-

pique.

Prenez du Mercure sublimé & de l'argent vif de chacun vne once, broyezles ensemble iusqu'à ce qu'ils soient en poudre, messez vne once de beurre iusqu'à ce que le Mercure soit esteint, adjoûtez trois onces de beurre & deux onces de ceruse passée par le tamis, inDES PAVVRES. TRAIT. 27 corporez le tout ensemble, & vous en seruez en l'appliquant.

De la guerison de l'Ædeme & de ses especes.

CHAPITRE III.

L'Ademe est vne tumeur molle & blanche, causée par vn humeur pituiteux naturel, sans chaleur, rougeur ny douleur. On peut dire que cette tumeur est plus familiere aux pauures que toutes les autres, puisque la debilité de la chaleur naturelle leur estant familiere à cause de leur mauuaise nourriture & du peu de vestemens, elle est souuent la source du phlegme, de l'eau & des vents qui engendrent presque toutes les maladies des pauqures.

Cette tumeur se termine plus souuent par resolution que par suppuration, à laquelle la froideur & l'humidité de cette matiere resiste.

Pour empescher la generation & le cours de l'humeur sur la partie tume;

fiée, la saignée sera necessaire particulierement à l'Ædeme, qui se fait d'vn humeur pituiteux naturel, car aux tumeurs impures & bastardes, la purgation convient mieux, à raison de la cacochymie qui les forme & les entretient.

La purgation sera preparée auec vne dragme de poudre d'Hermodattes qui sera messée auec vn peu de ius de pruneaux pour en former des pilulles.

Vous pourrez donner librement douze ou quinze grains de Mercure dulcifié ou huit grains de Crystal de tartre emetique, selon la description donnée au Liure du Medecin des pauures, auec vn peu de conserue de roses rouges ou

la moüelle de pomes cuittes.

Au commencement de l'ædeme vous vous seruirez des repetcussifs astringens messez de resolutifs, en prenant vne esponge que vous tremperez dans l'eau commune, dans laquelle vous aurez fait fondre le sel ou le nitre auec vn peu de fort vinaigre, que vous appliquerez tiedement sur la partie tumessée: Si vous n'auez point d'éponges vous vous seruirez de feutre, de

DES PAVVRES. TRAIT. I. 23 cotton, de laine ou de linges que vous tremperez dans la liqueur sus dite.

Dans l'accroissement & l'estat de l'ædeme, vous prendrez vne decoction de racine de Souchet, se illes d'Absynthe, Sauge & sleurs de petite Centaurée, que serez bouillir dans l'eau ferrée, y adjoûtant sur la fin l'Alun & vn peu de Vinaigre, pour tremper dans cette liqueur vne esponge ou compresse que vous appliquerez chaudement sur la partie malade.

Au declin de la tumeur vous employerez auec fuccés vne lessiue faite auec cendre de Sarment & le vin blanc: On employe à la Campagne le vieux fromage qui est vn bon resolutif: Mais vous ne trouuerez rien si puissant que l'esprit de vin, qui seul par sa vertu ignée resoult merueilleusement toutes

les tumeurs ædemateuses.

Que si la tumeur est si rebelle qu'elle ne cede aux remedes susdits, vous aurez recours à l'eau décrite au Traité de la Gangrene, dans laquelle vous tremperez les compresses que vous appliquerez chaudement sur la partie affligée, & vous en verrez yn merueilleux esset.

Quelquefois l'humeur qui produit l'ædeme n'estant capable de resolution, par le messange de quelques humeurs tend à suppuration, & en ce cas vous preparerez le Cataplasme suiuant.

Prenez trois oignons que ferez cuire fous la cendre, pilez-les auec les limasses & leurs coquilles, & y adjoûtant le residu de l'huile de Camomille

faites vn Cataplasme.

Quand le pus sera fait vous ne deuez attendre que la tumeur s'ouure, mais vous en preuiendrez l'ouverture auec le Caustic des pauures fait d'égales parties de Chaux viue & de Sauon noir, & souvent vous serez obligé de faire vne traisnée de cauteres pour faire vne incision proportionnée à la grandeur de la tumeur.

Les Tumeurs venteuses & aqueuses.

Il est à propos de compendre en ce Chapitre les tumeurs venteuses & aqueuses produites par vents & serositez: Les venteuses sont tumeurs dures, sans pesanteur & transparentes, qui souuent sont errantes: Les aqueu-

seş

DES PAVVRES. TRAIT. I. 25 les sont tumeurs luisantes & molles auec inondation, remplies de serositez naturelles.

La tumeur venteuse sera guerie par les remedes purgatifs décrits pour l'ædeme, apres lesquels vous preparerez des sachets auec les seüilles d'Absynthe, semence de Fenoüil & grains de Genéure concassez, que ferez boüillir auec le vin blanc pour les appliquer chaudement.

Le Sauon dissout dans l'eau de vie, est vn fort bon remede si en vous faites vn liniment chaud sur la partie; l'eau de vie seule bien rectifiée y est bonne, ou l'eau de la Reyne d'Hongrie: Que si la douleur est pressante, vous la pourrez slatter auec l'huile de sleurs de Sureau ou de Camomille, dont vous ferez liniment.

Dans la guerison de la tumeur aqueuse, vous ne vous deuez pas abstenir de la saignée, puisque souvent la serosité est l'effet de l'intemperie chaude du soye, & non de sa foiblesse. Vous purgerez par vne insusion de deux dragmes de Sené dans vn verre de decoction de racines de Flambe, adjoûtint

C

vne once du suc de Flambe auec vn per d'écorce de citron, ou vne once de Syrop de Nerprun: Vous pourrez encore purger par sept ou huit grains de suc de Concombre sanuage épaissi, que donnerez auec vn Pruneau ou vne Cerise consite. La Ptisane de racine de Flambe des iardins sera pour le boire ordinaire.

Vous appliquerez sur la partie vne esponge ou vne compresse trempée dans l'eau de chaux, ou vn pain sortant du sour couppé par la moitié trempé en eau de vie ou vin blanc chaud: Vous pourrez aussi preparer vn Cataplasme auec la farine de Féues bouillie auec vin blanc & miel, yadjoûtant sur la fin la poudre de semence de Cumin.

Le regime de viure dans toutes ces especes de tumeurs doit estre dessechant, si particulierement vous n'auez pas les signes d'une intemperie chaude

des visceres.

Les excroissances phlegmatiques, comme sont les louppes, nœuds, glandes & escroüelles, ont pour cause conjointe vne matiere phlegmatique, mucilagineuse, pourrie, limoneuse &

plastreuse: Ou sont produites par vne matiere qui ressemble au miel, boüilli ou graisse, d'où viennent ces tumeurs appellées Meliceris, Steatome & Atherome.

Il est necessaire de dire en general que pour la guerison des tumeurs phlegmatiques qui ont vn chyste, bourle ou enueloppe, on doit toûjours d'abord tenter les resolutifs, comme l'eau de chaux dans laquelle vous ferez tremper vne éponge neuve que vous appliquerez, comme aussi la poudre de la racine de grande Serpentaire incorporée auecdu miel, appliquée aussi sur la partie : Mais il arriue souuent que si la force des medicamens resout la matiere, la bourse n'est pas consommée, il est tres-necessaire de recourir aux forts suppuratifs, apres lesquels on peut consommer le Chyste par l'Alun brûlé ou le Vitriol calciné. Que si la matiere est rebelle aux resolutifs & suppuratifs, on doit venir à l'extirpation, pour ueu que la tumeur ne soit point enlassée dans les nerfs, tendons, arteres ou veines. Ce qu'il y a à remarquer, c'est que lorsque tou-

Cij

28 LE CHIRVRGIEN.

tes ces tumeurs sont recentes & nouuelles, elles sont souvent gueries en les maniant, ou les frottant auec des linges rudes, ou y appliquant l'eau de vie rectifiée.

De la Louppe.

La Louppe est vne tumeur ronde & molle remplie d'vne chair songueuse qui s'engendre aux iointures & lieux nerueux. Vous la guerirez en purgeant par les remedes propres à purger le phlegme, en appliquant sur la partie vn blanc d'œuf auec vne dragme de poiure en poudre, mettant le tout sur le linge ou les estouppes, & le laissant trois iours sur ladite partie.

Le Sauon noir dissous dans l'eau de vie est vn puissant resolutif, si vous en somentez la partie affligée. L'vrine dans laquelle vous aurez fait sondre le sel, seruira à mesme intention.

Vous prendrez vne once de chaux viue, & pareille quantité de graisse d'Oye, vous y adjoûterez deux onces de Therebentine & vous l'appliquerez,

DES PAVVRES. TRAIT. I. 29.

La plaque de plomb enduite de vif argent, liée sur le genouil auec bandelettes qui y sont attachées, portée long-temps sur la partie, est vn remede fort vtile.

Vous deuez remarquer que si la louppe a la base menue en vne partie charnue, vous ne deuez craindre de

l'extirper.

Les glandes & nœuds ou nodositez, seront gueries par les mesmes remedes que les louppes, sinon que les glandes ou nodositez ne souffrent l'extirpation; Vous vous servirez pour la guerison des nodositez de la Ciguë appliquée en fort vinaigre, & si elles naissent des gouttes ou maladie venerienne, vous y employerez l'huile de Tabac ou Nicotiane domestique.

Des Escroüelles.

L'escrouelle est differente de la glande, quoy qu'elles naissent en mesme lieu, sçauoir aux emonctoires, car la glande est molle, vnique, mobile & separée; & l'escrouelle est dure, multipliée & non du tout separée: Celle-

C iii

cy est souvent opiniatre tant à cause de sa matiere qui est vne pituite corrompue qui souvent s'endureit, qu'à cause que souvent elle tire son origine des parties internes, comme du mesentere qui luy sournit ses racines: Ce qui fait que la guerison des escroüelles dépend plûtost des remedes internes

que des externes.

Les purgatifs doiuent estre souvent donnez, preparez auec vne dragme de poudre d'Hermodattes dans vn verre de vin blanc & vn peu d'écorce de citron en poudre: Vous y adjoûterez par fois sept grains de Sublimé doux: Mais comme cette maladie est rebelle, vous ne la pourrez vaincre que par les decoctions Sudorisiques que vous donnerez soir & matin preparées auec le bois de Genéure ou de Buys, qui est le Guajac de nostre France. Vous tirerez la forme de ces decoctions du Traité des Sudorisiques du Liure du Medecin des pauures.

Si le mal ne cede à ces remedes, ie vous propose vne Opiate dont i'ay l'experience, de laquelle vous prendrez trois dragmes chaque matin, & sur DES PAVVRES. TRAIT. I. 31 icelle vn verre de decoction de racine d'Arrestebeuf durant vn mois.

Prenez vne once de Sené, demy once d'Acré preparé, Hermodattes & Turbith de chacun trois dragmes, Sel d'Absynthe vne dragme, faites poudre que messerez auec vne suffisante quantité de miel écumé & cuit, y adjoûtant trois dragmes de Mercure dul-

cisié pour saire Opiate.

Les enfans sont fort sujets aux escroüelles, particulierement ceux qui ont la teste grosse, les tempes pressez, le front court & les maschoires larges, & en iceux vous préniendrez les escroüelles par la purgation qui sera donnée à chaque declin de Lune d'vne insusson de Sené dans la decoction de feüilles de Betoine ou racine de Scrophulaire, y messant vne once de Syrop de roses passes: Comme aussi vous les préniendrez par l'abstinence des laitages & legumes & par l'application du cautere au bras.

Quelques-vns auec succés traittent les escrouelles par le flux de bouche qu'ils excitent aux adultes par des tablettes, dans chacune desquelles ils

C iiij

mettent quinze ou vingt grains de Mercure doux.

Pour ce qui regarde les escrouelles externes, vous tenterez les resolutifs que vous composerez auec les racines d'Aron & de Couleurée, que vous serez bouillir dans l'oxymel iusqu'à ce qu'elles soient reduites en bouillie, adjoûtant à vne liure d'icelles, quand elles seront passées par le tamis, vne once de Soussre vis en poudre.

Vous aurez recours aux suppuratifs, si les remedes resolutifs sont inutiles, & ce cas vous incorporerez la farine de

Froment auec vne decoction de fleurs de Camomille, Melilot, semence de Lin

& vieille huile.

De la guerison du Scirrhe & de ses especes.

CHAPITRE IV.

E Scirrhe est vne tumeur dure, immobile & insensible, produite par vn humeur mélancolique naturel: Ces qualitez semblent nous essoigner du desse Pavvres. Trait. I. 33 dessein de le guerir; mais s'il reste vne peu de sentiment, il témoigne qu'il y a encore quelque influence de la faculté qui nous doit obliger d'y porter quelques remedes, comme il arriue au Scirrhe phlegmoneux & erysipelateux, qui reçoiuent le messange de l'humeur sanguin ou bilieux auec le mésancolique.

Vous n'aurez point recours à la saignée si le Scirrhe n'est messé, car l'ouuerture des veines hemorrhosidales est la seule qui se pratique ordinairement

aux Scirrhe legitime.

L'vsage du lait clair en forme d'eaux minerales preparera l'humeur mélancolique, & quand vous purgerez, vous ferez boüillir demy once de Polipode de Chesne dans deux verres de lait clair, y faisant infuser trois dragmes de Sené pour deux prises à vne heure l'vne de l'autre.

Vous preparerez vne poudre auec vne dragme de Sené & dix grains d'Hellebore noir auec six grains de Canelle, dont vous ferez vn bol purgatif auec vn peu de ius de pruneaux.

Le Crystal de Tartre emerique pris

dans vn œuf depuis six grains iusqu'à douze, est vn bon remede pour purger

l'humeur qui fait le Scirrhe.

Pour ce qui regarde la partie affligée, les remedes que vous y appliquerez doiuent estre remollitifs & doucement resolutifs, éuitant les repercussifs; à cet esset vous employerez les linimens faits auec la moüelle de Cerf, la graisse d'Oye, suif de Bouc, Mucilage de semence de Guimauues ou l'huile de Lin.

Vous ferez en suitte vne fomentation auec racines de Couleurée ou Bryonia, feüilles de Mauues, semence de Lin, sleurs de Sureau & de Camomille, que ferez boüillir auec l'eau & l'huile pour en fomenter la partie affligée. Le Cataplasme fait auec la racine de Couleurée, broyée & cuitte dans le vinaigre en consistance de boüillie, ou des feuilles de Persiccaria, autrement Curage, tacheté de noir, cuittes aussi en fort vinaigre, est tres-vtile.

La tumeur estant r'amollie, vous employerez tous vos soins à la resoudre, ce que vous ferez puissamment par le remede proposé par Galien, faifant le parfum de bon vinaigre ou vinaigre distillé, ietté sur des briques rougies au seu, ou sur des pierres de meules eschaussées, receuant la sumée sur la partie malade.

Quelques-vns se seruent heureusement de l'esprit de vin, qui par vne vertu penetrante resout toutes les tumeurs scirrheuses, & combat puissamment leur dureté & opiniâtreté.

Du Cancer.

Le Cancer succede au Scirrhe quand il s'estfait alienation de l'humeur mélancolique naturel, qui deuient par ce moyen atrabilaire: C'est vne tumeur impure, maligne, brune, ronde, inégale accompagnée de veines esleuées, de chaleur & douleur sur la fin, produite par vn humeur atribilaire. Cette tumeur s'auance beaucoup plus que le Scirrhe, & est si rebelle qu'elle ne cede pas aux remedes doux, & s'irrite par les violens.

La saignée doit estre pratiquée par fois pour diminuer la douleur & chaleur, mais vous deuez tirer peu de sang.

La purgation sera frequente par des remedes doux, faisant insuser trois dragmes de Sené dans vne chopine de decoction de pomes de Reynette pour prendre le matin.

Vous pourrez par fois adjoûter à vne prise demy once de suc de roses passes, ou vne once de Syrop desdites roses.

Le bain d'eau tiede, le lait clair & les eaux de sainte Reyne pour les pauures qui en seront proches, seruiront à corriger l'intemperie chaude des parties, éuitant les viandes salées & espicées.

Les remedes doucement repercussifs feront appliquez au commencement de cette tumeur, comme la chair des limaces que vous aurez fait boüillir: Les grenoüilles vertes feront de mesme esset, si elles sont pilées & appliquées

fur la partie:

Les vers de terre pilez & incorporez dans vn mortier de plomb par vn pilon de plob auec la cresme & l'eau de Morele ou decoction de Plantain & vn peu de Sel de Saturne, sont d'vn grand esset:

Le fromage tout frais a la puissance de repousser par sa partie terrestre & deresoudre par sa serosité, si vous l'appliquez seul sur la partie; il sera d'vn plus grand effet, si vous y messez la poudre desécreuisses de nos ruisseaux brussées, ou la poudre des vers de terre.

Si le Cancer est viceré, vous vous servirez d'vn remede tres-facile à trouver & preparer, par le moyen duquel vn tres-habile Chirurgien a reussi en la guerison de quelques cancers en ma presence. Il se servoit des seuilles de l'herbe appellée Prassum Album, ou Marrube blanc, qu'il faisoit bouillir auec du vin blanc & vn peu de Sel; Il somentoit chaudement, rudement & assez long-temps le cancer viceré auec succès.

Si le Cancer occupe vne partie charnue & qui ne soit enlassée de grandes veines, arteres ou ners, vous ne deuez craindre de le faire extirper de ladite partie, auec les instrumens tranchans apres les remedes generaux, laisfant couler sussissamment le sang & y appliquant en suite le seu, tant pour vuider ce qui est venimeux, que pour dompter la malignité.

S'il y a soupçon d'vne malignité

78 LE CHIRVRGIEN,&C. restante, vous vous seruirez d'égales parties de racine de grande Serpentaire sechée à l'ombre & puluerisée, & d'Arsenic, car ce remede consumera la partie gastée iusqu'à la saine, qui sera dessendue par le blanc d'œus & l'huile rosat.



LE

CHIRVRGIEN DES

DES PAVVRES.

SECOND TRAITE'.

De la guerison des Playes en general.

CHAPITRE PREMIER.



I la playe est vne entameure faite en parties molles du corps auec sang, sans pourriture par causes ex-

ternes, I'vnion doit estre la premiere intention du Chirurgien puisqu'elle est celle de la nature, qu'il doit aider dans cette diuision des parties, par des

moyens raisonnables. Or pour paruenir à cette réunion des parties divisées, ie ne propose point icy ny bandages ny sutures pour r'amener les parties éloignées l'vne de l'autre par la playe, mais seulement des remedes faciles à trouuer & à preparer en faueur des pauvres, pour les aider dans leurs blesseures lors qu'ils sont essoignez de tout secours.

Des Playes simples.

Les playes sont simples ou composées. Les simples sont celles qui n'ont aucune matiere estrange, & qui ne sont accompagnées d'aucuns accidens fascheux qui puissent empescher la réunion.

Vous guerirez les playes simples en r'amenant par l'aide des mains les léures de la playe ensemble, pour y distiller vn des remedes suiuans chaudement, ayant auparauant nettoyé la playe.

L'huile d'Olive dans laquelle vous aurez fait infuser au Soleil ou bouillir les fleurs d'Hypericum ou MilleperDES PAVVRES. TRAIT.II. 41
tuis, vous seruira de Baûme, que
vous rendrez plus effectif si vous y adjoûtez vn certain glu qui vient dans
les vessies qui se trouuent aux. Ormes;
ou à son dessaut vous adjoûterez la
Therebentine. Quand vous aurez distilé quelques gouttes de ce Baûme
dans la playe, vous y appliquerez vn
plumaceau, & sur iceluy vne compresse trempée dans le vin tiede.

Vous pourrez encore vous seruir du Baûme suiuant, dont vous distilerez quelques gouttes sur la playe recente, en tremperez le plumaceau, & mesme en ferez vn liniment sur les parties voi-

fines.

Prenez deux poignées de feüilles & de fleurs de l'herbe appellée Millepertuis, & de Sauge, racines de Valeriane deux onces, mettez le tout dans vn pot de terre & y versez vne suffifante quantité de bon vin blanc vieil, & apres vne infusion faite durant deux iours, vous y messerez quatre onces d'huile vieille auec vne once de froment entier, vous ferez boüillir le tout iusqu'à la consomption du vin en le remuant auec yn baston, & apres l'auoir

D

coulé & pressé, vous yadjoûterezhuit onces de Therebentine & deux onces d'Encens en poudre, & les ferez lentement bouillir iusqu'à ce que l'Encens soit fondu.

Quelques-vns pour la guerison des playes simples se contentent de les lauer de vin blanc dans lequel ils auront fait bouillir les vers de terre; apres quoy ils appliquent les seuilles de Bugle ou de l'herbe appellée Virga Sanguinaria, broyées: D'autres y appliquent heureusement les seuilles de Nicotiane ou Tabac de nos iardins, ou longueur de Tabac qui suit, qui ne guerit pas seulement les playes, mais mesme les viceres inueterez.

Prenez des feuilles recentes de Tabac de nos iardins broyées demy liure, faites-les cuire auec vn quarteron de graisse de Porc à feu lent iusqu'à consistance d'onguent, & le reseruez pour

l'vsage.

Ie ne peux approuuer les potions vulneraires que quelques Chirurgiens de Campagne mettent en vsage, compofées auec les feuilles de Sauge, Sabine, Absynthe & autres chaudes, qu'ils font infuser dans le vin blanc & distiler pour en donner chaque iour vn verre à leurs blessez; pour ce que la qualité de ces remedes peut produire l'intemperie chaude ou l'inflammation, qui causeroit beaucoup de desordre. Il sussira pour nettoyer les playes penetrantes de faire des decoctions de seüilles d'Aigremoine, Pimpinelle, de Sanicle & Scabieuse faites auec l'eau de fontaine, pour en donner quelque verre le matin & soir: Vous pourrez adjoûter à chaque prise cinq ou six gouttes d'esprit de Genéure.

Des accidens qui suruiennent aux Playes, & particulierement de la morsure des Animaux venimeux & enragez.

CHAPITRE II.

Les accidens qui surviennent aux playes les rendent compliquées ou composées, comme sont l'hemorrhagie, l'inflammation, la douleur, la contusion, la convulsion & la siéure.

Tous ces accidens sont préuenus ou gueris par la laignée, qui est le remede vniuersel & le plus puissant de tous, quand il est proportionné au temperament, à l'âge & aux forces. Elle doit estre pratiquée dés le commencement de la playe pour préuenir l'hemorragie, la siéure, la douleur, l'inslammation & les autres symptomes qui luy suruiennent; & lors que tels accidens paroissent, elle doit estre continuée selon les indications.

La purgation est aussi tres-necessaire pour la guerison des playes; mais si la saignée est presque toûjours necessaire dans le commencement & l'accroissement des playes, la purgation ne l'est qu'au declin, lors que le pus est fait, si ce n'est qu'on découure quelque qualité maligne qui menace de conuulsion; car en ce point on doit auancer la purgation pour combattre la malignité de l'humeur.

De l'Hemorragie.

Quand l'Hemorrhagie ou perte de sang survient à la playe, elle ne doit DES PAVVRES. TRAIT. II. 45 estre d'abordarrestée, car souvent elle empesche la fiéure, l'inflammation & la douleur, mais seulement quand elle épuise la chaleur naturelle & les esprits, en ce cas, la saignée doit estre faite en la partie opposée, & sera reiterée selon les forces.

La poudre preparée auec trois parties de bol d'Armenie, deux parties d'Encens, & vne de sang de dragon, est fort en vsage en l'incorporant auec vn blanc d'œuf. Les Chirurgiens de Campagne s'en seruent pour premier appareil en toutes playes, quoy que proprement ellene soit deue qu'à cel-

les où il y a perte de sang.

Si l'hemorrhagie est grande, vous vous seruirez d'vn remede facile à preparer, de l'experience duquel i'ay souuent esté conuaincu, en prenant du vieux torchis bien sec, que mettrez en poudre tres-subtile, en le messant auec le sang qui sort de la playe: Vous en sormerez vn glu, qui estant appliqué sur la partie arrestera infailliblement le sang. Vous vous en pourrez seruir aux hemorrhagies & pertes de sang qui se sait par le nez & autres parties.

D iij

Pendant que la poudre de Sympathie estoit en vsage, les plus credules l'employoient pour la guerison de toutes sortes de playes, en mettant seulement ladite poudre sur le sang ou le pus sortant de la playe: Mais comme cette poudre a perdu le benesice de nouueauté aussi bien que son credit; ie ne voudrois m'en seruir qu'en appliquant le Vitriol calciné qui faisoit toute sa composition, sur la playe, auec vn blanc d'œuf pour arrester l'hemorrhagie.

De l'Inflammation & de la Fièure.

Vous appaiserez la Fiéure & l'Inflammation qui naissent de la blesseure par la frequente saignée, par les Lauemens & le viure humectant & rafraischissant. Vous appliquerez sur la partie malade, les feüilles de Plantain & roses rouges contuses, ou bien vous vous seruirez du Mucilage de semence de Plantain & coins, tiré de l'eau de Plantain. Vous pourrez aussi faire boüillir la farine d'Orge dans le sait auec le Saffran pour l'appliquer sur la partie auec la poudre de roses rouges. Quelques vns ne craignent pas d'appliquer la semence de susquiame pilée, mais ce remede m'est suspect. La siéure est à craindre si elle ne cesse quand l'inflammation est passée.

De la Douleur.

Vous ne deuez épargner la saignée aux playes qui sont accompagnées de douleur, puisque ce puissant remede en ofte la cause aussi bien que la purgation, qui ne doit estre pratiquée que lors que le temps de la fluxion est passé. Mais si ces remedes qui doiuent oster la cause de la douleur, n'en ostent pas l'effect, vous aurez recours aux remedes anodins, qui par vne qualité moderce arrestent sa violence, comme sont le iaune d'œuf, la farine d'orge, ou la miette de pain blanc cuitte auec le lait & vn peu de Saffran : Vous y pourrez aussi appliquer la mouelle de pome cuitte messée auec le lait.

Que si la douleur est si opiniastre qu'estant iointe à vne intemperie chaude, elle cede aux remedes susdits, vous

vous seruirez du Mucilage de la semence de Pauot blanc pilée, qui aura insusé dans le lait tiede apres l'auoir passée. Vous vous seruirez aussi d'vn liniment que ferez sur la partie, preparé auec quatre grains d'Opium & huit grains de Saffran, que messerez auec l'huile Rosat ou de Camomille.

De la Contufion.

Si la Contusion est legere, vous prendrez d'abord vn œuf entier, & apres l'auoir battu auec l'huile Rosat vous l'appliquerez: Vous vous pourrez en suitte seruir d'vn resolutif preparé auec la farine de féves cuitte en oxymel, en y adjoûtant les sleurs de Camomille puluerisées, & l'huile de Camomille. L'esprit de Genéure messé auec vn peu de vin blanc est vn puissant resolutif comme aussi l'huile tirée de nostre Nicotiane ou Tabac, si vous la mettez sur la playe contuse.

Si la contusion est grande, vous aurez recours aux suppuratifs; & si elle occupe vne grande partie du corps en suitte d'vne cheute, vous enuelopperez DES PAVVRES. TRAIT. II. 49 le malade dans vne peau de mouton nouuellement écorché, & luy donnerez à boire vn verre d'oxycrat, ou vn verre d'eau de Scabieuse, auec deux

onces d'Oxymel.

Mais il y a vn specifique remede pour la recente contusion en quelque partie qu'elle soit, en suitte d'vn coup, d'vne cheute, ou autres causes externes, c'est de fornenter la partie contuse chaudement auec l'esprit de vin, & y tremper vne compresse pour l'appliquer en suitte de la fomentation : le ne vois point de plus puissant dissoluant; l'eau de la Reyne d'Hongrie, qui est l'eau de vie rectifiée auec l'infusion des fleurs de Rômarin, est encores plus efficace. Quelques-vns se seruent de l'vrine chaude, auec laquelle ils messent l'esprit tiré de la Nicotiane ou Tabac, pour en lauer la partie contuse.

Aux playes d'arquebuzades qui sont tousours auec contusion, vous vous seruirez d'vn digestif, par le moyen duquel vous preuiendrez la gangrene qui arriue souuent à telles playes: Vous le preparerez auec vne once de Therebentine, deux iaunes d'œuf, & vne

E

GO LE CHIRVRGIEN dragme de myrrhe ou d'encens en poul dre, auec vn peu d'eau de vie.

De la Conuulsion.

La Conuulsion arriue aux playes par repletion, par inanition, ou secheresse, par picqueures de nerfs, ou par vne mauuaile qualité imprimée par la morfure des animaux.

Si elle arriue par repletion, vous la guerirez par les frequentes saignées & purgations: Si par inanition & secheresse, vous ferez fomentation sur la partie malade auec le lait tiede, ou auec l'huile & l'eau tiede, en faisant obseruer vn regime de viure humectant & rafraischissant : Si c'est par picqueure de nerf, l'huile de lys, de vers, ou de millepertuis sera tres-vtile, mais sur tout l'huile de Genéure non rectisié, qui est vn puissant remede tant contre la picqueure des nerfs, que contre la morsure des animaux furieux qui déchirent les parties.

DES PAVVRES. TRAIT. II. 51

De la morsure des Animaux venimeux & enragez.

Il seroit à souhaiter que eeux qui ont esté picquez d'animaux venimeux comme lezars, serpens, viperes, oumordus de loups & chiens enragez, eussent recours sans tarder aux remedes de la Medecine auant que la mauuaise qualité du venin eust donné atteinte aux parties internes, car par ce moyen la Medecine préviendroit ces accidens funestes de rage & d'hydrophobie, qui suivent les morsures des chiens enragez, & qui sont de la nature des incurables quand ils paroissent à nos yeux: En cela le vulgaire est blasmable de ne point vser d'vn secours que Dieu luy presente par la Medecine, qui est tel, qu'on le peut dire infaillible pour la guerison, quand il suit de prés la blessure: Ce que l'experience nous a tellement fait connoistre, qu'entre dix hommes blessez en mesme temps par vn chien enragé, traitez par les remedes suiuans, le seul qui les a refusez pour courir à ceux que le vulgaire esti-

E ij

me sans raison, est tombé quinze iours apres dans la rage, & tous les autres preseruez par ce merueilleux secours.

Incontinent que la blesseure est faite, vous la lauerez auec l'eau marine, c'est à dire d'eau & de sel, & apres auoir fait vne forte ligature au dessus auec vne bande, vous scarisierez la partie auec la lancette, & vous tirerez du sang par la playe autant que vous pourrez iulqu'au troisiéme iour, faisant encore de fortes ligatures aux extrémitez du corps, & en suitte entre la region du cœur & la partie affligée, afin d'empescher la communication de la mauuaise qualité aux parties interieures: L'expression du sang de la playe estant faite par les scarifications, vous appliquerez les ventouses si la partie le permet, sinon le pain chaud coupé par la moitié, trempé dans l'eau de vie ou le vin blanc.

Yous donnerez en suitte vn verre d'eau de Scorsonere à boire à vostre malade, ou d'eau de Scabieuse & de Raine des prez, vous pourrez aulieu d'eau prendre la decoction de ces plantes. Mais comme il faut tenir long-

DES PAVVRES. TRAIT. II. 53
temps la playe ouuerte, il est necessaire de mettre souuent les atractifs: à
cet esset vous pourrez appliquer la
Theriaque sur la partie, ou à son
dessaut l'ail broyé qui est la Theriaque
des paysans: Vous pourrez aussi y appliquer la cendre du Sarment détrempée auec vin blanc, ou les feüilles de
Menthe puluerisées auec le sel. Quelques-vns appliquent vtilement vn poulet ou vn pigeonneau coupé par le milieu de l'épine du dos, & le laissent sur
la partie pendant qu'il est chaud.

Ce qu'il y a à remarquer dans ces especes de morsures d'animaux enragez, c'est que souvent elles ne donnent aucuns signes de malignité & du venin, qui consiste en l'horreur de l'eau, que quarante iours apres la blesseure; c'est pourquoy pour trouver de l'asseurance dans les remedes, ie suis d'auis que durant ledit temps de quarante iours, vous preniez chaque matin la grosseur d'vne noisette de l'Opiate suivante, prenant sur iceluy vn peu d'eau de Scorsonere ou de Sca-

bieuse.


Prenez égales parties de poudre d'é-

54 LE CHIRVRGIEN, & C. creuisses de ruisseau, qui seront sechées au four, racines d'Aristoloche longue & ronde, de Gentiane, de bayes de Genéure & de Laurier, mélez le tout auec sussificante quantité de miel écumé pour faire Opiate.

Au reste vous connoistrez la rage du chien, qui luy arrriue aux temps les plus chauds & les plus froids de l'année, s'il ne connoist son maistre, s'il ne marge, s'il ne boit & s'il n'abbaye point, s'il mord tous les autres chiens dans le rencontre, si ses yeux sont rouges & horribles, s'il écume, & remuë

la queuë entre ses iambes.

Mais pour ce qui regarde la picqueure des animaux venimeux, comme lezars, serpens, aspics & autres, vous la distinguerez de la playe des animaux qui ne le sont pas par le changement de couleur, la douleur & l'ardeur, l'engourdissement de tout le corps, & la lenteur & foiblesse de l'esprit & du corps qui sont les marques du venin, qui porte ses atteintes iusqu'aux parties nobles.



LE CHIRVRGIEN DES PAVVRES. TROISIE'ME TRAITE'.

Des Vloeres en general, & des Vloeres fimples.

CHAPITRE PREMIER.



I la playe est vne solution de continuité recente auec sang par causes externes: L'vlcere est aussi vne solu-

tion de continuité, mais auec sanie & pourriture par cause interne, qui est vn humeur acre qui le produit.

E iiij

L'vlcere est simple ou composé, le simple est coluy qui n'est accompagné d'aucun accident, & comme tel, il est guery assez facilement, pour ce qu'il n'a besoin que de desiccation, par le moyen de laquelle la réunion se fait, pour ueu que l'vlcere ne soit pas de sigure ronde, qu'il ne soit entretenu de la mauuaise qualité de tout le corps ny de l'influence d'vn humeur vitié, de durillons à la peau, ny de varices qui le somentent: Car en ce cas vous entreprendriez inutilement la guerison de l'vlcere, n vous n'essoignez ce qui la peut empescher.

Pour paruenir à la guerison de quelque vicere que ce soit, il n'y a point de plus present remede que d'empescher l'écoulement de l'humeur sur la partie affligée, puisque nous sommes obligez de reconnoistre qu'il y a toûjours vne cause interne, c'est à dire vn humeur contre nature qui donne naissance à l'vicere & qui l'entretient: Ce qui se fait par le benefice de la saignée, particulierement quand il y a plenitude, mais sur tout par la purgation, laquelle est si necessaire pour espuiser

DES PAVVRES. TRAIT.III. 57
l'humeur dans sa source & empescher
l'écoulement sur la partie, qu'on a veu
beaucoup d'vlceres gueris par ce seul
moyen: Vous la rendrez par cette raison tres-frequente, & vous tirerez
sa sorme & sa dose du Traité des purgatifs du Medecin des pauures, la proportionnant à l'âge, au temperament,
aux sorces & à l'humeur dominant:
Vous assisterez ces deux grads remedes
d'vn regime de viure dessechant pour
satisfaire à l'indication de l'vscere.

Vous guerirez les vlceres simples par l'onguent ou l'emplastre suiuant.

Prenez feüilles de Nicotiane, Betoine, Bugle & Sanicle, de chacune vne poignée, que ferez boüillir dans six onces d'huile iusqu'à consomption de l'humidité; vous y adjoûterez en suitte vne once de resine, deux dragmes de poudre d'Iris & demy once de Cire pour faire Onguent.

Prenez vn quarteron de Therebentine & cinq iaunes d'œufs, remüez-les ensemble & en suitte vous y messerez du miel pour faire boüillir le tout sur vn feu de charbons, en remüant iufqu'à ce que l'emplastre devienne noir.

Quand vous aurez vsé de ces remedes, vous vous seruirez des froids & astringens suiuans, dont vous serez poudre qui sera mise sur la charpie & appliquée sur l'vlcere. La cendre de drappeau brûlé est bonne à cet effet, la croye blanche, l'éponge brûlée, la chaux bien lauée, l'antimoine calciné, le plomb & le bois de cerf brûlé. Mais pour empeschet l'inégalité de la cicatrice, vous ferez un liniment d'une once de Ceruse, quatre onces d'huile Rosat, une demy once de suc de Lierre terrestre, un peu de Cire & une dragme de croye puluerisée.

Des Vlceres composez, & particulierement de la Gangrene.

CHAPITRE II.

Les viceres composez tirent leurs differences de leurs causes, ou de leurs accidens. Les viceres à raison de leurs causes sont sordides & pourris, virulens & corrosifs, prosonds ou sinueux, & sistuleux; car pour le chancre DES PAVVRES. TRAIT. III. 59 vlceré nous en auons traité en vn Cha-

pitre des tumeurs.

De ces differences de causes, il est facile de iuger que vous ne pouuez mieux entreprendre la guerison de tels viceres, qu'en ostant la cause antecedente par la saignée & sur tout aux longs viceres, par la frequente purgation qui sera reglée par l'humeur dominant: Si l'vicere est corrosse, vous purgerez la bile; s'il est sordide, vous nettoyerez le corps du phlegme qui l'entretient par des remedes, dont vous tirerez la forme & la dose du traité des purgatifs du Medecin des pau-ures.

De l'Vlcere sordide & pourry.

Sil'veere est sordide & pourry, c'est à dire, si par la malice de sa cause il laisse vne chair molle, visqueuse, croûteuse & puante, par laquelle il pourrit le membre, vous vous servirez du remede suivant.

Prenez deux onces d'Aristoloche longue que vous couperez par rouelles, apres l'auoir ratissée, lauez-la, puis

la faites boüillir auec vne pinte de bon vin blanc iusqu'à la consomption d'vn tiers, adjoûtant sur la fin vn quarteron de sucre ou de miel que vous ferez écumer. Vous garderez cette eau apres l'auoir coulée dans vne phiole, & vous vous en seruirez en somentant l'vleere & y trempant les plumaceaux pour le couurir.

Cette eau a beaucoup de qualitez pour la guerison des viceres sordides, mais la suiuante a plus de sorce, puisqu'elle est tres-propre pour la gueri-

son de la gangrene,

Prenez quatre onces de chaux viue, que ferez esteindre dans vne pinte d'eau de riuiere ou de fontaine, vous y dissoudrez, apres qu'elle sera claire, deux dragmes de Sublimé en poudre auec deux onces d'eau de vie, vous la garderez dans vne phiole pour l'vsage.

Cette eau est si auantageuse pour la guerison des viceres qui consiste toute en la desiccation, que vous en trouuerez peu qui ne cedent à sa qualité, vous la rendrez plus ou moins forte, augmentant la quantité de l'eau ou diminüant celle du Sublimé: Vous obser-

DES PAVVRES. TRAIT. III. 61 uerez que lorsque vous voudrez la rendre plus effectiue pour les gangrenes ou viceres inueterez, vous remüerez & agiterez la phiole.

Vous pourrez faire l'eau suivante auec plus de facilité, qui ne sera pas de

moindre vertu.

Prenez vne pinte de la seconde eau de chaux, messez-y vne dragme de Sublimé en poudre, & gardez cette eau dans vne bouteille de terre pour l'vsage, la rendant moins forte en augmentant da quantité de l'eau selon vostre intention.

Mais comme i'écris pour les pauures malades de la Campagne, ie veux proposer des remedes faciles à preparer & sans coust, afin que quelque Chirurgien ou autre personne charitable les ait toûjours presens pour en faire largesse, sans s'incommoder, aux pauures, qui sont presque toûjours accompagnez d'vlceres.

Prenez vn petit baril de bois, que remplirez au tiers de chaux viue, ver-fez dans iceluy enuiron trente pintes d'eau de riuiere ou de fontaine pour le remplir, & laissez-le pour l'vsage.

Prenez outre ce vne once de Sublimé corrosse en poudre, mettez le dans vn pot de terre d'vne pinte enuiron, que remplirez d'eau de fontaine ou de riuiere; prenez vn demy septier de l'eau de chaux sus sus lequel vous mettrez seulement vne cueillerée de cette eau sublimée, vous vous seruirez de cette eau pour en lauer les vlceres, & ytremper les plumaceaux que vous appliquerez, & mesmes y pourrez tremper les compresses pour guerir les instammations & les insections de la peau qui accompagnent ordinairement les vlceres.

Ie peux dire que rendant cette eau plus ou moins forte, elle est vn remede presque vniuersel pour la guerison des vlceres, tant simples que composez, & i'asseureray auec verité, que de tres-habiles Chirurgiens, fondez sur l'experience & la raison, m'ont auoüé qu'il n'ya point d'onguents ny d'emplastres dont la vertu approche de celle-cy pour la guerison des vlceres, puisque les vns & les autres souuent par leur qualité onctueuse en empeschent la desiccation.

DES PAVVRES. TRAIT. III. 63

De l'Vlcere virulent & corrosif.

Si l'vlcere est virulent & corross, c'est à dire, si par la malice & acrimomonie de l'humeur qui le produit, il ronge la partie & augmente sa capacité, il faut temperer cette qualité par le regime de viure rafraischissant & les remedes vniuersels, comme la saignée & les purgatifs qui éuacuent la bile aduste.

Vous fomenterez l'vlcere par la decoction que ferez auec racines de Souchet, feüilles de Plantain, fruit de Berberis ou Epinette-Vinette, & Noix de Cyprés, que ferez dans le lait clair.

Vous pourrez aussi vous seruir à mesme esset de l'eau Alumineuse suiuante.

Prenez suc de Plantain, Pourpier & Alun de roche de chacun demy liure, douze blancs d'œufs que vous agiterez auec vn baston & messerez le tout pour le distiler.

Si les pauures sont proches des eaux minerales qui sont nitreuses, comme sont celles de sainte Reyne, ils en vseront en boisson & en laueront leurs

vlceres: Que s'ils en sont essemez, ils auront recours à l'vsage des eaux minerales artificielles qui ont esté décrites au premier Liure du Medecin des pauures, & particulierement à celles qui sont composées de Vitriol; car si vous lauez les vsceres virulens des fondrilles desdites eaux artificielles, vous en tirerez vn grand esse.

Quelques-vns appliquent auec succés sur l'vlcere la plaque de plomb en-

duite de vif argent.

D'autres trempent les compresses dans l'eau de pluye ou de fontaine, apres qu'ils auront dissous dans vne liure de ladite eau vne once de la pier-resuitante.

Prenez vn quarteron de Vitriol blanc, vne dragme & demie d'Alun, vne once du bol d'Armenie, puluerisez le tout subtilement, & faites-le bouillir à feu lent dans vn pot de terre iusqu'à ce que l'eau soit consommée & le tout s'endurcisse en pierre.

De l'Vlcere profond & sinueux.

Les Vlceres profonds & sinueux;

DES PAVVRES. TRAIT. III. 65 sont ceux qui ont l'orifice estroit, & vne profondité large, sans dureté ny callosité, & ordinairement sont tels, ou par le desfaut de situation, le pus ne pouuant s'éuacuer, ou par le sejour de la matiere dans vne partie charnuë, ou par la nitrosité de la mesme matiere qui seglisse ordinairement dans les parties molles. Tels viceres font fouuent gueris en changeant de situation la partie malade, par laquelle l'orifice de l'vlcere soit plus bas que le fond si faire se peut, en mettant vn peu d'éponge à l'orifice pour le dilater & eslargir, faisant apres les remedes generaux, des injections dans la partie de decoctions preparées auec feuilles d'Absynthe & de petite Centaurée dans la premiere ou seconde eau de chaux.

Que si la matiere qui sort de tel vlcere est sordide, sans qu'il y ait aucune intemperie chaude, vous pourrez vous seruir en injection de l'eau sublimée décrite aux vlceres sordides: Mais si vous ne pouuez vaincre ces sinuositez par les moyens susdits, apres les auoir bien découuerts par la sonde, vous aurez recours à l'incision qui sera faite 66 LE CHIRVEGIEN autant que la condition de la partie le pourra permettre.

Des Vlceres fistuleux.

L'Vlcere fistuleux a vne cause plus malicieuse que celuy que nous auons appellé finüeux & profond ; caril dépend d'vne matiere phlegmatique, qui fait, estant dessechée, la dureté & la callosité qui le rend rebelle & resistant aux remedes. Si tel vlcere est proche des jointures, ausquelles aboutissent les tendons, nerfs & cartilages, vous vous seruirez d'huile de Genéure, qui ne cede à l'huile de Guajac, puis qu'elle porte à la partie vn Baûme fortifiant pour digerer tout ce qui fait tant de resistance. Vous pourrez encores à melme intention vous seruir de l'esprit de Nicotiane ou de Tabac, qui agit si puissamment par son sel volatil, qu'il dissout tout ce qui est le plus opiniatre dans le fond de la fistule.

Que si la fistule est en lieu où vous ayez la liberté d'appliquer les remedes qui mangent la chair viue, seruezvous de la poudre faite de parties égaDES PAVVRES. TRAIT. III. 67 les d'Arsenic, & de racines de grande Serpentaire coupée par morceaux & sechée, mettez l'vne & l'autre poudre dans vne phiole, que vous exposerez au Soleil, & en mettrez sur la partie iusqu'à ce que l'escarre tombe, deffendant les parties voisines par quelque cerat, ou le blanc d'œuf messé auec l'huile rosat: Vous acheuerez la guerison par des remedes qui reparent les chairs.

Des accidens des Vlceres.

La seconde disference des Viceres est prise des accidens qui les accompagnent, comme sont l'intemperie chaude, la douleur, tumeur ou contusion, la guerison desquels vous repeterez du traité des tumeurs; où les viceres sont auec varices, chair molle & superfluë, dureté de léures, carie d'os, & qualité occulte, qui rend l'vicere tel, qu'il ressiste à tous les remedes qui sont employez à la guerison des viceres ordinaires.

Si les Varices, qui sont des dilatations de veines par vn sang mélancolique

Fij

abbreuuent l'vlcere, vous ferez vne foi mentation sur lesdites varices auec de gros vin, dans lequel auront bouilly les racines de Consonde, feuilles d'Abfynthe, & fleurs de Roses rouges, y failant tremper vne esponge ou compresse que vous appliquerez sur la par-tie: Vous n'oublierez les saignées ny les purgations, apres lesquelles vous ferez vn bandage conuenable pour talchet d'éuiter l'operation.

S'il y a vne chair molle & superflue, il la faut consumer par remedes conuenables, employant à cet effet la poudre d'Alun, puis de Vitriol brûlé, qui sera appliquée sur la partie; si ellene cede à ces remedes; vous pourrezvenir à l'incisson, si la condition de la partie la permet, & apres icelle vous tremperez les plumaceaux dans l'eau sublimée cy-dessus décrite, ou bien vous vous seruirez de la poudre d'Arsenic & de racines de Serpentaire, comme il a esté dit.

S'il y a dureté aux léures de l'vlcere qui empesche la reunion, il sera necessaire d'employer la lancette pour les scarifications, & en tirer du sang; apres

DES PAVVRES. TRAIT. III. 69 quoy vous ne trouuerez de plus puissant remede contre cette dureté, que le sel de Nicotiane, la lie de vin brûlée, & l'huile de Sousse.

Que si l'os est découuert par l'vlcere, & que par ce moyen la reünion des parties soit empeschée, qui ne se peut faire sur vn mauuais sondement, comme est l'os alteré, il faut appliquer vne poudre faire auec racines d'Aristoloche ronde, & de seüilles de l'herbe appellée Queuë de pourceau: Ou si l'os est si prosond qu'on n'y puisse porter ladite poudre, vous ferez vne decoction auec la racine d'Aron, de Gentiane & Aristoloche ronde dans le vin blanc, pour faire injection. Mais si la carie est presente, il sera necessaire de ruginer l'os carié, & y appliquer le seu.

Outre tous ces obstacles qui empeschent la guerison des viceres, il y en a encores vn qui est tres-difficile à découurir, qu'on peut appeller vne qualité occulte, puis qu'il n'y en a point qui puisse manifestement empescher la guerison de tel vicere, qui se renouuelle lors que le Chirurgien le croit

guery.

Pour paruenir à la guerison de tels viceres, vous deuez recourir aux remedes generaux, comme la saignée, la frequente purgation & le regime de viure conuenable: Mais i'ay souuent obserué que cette qualité occulte qui somente l'vicere, n'est combattuë que par les remedes sudorissiques que vous preparerez auec le bois de Genéure ou autres, que vous tirerez du Chapitre des sudorissiques du Medecin des Pauures.

Vous fomenterez l'vlcere auec le vin, dans lequel vous aurez fait boüillir le bois de Guajacauec l'Alun: Vous pourrez employer aussi à cet effet l'huile de Guajac, ou plûtost l'huile de Genéure, qui par vne qualité balsamique domte celle qui s'oppose à la guerison de l'vlcere.

De la Gangrene.

Puisque les tumeurs, les playes, viceres, & particulierement les inflammations sont suivies de gangrene, qui est plûtost vn accident qu'vne maladie, nous auons raison d'en traiter à la sin DES PAVVRES. TRAIT. III. 71 desdites maladies, & d'autant plus qu'elle arriue plus souuent aux pauures pour estre negligez, & peu assistez des remedes conuenables.

La Gangrene doit estre considerée ou dans son progrés ou dans sa consommation: Dans son progrés elle est vn acheminement à la mortification; dans sa consommation, c'est vne mortification acheuée qu'on appelle sphacelle.

Vous connoistrez la Gangrene par la cessation soudaine de la douleur, la couleur de la partie liuide & noire, vne odeur puante & cadauereuse, vn sentiment obscur, puis vne insensibilité entiere, vne mollesse à la partie apres la dureté & tension qui y estoit. Lesquels signes marquent la gangrene, qui dans sa naissance reçoit guerison par les remedes conuenables, mais non quand elle est consommée.

Vous deuez d'abord scarifier la partie gangrenée, puis la lauer d'eau marine, & en suite tremper les plumaceaux dans l'eau sublimée décrite au Traité des viceres sordides, auec cette observation d'augmenter la dose du su72 LE CHIRVEGIEN blimé corrosse, selon la nature de la gangrene.

Si la gangrene ne cede à ce remede, vous aurez recours au suiuant, dont

vous aurez vn effet sensible.

Prenez cinq liures d'eau de pluye ou de riuiere que vous verserez sur vne liure de chaux viue dans vn bassin d'estain; & le boüillon de l'eau cessant, vous y mettrez deux dragmes de bon mastic, & demy once d'Arsenic en poudre; & apres auoir remué le tout auec spatule de bois, versé vne partie par inclination, & filtré le reste dans vne terrine de grais; vous yadjoûterez demy once de Mercure sublimé corrosif en poudre, vne once & demie d'esprit de vin, & demy dragme d'esprit de Vitriol. Vous reserverez le tout dans des bouteilles pour l'vsage, agitant ladite bouteille quand vous voudrez vous en seruir.

Des infections de la peau.

La mauuaise nourriture des pauures iointe aux incommoditez qu'ils souffrent par le desfaut des vestemens, les rend DES PAVVRES. TRAIT. III. 73 rend sujets à beaucoup de maladies de la peau, qui est l'emonctoire general du corps, entre lesquelles sont les démangeaisons & gratelles, galles, petits vlceres, la brûlure & la teigne.

Il ne faut oublier pour la guerison detoutes ces insections la saignée, pour corriger l'intemperie des parties, ny la purgation pour éuacuer l'humeur

nuisible qui se porte à la peau.

Pour la guerison des démangeaisons & gratelles, quelques-vns se servent auec succés du Souffre puluerisé messé auec vn peu de beurre frais pour en oindre les parties es fligées.

Si la demangeaison est seulement aux mains, comme il arriue souuent, vous les lauerez auec le lait clair, dans lequel vous aurez fait boüillir les seuilles

& semence de Iusquiame.

Pour tous les vlceres superficiels & gratelles, vous ne trouverez point de meilleur remede que le suivant, dont vous vous servirez au lieu du Tabac insulé dans le vin blanc pour en lauer les insections de la peau, puisque celuy-cy m'est suspect à cause des con-uulsions qu'il excite souvent, parti-

G

74 LE CHIRVEGIEN culierement aux enfans.

Prenez vne liure de la seconde eau de chaux, dans laquelle vous dissoudrez vne dragme de sel armoniac dans vne grande bassine, où vous le laisserez durant quinze heures, puis le siltrerez & en somenterez doucement les viceres.

Il sera bon de pratiquer le bain d'eau tiede, pour guerir la demangeaison & la gratelle.

De la Gale.

La Gale se fait d'vne matiere grossiere, comme la gratelle par vne serosité
subtile & acre. On la guerit par les remedes generaux, comme la saignée, &
particulierement la purgation, qui doit
estre faite aux enfans par six ou sept
grains de Mercure dulcissé auec vn peu
de moüelle de pome cuitte, apres les
auoir purgé par l'infusion de Sené & le
Syrop de roses passes: Les adultes seront purgez par quinze grains dudit
Mercure dulcissé, dont la preparation
a esté donnée au Chapitre des remedes
chymiques du Medecin des pauures,

DES PAVVRES. TRAIT. III. 75

Quand vous aurez satisfait à cette premiere intention, qui est la principale, vous vserez d'vn regime de viure dessechant, & pilerez la racine d'Eaune ou Enula Campana, dont vous tirerez le suc que messerez auec beurre frais ou graisse de Porc pour en faire liniment: Ou vous prendrez le mesme suc que vous incorporerez auec vn peu d'huile d'oliue & de cire.

Mais si la gale est si rebelle qu'elle ne cede au regime de viure, ny aux bains apres les remedes generaux, vous vous seruirez de l'onguent preparé auec Sublimé décrit au Traité des

Dartres.

De la Brûlure.

Il y atrois sortes de remedes en vsage pour guerir la brûlure; les vns empeschent l'inflammation, les autres appaisent la douleur, & les troisiémes dessechent.

Les remedes qui esteignent l'inflammation doiuent estre mis d'abord, comme le blanc d'œuf, ou le lard coupé en autant de tranches qu'il est ne-

G ij

76 LE CHIRVRGIEN
cessaire pour couurir les parties brûz
lées: Le suc de Pourpier ou de loubarde, l'onguent vert preparé auec
le suc de la moyenne écorce de Sureau
qui est incorporé auec la cresme de lait:
Quelques-vns pour attirer le seu des
parties brûlées, appliquent l'oignon
commun pilé auec le sel.

Vous ofterez la douleur si vous vous seruez du lard fondu laué en eau commune ou eau rose, y adjoutant quelques iaunes d'œufs. Vous appliquerez à cet effet les seuilles de Pauot blanc

bouillies en eau ou lait.

Quand l'inflammation sera passée, vous dessecherez l'vlcere auec la chaux viue esteinte & lauée plusieurs fois, messée auec le beurre frais ou huile de

Millepertuis.

L'eau alumineuse preparée auec blancs d'œufs, distilez auec suc de Plantain & Alun, est vn excellent remede non seulement pour la brûlure, mais pour dessecher & guerir toutes sortes d'vlceres & insections à la peau. Quelques-vns pour vne plus grande facilité se seruent de blancs d'œufs qu'ils agitent auec vne pierre d'Alun

DES PAVVRES. TRAIT. III. 77 dans vne écuelle, iusqu'à la consistence de pommade.

De la Teigne.

La teigne si familiere aux pauures, & particulierement aux enfans, est guerie par trois moyens qui seront employez apres les remedes generaux, comme le regime de viure dessechant, la saignée & sur tout la purgation, qui sera preparée pour les enfans auec vne decoction de feüilles de Betoine, en faisant insuser vne dragme de Sené, y délayant deux cueillerées d'insusion de roses passes.

Le premier moyen est par fomentation lorsque la teigne est recente, fomentant chaudement la teste auec l'vrine, apres auoir coupé bien prés les

cheueux.

Le vinaigre fort dans lequel on aura fait bouillir les feuilles de Saule est de plus grand esset, ou bien vous serez brûler du carton ou du papier à la chandelle, & messerez ce qui en reste auec de bon vinaigre pour somenter frequemment la teste.

A ij

Les pauures quiseront proches des eaux minerales de sainte Reyne en boiront, & trempant fort souuent vn linge rude dans les dites eaux, s'en frotteront long-temps la teste & en sentiront vn effet merueilleux, les dites eaux trans-

portées ont le mesme effet.

Le fecond moyen est par l'emplastre suiuant, dont l'effet est connu par l'experience de nos pauures, qui est plus seur que les remedes qui reçoiuent le vif argent, le verd de gris, ou l'orpin, qui souuent causent la mort ou laissent la stupidité qui dure autant que la vie.

Prenez demy liure de farine de Froment, & pareille quantité de farine de Segle, faites boüillir & détremper auec trois chopines de fort vinaigre & vne poignée de fel, & lorsque la boüillie sera cuitte & encore chaude, vous prendrez vne liure de poix noire, pareille quantité de resine que ferez fondre chacune à part, & estans fonduës, vous les messerez auec la boüillie pendant qu'esse fera chaude, pour faire emplastre qu'estendrez sur la toile forte que vous appliquerez sur la partie

malade, apres l'auoir rasée & lauée d'vrine chaude; vous enseuerez la teigne en tirant l'emplastre que vous renounellerez selon la necessité.

Quand la teigne est rebelle, vous vous seruirez du troisiéme moyen qui consiste à couper les cheueux fort prés, frotter rudement la teste auec vn gros linge, & oindre toute la partie affligée auec du miel, & sur iceluy mettre de la poix grossierement puluerisée, puis mettre vne calotte de leuain sur la teste & la couurir de quelque linge : Vous laisserez fomenter ce remede deux ou trois iours plus ou moins selon la qualité de la teigne, apres quoy vous enleuerez cette paste & auec icelle les croustes de la teigne. Vous pourrez reiterer ce remede s'il reste quelques croustes apres les auoir lauées d'vrine chande.

le ne veux point finir ce Traité que ie ne vous donne vn remede general pour toutes les infections de la peau, dont vous aurez vn effet sensible.

Prenez quatre onces de Ceruseauce fix dragmes de Sublimé en poudre, messez auec vne liure de beurre & en

faites liniment pour toutes les parties affligées: On vous dissoudrez vne dragme de Sublimé corrossfauec vne pinte de la seconde eau de chaux pour en fomenter les viceres, les croustes & toutes les insections de peau.

De la Pierre infernale.

Il est assez difficile de donner le nom à vne pierre que l'Art a inuentée depuis quelque temps, qui n'est pas encore connuë aux Chirurgiens de Campagne où elle peut estre de tres-grande vtilité pour le soulagement des pauures : Les vns l'ont appellée infernale, à cause de sa grande actiuité; Les autres l'ont appellée celeste, à raison de l'excellen-ce de ses qualitez; mais comme ce nom peut estre commun à d'autres pierres, i'aime mieux entrer dans le sentiment d'yn Medecin de nostre temps, qui auec iustice l'a nommée pierre Chirurgicale; car il semble qu'elle soit toute pour la Chirurgie, puisqu'elle accomplit toutes ses indications, & qu'elle satisfait presqu'à toutes les intentions que se peut proDES PAVVRES. TRAIT. III. 81 poser vn Chirurgien dans ses operations.

Si vous l'examinez bien, elle diuise les parties qui sont vnies, & par accident elle vnit celles qui sont diuisées, elle consume ce qui est superflu, & par ce moyen, elle oste tout ce qui est estranger ausdites parties: Ce que vous trouuerez veritable par les observations suiuantes sondées sur nos experiences, & celles de quelques experts Chirurgiens qui nous les ont communiquées.

niquées.

Il est donc asseuré que par le ministere de cette pierre en touchant les chairs baueuses & sordides des viceres, vous les guerissez; & si la gangrene n'est pas prosonde, vous separez si bien le mort du vis, & les chairs mortissées de celles qui sont saines, que vous serez obligé d'auouer que le secours que vous tirez de l'actiuité de cette pierre est plus seur & plus prompt que celuy que vous pouuez esperer des remedes ordinaires.

L'experience nous a aussi fait connoistre que les escroüelles vicerées, & les chancres verolez touchez de cette

pierre ont estégueris, lorsque son operation a esté aidée par les remedes generaux: Siles bords calleux d'un vieil vlcere empeschent la réunion, vous les separerez plus heureusement en les touchant de cette pierre, que par la lancette qui fait les scarifications; car par ce moyen vous auancerez la cicatrice de tel vlcere, qui ne se feroit point, si vous n'ostiez cet empeschement.

S'il y a des tumeurs ou des excrescences qui ayent le pied gressé, qui selon l'Art doiuent estre amputées, vous le ferez facilement par cette pierre, en touchant la partie la plus mince qui

doit estre separée.

Ce qui vous estonnera dauantage, c'est si ie vous dis qu'introduisant cette pierre au fond des viceres sistuleux, la callosité a esté consumée, & que telle carie d'os qui auoit resisté aux boutons de seu, a cedé à la puissance de ceremede apres auoir esté appliqué quelque temps sur ladite carie.

Mais toutes ces observations seroient inutiles, si ie ne donnois aux Chirurgiens de la Campagne le moyen de pre-

parer cette pierre, qu'ils pourront employer au seruice des pauures malades gratuitement sans s'incommoder, puisqu'vne telle pierre artificielle qui ne coustera que quinze sols, seruira durant vn an aux pauures malades de toute vne Prouince.

Prenez deux onces d'argent de coupele reduit en limailles, faites les dis-Toudre dans vn matras auec le double d'eau forte, versez la dissolution dans vne cucurbite conuerte de son alambic, ou autre vaisseau conuenable que vous mettrez en feu de sable. & en retirez enuiron la moitié de l'humidité de l'eau forte, laissez en suitte refroidir le vaisseau durant quelques heures, vous trouuerez la matiere restante au fond de la cucurbite en forme de sel, lequel vous mettrez dans vn creuset d'Allemagne vn peu grand, qui sera mis sur vn petit feu iusqu'à ce que les grandes ébullitions soient passées, & que la matiere s'abbaisse au fond, & enuiron ce temps-là vous augmenterez vn peu le feu, & la matiere paroistra comme de l'huile au fond du creuset, laquelle sera versée dans yn vaisseau bien net, &

84 LE CHIRVEGIEN, &c. vous la trouuerez dure comme de la pierre: Si vous voulez vous la retirerez auant qu'elle ait cette grande dureté pour la couper par morceaux auec vn cousteau, & luy donner vne figure longue en pointe pour l'vsage, la reservant dans vne boëte, & ne la maniant qu'a-

uec vn peu de papier.



L'AVTHEVR aux pauures qui sont malades.

CI ie vous regarde (chers Pauures) Dpar les yeux du corps & par les inclinations de la nature, ie n'aurois pas peut-estre employé ma plume pour vous prescrire des remedes dans vos infirmitez; car les vieux haillons qui vous rendent méprisables, les apostemes & les viceres qui vous font horribles, & les odeurs puantes qui infectent ceux qui approchent de vous, ne peuuent rien exiger de nos sens pour vostre soulagement. Si ie vous considere par la raifon qui est la loy commune que Dieu communique à tout le monde, elle me persuadera de prendre part à vos disgraces, & de vous donner au moins des marques de tendresse & de compassion dans vos infirmitez. Mais si ie vous enuisage par la Reli-

gion Chrestienne, & que me dégageant des fausses images des sens qui meseduisent, ie penetre au trauers des nua. ges qui vous couurent, dans le secret de vostre origine, de vostre puissance reserrée sous les apparences de vostre foiblesse, & des riches thresors que vostre pauureté nous cache, ie ne dois auoir que du respect pour vous, & auouer que ce trauail que ie vous offre est bien au dessous de ce que ie deurois entreprendre pour vous aider & soulager dans vos mileres.

ces yeux inuisibles que la Religion donne aux Chrestiens, vous deuez

negyriste comme le premier de tous les pauures, il a fait continuellement vos

En effet, quand ie vous regarde par

estre estimez les delices du Ciel, plûtost que les rebuts de la terre, plûtost les fauoris d'vn Dieu que les objets de l'horreur des hommes : Car vous tirez (finous vous examinons bien) vostre origine d'vn Dieu-Homme qui a estably le throsne de la pauureté sur la Créche; qui l'a épousée pour vous en faire part, & condamnant les riches que le Tertull. siecle estime, il a esté vostre premier pa-

Christus. dinites Semper pradammats pauperes emper. suftificat.

DES PAVVRES. TRAIT. III. 87 eloges, vous a canonité viuant sur la terre, & publié heureux de sa propre bouche, pour ne point laisser de doute à ceux qui ne iugent de vous que par le rapport des sens & de la nature: Ainsi la pauureté qui auant ce temps estoit si hideuse & si difforme, a esté le seul patrimoine d'vn Homme-Dieu. & le seul bien qu'il a possedé sur la terre; elle a esté dessiée par sa Sagesse eternelle & couverte de sa sacrée Personne, & depuis ce temps là elle est deuenue si belle en la vostre, que si nous en connoissions les auantages, il n'y auroit point de Chrestien quine la demandast en partage, & qui n'en fist l'objet de son bonheur & de sa felicité.

Mais, chers Pauures, ie ne vous confidere pas icy seulement couverts de ce manteau sacré de la pauureté de nostre Maistre, mais encore chargez de maladies & de douleurs qui sont les enseignes de vos miseres & de vos infortunes, qui vous rendent les images de ses sousfrances, comme vostre pauureté sans secours est la copie de sa vie inconnuë & méprisée, & ainsi ie vous peux asseurer qu'il vous a enfantez dans

les tranchées de sa Croix, qu'il vous a cachez dans la playe de son costé ouuert sur le Caluaire, & qu'il vous a écrits comme les vrays predestinez auec son Sang dans le Liure de vie, à raison de cette auantageuse societé de peines & cette necessivé de souffrir que vous auez auec luy dans la condition de Pauures où sa grace vous a appellez.

Voyez donc, chers Pauures, puisque vostre origine est si sainte, vostre genealogie si diuine, & que vos auantages sont si grands, si ce n'est pas auec iustice que ie vous ay voué ma plume & mes soins pour vous assister aussi bien dans vostre pauureté que dans vos maladies: La profession de Medecin, à laquelle Dieu m'a appellé, m'oblige si particulierement à ce ministere enuers vous, que ie vous dois considerer comme ceux que Dieu a mis dans ce grand Hospital du monde, non seulement pour auoir ma compassion, & estre regardez en passant comme des puits deserts qui sont toûjours laissez au mesme estat qu'on les rencontre; mais pour receuoir de moy des lenitifs à vos douleurs, & des remedes à vos miseres.

DES PAVVRES. TRAIT. III. 89 miseres. Si chaque Medecin auoit l'esprit animé de charité, il vous diroit auec la mesme tendresse que S. Paul aux Corinthiens, Vous estes vne lettre noftra écrite qui doit estre connuë & leuë vos estis de tous les hommes, écrite non auec cordibies l'ancre, mais auec l'esprit de Dieu. Dans cet esprit vous seriez toûjours prese- rur ac les rez aux riches, malgré les fentimens girur ab que le monde inspire à ses partisans, homini-& on s'oublieroit plûtost de soy-mesme bus. que de vous. Dans cet esprit vous se- cap. 3, riez considerez comme les titres en vertu desquels on aspire au Royaume celeste, & comme en vostre personne on reconnoist vn Dieu non triomphant dans le Ciel, mais pauure & abandonné sur la terre, vous seriez par cette reflexion regardez comme les instrumens de nostre salut, & comme les sujets de nostre ioye, de nos Couronnes, de nostre gloire & de nostre felicité.

Scripta in nostris que sciomnibus

AVIS AVX PAVVRES.

EN finissant le Traité du Medecin & Chirurgien des pauures, dans lequel ie n'emprunte des Païs estrangers que le Sené, puisque ie trouuenos remedes necessaires dans nostre climat, I'ay crû estre obligé de donner vn auis aux pauures, qu'il se vend à Paris chez les Droguistes, ou autres qui debitent le Sené, vn certain grabeau de Sené qui ne couste que quinze sols la liure, qui est proprement la partie du Sené la plus mince qui se trouue au fond du balot, & qui pour cette raison n'est pas moins vtile que le Sené dont la liure couste quatre francs. Les pauures en vseront à ce prix sans scrupule, & en tireront mesme effet que du Sené. Adien.











